





267

2. 7. 341





NIX
HAROLD

Pomum (P. Aucensis)

W. B. H. H.





BEATI
THVRIBI ALPHONSI
MOGROVEII

Archiepiscopi Limensis.

VITA EXEMPLARIS,

P E R

FR. FRANCISCVM HAROLDVM

Ord. Minor. Hibernum Limericensem

Conscripta.

*Hæc succinta licet, breuibusque reposita docebunt,
Qui vitam formes, instituasque tuam.*



R O M A E.

Typis Iacobi Dragondelli.

M. DC. LXX.

SVPERIORVM PERMISSV.

BEATI
THVRIBI ALPHONSII

MOGROVE II

Archiducis Limburg.
VITAE EXEMPLARIS

FRANCISCVS HAROLDVS
Dux Saxoniae et Brandenburgiae

FRANCISCVS HAROLDVS
Dux Saxoniae et Brandenburgiae



FRANCISCVS HAROLDVS
Dux Saxoniae et Brandenburgiae

Eminentissimo, & Reuerendissimo Principi.

F L A V I O

S. R. E.

CARD. CHISIO



I H I L tardum quod
tempestiuum, (CAR-
DINALIS AMPLISSIME)

Nec vnquam oportu-
nius redditur actio
gratiarum, quàm, cum

beneficium suis numeris absolutum
est. Diu Tibi debetur, & iure Tuo iam
dudum exigere poteras, quod nunc
tandem affertur, eò maturius, quo se-
rius. Malui enim in cœlis trium-
phantem, ac etiam Tua ipsius opera
declaratum in terris caput cœlestis
gloriæ indicibus radijs coronatum.

exhibere Thuribium, quàm, quod
sapiùs priuatim, & aliquandò, for-
tassis importunè, feci, supplicem etim
publica significatione obtrudere: vt
certiùs Tibi persuadeas, eum in cœle-
sti curia BEATVM, Tripatrocinium
agere; cui Tu, per annos iam duode-
viginti continuos, in terrestri curia
patrocinatus es. Postquàm etenim
Alexander VII. Chisius Pont. Max.
Cl. mem. Patruus Tuus, me ad sacros
eius pedes Thuribij causam suppli-
citer commendantem, qua insignis
erat comitate, excipiens, omnem ius-
tum fauorem ad rem promouendam
à se mihi promississet, spes ea tunc ab
ipso mihi ingesta nunquàm deinceps
fefellit. Præstitis enim quibusdā, quæ
non omnibus passim tribuuntur, Te
quoque ad gratiarum cumulum in
purpuratis S. R. Comitij Mogroueji
causæ Rogatorem, seù malint, Po-
nentem constituit; nec meliorem.

conf--

constituisset ; tùm qua apud ipsum
crebræ occasionis opportunitate, tùm
qua apud alios etiam authoritate, &
æstimatione vales. Tu porrò dein-
ceps patrua pietate imbutum pectus,
cui hæreditario quodam iure, &
Alexandri Pont. exemplo, & affectu,
ita serui Dei Thuribij causam profe-
cutus es, vt aspera quæque liquida
ratione complanares, dubia sapien-
ter dissolueres, & obstacula quamtu-
muis ardua fortiter, suauiterque su-
perares. Nec desistere voluisti, dùm
euinceret vt Mogroueji in cœlis glo-
ria BEATI nomen, & publicum cul-
tum in terris consequeretur. Luc-
tam eluctatus es, cursum consum-
masti, attigisti metam. In quo id
maximæ laudis est, quòd nec specta-
torum plausus, nec auram inanis
gloriæ, nec peritura commoda quæ-
reres; sed. quæ gloriosius, sanctiori-
que mente peroptabas, gloriam Dei

in Sanctis eius , horum à fidelibus
populis promeritam venerationem,
Ecclesiæ Catholicæ decus , & , quæ
hinc maxima comparantur , Christi
fidelium emolumenta , virtutis , &
Sanctimoniæ exempla , Dei , &
Sanctorum cultus meritum , ac sem-
per duraturum seriæ imitationis præ-
mium . Hæc , E C. Tui certaminis
trophæa sunt ; quibus neque Græ-
corum olympica , nec veterum Ro-
manorum Circensia , vtcumque de-
cantata , comparari possunt . Quod
meum attinet , his Tu splendidissimè
ornatus , vt post prolixum , felicem-
que mortalis vitæ cursum , in æterni-
tatis Urbem , & vitam vitalem , vbi
victoris vita mortem , vel arcus tri-
umphalis semel erectus Barbarorum
incurfus , aut vetustatis detrimenta
non timent , gloriosum cum Thuri-
bio tuo triumphum ducas , peropto ,
oro , auguror . Nunc verò cum pro
tot ,

tot, tantisque beneficijs gratias Tibi
reddere non valeam; certè, deberi
Tibi, & habere me palàm profiteor,
attestorque, ac Beatum Thuribium
Alphonsum Mogrouejum in cœlis
regnantem, vbi creditores fallere
non potest, in hoc libello, tanquam
irrefragabilibus tabulis pro me Tibi
vadem constituo. Romæ die 1.
Mensis Aprilis Anno 1680.

E. V.

Deuotissimus Cliens

Ioan. Franciscus de Valledolid Ecclesiæ Cathed.

*L'mane Dignitarius Scholasticus, & B. Thu-
ribij Apotheosis Postulator.*

PAVCIS te volo, quæ non mei tantummodò, sed
 tui quoque, plurimumquè aliorum causa notavi: ac
 primum de ipso Thuribij nomine, in cuius ortogra-
 phiæ ratione ego neque alijs scriptoribus, nèc in alio
 opere iam edito mihi ipsi constare videor. Nam, quos
 legere licuit, etiàm Hispanos Hispanè seu Latinè scri-
 bentes, Thuribium, vel Thoribium habent. Quibus
 vir eruditus, Ioannes Tomaius Salazarius tom. 2.
 Martyrol. Hispanici ad diem 16. Aprilis pag. 668. ubi
 de tribus veteribus SS. Thuribijs, hanc suam senten-
 tiam interposuit: De horum Sanctorum trium nomine
 valdè controuertitur, alij Turibiũm, alij Toribium,
 & nonnulli Teoribium appellant. Quidquid fuerit,
 hodiè Hispanico idiomate, Toribio, & Latino, Tu-
 ribius scribitur. Poterat autèm Hispanis aliquibus,
 etiàm Latinè Scribentibus Italos associare; vt constat
 ex lectionibus Officij Ecclesiastici S. Turibij Astori-
 censis Episcopi, comparatis cum Epistola S. Leonis
 Papæ ad eundem Astoricensem scriptis, quæ duo ve-
 tustissima monumenta, apud Tomaium rescripta, To-
 ribium habent. Ego igitur in Lima limata, quamuis
 latinè scribens, secutus sum publicas tabulas lingua
 hispanica conscriptas, in quibus, Toribio, reperi,
 nè eas vlllo apice violasse viderer: adeoque quarta vo-
 cali vsus sum: sed in hoc opere ex Tomaij regula, &
 quem asserit, communiore Latinorum vsu, malui
 quintam reponere. Addidi autèm aspirationis notam,
 seu, vt (suffragante etiàm Ciccone) firmius teneo,
 litteram octauam communis Alphabeti; quòd ab ocu-
 laris testibus intellexerim, ipsum B. Mogroucejum no-
 men suum sic scribere solitum fuisse: vt eius Epistola
 ad

ad Curiam Romanam data, & adhuc; vt asserunt, in chartophilaceo Rom. Congregationis S. Concilij Tridentini conseruata, ipsiusque B. Præfulis propria manu subscripta demonstrat. At nè quisquam suspicetur, virum grauissimum id; vel animi leuitate, vel proprij nominis ignorantia fecisse: Ego, quantum hic diuinare licet, pietatem eius adscisco, vt censeam, voluisse eum, vel Maiorum fortè veterem consuetudinem sequi, vel nomen suum, quàm proximè poterat, ad thuris significationem applicare; quod in sacris literis; & perpetuo sacrorum vfu, frequentis, & seruidæ orationis symbolum est: vt quoties nomen suum sic elatum scriberet, legeret; vel audiret, toties moneatur continuandæ orationis; in quo dono Dei; ipsum quamplurimis præcelluisse constat. Quòd si Theoribium scriberet, res in id ipsum mysterium rediret; eùm diuini nominis crebra recordatio mentem in Deum eleuare soleat, & ferrea quandoque corda, instar magnetis illi fortiter affixa tenere.

Alterum est, quod non me solum concernit; sed quotquot illi sunt, quos in scribendi methodo secutus sum. Monuit non nemo videri sibi, me alicubi non obseruata temporis ratione, quasi Thuribij ætates confudissem. Igitur, nè tu quoquè vel eadem cogitatione tårberis, aut me cum bonis scriptoribus damnandum censeas, recordari te velim, non vnā esse omnigenæ historiæ conscribendæ rationem; vt non vna est narrandarum rerum natura, nec vnus ad eas legendas accedentium animus aut scopus, vel ipsius scriptoris intentio. Sunt enim, qui euentuum origines, & successina per ætates incrementa decremētaque cupiunt, atque his vniuersa historia placet; quæ, cum diuersissimi generis res complectatur, quæ non alio nexu coniunctæ sunt, quàm, vt posteriorum & clarior notitia, & amplior vtilitas à priorum notitia

dependeant ; in eis proinde narrandis non meliorem
methodo , quàm continuato successione ordine uten-
dum est , & quàm exactè poterit , ætatem ratio habenda
quæ Annalium , fastorum , & ephemeridum scri-
bendorum genera complectitur : Alij nulla ferè habi-
ta temporis ratione materiam seligunt , eamque per
certas partes pro præfixo sibi fine pertractant ; quæ
methodus obscurior plerumque est , & plus delecta-
menti , quàm utilitatis afferre solet : Alijs denique
mixta ratio placet , præsertim in conscribendis illus-
trium personarum vitis , in quibus & proprij ætatem
eventus , & sectandorum , vicandorumque exempla
reperiuntur , quæ à nullo tempore dependent : Ego
igitur hanc methodum in B. Thuribij vita secutus ,
existimo me in eventibus narrandis , quæ successivas
ætates , diuersasque vitæ conditiones sibi appropriant ,
eamdem ita seruasse , ut nihil priùs narrassem quod
posterius euenerit . In virtutibus autem eius , lectorum
imitationi proponendis , quas ille per omnem ætatem
exercuit , ex omni pariter ætate exempla simul exhibui ,
tùm , ut eorum conglomeratione ad ea sectanda legen-
tes fortius mouerem , tum ut nemo se ab eorum imi-
tatione per diuersam ætatem , vel vitæ conditionem
excuset , quæ B. Thuribius , alijque multi per omnem
vitam , omnemque eius conditionem , & statum , vir-
tuti maci constanter obseruarunt , in quo distinctio-
nem potius , ac delectum esse existimo , quàm con-
fusionem aut casum : præsertim quod fini mihi posito ,
seu lectoris profectui maximè consentaneum sit .

Minoris momenti rem , & irremediabile malum ;
ultimo loco repono , quod humanitatem tuam vel
mihi imputare , vel tibi in bilem vertere non velim , ty-
pographiæ mendas , quia morbos alienos . Nescio
quem viderim librum ab omnibus eiusmodi nauis li-
berum , sed multos vidi cunctis passim scatentes : Ergo

vel

vel Hippocratē hic te esse decet, vel C. Plinium;
illum, ut medicum imitatus errorum symptomatibus
non irascaris, sed compatiens infirmo, ut eruditus es,
per te remedium adhibeas: istum, ut eius exemplo
notandis apicibus non perdas tempus meliora plura-
que legendo impendendum. Spero enim te in hac
editione tales non reperiturum, ut nescias quid legen-
dum esset.

Fr. Franciscus Haroldus.

INDEX CAPITVM

TOTIVS VITAE.

Præfatio, scriptoris Propositum operique Partitio

- Cap. 1. **G**enis Mogrouejæ lares. Hispania Mauris ut tradita, ut liberari cepta. veteris Mogrouejæ virtutis trophæa, familie dignitates, & nobilis Affinitas:
2. Thuribij Majores proximi, patria, parentes, natiuitas, indoles, pueri virtus, domestica educatio.
3. Thuribij pueri mira prudentia, perfecta vite proposita constanter seruata, Sanctitatis & sapientia progressus.
4. Perpetuum orationis studium, miraculosa inanis curatio.
5. Cura puritatis conscientie. Externorum sensuum mortificatio.
6. Tactus continentia, & varia corporis castigatio.
7. Cibi, somnique perpetua parcitas. Ieiuniorum frequentia.
8. Explicantur affectus appetitus sensitiui. Quantum eis dominatus Thuribius. Nostrum inde instructio.
9. Virtutis adipiscendæ studium, ac primum hu-

- militatis, cuius natura, necessitas, & utilitas declaratur.
10. *Thuribius* Iuris Baccalaurei gradum adeptus migrat *Salmanticam*. V. I. licentia donatur. *Conymbriam* diuertit. *Salmantini Collegij* Onetani socius. Huius Collegij laudes. Quo tempore, quaque animi dispositione Collegium ingressus.
 11. *Thuribius* quam bonus Collega. Peregrinatio *Compostellana*, varia macerationis, humilitatis, paupertatis, obedientiae, castitatis, aliarumque virtutum exempla.
 12. *Granatensis* Inquisitionis initia. *Thuribius* fama celebris illi Praefectus, ut se gesserit.
 13. Eius aconomia, domesticaeque disciplina, tum hic, tum *Lima* ratio.
 14. Archiepiscopatu suscipiendo quantum reluctatus. Qua ratione persuasus, ut consentiret.
 15. Professioni se parat. Sacris Ordinibus initiat. *Abrahae* assimilatur. Regis fauoribus ornatur. Archiepiscopus consecratur. Prosperè transfretat. Mortis periculo per miraculum eripitur. Solemni laetitia *Lime* excipitur.
 16. Episcopalis curae summa capita. *Thuribius* catequon idoneus, generalem Indorum linguam studio discit, prouinciales dialectos Dei dono doctus. Cognoscendi gregis, & ordinandae Diacesis initia. Cuius tum status describitur.

17. *Morum reformationem magno animo auspiciatur à propria Diœcesi. Redditi Ecclesiastici liciti, & necessarii. Quomodo per Thuriibium confecti, & Clerus ad frugem reductus.*
18. *Constitutiis ministris inuigilat: & exemplo præluce. Ordinaria eius vite ratio. & apud omnes opinio efficacissimis urbem, agrumque reformandi operibus confirmata.*
19. *Primum Synodum Diœcesis, & primum provinciale Concilium celebrat.*
20. *Concilij Provincialis acta, diu multumene Madridi, & Rome discussa, Pontificiam approbationem, & per edictum Regium, executionem obtinent. Thuriibus plura celebravit. In eis contentorum Anacephaleosis.*
21. *B. Thuriij erga sedem Apostolicam obseruantia, & huius in eum mutua voluntas.*
22. *Provinciam visitandi zelus, & multiplex, maximæque difficultas, & cetera vite pericula.*
23. *Thuriij in laboribus, periculisque vincendis constans fortitudo, & visitandi necessitas.*
24. *Thuriij visitantis apparatus. Labores, & pericula, magno fructu compensata.*
25. *Laborum, periculorumque continuata narratio.*
26. *Singularum animarum singularis cura, iisdem incommodis, & fructibus, tantique moliminis motiua, & in periculis animi tranquillitas,*

- Proposui perseverantia.*
27. B. Thuribij in firmanda Neophytorum fide,
 & formandis omnium moribus labor, & in-
 dustria. Templum, Clerumque cognoscendi
 ratio.
28. Cognoscendorum criminum ratio, & in plecten-
 dis clementia. Sacerdotum salutis, honorisque
 cura.
29. Thuribius nummorum indiligens. Munerum
 accipiendorum inimicus.
30. Ordines, & Ecclesiastica beneficia conferendi,
 aliisque munerum exercendi ratio.
31. Alij Pontificij labores absque ullo temporali
 emolumento.
32. B. Thuribij in Indos paterna charitas. Red-
 dita illis quies, & christiana libertas.
33. Alie Indorum amota molestia. Alia eisdem col-
 lata beneficia.
34. Alia multa Indorum solatio, & Reipublice
 commodo constituta.
35. B. Thuribij in egenos larga manus. & singula-
 ris elargiendi modus.
36. B. Thuribij pia liberalitatis selecta quedam
 exempla.
37. Continuantur largitionum exempla.
38. Alia id genus plura.
39. Archiepiscopi Mogroveji sacrarum adsum sub-
 iunctiones.

40. B. Thuribius sacerdotalis, Regūque iuris equus,
& strenuus vindex.
41. B. Thuribius constantia, mansuetudo, & in-
uicta patientia aduersitatibus exercentur.
42. B. Thuribij celestis gratie Spiritus S. Chris-
mata.
43. B. Thuribij donum Prophetie.
44. Fides. Gratia Sanitatum.
45. Operatio virtutum.
46. Virtutes, quas Deus, in ipseus B. Thuribij per-
sona operatus est.
47. B. Thuribij pretiosa mors, per ipsum preuisa,
& prophetice prenuntiata.
48. Portenta, & miracula in B. Thuribij morte
visa.
49. Corporis translatio, & miracula in ea
facta.
50. Miracula post translationem in primis Lime
patrata.
51. Alia miracula Lima patrata.
52. Alia ibidem plura.
53. Alia miracula post translationem extra Limam
patrata.
54. Viuentis, & mortui B. Thuribij publica sanc-
tatis fama.
55. B. Thuribij fama, doctorum virorum calamo
celebris.
56. Circa Thuribij apotheosim, quid Lima. Quid
Ro-

Rome actum usque ad obitum Apostolicas re-
missorias.

57. Post obitum remissorias, quid utrobique actum
usque ad solemnitatem Beatificationis?
58. Thuriis Alfonsi Mogrovisi Beatificatio so-
lemnis.



Facultas Reuendiss. P. Ministri Generalis.
RR. PP. Hieronymus a Sosa Secretarius Generalis
Ordinis, & Franciscus Iunius Guardianus S. Isidori
Lectores Iubilati videant, & referant.

Fr. Ioseph. Minister Generalis.

Relatio Patrum Reuisorum.


EX commissione R.mi. P.N. Fratris Iosephi Ximenez
Samaniego totius Ordinis Minor. Gen. Ministri,
nos infra scripti opus inscriptum, B. Thuribij Alphonsi
Mogroueji Archiep. Limensis vita, à R.P. Fr. Francisco
Haroldo, Lectore Iubilato, ac totius Seraphicæ Reli-
gionis Chronographo, affectus insinuata deuotione,
& mentis admiratione perlegimus. Porro lectoris ani-
mum ad venerationem rapit sanctimonia ipsa morum,
operumque miraculosa fecunditas B. Præfulis: erec-
tum verò iucundumque reddit catholicus, pius, &
eruditus calamus Authoris. Approbamus itaque im-
pensas lucubrationes æternitatis gloriosa mercede do-
nandas, totumque laborem laude, luce, & prelo, vt-
potè catholicæ fidei, & bonis moribus consonum,
communique vtilitati, & christianæ pietati ardentem,
dignum iudicamus. Datum Romæ 8. Augusti 1679.

*Fr. Hieronymus de Sosa Lector Iubilatus,
& Secret. Gen. Ordinis.*

*Fr. Francisco Maria Iunius Lector Iubil.
& Collegij S. Isidori Guardianus.*

FR. Iosephus Ximenez Samaniego, totius Ordinis Fratrum Minorum Seraphici P. N. S. Francisci Minister Generalis, & seruus. Opus cui titulus B. Thuribij Alphonsi Mogroueji Archiep. Limensis vita, à P. Fr. Francisco Haroldo, Sacrae Theologiae Lectore Lubilato, & Ordinis nostri Chronographo elaboratum, à Theologis, quibus illud examinandum commisimus, approbatum vt typis mandetur, facultatem facimus, seruatis in reliquo seruandis. Datum Romae in Conuentu nostro Araclitano die 5. Septemb. 1679.


Fr. Ioseph. Minister Gener.



Approbatio Sacri Palatij Apostolici.

Imprimatur Si videbitur Reuerendiss. Patri Mag.
Sacri Pal. Apost.

I. de Angelis Archiep. Vrbis. Vicesg.



Imprimatur.

Fr. Raymundus Capisuccus Ord. Præd. S. Pal.
Apost. Magister.



B. Turibius Alphonsus Mogrovejus Hispanus Archiep. Limensis, Peruvianæ gentis
lumen clarissimum, fidei, et Ecclesiast. authoritatis scutum inexpugnabile, pie-
tate in Deum, charitate in proximum, prudentia in regimine, constantia in
sâuersis illustribus, signis et uirtutibus admirandus, obiit die 23. Martij. An. Dom. 1606.

BEATI
THVRIBI ALPHONSI
MOGROVEII
ARCHIEPISCOPI LIMENSIS
VITA EXEMPLARIS.

PRAEFATIO.

Scriptoris Propositum, Operisque Partitio.



Ræclarissimi huius Antistitis, & Beati Viri acta conscripturus, nec sollicitus sum, nec mihi proponendum, aut operæ pretium censui, vt heroicas eius virtutes, & signa per eum diuina virtute patrata, totiusque innocentissimæ vitæ, & conuersationis opera singula, pro iuris distinctione, vel discutere, vel comprobare. Id enim iam satis, ritèque per eos præstitum est, ad quos, & maiore authoritate, & seueriori cunctorum indagine, censuræque faciendum spectabat. His ergo, cæu solido ædificij fundamento superædificare constitui: vt Thuribium Mogrouejum, non laudandum tantummodo, sed & imitandum, & forti animo sectandum exhibeam; vt quemadmodum ille, ex enixa diuinæ legis, & sacrorum Canonum obseruantia, cæterarumque virtutum ingenti studio, &

A

bono-

bonorum operum constantissima perseuerantia, magnum gratiarum cumulum, magnum in Ecclesia triumphante gloriæ pondus, & publicum beatitudinis cultum in militante, solemni ritu consecutus est; sic huius opellæ lectores ipsi ædificentur, eiusque ductu confortati, & concitati exemplis, certam faciant vocationem suam, ad promissa eiusmodi meritis æternæ vitæ præmia olim consequenda.

Id enim potissimum enitar, vt ex Thuribij actis clara exempla, certaue æternæ salutis adipiscendæ documenta omniū piè prudenterque in Christo Iesu viuere volentium incitamento, & imitationi proponam. Is enim erat Thuribius, ea cordis innocentia, mentis candore, ea modestia, & castimonia morum, & per omnem vitæ itatum studio christianæ perfectionis, cunctorumque munerum, & cuiusque muneris officij præstandi integritate, vt & priuatus quilibet, ac primùm adolescentes nobilitate clari, & litteris operam nauantes, domesticæque familiæ dominus, & quicunque Reipublicæ Princeps, præsertim Ecclesiasticus in eius actis reperiatur quod imitationem prouocet, & securam ad felicitatem perueniendi viam simul commoneat; sed plurima, quæ mirari magis, quam imitari faciliè possint.

Hieron. Tom
1. Epist. 3.
pag. 21. col.
2. littera F.

Nunc ergo, quoniam, vt Hieronymus Ecclesiæ Doctor Heliodoro præscripsit; præcepta sunt Rhetorum, vt maiores eius, qui laudandus est, et

corum acta repetantur, sic ad ipsum per gradus sermo perueniat; quo, videlicet auitis paternis virtutibus illustrior fiat, aut non degenerasse à bonis, aut mediocres ipse ornasse videatur. Quam legem ante Rhetores meliores magistri, diuini Codices obseruarunt, & sanctissimi grauissimique Patres præceptis, & exemplis nobis tradiderunt. Quanquam enim Deus ex lapidibus possit facere filios Abrahæ, quemadmodum ex asinorum, pecudumque pastoribus fecit Reges, & ex piscatoribus, ac telonarijs Apostolos, sui que in terris Regni creauit Vicarios, qui suscitatur de puluere egenum, et de stercore eleuat pauperem, vt sedeat cum Principibus, et solium gloriæ teneat; naturæ tamen virtutem suam non ademit; quin qui virtutum semina & stimulum conseruandi decoris a progenitoribus, patria, & liberali puellaris vitæ disciplina deriuarent, illi, accedentibus diuinæ gratiæ donis, quæ & naturam fortiter, suauiterque flectunt, & quantumcumque bene alioquin institutæ necessaria sunt, ij præstantiores euaderent, quibus & gratia Dei simul, & natura suffragarentur. Ex quo vtroque principio quidquid perfectum esse possit, a Thuri bio nostro iusta ratione nobis promittimus.

1. Rag. 2.

Adeo autem in omni fermè vitæ ipsius actione conglomerata sunt variarum virtutum exempla, vt quicquid separatim tractanda decerneret, is mihi videretur vel eadem sæpius repetere debere, vel singulas rerum narrationes iuncturis suis, neruis-

que delumbare. Quæ duo mala vt effugerem ego,
malui historiam perpetua . plerumque narratione
contextere , quam in diuersorum titulorum capita
dispertire . Verum ne hoc iterum . lectori tædium
parere videretur , capita quidem apposuius , non
totius narrationis vno titulo , sed varijs ma-
teriz argumentis distincta ; Quo etiam ty-
pographos marginalibus notis , illis
semper ingratiss , liberauissimus . Illis
autem lectoribus , qui eiusdem
virtutis Beati viri plura para-
digmata simul videre cu-
piunt , rerum indice sa-
tisfacimus .



CAPVT I.

*Gentis Mogroueje lares . Hispania Mauris
tradita , vt liberari cepta . veteris Mogroueji
virtutis trophea . familie dignitates ,
& nobilis Affinitas .*

Vetustissimæ nobilitatis Mogroueje stirpis ,
quantum extat memoria , patria fuit pro-
uincia Libanensis , vulgò , *Lieuana* , in veteri Ca-
stella , & Regno Legionensi , in Hispania : vbi
fundum , & larem habuerunt ante annos circiter
mille , in montibus , quos Europæ vocant , quatuor
leucis à celebri Crypta hodiè dicta Sanctæ Mariæ à
Couadunga , non procul a ripa fluminis Deuæ :
Felix patria , fausta familia , ex qua vtraque fortu-
nata libertas christianæ Catholicæ Hispaniæ auspi-
catò cepta fuit !

Annus Christi duodecimus Ioanni Vafco , re-
rum Hispanicarum Chronographo , supra septin-
gentesimum agebatur , quando Iuliani Comitis
Zelotypia per Roderici Gothorum tunc in Hispa-
nia Régis libidinem in furorem versa , Mauros
Africanos Mahometi perfidiam profitentes , trans
fretum Herculeum , in Hispaniam accersiuit : qui
omnem regionem barbara vi in suam ipsorum
potestatem redegerunt , præter Cantabriam , &
illos Asturiæ montes , de quibus iam diximus ;
quo-

quorum asperitas Mauros a propagandis illuc suis armis aliquandiū deterruit : proptereaque vetusta Hispaniæ nobilitas illuc refugium habuit .

Quod , vbi occiso in acie Roderico , aduerterent Gothi , veteresque Hispani , (quanta in concordia salus ?) magno illuc numero confugerunt , & Regem statuerunt Pelagium regij Gothorum sanguinis egregium iuvenem , qui selectis ex omni populo mille viris , lacertis & virtute validis , at non tam telis , quam diuinæ opis fiducia fretis , in specum illam Couadungam se cum ipsis abdidit , reliquis copijs in montis cliuo relictis , vbi suæ quoque virtutis exercendæ commodum expectarent . Interea Tariff Maurus , Miramolini Africani Regis in Hispania Vicarius ingentem exercitum in Pelagium , & Christianos immisit , qui , tanquam canes venatici , Christi milites velut cuniculos è cauea depellendos Mahumeto mactarent . Hi specum imprimis obsident , & intrare non ausi , saxis , & sagittis , omni que vibratili telo agendum censuerunt ; Sed quotquot in antrum iniiciebant , eadem omnia in ipsos iaculatores , Dei matris auxilio retorta , viginti ipsorum millia ante ostium Cauæ prostrauerunt , non aliter , quam ducentis ferè prius annis , ad specum S. Michaelis in monte Gargano , Sypontino homini contigisse legimus . Atque hæc prima Pelagio Regi de Mauris victoria fuit : quæ tam ingentes animos Christianis addidit , vt quamquam viribus im-

mpares, sed fide & spe Christi superiores præliaturi cum barbaris in campum prodierint.

Cùmque pugnae classicum præstolarentur, ingens rupes dicta *Subiedes*, diuina, vt creditur, manu ex reliquo montis excisa, sexaginta tria milia Maurorum sua ruina compressos vnico se sepulchrali lapide contexit. Videns ergo Pelagius Rex cœlum pro se pugnauisse, fugientes Maurorum reliquias per montium abrupta persecutus est, ac deleuit; Christianorum interea nemine, vel sagitta, vel saxo, vel consertis manibus ne læso quidem. Legionem urbem illis abripuit, sui que re-staurati regni sedem auspicatissimam, regiamque constituit: Ex qua omnis deinde Hispania per Pelagium ipsum, posterosque Christianos Reges libertati suæ, & Christianæ Religioni paulatim restituta fuit. Quæ anno post Christum natum septingentesimo decimo octauo contigisse notauit Vassæus.

In his Pelagij Regis prælijs regium vexillum prætulisse constat Heroem quendam Mogrouejum cuius proprium nomen excidit, sed facti memoriam conseruat tùm perpetua montanorum traditio, cùm ipsius vexilli hasta in hodiernum vsque diem pendens anathema in Mogrouejorum sacello S. Martini. Quinimò & facinus aliquod memorabile in ijs prælijs perpetrasse Mogrouejum, propter quod victoriam ipsi tribueret antiquitas, mihi significare videntur verba veteris Epitaphij
adhuc

adhuc in illa domo, & vulgi ore seruari, cuius simplex canendi character longam prodit vetustatem, sic enim sonat.

*Soy Mogrouejo el Guerrero;
que venció la gran batalla;
De Tarif, y su canalla,
segun texto verdadero;
Sobiedes Peña fragosa
Sobre los Moros cayó,
Y los Christianos librò,
ved que milagrosa cosa!*

Accedit huic argumento sincera beneuolentia, & singulares praerogativae apud Pinellum legenda, quibus Castellae Reges Mogroueiorum familiam deinceps ornauerunt, iisque perpetuis, & haereditarijs: armorum, & aulae Regiae primarijs muneribus, iure perpetuo proprij tribunalis in suis dominijs, & in domo securitate asyli; à quibus nemo quantumuis flagitiosus extrahi, vel euocari posset, si Diuinæ vel humanae Maiestatis laesæ criminis reus non prius probaretur: quibus Iudices per annos assignandi ius penes Dominum domus integrum erat, & liberorum suorum collataneos hoc solo titulo, Regum autoritate, nobiles pronunciare: atque alijs, quæ proculdubio patrati alicuius præclari facinoris, & præstiti Regibus obsequij præmia censenda sunt.

Alij hic recensent Hispanorum familias, affinitatis, vel sanguinis vinculo cum Mogrouejijs coniun-

iunctas , quarum præcipuæ hodiè censentur
 Duces Infantadi , Duces Metimnæ turrium , Mar-
 chiones Astorgæ , Comites Beneuenti , aliæque
 multæ Castellanæ nobilitatis familię, quas ego non
 prosequor : vt non immeritò, hac perspecta nobi-
 litate nostri Thuribij , Ioannes Pimentelius Bene-
 uentani Comitis frater suo testimonio non dubita-
 uerit comprobare, ipsum Thuribium , quod genus
 attinet , cum quouis Hispaniarum Dynasta com-
 parari posse .

C A P V T II.

*Thuribij Maiores proximi , patria , parentes ,
 natiuitas , indoles , pueri virtus , do-
 mestica educatio .*

EX tam generosa stirpe vnus erat senior Thu-
 ribius Mogrouejus , Thuribij nostri Archie-
 piscopi proauus , cognomento Bonus , homo to-
 gatus , ideoque dictus Baccalaureus . Hic gentem
 propagauit ad oppidum , seu Ciuitatem Maiorgę ,
 ducta ibidem antiquę nobilitatis vxore Beatrice
 Muñozia de Ceron , cuius paterni iuris hereditari-
 um munus perpetui prætoriatu Maiorgę ad Thu-
 ribium coniugem , & posteros per ipsam deriuat-
 um est . Est illa Ciuitas caput eiusdem nominis
 Comitatus , cuius titulum , viuente patre , gerit
 primogenitus filius Comitis Beneuenti , ad quem

B

locus

locus proprio iure pertinet : ab vrbe Legione distat leucis circiter nouem .

In hoc loco Thuribius Bonus ex coniuge Beatrice suscepit filium Ioannem Alfonsum Mogrouejum , & hic ex filia Marchionis Santillanę , coniuge sua , Ludouicum Alphonsum Mogrouejum , Thuribij nostri Archiepiscopi genitorem , omnes togatos , Iuris peritos , & perpetuos Prętores Maiorę . Vxorem duxit Ludouicus Annam Robles, Moran , ex oppido Villaquexida , ex eaque suscepit Maiorę filios tres, Ludouicum alterum , qui Patris postea hereditatem possedit . deindę Lupericum , de quo aliud non didici : ac tertio loco Thuribium Alfonsum Archiepiscopum , de quo iam agimus . Erant ei pręterea filię duę , Maria Coco , quę cum opinione Sanctimonię morum decessit Monialis in Cœnobio Maiorgano S. Dominici : & Grimansa per Apostolicam dispensationem nupta Francisco Quinionio , consanguineo suo , de quorum utroque frequentior nobis mentio redibit .

Hac patria , hisque progenitoribus , atque parentibus natus est Thuribius noster , die decimalexta mensis Nouembris , & octauo indę die baptizatus Anno Christi millesimo quingentesimo trigésimo octauo , eodem quo Aronę dicecesis Mediolanensis editus est S. Carolus Borromęus , die secunda pręcedentis Octobris : vt quos Deus in extremis fere Christianitatis partibus , tanquam Ecclesiasti-

eę disciplinæ reformandæ polos constituere decrevit, eodẽ idem annus, idemque ferè mensis in lucem proferrent. Mirum sanè quanta inter vtrumque ac̃ionum, atque morum similitudo per totam vitam intercesserit, quamvis vix forsitan ex nomine sibi mutuò notos; quod & Pinelus passim animaduertit, & alij fortè fusiùs explicabunt.

Natum Thuribium parentes infantem, pro sui generis & fortunarum conditione, tenerrimè nutrierunt; proque pietate Christiana, qua insignes erant, puerum piè etiã, & catholicè educarunt. Intereã, pro parentum de filiis cura, solliciti, dubijque, an quem natiuitatis ordo, primogenituram denegando, domestico patrimonio, pro patriæ consuetudine destituit, eum armis, an liberalibus disciplinis adaptarent, quibus opes, & gloriam reliqui post hæredem filij quærere consueuerunt. At quoniam Tullij Ciceronis consilio docemur; quidquid homini naturaliter insitum est, eo vti decere, & quidquid agat, agere pro viribus. Naturam enim sequentibus, docente Seneca, omnia facilia, & expedita sunt; contra illam nitentibus non alia vita est, quam contra aquam remigantibus; seu, vt alibi viciniùs Christiano loquitur: Insita sunt omnium artium nobis semina, magisterque ex occulto Deus producit ingenia: sic diuinæ gratiæ Magisterij vis, atque necessitas etiã ethnico nota fuerunt.

Cato mai.

Epist. 122. de

Benefic. l. 4.
cap. 6:

Expectabant proptereã Turibij Parentes, quid

in puero naturæ vis, quid magistra Dei gratia ex occulto producerent: ac Deum ipsum orabant affiduè, ut ipsorum mentes, puerique vias eo dirigeret, quò maximè ad veram filij felicitatem, deique ipsius gloriam eum conducendum sciret. Omnes interim pueri actiones, gestus, motusque, & verba obseruabant, ut ex his effectibus inuestigarent affectus, & omnem innatæ ipsius indolis impetum perdiscerent; ut si quæ protenderent mala, dum adhuc rudis, atque tenera mens esset, id emendarent, & educationis aduerso pondere corrigerent, nè ex affecta radice arbor vitiosa prodiret, & virulentum olim animæ simul, fortunæ, ac famæ fructum proferret: si ex aduerso pro votis benè ominarentur, id pro viribus agerent, ac promouerent.

In Thuribio nihil asperum, aut martiale, non iactantia virium, non facilis aliorum offensio, non irascei nutricibus, non reluctari parentibus, non insultare famulis, non contemnere magistros, non saxis torquendis, vel iaculandis sagittis, non gladiolis, aut nummulis delectari, non equitare in arundine longa: at omnia ingenua quidem, & liberalia, pudica tamen, modesta, & pia: coartationum crepundia contemnere, rixas, & ludos fugere, domi se continere, altariola fingere, &, quantum valebat, ornare, sacras imagines cum luminibus adhibere, genua coram flectere, deuotè precari: alios etiam conuocare, puerorum processio-

siones ducere , ad virtutem pro concione hortari , dehortari vitia , rei sacrae reuerentèr adesse , & albis aliquando indutus omnes sacerdotum ritus imitari , suoptè ingenio ad omnia bona tam pronus , quam auersus à malis , ac mente ad res comprehendendas perspicaci , & in agendis prudenti , ac sedula .

Verum , quo eius in Deum pietas , & in proximos prona charitas magis innotuit , vna tantum nocte , nono circitèr ætatis anno , vocantibus fortè coæuis , puerum lunæ splendor inuitauit , vt in forum cum illis exiret , vbi pauper fœmina fructus vendebat . Sed pueri poma rapere , illa execrari licentiam , isti canistrum totum euertere , illa conuicijs , maledictis , & blasphemijs quidquid in mulieris plebeæ buccam veniebat , in pueros effutire , & pessimè omnibus imprecari . Tum Thuribius , qui nullam culpam præter præsentiam , & displicentiam in facto habuit , fœminæ paupertati compassus , ac Deum per vtrosque offendi grauiter ferens , pueros compescere , & vetulam blandè , suauitèrque precari , ne Dei patientiam eiusmodi maledictis irritaret : si de pomorum damno res esset , solum ediceret , quantum valerent , rogaturo sibi matrem , vt pretium integrum persoluat . Hinc placata fœmina , Thuribius verborum , gestuumque pijssima teneritudine , vetulæ pauperiem , & casum , numinisque offensam , & compassionem suam , iunctis manibus more , supplicantis , genitrici
repre-

representauit, ab eaque interrogatus, an ex illis rebus quidquam comederit? ille mirabundus, Ego nè, chara mater, inquit, res malè partas gustassem? Hac filij virtute delectata mater pecuniam dedit: quam cum ipse proprijs manibus ad sceminam detulisset, eandem denuò hortabatur, ne tam facillè Deum deinceps vnquam prouocaret; nec ipse amplius tota vita noctu se foris recreare visus est. Mos etiam illi fuit, vt quod ad ientaculū ipsi, vel præcœnium dabatur, hoc, quod pauci solent, ieiunus ipse alijs egentibus tribueret.

Per hæc, & plura id genus indicia futuræ virtutis, agnoscebant Parentes Thuribium litteris idoneum, & Ecclesiastico statui a Deo, qui hæc inspirabat, iam destinatum esse, ingentemque fructum ipsi ex eiusmodi seminibus præfagiebant. Quapropter ascitis præceptoribus, prima litterarum elementa, & grammatices præcepta domi illum discere curauerunt: In quibus, & morum disciplina sic sub parentum oculis profecit, vt exacto iam ætatis anno duodecimo, iudicatus fuerit idoneus, qui sui quodammodo iuris, extra domum, amoenioribus disciplinis animum intenderet. Vallisoleto ergò tunc missus ad publicum litterarum gymnasium, Dei magis, quam humano magisterio ita se gessit, vt cùm studijs gnauièr incubuerit, non minus profecerit pietate, & modestia morum. Præuentus enim erat in benedictionibus dulcedinis, animam bonam sortitus est, & educatio dom-

me-

mestica, simul cum gratia Dei sic in eō maturarunt iudicium, vt ipse sibi in tenera illa ætate sufficiens magister morum videretur.

Ante annos animum gerens curamque virilem.

CAPVT III.

*Thuribij pueri mira prudentia. perfecta vite
proposita constanter seruata. Sanctita-
tis, & sapientia progressus.*

NEc ea spes fefellit parentes: nam quod Thuribius Vallisoleti a censoria Senatorij Patris seueritate procul abesset, id ad licentiam sibi minimè sumpsit prudentissimus puer, sed deesse Patris ferulam, non prodesse, qua non benè vteretur, libertatem considerans, Deum sibi in Patrem, ac Deiparam in matrem elegit: Nouumque virtutis stimulum, licentiæque frænum adhibuit idipsum, quod mireris, quo adollescentes multi nobiles eadem libertate donati, omnia sibi licere putant, insolescere solent, & in cogitationibus suis euanescent: quando isti generis nobilitatem in superbie fomentum, ille in humilitatis incitamentum: isti Academicæ vitæ promiscuam societatem in vitiorum scholas, ille in omni generæ virtutis conquirendæ recessum: isti litterarum, si quem faciunt, profectum in opum, dignitatumque mundanarum instrumenta, ille in innocentissimæ vitæ apparatus,

tum , ac diuini numinis cultum , & æternæ felicitatis patrimonjum conuerteret .

Thuribius enim suæ stirpis nobilitatem altè contemplatus , hoc id effecit in ipso , (quod vtinam plures imitarentur ,) vt fortitèr apprehenderet , indignum omninò , ac turpissimum esse , si nobili genere dignum se non exhiberet . Vndè primam totius vitæ benè degendæ regulam deprompsit , in omnibus seruare decorum , & nihil admittere quod sui sanguinis nobilitatem non deceret , vel quo ipse degeneris vllius affectus , vel actionis , vllò vnquam loco , vel tempore redargui posset : per quod maiorum splendorem præ se semper ferendo , ampliorum deinceps toti generi gloriam comparauit , seseque Deo pergratum , hominibus amabilem , & suspiciendum præstitit .

Sap. 1.

Quod Academicus esset , hoc sapientiæ sectatorem , & virtutis alumnum interpretabatur , seque vt pullum aquilinum illicò abijciendum , si altricis luminis fulgorem , vel palpitante semel pupilla refugeret . Cumque intelligeret sapientiam , ad quam auidè anhelabat , in maleuolam animam non introire , neque habitare in corpore subdito peccatis , hinc secundum concepit comparandæ virtutis propositum , conscientiam semper incontaminatam seruare , nec Academicas libertates , & priuilegia scholarium in criminum licentiam sumere ; omninò ratus , nunquam se magis liberum fore , quam si legibus nihil plectendum deberet .

Finem

Finem quoque suorum studiorum perpendens Ecclesiasticum statum esse, qui absque religione, & pietate in Deum consistere non potest, tertio loco statuit, omnem suam cogitationem, actionemque in Dei cultum, amplioremque eius gloriam referre. Mirum sanè, nec nisi peculiari Sancti Spiritus magisterio fieri potuit, ut adolescentulus tantillæ ætatis, perfectæ apud Deum, atque homines degendæ vitæ rationes tribus apicibus complecteretur. Ex quibus tanquam non Delphici Appollinis fallaci tripode, sed æternæ Triadis arcano pectore perpetua, certissimaque in omni occasione sectandorum, vitandorumque omnium oracula per totam vitam promptè depromeret. An Patris dignitatem, & imaginem animabus nostris inditam decerent? an ex filij sapientia, & sacratissimis legibus licerent? An Deo ritè colendo, spiritu sancto ducente, conducerent? alioquin respuenda.

Innocens anima terra quidem bona est, sed tamen ociosa, sibi que soli utilis, si poenitentia, religionis, reliquarumque virtutum fructus non proferat. Neque sic quidem omne tulit punctum, si alijs per iustitiæ, & misericordiæ opera non profit, docente Apostolo, oportere nos prouidere bona, Rom. 12. non tantum coram Deo, sed etiam coram hominibus: & multa nobis licere, quæ operari non expedit. Quæ omnia tam cautè, & constanter per omnem vitam suam seruauit Mogrouejus, ut reliqua historia demonstrabit, ac testes è iuris norma

1. Cor. 6.

Homil. I. in
Iob.

ad Sacramentum adaecti, ijque viri graues, & docti, ætate prouecti, & in dignitatibus constituti, ex intima ipsorum, diuturna que cum Beato viro consuetudine, sanctè affirment, se iudicare, ipsum baptismalis innocentie candorem nulla vnquam lethalis culpæ labe contaminasse: Quamquam enim homo existeret, supra hominem tamen viuendo conuersatus est: vt Chrisostomus de Iobo pronunciauit.

Quæ quàm aptè, quàm apertè in Thuribium conueniant non facile negabit, qui ipsius vitam attentè considerauerit, eamque cum illis contulerit, quæ inter Iobilaudes diuino testimonio referuntur, quæque in ea commentati sunt Sancti Patres Ecclesiæ Catholicæ.

Epist. II. ad
Lucil.

Hæc vitæ benè, beatèque viuendæ vota in Thuribio semper acuebat ingenuus innatusque pudor, præclarum ornamentum omnis ætatis, & Senecæ sententia, bonum in adolescente signum, verecundia: quæ idèò hominibus data est, vt erubescant, indigna suo genere, vel vitæ ratione patrare; vel a Deo cum indita libertate creatos, diaboli mancipia peccatis, vitijsque fieri: vile quidpiam, turpe, vel inhonestum admittere: ignauiam, segnitiam, socordiam, ociositatem non detestari; quibus Christi militiam, & ardua virtutum certamina, quæ Thuribius animo versabat, nihil magis labefactare solet: simulationem, falsitatem, & mendacia sequi, quæ pulcherrimam naturæ

turæ partem dehonestant, & societatem humanam, Christianamque charitatem, & amicitiam, ad usum vitæ maximè necessariam, corrumpunt.

Has ergo, atque huiusmodi cæteras maculas decoris, ac pestes innocentiae, & honestatis sic in se cauebat Mōgrouejus; vt etiam in alijs non absque rubore, & animi auersione conspiceret: adeò compositus, adeò in omnibus serius, adeò cautus, & sibi vbique præfens, vt saltu quodam, intactis adolescentiæ scopulis, ex puero repente maturus vir factus videretur. Non ipsum distrahebant coetaneorum ludi, non delectabant ioca, fabulæ, vel ociosæ obambulationes, non vestium curiosa nouitas, quibus, etsi pro conditione decentibus, & mundis; sed semper modestis utebatur. Et quantum è sodalium consortio boni, malieuè contrahi soleat, probè cognoscens, non alebat amicitias, ex quibus & modestiæ morum, & pietatis animi, litterarumque profectus adiumenta se consequuturum non intelligeret. Si quādo in alios incidisset, ex quorum vel actionis leuitate, vel inconsiderantia sermonis minimum periculi suo candori, vel æstimationi metuebat, si minores essent, hos blandè commonebat, si maiores, aut quibus alioquin monendis, pro ætate, & modestia inidoneum se existimasset, eos arrepta occasione, quæ neminem offendere posset, citius deuitabat.

Ne leui saltem maculare vitam

Famine possit.

Indolebant his adolescentes quidam Beati Thuribij condiscipuli, sed à candidissimis ipsius moribus alieni, & vt solatium est miseris socios habere penates, nec sustinere valent, vt vel per abstinentiam vitiorum in alio conspectam, ipsorum licentia, cum illa collata, redargui queat; sic illi impudentiæ suæ patrociniū fore putantes, si Mogrouejuū ad castra sua quoquo modo trahere possent, conduxerunt puellam forma speciosam, sed moribus lasciuam, quam sancti adolescentis castissimum pectus turpi lenocinio expugnaturam sibi persuaserunt, sed frustrā: nam in cubiculum immissa putidula, non citiùs a Thuribio conspecta fuit, quàm ille, si vnquàm, tunc maximè, & quidem tempestiuè iratus, asperrimis verbis, arreptoque baculo verbera minitans, inuerecundam illico fugauit, summa ipsius feminae & intentati sceleris authorum confusione: tunc diuinæ monitionis efficaciam expertus: Resistite diabolo, & fugiet a vobis. De quo hoc modo triumphans Dei seruus animo constituit, nunquam deinceps admittere, vt femina cum noctu, vel vnquam sola conueniret, vel manus osculandi, vel cuiusuis necessitatis prætextu contingeret, idque etiam in forore & neptibus obseruabat.

Iaco. 4.

Quæ res tantam ipsi venerationem ab omnibus conciliauit, vt præsentē Mogrouejo nemo tandem auderet ea dicere, vel facere, quæ ipsius modestiæ regulas excedere suspicarentur, vel candidam eius
fron-

frontem rubore aliquo suffundere pertimescerent; ut, dum ipse tam iuuenis ab alijs discere debere censeri posset, ipsius potius conuersatio, vel sola presentia (quantum valet exemplum) omnibus socijs & condiscipulis utili, efficacissimoque morum compositionis, & studiorum sedulitatis magisterio fuerit.

In litterarijs etiam exercitijs nemo solertior ipso; nemo diligentior: inire rationes studiorum, attendere ex animo: præfecto domestico, & scholaribus magistris obtemperare, docentes audire, moventes ferre, pensa ab eis imposita assidue meditari, cum alijs conferre, & promptus reddere, in officio esse, nihil prætermittere eorum, quæ studio-
sis præscribebant, siue ad doctrinam, siue ad mores pertinuissent.

CAPVT IV.

*Perpetuum orationis studium . miraculosa
manus curatio .*

D Idicet B. adolescens sapientiam à Deo postulandam esse, & ingenium, industriamque humanam sine rore gratiæ diuinæ nil ad christianæ virtutis profectum valere: proinde, quanquam in gymnasio, musæoque assiduus, sed in templo frequentior erat, nec alias calcabat vias, quam quæ ad has pietatis, & sapientiæ scholas ducebant. Sa-
luta

Iutaris pœnitentię, & sanctissimę Communionis sacramentorum vsum iam familiarem habuit. Missę sacrificio, ceterisque diuinis officijs, ea mentis attentione, & compositione corporis, feruoreque spiritus assistebat, vt exemplo suo alios accenderet. Tunc equidem, quod tenerę, Deoque deditę adolescentum solent mentes, cum cœpisse existimo, diebus singulis ex libro recitare officium Beatissimę Dei Matris Marię, officium defunctorum, septem psalmos pœnitentiales, & quindecim graduales, cum officijs minoribus sanctissimę Crucis, & Spiritus Sancti; quę a se, post primum diem, quo cœperat, nunquam deinceps intermissa fuisse, postmodum senex affirmavit: quo neptes suas, aliasque sorores Monasterij Limani sanctissimę Incarnationis ad simile sacrarum precum studium, perseuerantiamque moueret: Nec tamen eo minus quidpiam temporis ad studia, vel officiorum, aut curę pastoralis occupationes sibi suppetiisse. Sic oratio in Deum directā alijs bonis operibus tantum abest vt detrahat, vt potius ea veluti peninis eleuata, facilius, feliciusque ad omnem ipsorum perfectionem, & optatum effectum, non tam currant, quam volent. Quinimo Ioannes Chrysostomus cunctis manifestum arbitratur, quod simpliciter impossibile sit, absque orationis pręsidio cum virtute degere, cumque hac huius vitę cursum peragere. & alibi: Is nouit recte viuere qui nouit recte orare.

Lib. 1. de orando Deum.

Idem in 1. Corint. 4.

Ita

Ista sic Thuribij animo inhererunt, ut maiorem vite partem in sacris precibus, ac diuinarum rerum contemplatione consumpserit. Continuum in omni etate, diligens, zelosum, ordinarium eius orandi studium oculati testes in actis iurati celebrant; incoque conueniunt, quod Didacus a Cordoua, Franciscane Religionis vir doctus, cui preter libros quos ipse scripsit, Apostolici Notarij auctoritas, qua fungebatur, ampliorem vindicat fidem, de Thuribio inter alia litteris consignatum reliquit. In officina (inquiens) orationis virtutes suas probabat, cui nunquam defuit, ut nec statis precibus, quas votiua consuetudine recitabat, inter tot occupationes, & itinera: imo profectiones ipse perpetua illi oratio fiebant, dum quidquid in illis occurrebat, hoc ipse in orationis argumentum verteret. In omni vita, omnique negotio manifestum erat, ipsum ne hilum quidem a diuini vultus presentia dillectum fuisse. Sic ille in authographo Hispano, quod alij, ut forte significantius eloquerentur, alijs verbis latine verterunt.

In statas preces maiorem diei partem, & integras ferè noctes impendebat: nec alius plerumque ex ore eius, quam diuine laudis, vel de rebus diuinis sermo sonabat. Communis, eius & ordinaria salutatio fuit: *Alabado sea el señor*, hoc est, laudetur Dominus: summa humilitate, ac demissis oculis, alacri tamen animo, fronte serena, hilari vultu, & quandoque splendente a consortio sermonis

monis Domini, qui intuentes summopere recreabat, & eorum etiam animos componebat. In domestico recessu nunquam non intentus vel orationi, vel sacrorum codicum lectioni deprehensus est, quo vel ipse cum Domino, vel Dominus cum ipso iugiter loquebatur. Quidquid agebat, vel cogitabat, etiam in turba, & mole negotiorum, ita perpetuò in Deum referebat, ut tota ipsius vita continua oratio fuerit; adeò in hoc exercitio familiariter versatus, ut Deum semper præsentem cernere videretur.

Quamquam sanctos omnes insigni pietate colore consueverit, præsertim S. Ioannem Evangelistam, Ecclesiæ suæ Limensis tutelarem, S. Thuribium Astoricensem in Hispanijs Episcopum, cuius nomen gerebat, Sanctos Patriarchas, Augustinum, Dominicum, & Franciscum, in quorum omnium trium religiosi vestibus, sub apparatu Pontificio, sepeliri voluit; singularissima tamen eius religio in Sanctissimum Eucharistiæ Sacramentum, & immaculatam Dei Matrem Mariam præ cæteris ferebatur. Quibus quantum obsequij grandior præstitisset, posterius dicendum erit: quantum adolescens placuisset, in hac ipsa Academia vallisoletana visum fuit.

In sinistra eius manu natum est enorme tuberculum, quod ad pomi communis magnitudinem excresebat, in quo tollendo cum incassum iret opera Medicorum, afflictus Thuribius, non tam defor-

deformitate manus , quam , quòd hæc ipsa causa quandòque foret , vt sacris ordinibus initiari non concederetur , ad Christum in ara præsentem , & misericordiæ matrem è Cælis aduocatam recurrit. Est vallisoleti Deiparæ virginis icon crebris miraculis clarissima , quam à sacrario vocant , quamque pius adolescens Thuribius frequentèr , feruentèrque colebat . Sacrificium , inuocata virgine , Deo pro se fieri iussit : interfuit ipse deuotione peculiari , & , præmissa piaculorum humili confessione , sacram Eucharistiam , summa recuperandæ sanitatis fiducia , reuerentèr sumpsit . Intereà verò dum sacerdos rem diuinam faceret , ille tuberculum signaculo Sanctæ Crucis frequentèr signare , & votum suum deiparæ feruentèr commendare , tuberculum paulatim detumescere , & euacuato pure resolui ; finito demùm sacrificio penitus euanuit , & manus pristinæ sanitati , & formæ integrè restituta fuit ; vt nemo ambigeret , rem piè quæsitam , & repente concessam deiparæ virginis , & sacrificij miraculo tribuere , Thuribij fide , & in matrem , filiumque deuotione , meritisque digno .

Hæc adolescentulus conseruando decori , diuinoque numini ritè colendo sic exercebat Mogrouejus , vt eorum exercitatione , perpetuoque vsu non facilia tantum , sed ad voluptatem quoque illi redita sint , & per totam vitam cum ætate , & oneribus dignitatum crescerent magis , quam vt istis minuerentur . Honores in Mogrouejo non mu-

tabant mores, diuitiæ si affluebant, non apponebat cor; sed illis, vt metheoris bonus agricola, utebatur sole, ventis, pluuiæ: auctoritatem omnem suam, & fortunas in animæ suæ cultum, & ceterorum sibi commissorum salutem conuertebat.

CAPVT V.

Cura puritatis conscientie. Externorum sensuum mortificatio.

VT conscientiam suam sartam, tectamque seruaret, hostem domesticum imprimis, qui militat aduersus animam, pubescente mox ætate in se irruiturum præuenire satius existimauit, quàm inopinato aggressu dormientem se, ac imparatum opprimi. Et, quod prudentissimi bellatores confueuerunt, proprias segetes in herba demoliri, quàm duplicato damno, & patriam, & pabulum inimico tradere. Solent etiam vias omnes occludere, ne hosti venturo pateat aditus. Nunc autem patriam nostram regnum dei censemus, quod intrà nos est: ac dùm hic à Cælo peregrinamur, cœlestis conuersatio, quæ in conscientie puritate maximè consiluit. Sathanæ hostis pabulum, quo plurimum nutritur, ipsa caro nostra, & carnalis animæ desideria. Viæ per quas in hanc segetem ingreditur, quinque sensus corporis, quos S. Gregorius vocat fenestras, per quas hostes irruunt.

Greg. in cap.
31. Iob.

punt. Hæc igitur omnia vt sibi fida redderet, & in officio contineret, seriò, & seuerè dum viueret, incubuit, & inuigilauit Mogrouejus, omnium sensuum obiecta, quæ oblectationi, & voluptati tantum inferuissent, a se procul faciendo.

Oculis erat modestissimis, & demissis, nec eos in fœminæ faciem, vel alia curiositatis, aut vanitatis obiecta vnquàm eleuauit, aut fixit. Nèc id solum adolescens, vel iuuenis, aut in se solo, sed etiam Archiepiscopus, & senex obseruabat, & à suis obseruari curabat: Si quandò in platea, vel foro ludicrum aliquod, aut profanum spectaculum cum concursu fieret, ille domus suæ fenestras occludi iubebat, prohibebatque familiæ, nè quicumque per eas prospicere permetteretur. In primo Concilio Prouinciali quod Limæ celebrauit, inter alia decreuit, vt, quo tempore ab Ecclesia supplicationes publicæ fiunt, nulla fœminarum cooperto vultu, vel vias publicas inambulet, vel ex fenestris prospiciat; & vt supplicantes viri sacrorum ministros præcedant, mulieres, iuxta Prophetã, seorsum sequantur, nè leuitate fœminea à cultu Dei populum auocent: sic non suorum tantum, sed populi quoque sibi commissi oculorum custodiæ prospiciens, vt illos auerterent, ne videant vanitatem, sed piè procedentes, in viâ Dei viuificarentur.

Zachar. 12.

Psal. 118.

Quod auditum attinet, adeò notum & celebre fuit, cum ab ipsa pueritia, verba quæcumque vana, quæcumque adulatoria, quæcumque immo-

deſta , incompoſita , inconfiderata , quæcumque bonos mores corrumpere , vel Deum aut proximum offendere poſſent , ſic animo ſempèr abhoruiſſe , vt eo præſente nemo iam talia proferre non vereretur . Nec ipſe muſicis instrumentis , aut alio cantu , quàm quæ Dei laudem perſonarent , oblectabatur .

Odoratus , oblectamenta ſic abigebat , vt paſtilli , vel thuris ſumum , niſi cum in templo ad colendum numen incenderentur , ſuſtinere non vellet . Odorarias aquas , aut pulueres cibus eius , vel veſtibus inſpergi prophanum , & ſcœmineum cenſebat , nihil puro aëre ſuauius , aut virorum naribus conuenientius eſſe exiſtimans , vel ſpiraculum illud folijs , floribus , vel fruſtibus à ſimplici natura ſine fuco inditum , quod ille tamen vltro vix vnquàm attrahebat . Accidit aliquandò , vt parochorum quiſpiam , apud quem in viſitatione prouinciæ prandeat Archiepiſcopus , odoratam aquam eius manibus poſt menſam ablucendis infuderit . Quod cum ille ſentiſſet ; caue , inquit , nè hoc vnquàm deinceps mihi feceris , ſi me tibi iratum non cupias : & accepta pelui aquæ fluminis , manus ſuas odore illo diligentius , quàm ciborum , quos leuiſſimè tetigit , reliquijs abluit : hæc , inquiens , aqua melior eſt , quam Deus ad hominum uſum , abſque odore , ſapore , colore creauit ; alteram illam homines ipſi ad morborum remedia inuenerunt , ſanorum voluptati ciendæ non adhibendam .

Gu-

Custum sic delitijs , & conditis saporibus dis-
suevit , vt , quod in pueris rarum est , etiam in illa
ætate , ac semper deinceps bellaria , & cupedia
omnia , & quæcumque gulam irritant , vel palato
placent , præ felle , & absynthio detestaretur . Aui-
culas , oua , crustulas , butyrum , lactaria , vel de-
licata vlla , aut alia cibaria ad saporem condita
nunquam comedebat . Si quæ apponebantur , vel
nimio sale , vel cinere , quem in cartula ad hunc
vsum in pera portabat , occultè inficiebat , vel ie-
iunij religionem causatus gustare nolebat , vel In-
dis , fortè fortuna tunc accedentibus comedenda
porrigebat . Monebat eos , apud quos iure visita-
tionis refici debebat , nè lautum quid appone-
rent .

Eorum vnus quidam Archiepiscopi itineribus ,
& à prolixis functionibus fatigationi ex animo
compassus , pulmentum illi lacte conditum parauit :
quod cum ille suspicaretur , patellam amouit ; &
quanquam affirmante presbytero , non caprinum
lac , sed succum amygdalarum esse ; id tamen at-
tingere non voluit , nè vel sapore quidem oblecta-
ret palatum . Similem cibum domi suæ in mensa
oblatum , cum leuiter degustasset , insipidum simu-
lans , vt salem inspergere videretur , totam salinam
infudit ; heu me peccatorem , inquit , condire
cibos nescio , coquinam exercere non didici : Et pio
hoc dolo se , nè comederet , excusauit , quan-
quam vtrobique sexagenario maior , laboribus
fra-

fractus , & perpetuæ abſtinentiæ inedia extenuatus .

Cibus illi ordinarius erant carnes bubulæ , vel veruecinæ in aqua elixæ , nullis aromatibus vel alijs ſaporibus , præter ſalem , conditæ : vel , diebus præcepti ſeu votiui ieiunij, olera , legumina , cruda cæpa , vel piſcis ſaluſ : aut , ſi quandòque recens , adèò tamen vili genere , & mole puſillus , vt eiufmodi genus comedere , domus eius mancipia reſugerent , ſola etiam ſalis , & aquæ paratura conditus . Nèc niſi ex vno ſolo ferculo prandere ſolebat , ciborum varietatem ſuo ſtomacho nocere cauſatus ; nèc illud ipſum quamtùmuis exiguum vnquàm euacuabat . Si guttulam quampiam pinguedinis in diſco detegebat , butyrum ſuſpicatus , non tangebat cibum , crudis tunc herbis , vel crudo pomo , vel cæpa contentus :

Menſam tamèn domi ſuæ ſempèr habebat pro dignitate copioſam , ſed quidquid lautum , quidquid ſapidum , quidquid ſuccoſum , quidquid exquiſitum , vel pretioſum , quidquid arte paratum eſſet , omnia huiuſmodi ad aliorum aſſidentium tractationem , non ad ſuum palatum , vel ſuperfluum corporis nutrimentum apponi ſolere dicebat . Si quiſquam laudaſſet cibum , vt illi comedendum ſuaderet ; æquè aiebat , tibi bonus eſt , accipe quæſo , & manduca . Menſam ſuam in aula patula ſemper parari volebat , nec acceſſum , interim , dùm aſſideretur , aduenæ cuiſpiam impediri , & acceden-
tibus

tibus pauperibus Indis, quos vt filios diligebat, meliores missus, vel honoris, vel eleemosynæ specie propria manu donabat: vtque quod sibi futurum timebat oneri, subtraheret voluptati.

Extrâ domum suam, vel statutum itinerantis hospitium prandere, vel conuiuari nunquàm voluit, quanquam à Cœnobiorum Prælatiſ, & Ecclesiasticis viris in dignitate constitutis, etiam Episcopis, à Proregibus itidem, & Prouinciarum Præfectis persæpè, & instantissimè rogatus; nè abstinentiæ rigorem in minimo remittere, vel sapidum aliquid extremis labijs delibare cogeretur.

CAPVT VI.

*Tactus continentia, & varia
corporis castigatio.*

Acrior erat, & perpetua pagna cum sensu tactus, qui toto corpore fusus, & periculo propior est. Nam S. Franciscus, teste Bonauentura, experientia certa didicit, dæmones asperitate terreri: deliciosis autem, & mollibus ad tentandum fortiùs animari. Thuribius ergò, vt portam hanc hosti occluderet, ordinariam vestem cuti proximam ex pertusis ferri laminis corpori suo adaptauit, cuius acumina retorta carnem eius assidue pungebant: supra hoc cilicium honestatis causa, magis, vt id occultaretur, quàm, vt carni delictum, aut

Bonan in vi.
S. Franc.

aut fomentum foret, album indusium: thorax de-
super lineus, simplex, & leuis, femoralia lanea
panni communis, trita quandòque, & lacera, ti-
bialia paritèr lanea. Interiora hæc talari toga eiuf-
dem materiæ, & pro occasione superpelliceo,
mantello breui, & mozzetta superinduebat. Nec
alijs utebatur, nisi cùm solemnis aliqua Pontifica-
lis functio in templo subeunda fuisset, pro cuius
ampliori decore omnia mutabat.

Erat enim Thuribius, vt priuati sui ornatus in-
curius, ita Pontificiæ dignitatis, & decentiæ præ
multis studiosus: tunc ergò veste interiori rasi serici
utebatur, & tibialibus è serico filo acu textis, exte-
riores autem omnes serici leuioris induebat: Chi-
rotecas manibus extra hæc Pontificalia munia
nunquam adhibuit. Cilicium autem ordinarium,
nè functionis libertatem impedire posset, non tam
deponebat, quàm in aliud, ipsius opinione, minus
molestum commutabat; hoc est, in planum tho-
racem, è calybe ex industria confectum, licet car-
nem non vndequaque pungeret, latera tamen arctè
stringebat, & pondere suo humeros grauiter pre-
mebat; nè vnquam deesset, quo crucis mortifica-
tionem iugitèr in suo corpore pro Christi nominis
honore portaret: Nec reliquo die hunc depone-
bat, priusquàm sub medium secutæ noctis ordina-
rium, cilicium resumpturus, ad secretius cubile,
amotis testibus secedebat.

Restabant tùm noctis quatuor, aut quinque ho-

re: nam in Peruvia æquinoctium ferè perpetuum est. At eas non quieti, vel somno dabat Christi vigil Mogroueius, sed orationi, & crudis prolixisque sui corporis flagellationibus: quas tùm ingeminare notatus est, cùm afflictionem aliquam, aut iniuriam ab alijs passus fuisset; vt, qui id scirent, tunc ipsum pro inimicorum peccatis eiusmodi cruciatum Deo offerre non dubitarent. Ordinariæ verò flagellationi sabbata omnia, & ferias, in quibus ieiunabat, festa item solemnia, horumque peruiiglia, & multas præterea occasiones consecrabat; tam abundanti sanguinis effusione, vt domi deinde in secreto cubiculo, peregrè autem in sylvarum & montium recessibus conspicua eius vestigia cernerentur; ea carnis saniena, vt curandis scapulis medicas manus adhibere nonnunquàm oportuerit. Sed Thuribius Chirurgum sacramento strangebatur, nè rem vlli detegeret. Tàm fortitèr sustinebat curam, vt cùm aliquæ particulæ carnis abscindendæ forent, nè minimum signum doloris, vel impatientiæ præ se ferret, id solum inculcans, nè quispiam, præsertim soror eius Grimanefa resciret, quid apud ipsum ageret Chirurgus.

Nequè à periculis tactus sibi soli, sed alijs etiam ita cauebat hic sanctus Præsul, vt manus suas feminis osculandas nunquàm præbere voluerit. Accidit semel vt nobilis, & grauis matrona, in medicis rebus perita, vlceratam Antilbitis manum videre voluerit, adhibuit ille videndam; at cùm ista

E

etiam

etiam tangere tentaret, is ea re valdè perterritus, manum retraxit, & fugientis instar è loco recessit, intereà mullitans: Hèm fœmina manum meam sibi porrigi voluit: id ego non patiar, nec vlla me hæcenus mulier tetigit, nèc tanget vnquam dùm vixerò.

Ridiculum fortassis mundanis mentibus videbitur, sed purissimæ mentis castimoniam contemplantibus venerandū, sanctumque, quod sequitur. In valle quadam, non procùl Ica; Confirmationis sacramentum Archiepiscopus, & ætate senex ministraturus erat. Conueniebat ex agris copiosus vtriusque sexus, paruulorum numerus: Quos vt ille aluei magnitudine impediri cerneret, nèc vadum tutò tentari, eos in suorū iumentis ponè tolli iussit, ipseque cæteris exemplo præiuit, sex circitèr annos natum suæ mulæ tergo suscipiens. Iam in medium vadum venerat, cum puerum putans, nomenque sciscitatus, Mariam se paruula vocabat: tùm ille ad fœminei nominis, vocisque sonum expallescens, pedem indè non citiùs mouit, quàm aduocati famuli a motæ puellæ loco puerum collocassent: adeò pudicitæ, modestiæque suæ mundissimus eius animus ab omni, vel exigua occasione pertimebat.

Carni humanæ, lassæ præsertim, ac debili nihil suauius, placidiუსque contingere potest, quàm quies & otium aliquod; quorum tamèn alterum patiendi meritum, alterum faciendi fructum, ani-

mæ suffuratur : alijs interea vitijs, quæ ex ocio desidique nascuntur, insolescit, & blandè sibi beata videtur, cum ad infelicitatis huius culmen peruenerit; ac tunc maximè mortua est, cum se commodissimè viuere somniat. Sed horum dam-
norum impatiens Thuribius, qui Christianum æsti-
mabat agere & pati, nullam requiem suo corpori concedebat. Nunquam domi sedere visus est, nisi ad mensam, vel ubi aduentantium qualitas confi-
dendum postularet. Negotia cæteroquæ omnia curæ pastoralis in pedibus consistens expediebat. Quod quàm esset molestum debili, & inedia con-
sumpto corpori, & aculeatis vinculis constricto, nemo non facilè capit.

Ne vllam dici horam sine negotio transiret, curabat aulæ suæ ianuas, etiam cum ad mensam, quod dixi, comederet, accedentibus quibuscumque patere, nullam excludi personarum conditionem, hilari vultu omnes excipere, patientèr audire, & promptè cum omnium summa ædificatione, satisfac-
tione, & solatio expedire. Non rarò solus ipse in exteriori aula, nigra toga indutus expectabat supplices, tam simplici cultu, vt illum, tanquam aliquem domus ministrum, plures interrogarent, an Archiepiscopus domi esset? an eidem loqui li-
ceret? quos ipse paucis verbis eodem loci, & concessa omni iusta, & honesta petitione, statim lætos dimittebat. Solus Diabolus cum nunquam inuenit ociosum, cum obsequio Dei perficiendo, & homi-
nibus

nibus ad exonerandam conscientiam , pro officij ratione audiendis, tempus ei numquam deesse videbatur . Ore sæpè dicebat, & opere semper obseruabat ; tempus nostrum non esse, sed Dei , qui stric- tam eius exigit rationem . Indè , vt momentum eius , vel negligeret ipse, vel non vtilitè collocaret, piaculum existimabat , vel suprà sui custodiam vigil , vel in Deum feruentè intentus , vel circa proximorum salutem sollicitus, semper exhibens semetipsum sicut Dei ministrum, in laboribus, in vigilijs , in ieiunijs .

Quantum corporis incommodi in prouinciæ lustratione, ab itinerum asperitate, quæ sæpe ad loca alijs inaccessa, & inter baiulos onustus agebat : quantum ab aëris intemperie caloris , & frigoris, in vallibus, campis , & montibus, aliquandò sinè tecto, sinè lecto, sinè cibo post longum iter dici pernoctans, per multos continuos annos passus fuerit, alius erit amplius enarrandi locus . Quodcumquè facere poterat manus eius , adèò instantè operabatur : somni, cibi, potus, & quietis tam parcus ; vt qui cum nouerant, tam ingentes, perpetuosque labores, tantamque corporis afflictionem sinè ea vitæ sustentatione, quam natura alioquin exigere videbatur, perpetuo supra naturæ vires miraculo tribuere minimè dubitarent .

CAPVT VII.

Cibi, somnique perpetua parcitas. Ieiuniorum frequentia.

Q Vis nunc humanum corpus, tot laboribus fatigatum, cibo reficiendum non crederet? post viginti circiter continuas horas, orandi, legendi, operandi, absque sessione, vel cubatione, semper vel pedibus, vel genibus innixum: à quarta enim hora post mediam noctem, usque ad alterius noctis medium in his indefinenter versabatur hic seruus Dei; nec interdum quiescere, aut somnum capare visus est. Audita media noctis hora, detracta in exteriori aula per cubicularium toga, interioribus integrè vestitus (sine quibus nunquam se, vlli, quantumlibet familiari, sanus conspiciendum præbuit) intrabat secretius cubile, & ostium interiùs, obducto pesulo claudebat. Sed nè vel tunc somnus obreperet, nullum ei sumentum concedebat. Vesperì frequentius nihil alimenti sumere, vel si aliorum rogatus, vel casus aliquis sumentum suaderet, tota cœna; etiam nullius ieiunij diebus, etiam festiuis, frustulum sicci panis, & breuis aquæ frigidaë haustus erat, quæ cerebrum nullis vaporibus somno digirendis opplerent. Nec post pueritiam aliter vnquam cœnauit.

Prandebat autem tantum, vt vix viueret, vnicō,

Cap. Quando
Presbyter
dist. 44.

In cap. cras-
pula. de vir.
& honest. Cle-
ricorum.

co, eoquē exiguo ferculo, sinē omni condimento contentus, vt paulò priùs explicauī; quod præten-
sa causa, vel iciunio contraria, vel alia ex ijs quæ
diximus, non rarò integrum amouebat, certè non
absumebat vnquàm. Extrà statas ordinariæ re-
fectionis horas bibere, etiam aquam fluminis, Thu-
ribius, in alijs necessitati, in se autem intempe-
rantix tribueret; sicut prandij horam, vel mo-
mento præuenire. Antiqui Canonis memor, quo
Clericis vetitum erat, vltra tertiam vicem pocu-
lum tangere, nunquàm pluries in prandio gusta-
bat liquorem. Et quanquàm doctissimus, idem-
que temperatissimus Prosper Fagnanus canonem
discretè interpretandum doceat. Thuribius tamèn
maluit plus legibus credere, quàm debere. Vsuī
suo factum habebat cyatum vitreum communis
mensuræ, tribus sinubus distinctum: huic semel
infundebat modicum vini, sed aqua pluscula dil-
lutum; & seruus Dei tēr indè, hoc est, ex vno
quoquē angulo semel, non hauriendo, sed sorben-
do, in sanctissimæ Trinitatis nomine tantum bi-
bebat, quantum alteri ad simplicem haustum non
sufficeret. Quidquid alimenti per viginti quatuor
diei horas sumere solebat, octo cibi, potusque si-
mul vncias non excedebat; vt perpetuo potius mi-
raculo, quàm naturali nutrimento vitam in tantis
laboribus tolerare censeretur.

Præter communia Christianis præcepta ieiunia,
ille Dominici Aduentus dies, totiusque anni fe-
rias

rias quartas, sextas, & sabbatinas, etsi libera deuotione, sed canonica seueritate ieiunabat: & hebdomadæ sanctæ dies omnes, & multos alios per annum in solo panē, & aqua; Sed feria sexta Parasceues nè aquam quidem delibabat. Biennio circiter antè mortem in progressu visitationis prouinciæ, sacre Parasceues officia solemniter celebravit in oppido Guaras: sed hospiti suo sacerdoti præcepit, nè ignem eo die domi accenderet ad cibum, vel ipsi Archiepiscopo, vel familiæ parandum. Et vt solebat ipse, quo per viam liberiùs oraret, vel se flagris in dumo cæderet, socios itineris præcedere solus, vel post eos longiusculè sequi, sic tunc ieiunus, vt erat, relictis, qui sequerentur cæteris, iter in comitatus arripuit versus oppidum Caruas. Quod cum aduerteret Præfles districtus, dictus Maridueñas, honoris causa Præfulem comitatus est. Vbi ad intercurrentes flumen ventum esset, hic, inquit Antistes, commodum, vt comedamus, panis in sarcina est: non quod comedere vellet, sed vt indicaret illius dici sanctitati magis conuenire, panem ad vnam frangere; quàm Episcopum in Presbyteri ædibus epulari. Nam cum Præfles panem ab eo benedicendum, diuidendumque crederet, Thuribius integrum in fluuium dimisit; me peccatorem, inquit, panis in aquam cecidit. quid ni? vt moneret nos Deus, hodie comedendum non esse. Et ita etià vespere nihil penitus gustare voluit.

Se-

Sequenti die Sabbato Sancto, in diuinis officijs, in conferendis ordinibus, a summo manè ad secundam à meridie horam occupato tantùm tunc abfuit cogitatio prandij, vt statim Indis prædicare cœperit, & sermonem in plures horas produxerit: sub quo, duo ipsius comites ab vtriusque dici ventris inanitate, & laboribus, animi deliquium passi sunt. At ipse Thuribius quanquàm alioquin ab hac inedia, ac prolixis, ferèque continuis illorum septem dierum laboribus, etiàm domi adeò exanguis, extenuatus, ac debilis esse solet, ac si febre vel graui alio morbo recentè liberatus esset: hac tamen vice, adiuncta etiàm itineris quotidiani molestia, totus ardens, oculosque micans, & intèr concionandum longè, quàm aliàs, vegetior, pulchriorque cerneretur. Quod qui distantior priùs vidisset, ac vt rei veritatem certiùs exploraret, propiùs accessit, pro veritate dicenda iuratus, non dubitauerit affirmare, sibi visum Thuribium Archiepiscopum eodem tunc igne flagrasse, qui super Apostolos de Cælo Ierosolymis descendit.

Aliàs in oratorio, quod iuxta palatium in alto Cathedralis templi loco habuit, præ corporis inedia, & oratione per aliquot horas vltra meridiem protracta, sensibus destitutus, & in terra prostratus à quærentibus cum famulis repertus est, & omninò extinctus, ac mortuus credebatur. Sed postquàm in se redijt, nullius rogatu, suafuè consensit, vt saccharati panis vino intincti minimum

num quid intrà os admitteret , miratus quòd in die ieiunij , vt erat , id ab eo peterent . Tàm hos , quàm cæteros totius anni ieiuniorum dies , seù votiua illa , seù præcepta forent , adcò sanctè colebat , vt quauis graui corporis ægritudine pressus , nunquàm persuaderi poterat , vt carnes , aut lactinia gustaret ; præterquàm in vltimo morbo , postquàm diebus plùs decem ieiunus decubuisset , & quarto priùsqvam obierit : tunc enim districto Medicorum præcepto , aliqua carniùm iuscula comedit : sed vocato priùs loci parocho , demissèque rogato , vt ieiunij dispensationem , considerato Medicorum iudicio , concedere velit .

Nunquàm cibum petere , famem , aut lassitudinem accusare , de horæ tarditate queri auditus est ; tametsi non rarò à summo manè ad secundam , tertiam , quartam , quintam , sextam à meridie horam in Clericis , & Episcopis ordinandis , in consecrandis altaribus , in confirmandis Neophitis , in cæteris functionibus , & expediendis Archiepiscopalis curæ , ac tàm vastæ prouinciæ negotijs detineretur : Nam post hæc in secretioris oratorij secessu reducem citare ad mensam oportebat : nèc nisi , vt cum Sancto Bernardo Abbate , & Antonio Vlisiponenfi , quotiès sumendus esset cibus , totiès tormentum subire videretur .

Sed quoniàm dulcis est somnus operanti , si . *Ecclesi. 5.*

ut parum comedat, non satis. Thuribio, perpetuis laboribus onustissimo, fuit, alimentum corpori, tanquam pabulum iumento subtrahere, nè calcitraret; nisi exaggeraret onera, diurnis laboribus nocturnos ingeminando: dormitans stimulis excitaret, succumbens flagris erigeret, pigritans duris pelleret verberibus. Paucae ressiabant à media nocte ad albam diei quatuor circiter horæ: sed Thuribius persæpe in oratione Dei pernox diem diei iungebat, & nè somnum vel ipsa fatigatio adferret, ipsum propellebat plagis multis, & puncturis acuminati cilicij, molestis stationibus, nudis, & crudis genuflexionibus, stricteque vestis, ac duri cubilis incommodis profligabat.

Erat in cubiculo lectus, commodis, & ornamentis princeps dignus, cum suppediteo tabulato vnam circiter amplo, ac tecto tapete: si quando morulam dormire, naturæ necessitas, & ratio cogeant, vestitus, ut erat, & cilicio cinctus, in tabulato iacebat, supposito ceruici ligneo trunco, quem ad bireta formanda in cubiculo reperiebat. In lectum autem nunquam ascendit, quamvis, ut in eo decubuisse videretur, eius lineamina, strataque manibus confundere sole-ret, in hoc solo sincerissime factus, ut Sathanæ pompas, carnis illecebras, & mundi vanitates vnâ deciperet. Sed cubiculariorum curiosam inspectionem fallere non potuit, qui semper munda,

da , minimè pressa , vel à membris tepe scentia , nequè culcitra ipsa , vel ceruicalia ab his compressa ; sed plana & frigida reperiebant , sine vero vllo , quod in eis iacuisset , corporis vestigio : præterquàm quòd in tabulato iacens , & integrè vestitus , per rimam aliquoties visus fuerit à Ludouico Quiñonio , ipsius Archiepiscopi , ex Grimanefa sorore nepote , qui in proximo cubiculo dormiebat , & curiosus aliquandò perspiciebat , posteaque doctus , pius , & grauis vir , Eques Alcantaranus , & Auditor , vt vocant , Præfecturæ Quitensis , hæc & alias nocturnas Thuribij avunculi vigilias , & pœnitentias , vt oculatus , & auritus flagellationum testis frequentèr narrabat . Præter alios plures , qui inopinatis casibus eadem , inscio Archiepiscopo , aliquotiès detexerunt .

Nèc in cognitione Prouinciæ , tametsi ab itineribus , & functionum laboribus fatigatus , alio strato vsus est ; quàmuis culcitra , & alia lecti ornamenta pro dignitatis decore secum circumuehi semper , & ad speciem commodè sterni permitteret . Aurora illum iacentem nunquam apprehendit , sed antè horam à media nocte quartam , qua in Peruvia plerumque albescit , absquè cubicularij , vel Ephebi ministerio , extrà secretum conclaue vestitus , precibus vacantem , vel illi , qui à secretis erat , agendorum illo die , scribendorumque mandata dicantem .

CAPVT VIII.

Explicantur affectus appetitus sensitiui :

Quantum eis dominatus Thuribius.

Nostrum inde instructio.

HAc ratione Thuribius mortificabat membra sua super terram , & omnem aditum præcludebat ipforum in animam insultibus. Nundùm tamen per hæc securum se credidit ; Nascuntur enim in interiori anima , ex feminibus appetitus sensitiui , tribuli , & spinæ passionum , cùm sibi mutuo , tùm aduersus rationem pugnantes : quæ si propagare ramos , & fultis folijs luxuriari permittas , alliciunt sensum sinè sensu , & attrahunt blandè externorum sensuum samsonianas vulpeculas , quæ demoliuntur segetes virtutum , & ignitis caudis inflammant internas vepres iam tùm igni concipiendo maturas : quæ irrequieto crepitu suo perturbant rationem , meliorum rerum confundunt suo nidore memoriam , & intellectum sic obnubilant fumo , vt nudam veritatem cernere non valeat ; ideòque cæcam per se voluntatem , vel suauitate quadam ità demulcent , vel asperitate quadam ab arduo virtutis opere deterrent , vt iniquitati decepta consentiat .

Quod liquidius nihilo , quàm Euæ demonstratur exem-

exemplo, quæ suggerente Diabolo, humanæ felicitatis inuido infidiatore, impulsa prius per internam curiositatem sciendi bonum & malum, & per ambitionem cuiusdam apprehensæ ditatis per serpentem promissæ, tunc primum vidit mulier, quodd bonum esset lignum ad vescendum, & pulchrum oculis, aspectuque delectabile, ac tandem, tulit de fructu illius, & comedit; intellectum imaginationis, & voluntatem sensitiui appetitus tyranidi prostituens: quæ mala posterius omnes ab ipsa hæreditamus. Hæc ergo sunt animæ nostræ carni mortali coniunctæ, & originalis culpæ maledicto depravatæ male suadi affectus, seu, ut Petrus Apostolus ait, carnalia desideria, quæ militant aduersus animam, & à quibus ipse obsecrat, ut tanquam aduenas, & peregrinos nos abstinemus. Genel. 3.

Sunt enim inimici hominis domestici, & proditores arcis animæ, qui, tanquam exteras copias, aduocant sensuum externorum auxilia, qui vndique circumuigilant, & ipsum Diabolum, qui circuit rugiens, & quærens quem deuoret, secum intro trahunt; Hæc sunt amor, & odium; desiderium, & abominatio: spes, & desperatio: audacia, & timor: ira, & demum, & stupiditas: atque horum germinis varia, & infinita capita; quæ in se magis experitur unusquisque, quam, ut vnus possit explicare sermo- 1. Petri. 2.

ne:

ne : eorumque progenies mala magis prolaxa est , quàm expediat proposito nostro per singula prosequi . Sunt omninò omnia , vt Aristoteles loquitur , quæ vel voluptas consequitur , vel dolor : acquirendi , videlicet , vel acquisiti : amittendi , vel amissi commodi , vel delectabilis , quæ non ordinantur ad honestatem : quæque se , cùm sint filij tenebrarum , in Angelos lucis aliquandò conuertunt : & , cùm rationi & virtuti contraria sint , virtutum tamen falsa specie , & vsurpatis nominibus incautam rationem decipiunt , vt veras virtutes eliminent , si subtili intellectus examinatione non discernantur , eorumque vehementes impetus recto & constanti voluntatis imperio non superentur , perque Thuriibij nostri trutinam : An deceant ? an liceant ? an Dei gloriæ conducant ? contineantur in officio , & mediocritate , in qua consistit virtus , & vera vita creaturæ rationalis : Nàm , docente Apostolo , si secundum carnem vixeritis , moriemini ; si autem spiritu facta carnis mortificaueritis , viuetis .

Rom. 8.

Quæ cùm Sancti Dei omnes , & viri verè sapientes obseruauerint , dùm sensuum operationes rectè moderato appetitui , appetitum autem rationi , & rationem Deo subiiciunt , certè Beatus Thuriibius Mogroueius in hoc adedò multis excelluit , vt cùm ipsius eximia laude , viri graues , & docti longa consuetudine , & intima fami-

familiaritate cum ipso coniuncti, iureiurando legitime testati sint, quod antè diximus, se peccatum quoduis, in ipsius vnquam conuersatione non deprehendisse. Nam vt gratiæ Dei dono, perpetuaque exercitatione, & vsu domandis ijs monstris intentissimus erat; sic demùm ratione, & constanti voluntate dominatus est illis, vt omnes verteret illicò quo vellet, & spiritus nutui subiecta contineret, carnem suam crucifigens cum vitijs, & concupiscentijs.

Nihil vnquam vehementer amasse præter Deum, propter quem cætera diligebat: nihil odisse, præter peccatum: Nihil magis desiderasse, quàm Dei honorem, & salutem animarum: nihil abominatum fuisse, quod non inhonestum: Nihil sperasse præter Deum, & illa quæ eo fruendo conducerent: nihil desperasse, quod ope diuina fieri mereretur. Nihil temerario ausu, vel suis viribus, aut malis medijs fisus attentasse. Nihil inconstantè timuisse, nulli vnquam irasci, nec Dei offensam, vel Pontificiæ authoritatis contemptum stupida ignauia dissimulasse visus est; æquè sibi mente præfens, & suorum affectuum dominator potentissimus.

Quod nostrum hic interest, hæc Deus in Sanctis suis ità disponit, vt nos etiam peccatores ad similia per ipsorum exempla confirmet;

vt

De S. Ioseph
cap. 1,

vt ipforum certamina discamus , & æmulemur
victorias , obtineamus triumphos , dùm cerni-
mus , non naturæ præstantioris fuisse , sed ob-
feruantioris , nèc vitia nesciisse , sed emendaf-
se. Quod cùm S. Ambrosius de veteris Testa-
menti Patriarchis dixisset ; quanto magis Euan-
gelij professores debeant , & possint ; quibus &
maior obligatio perfectionis , & acquisitio faci-
lior : nam & amplior doctrina , & gratia co-
piosior est , & exempla clarissima , postquam
Christus passus est , relinquens nobis exemplum,
vt sequamur vestigia eius.

Vita suæ cap
27.

At nè nos æuum incusemus , eadem in hec-
ternis, hodiernisq; etiam conspiciamus; quemadmo-
dum in S. Petro de Alcantara notauit S. The-
resia , quandò Herculei eius animi victorias , &
ad Cælos ascendentis triumphum referens , ex
tepidorum opinione dixit : Non est iam mun-
dus recipiendo tantam perfectionem idoneus .
Dicunt, quòd valetudo debilior sit , & quòd non
sint ampliùs illa prisca tempora . Sed morè
propria : Hic sanctus vir , inquit , erat huius
temporis , magnus illi spiritus inerat , & prisca
temporibus æqualis ; & ità mundum sub pedi-
bus suis continebat . Eodem Petri tempore vi-
uebat ipsa Theresia ; quæ licet viribus , & sexu
debilior , easdem tamen semitas viriliter calca-
uit . Posterior vtroque noster Thuribius , & il-
lo alij priores , posteriores alij , alijque contem-
po-

poranei , & alij hodiè viuunt , nèc vllò vn-
quàm æuo defuerunt , vel defuturi sunt , qui
per hanc passiones , earumque motus mortifican-
di viam , crucem Christi per omnem vitæ sta-
tum fortitèr , & strenuè tollentes , eandem viam
posteris in Cœlum post Christum demonstrant:
arctam quidem illam , & ingressu difficilem ;
sed , vt S. Petrus Theresiam docuit , progres-
su valdè possibilem se assuescentibus .

« Vt nulla excusatio nobis relicta sit , qua mi-
nus vnusquisque pro conditione sui status , &
maiori , minoriuè eiusdem obligatione , ad sen-
sualis animæ moderationem , & vitæ perfectio-
nem in sua vocatione pro viribus contendat .
Quod nèc à pueris quidem , aut adolescentibus
alienum esse , ea quæ de his ætatibus Thuribij
Mogroueji narrauimus , ac de alijs narrata repe-
riuntur , clarè demonstrant . Nèc dignitatum eius
munera , nèc maturam ætatem , aut senectam
sustinere non posse , ea quæ postea monstrabi-
mus clarissimum facient .

CAPVT IX.

*Virtutis adipiscendæ studium , ac primum
humilitatis ; cuius natura , necessitas ,
& utilitas declaratur .*

Thuribius in hac exercitatione sequutus est
vsum naturæ , quæ nullam formam de-
struere

Ad Ephes. 4.

struere consuevit , quin aliam ipsi contrariam inducat . Id quod , etiam in gratiæ operibus seruandum S. Paulus præscribit : Deponentes veterem hominem , induite nouum hominem , qui secundum Deum creatus est in iustitia , & sanctitate veritatis . Dùm enim agrum animæ suæ istis sentibus , lappis , & lolijs expurgaret Mogroueius , non minori studio , vel industria ferebatur , vt eandem suam animam pulcherri-
mis virtutum omnium plantationibus coleret , & suauissimis floribus exornaret .

Greg. in 3.
psal. poenit.
ro. 2. p. 1138
à tergo,

Epist. 56.

Nec sine causa exorsus est à prima , cætera-
rumque fundamento humilitate . Vt enim in terrenis rebus rarus est ager , qui succum in se sufficientem habeat , adeoque non indigeat alieno fomento , & rigatione , vt fructum proferat , vel etiã prolatum ad maturitatem perducat ; sic cœlestis hæc animæ agricultura eidem necessitati ligata est . Nam qui sine humilitate virtutes congregat , quasi in ventum puluerem portat . Hæc enim virtutum viridarij lætamen est , sine quo vel radicem non figunt , vel folia non faciunt , vel exangues , aridæque florem , aut fructum non proferunt , vel vtcumquæ productos superbiæ ventus ante maturitatem exsiccat , & in puluerem per aëra spargit : Quod in virtutum studio , quo magis laude dignæ sint , eò maximè timendum esse , Augustinus Dioscoram suum docens his verbis de-

mon-

monstravit. Nisi humilitas omnia quæcumque bene facimus, & præcesserit, & comitetur, & consecuta fuerit, & proposita, quam intueamur, & apposita, cui adhæreamus, & imposita; qua reprimamur, iam nobis de aliquo bono facto gaudentibus, totum extorquet de manu superbia.

Vitia quippè cætera in peccatis, superbia verò etià in rectè factis, vel maxime timenda est; nè illa, quæ laudabiliter facta sunt, ipsius laudis cupiditate amittantur. Hanc humilitatis virtutem cæteri Patres passim primam Christianarum virtutum, fundamentum sanctitatis, originem, radicem, matrem, & magistram virtutum omnium appellant. Hæc eadem erat lætum illud, ferax, ac nobile sterquilinum, in quo sedens Iob, ulcerum suorum saniem testa radebat, id est, vilis terræ humanæ miseriæ profunda inspectione, iustitiæ Dei solis contemplatione indurata, & in patientiæ fornace cocta; passionum, & vitiorum fluxum expurgabat: cum solum nihilum sibi tribueret: Nè in nihilum redigas me; ex quo nimirum creatus est. Idque non suis, vel viribus, vel meritis, sed dono Dei, à quo naturæ bona consequutus est: Manus tuæ fecerunt me, & plasmauerunt me totum in circuitu. Nè minus falsus est bona fortunæ: Nudus egressus sum ex vtero matris meæ, & nudus

Iob. 2. &c.

1. Cor. 4.

reuerter illuc : Dominus dedit , Dominus abstulit . Gratiam denique eidem acceptam referens : Quis potest facere mundum de immundo conceptum semine ? nonne tu qui solus es ? vitam , & misericordiam tribuisti mihi , & visitatio tua custodiuit spiritum meum . Quæ omnia vno verbo complexus Paulus Apostolus : Quid habes , inquit , quod non accepisti ? si autem acceperis , quid gloriaris , quasi non acceperis ?

Iob. 2.

Ex hoc ergo sterquilinio , tanquam ex arce tutissima , Iob omnes Sathanæ machinas , & machinamenta dirupit , omnia passionum monstra superauit , & ex humilitatis feracissimo succo , omnia , quæ per humiliationem perdi videbantur , diti fœnore duplicata recepit , cumque virtutum , & sanctitatis gradum ascendit , ut , ipsius Dei testimonio , non esset ei similis in terra , homo simplex , & rectus , ac timens Deum , & recedens à malo . Vt iam non mirum sit , si Mogrouejus noster ad excelsum perfectionis , & sanctitatis gradum pertigerit , cum hanc radicem in agro puri cordis sui tam profundè fixerit , cum fundamenti huius lineas nusquam excesserit , cum huius matris vbera semper suxerit , huius magistræ præcepta semper seruarit , nihil vnquam sibi præter ipsum nihil , sed bona omnia Deo datori accepta referret : Nihil ille vana gloria magis pertimescebat ,

bat , per quam sciebat detrahi gloriæ Dei , & merita bonorum operum , quæ tanto labore quærentur , in puncto deperdi : cœlumque ipsum , summum hominis bonum , infelici nimo foro vili vanitatis aura venum dari . Nè fortiori ratione persuaderi poterat , vt pœnitentiæ suæ rigorem aliquantispèr mitigaret , quàm si singularitatis notam , aut vanæ gloriæ periculum subesse suaderetur .

Arbitraria omnia pœnitentiæ , vel pietatis opera , quæ aliorum præsentiam non requirebant , cilicia , flagellationes , caumenias , & prolixiores preces noctu ; ac domi quidem in secretiori recessu , foris autem in montibus , & syluis , amotis utrobiquè arbitris , libentiùs , quàm interdiù , vel vbi detegeretur , exercebat . Dùm prouinciam lustrabat , non quo credebatur die accedebat , sed præueniebat plerùmque , vel , vt ingrederetur , intempestam noctem expectabat , nè solemnì occursum , vel publica pompa exciperetur . Nè per oppida priùs cognita , nisi celata sua præsentia , & raptim redibat , vel dissimulato habitu diuersoria , tanquàm alius intrabat , nè ab oppidanis , aut Parocho honestiùs , lautiusvè haberetur .

Accidit aliquandò , vt Parochorum quispiam multa nocte venturum , in templo , accensis fortè luminibus præstolaretur , quo , vt credebatur , suo muneri excipiendo Archiepiscopo satisfi-

faceret : sed à Thuribio , qui incognitus ad Ecclesiæ fores silentè adorare statuit , grauitèr obiurgatus est ; tanquàm , qui maiorem curam egisset ingrata tùm ipsi cæremoniæ , quàm obseruantie synodaliū constitutionum , Romanę sedis autoritate firmatarum ; quibus sub excommunicationis interminatione cautum est , nè Indorum Rectores , templorum valuas noctu patere sinerent : se quippè venire , vt legum districtio firma foret , non vt populorum plausum , ijs postpositis , aucuparetur , aut eorum quietem importuno tempore perturbaret.

A suis non senèl monitus , hac eius demissione non parùm autoritatis deperdi , ac detrahi Pontificie ipsius dignitati , respondit ; vbì Archiepiscopus innotesceret , ibi ostentatione opus non esse : At vbì ignotus esset , priuatusque haberetur , hìc nihil detrahi dignitati . Cùm plura sacra loca studio suo & impendio fabricasset , nè titulos suos , vel nomen lapidibus , aut muris inscribi , nè affigi portis insignia vsquàm permisit , præterquàm in Archiepiscopali Seminario Limensi S. Thuribij , vt ipsius Collegij Ecclesiasticam immunitatem Archiepiscopaliū insignium significatione , & Concilij Tridentini autoritatem illęsam , integramque feruaret . Quę insignia postmodum , Regię potestatis vindicandę prætextu , violentèr deposita Thuribius patientèr tulit : cùmque Rex ipse iussillet ,

fisset, vt reponerentur, ac de Sacri Concilij, atque Collegij iuribus pro Archiepiscopo tulisset sententiam; Thuribius tamen hac sola contentus; insignia sua nunquam ampliùs restituit loco.

Quoties quidquam sui laudis, vel inuitus audiebat, se miserum mortalem esse, & peccatis obnoxium, naturęque pondere prouum ad concupiscentiam, ac nisi diuino munere retentum, in peccata ruiturum. Quęcumque demum opera sua bona poterat, humiliter occultabat: quę verò ab hominum oculis, vel auribus abscondere nequibat, ea vel in Deum authorem omninò referebat, vel casui, alteri uè cuiquam causę sic attribuebat, vt nihil in eis laudis, vel proprię estimationis reliquisset sibi quidem videretur. At ubi Dei gloria, iustitia, vel charitas, aut aliorum edificatio postulabat, proferebat, sed parcissimè, suarum actionum exempla, quę alij in eius quoque laudem vertere possent, quamquam longè præter ipsius intentionem. Sic cum dixisset, se cursum votiuarum precum, ex quo die semel cœperat, nunquam deinceps intermisisse: & iterum se malle mori, quàm leuissimi peccati labe inquinari; neutrum tamen iactabundus extulit; sed alterum exposuit, vt eandem diuini cultus perseuerantiam Christi ancillis, & neptibus suis, quas tunc hortabatur, inculcaret: alterum autem, vt auditores, qui ipsius innocentiam antè no-

uerant , ad minimi cuiusvis offensionis Dei detestationem , & fugam concitaret , exemplo S. Anselmi Cantuariensis , qui dicere solebat : si hinc peccati horrorem , indè inferni dolorem corporalitèr cernerem , & necessariò vni earum immergi deberem , priùs infernum , quàm peccatum oppeterem : vt in eius vita scribit Surius . Et ipse de se alibi : Mallem purus à peccato , & innocens gehennam intrare , quàm peccati sorde pollutus intrare Regna Cælorum .

Anselm. lib.
de Beat. cap.
130.

Thuribius eleemosynas pro Pontificij muneris obligatione publicè faciebat , sed plurimas occultè , pro abundantia suæ humilitatis . Cumque hæc , & alia bona opera sua Pontificio prærepto coactus Romam perciperet , id ea modestia fecit , vt verè coactus , Dei gloriæ , & homines ædificandi zelo ardens videretur , nulla sui laude motus , sed quod Saluator docuit : videant opera vestra bona , & glorificent Patrem vestrum , qui in Cœlis est : Omnis eius actio cum humilitatis virtute tam arcè coniuncta fuit , vt qui huius ab illo edita exempla in vnum conferre vellet , huic tota eius vita solo humilitatis titulo referenda foret . Quapropter plurimis hinc abstinemus , quæ cum aliarum virtutum actibus , quos exornabant , necessariò iterùm , & opportuniùs annectenda sunt . Satis nunc erit reminisci , quæ priùs diximus,

Matth. 5.

mus ; Thuribium cum hac virtute rationis vsum inchoasse , quandò paruus puer fœminæ , fructuum venditrici pomorum iacturam compasus , ac Dei per eius blasphemias offensa , ipse vehementer offensus , accensusque zelo diuini honoris ; fœminæ tamen plebeæ , puer nobilis , & potentis in Ciuitate parentis filius non conuicium pro conuicio , non arrogantem increpationem reddidit ; sed mansuetè , & humiliter orauit , nè infinitam Dei Maiestatem lacefferet maledictis ; damnumque , quod alij intulerunt , per pretium pari humilitate à sua genitrice impetratum , integrum restaurauit :

Non minus erat argumentum humilitatis , qua per totam vitam perpetuè & constantè seruata , eandem vitam sanctissimè finiuit , quandò in extremo morbo , octauo supra sexagesimum suæ ætatis anno , cùm districto Medicorum præcepto iussus , vt iusculum aliquod è carnibus coctum restituendæ valetudini necessarium , postquàm decem prius dies ieiunus decubisset , semel delibaret , & quarto priusquàm obiisset , non prius consensit , quàm vocato loci Parocho ieiunij dispensationem obtinuisset , cum insigni concertatione humilitatis . Parocho enim humiliter interroganti , vt quid hoc ab ipso peteret Archiepiscopus , & maior loci parochus , qui non minus cum alijs , quàm secum ipso dispensare posset ? respondit ille ma-

iori animi , & verborum demissione : frater ,
inquiens , Christiani sumus , quos Ecclesiæ pa-
rere decet ; atque sic se infimo Christianæ ple-
bis parem haberi voluit , & in causa propria
pauidior esse, quàm arrogantior .

C A P V T X.

*Thuribius Iuris Baccalaurei gradum adeptus migras-
Salmanticam . V. I. licentia donatur . Conym-
briam diuertit . Salmantini Collegij Oue-
rani socius . Huius Collegij lau-
des . Quo tempore , quaque
animi dispositione Col-
gium ingressus .*

H Viuismodi vitæ tyrocinium ; veluti nauem
in tutissima statione , validis mortifica-
tionis , humilitatisque anchoris firmam Valliso-
leti iam deponebat Mogrouejus , & animæ suæ
curandæ , litterarumque studijs prouectus , per
omnes liberalium artium gradus ad vtriusque
Iuris lauream peruenit , Baccalaurei insignibus
publicè donatus : in quibus suscipiendis id suæ,
& probitatis , & doctrinæ specimen dedit , vt
magnum virum eum olim fore cuncti sibi per-
suaserint , magnoque plausu prædicarent .

Florebat ea tempestate apud Salmanticenses
Iuris vtriusque peritia clarus , Doctor Ioannes
Mo-

Mogrouejus, Ludouici Mogroucji, Thuribij genitoris vterinus frater, celebris Ouetensis Collegij socius: qua vñ opportunitate parentes Thuribij, de filij profectu, & adepta inter Vallisoletanos fama læti, deque ampliori eius progressu solliciti, ipsum Salmanticam ad patrū proficisci iusserunt; vt in celeberrimo illo totius Hispaniæ Lyceo celebrior ipse, maiorque fieret sub disciplina tam spectabilis, charique curatoris, & intèr librorum suppellectilem, quam Ioannes magno selectu, sumptuque comparatam habuit. Nèc ipsos fefellit expectatio. Thuribius enim tūc præcedente fama, tūc patui causa, communi Salmanticentium applausu exceptus est; qui tūc præfagebant hunc magnū olim Academiæ decus allaturum. In Ioannis Mogroucji patui sui contubernium, disciplinamque susceptus, suam omnibus breuī pietatem ergā Deum, morumque integritatem, & sedulitatem in studijs itā probauit, vt ampliorem ipsi patruo, & parentibus apud omnes æstimationem attulerit.

Quanquā autem ciuilis prudentiæ curam haud quaquā abiecerit, ardentiori tamen studio, & pronitate ad canonicas sanctiones percallendas ferebatur. Nèc vtrumque Ius tam hic discere amplius, quā patrum in ambobus dictandis iuuare visus est. Cuius rei monumentum in instructissima Collegij Ouetensis bibliotheca, Thuribij dono, hodièque venerabundè seruatur, iustus codex

quæstionum vtriusque Iuris , authore Ioanne , qui eum prelo destinauerat , maxima parte propria Thuriij manu descriptus , & notis ad marginem illustratus . Cæterùm hic etiam temporum momenta sic distribuebat , vt quemadmodum exercitijs aulæ publicæ nunquàm defuerit , ità domesticis libris incubabat , & non rarò innotabat , vt viuæ bibliotheca euasisse ; omnia quippè librorum nomina , & sensus inuasisse videretur . Nèc propterea perfectionis Christianæ rationes quas semel iniverat , quidquàm diminnuebat ; sed publicis templorum , priuatisque domestici recessus exercitijs sua concedebat interualla litterarum : nunquàm , & nusquàm ociosus , donè Academici gradus lauream , quàm Licentiam vocant , pro scholæ Salmanticensis consuetudine , ritè cōsequutus esset .

Dùm hæc ità fierent Ioannes III. Lusitanix Rex veterem Academiam Vlisipone Conimbriam transferre statuit , erexitque variarum disciplinarum cathedras quinquaginta , assignato singulis amplissimo stipendio . Cùmque ex vniuersis Europæ scholis præclariores facultatum Professores accerferet , Ioannis Mogroueji celebri nomine motus , illum ad vesperariam , quàm vocant , canonici Iuris Cathedram inuitauit : quam cùm aliquandiù pro omnium satisfactione , & sui laude rexisset , primariam deindè promeruit , & adeptus est . Post decennij fermè spatiū Salmanticenses tanti suæ scholæ decoris desiderio flagrantés , vacantem tunc
apud

apud se ciuiliū legum cathedram, & Cathedra-
lis Ecclesiæ doctorem Canonicatum illi, vt redi-
ret, obtulerunt, isque ea conditione accepta reuer-
sus est. Thuribium etiam animi sui dimidium in
his migrationibus conduxisse, & reduxisse ferunt;
quanquā, quid interim egerit Conimbriæ, non
fatis innotescat. Antonius a Leone Pinellus, qui
Thuribij vitam publicè primus edidit, eum aliquan-
diū Conimbriæ commoratum esse, per indicia se
comperisse refert.

Ioanni Mogrouejo honoribus per Salmanticen-
ses collatis non diū gaudere licuit, cū anno apud
eos nundum exacto, in Cælum, vt opinari licet,
euocatus est, Thuribio Nepote facultatum suarum
scripto hærede, inter quas præcipuum ei obtigit
multiplex illa, & crudita bibliotheca. Verū
Thuribius quanquā non habitu, vel professio-
ne, sed moribus tamen, & priuatæ vitæ instituto
iam Monachus, & curæ domesticæ, mundique
facultatum pertæsus, maluit priuatus, & sub alio-
rum disciplina, coelestem vitam in Congregatio-
ne ducere, quā patrisfamilias sollicitudinum tri-
bulis implicari. Diuendita igitur, cum reliqua
suppellectili bibliotheca, pretium vniuersum foro-
ribus, quarum antè meminimus, copiosius collo-
candis distribuit, retento sibi solo studio virtutis,
& electo loco, in quo ijs impedimentis liber, Deo,
atque sibi vacare posset; Et res ex voto suc-
cessit.

In Lima Li-
mata p. 61.

Vacabant enim tunc in Collegio Ouetano Sal-
manticensi S. Saluatoris Becæ tantum tres, seu li-
terarij huius, nobilisque contubernij abollæ, vel
trabæ, quarum nos alibi formam, vsum, digni-
tatemque descripsimus: & ad eas ex multis qui aspi-
rabant, tres itidem electi fuerunt; Ioannes à Piñe-
da, qui quinto post anno religiosæ societati Iesu
nomen dedit; Franciscus Contreras multis dein-
dè, magnisque in Hispania muneribus, & mo-
rum probitate clarissimus. At à tam insignibus
viris Thuribius, ætatis suæ tum anno trigesimo se-
cundo, primum locum obtinuit: quod eximio me-
ritorum eius cumulo vitæ scriptores attribuunt.

Est autem illud Collegium Ouetanum magno-
rum virorum illustre, perpetuumque promptua-
rium, ex quo nimirum ante annum Christi 1653.
quo Pinellus Thuribij vitam conscripsit, ad subli-
miora loca deprompti fuerunt S. R. E. Cardinales
quatuor, totidemque Præsides Supremi Consilij
Regni Castellæ. Archiepiscopi Toletani duo: ali-
arum Ecclesiarum Archiepiscopi multi; ex quibus
Limanus noster Mogrouejus vtriusque Orbis desi-
derio inter Cœlites iam conscriptus. Episcopi qua-
draginta, & vnus. Regiæ cameræ à Consilijs sex.
Aliorum Curie consessuum, Consiliarij quadra-
ginta tres. Cancellariarum, Audientiarumque
quas vocant, Auditores centum: Generales San-
ctissimæ Inquisitionis per Hispanias Præfecti qua-
tuor. Ad dignitates, & Canonicatus Cathedra-
lium

lium Ecclesiarum allecti decem & octo suprà centum . Regnorum Visitatores octo : Prouinciarum Præsides viginti duo : scholasticarum Cathedralium Rectores publici nonaginta septem . Ex eodemque Collegio sacræ Synodo Tridentinæ interfuerunt tredecim . Alijque postmodum ad huiusmodi, vel alia loca, & munera plures . Non enim in ipsum Collegium admittuntur alij, quàm qui generis claritudine illustres, ætate maturi, & eruditione insignes, per præuium, rigidumque harum qualitarum, vitæque probitatis examen, & communia sodalium suffragia probati reperiuntur ; vt post exactam candidatorum inquisitionem, cui plures numero suffragantur, is reliquis præferatur .

His Thuribij migrationibus ego prudens annorum æram non ascripti ; Nàm qui eam designant, id pauidè faciunt, nè sibi per omnia constant, nè ea cùm rebus ipsis facilè combinādā venit, nè tanti mea refert, qui hoc loco non Chronologicam, sed asceticam, & exemplarem eius vitam profiteor . Quo anno Ioannes Patruus obierit Salmantice, indicat Epiraphium sepulchri in Cathedrali templo his vltimis eius notis : obiit 13. Kalend. Aprilis, anno à Christo nato 1566. Thuribium autem ad Collegium electum fuisse die tertia Februarij anno Domini 1571. ex formula professionis, propria ipsius manu in Collegij monumentis exarata, & apud Pinellum, aliosque descripta
con-

constat, quæ incipit. Ego Licentiatus Thuribius Mogrouejo &c. Ex quibus vlteriùs habemus, ipsum post Patruï mortem domus eius curam per integros quinque annos ante Collegij ingressum gessisse: qui sufficientissimi erant, vt certò experiretur, eiusmodi œconomiam .spiritualibus suis exercitijs, & litterarum studijs, vel nihil conducere, vel omninò nocere. Cuius ipsius animi circa temporalium administrationem clariora documenta producturi sumus, vbi œconomix ab ipso obseruata ratio vniuersim nobis tractanda redibit:

In hoc insignium virorum Salmanticense sodalitiū tertio die Februarij adlectus, iam tunc Licentiatus, Thuribius laudabili studiorum æmulatione cum diligentissimis quibusque concertabat; & cū cunctos vitæ sanctimonia superaret, à nemine scientia superatus est; præsertim in Iurisprudentia, quam præcipuè profitebatur. Ingenium illi erat clarum, & promptum, exercitatio infatigabilis, & memoria tam felix, vt cū Limam Archiepiscopus regeret, Indos omnes totius prouinciæ, quos semel nouerat, vultu deinceps, & vocabulo discernere potuerit. Sed maior, & efficacior profectus eius causa fuit inhabitantis cum spiritus sancti gràtia, & animi pudicitia. Duas etenim has arhas sapientiæ ad extremam vitæ periodum in se summo studio conseruauit; illibatę, scilicet, virginitatis candorem, & sanctificantis gratiæ stolam in bap-

baptismate susceptam, vario ceterarum virtutum ornamento tanquam opere phrygio contextam: quarum alteri conseruandę seueram sensuum, & carnis castigationem; alteri magis magisque augendę perpetuum orationis, & bonorum operum studium adhibebat. Nam & purum virginem cum vita hac mortali defunctum esse, & mortale peccatum nunquam commisisse, testes diuturna consuetudine coniuncti, quantum se in his extendit contubernalium iudicium, iurati deponunt, quorum aliqui intimas eius conscientię rimas, & recessus in sacra confessione cognouerant; vt mirum non sit, si diuina sapientia sedem in ipso fixerit, quę in electis suis mittit radices, & in hęreditate Domini moratur. Eccl. 24.

CAPVT XI.

Thuribius quàm bonus Collega. Peregrinatio Compostellana, varia macerationis, humilitatis, paupertatis, obedientię, castitatis, aliarumque virtutum exempla.

HInc, vt omnes insignis collegę partes explet, vt cunctas socialis vitę virtutes in se vno complexus est; & animę colendę, carnisque subiugandę studia, quę antè retulimus, ità hic minime deseruit, vt potiùs, non iam litteratorum Collegium, sed veterum Eremitarum desertum ingres-

I sus,

sus, & monastici rigoris tyrocinium aggressus videretur. Nam, & paupertatis, & obedientiæ, & castitatis singularia hic specimina dedit. Et pro socialis vitæ integritate tres sibi personas, seu personarum classes tractandas proposuit, easque omnes in Deum, (cui arctiori se semper perfectionis vinculo colligabat,) eiusque cultum, & gloriam referebat: seipsum nimirum, postea Maiores Collegij, denique Contubernales. Quæ, cum verbis breui dixerim, nunc factis amplius declaranda sunt.

Itaque cupiens perfectus esse, venditis Christi consilio omnibus, quæ habuit, & sæcularium rerum possessione, ac dispensatione expeditus, omni eiusmodi non cura tantum, sed & cogitatione procùl abiecta, omnem tolerandæ vitæ necessariorum rerum sollicitudinem in liberam administratorum Collegij voluntatem coniecit. Iis deinceps ad nutum obedire statuit, & præstito, ut solet, iuramento, se ex Collegij constitutionibus gubernandum tradidit, quod, quamdiù ibi vixit, integrè observauit. Verùm cum cuncta pro nobilis contubernij qualitate suppeterent, indolens Thuribius, percipitæ paupertatis experimenta sibi deesse, ut ingeniosus est Euangelicæ perfectionis ardor, præter parvissimum rerum usum, in quo semper cunctis præstabat, inuenit etiam per quod paupertatis incommoda tolerando, Christi sequela per amplius proficeret.

Cùm

Cùm enim vsu veniat, vt vacantibus, seu, pro animi relaxatione, intermissis celebri Academiæ litterarijs laboribus, cæteri omnes, vel parentû visendorum causa domum remeare soleant, vel prætensæ dignitatis cuiuspiam appetitu, Aulam adeant, vel cum amicis interim recreandi villas rusticatum petant: Thuribius noster, contemptis his rebus, & Cæli regno postpositis, Compostellana S. Iacobi limina, quinquaginta leucas distita cogitavit; coque, & nudis pedibus, & pedestri itinere, & peregrini habitu, & mendicato per viam victu, etsi pecuniarum non inops, proficisci statuit. Sictamen, vt pecuniæ quidpiam non deesset, nè vel extremum pati, vel pauperioribus pro se non indigente grauior esse cogeretur, qui plus illiusmodi hominibus dare, quàm ab eis accipere, & cupiebat, & solebat, & beatiùs esse, cùm facultas suppeteret, non ignorabat.

At nè solus iret, quo honestatis suæ testem, custodemque haberet, mentem suam aperuit Francisco Contreræ, de quo antè diximus, & sibi modestia morum simili, & proindè inter sodales maximè familiari, & qui eodem die Collegij toga simul induti fuerunt; quique Thuribij macerationes, vel paritèr exerceret, vel saltèm per ipsum exerceri permetteret, quemadmodum in aliarum virtutum studijs eum imitari consuevit. Profecti sunt ambo eò corporis habitu, & animi pietate, quæ tantæ peregrinationis sanctitatem decebant.

Compostellam appulsi , cùm templum ingrederentur , inuenit Thuribius nouam exercendæ paupertatis , & animi gratitudinis materiam .

Erat ibi mulier Aethiops , quæ cùm iuuenis pio , & pœnitenti peregrinorum cultu sacram ædem subire cerneret , verè pauperes rata , extractum æneum numulum eleemosynam pro Dei amore Thuribio porrexit . At ille amoris diuini dulcissimo nomine datum , paupertatis titulo lætus , humiliter accepit , & actis pro charitate gratijs , maiori mulieris paupertati compassus , humanissimè restituit , affirmans , sibi , socioque suppetere , quo peregrinationem æquo animo tolerare valeant . Suspicata illa exiguitatem nummuli contemptam fuisse , modestè respondit , se plus daturam fuisse , si plus ipsi fuisset : sed Illustrem Comitem , Dominum suum in templo esse qui plus , modo petant , illis erogaret , & vt peterent , beneuola voce hortata est . Quæ inopis seruæ charitas ita Thuribij pia viscera peruasit , vt eius rei memoriam per omnem vitam retinuerit , & sæpè deinceps apud amicos celebrauerit , Deumque in primo suo priuato , & in primo suo Pontificali , ac cæteris deinceps Missæ sacrificijs pro ipsa Deum orare consueuerit .

Ioannes de Almeida , vir grauis septuaginta tres annos natus , & Beato Thuribio , dùm Limæ uiueret , familiaris , in actis autoritate Ordinarij Limensis compactis , postquàm hoc factum , legitimè interrogatus , retulit , aliud adiunxit , &
vtrum-

utrumque persæpè ex ipsius Beati viri ore se auduisse affirmavit . Erat autèm, quod alia paritèr Aethiops, ac tùm Compostellæ hospita, cùm iuuenes in peregrino, & pauperum habitu cerneret, eos ad suum diuerforium inuitasset, & omni charitatis officio impertijisset . Quæ duo beneficia perpetua memoria relegebat Mogrouejus tùm in sacrificijs apud Deum, tùm conuersando cum amicis ; non quòd vel vnus obolum, vel alterius hospitium tanti faceret, quanti charitatem vtriusque, & voluntariæ suæ paupertatis exercitium, quo valdè delectabatur .

Peractis Sacris functionibus, quæ ad peregrinationis, tota Europa tam celebris, complementum pertinebant, seque ipsis, alijsque Sancti Apostoli patrocinio commendatis, Salmanticam, ad Collegium reuersi sunt, & Thuribius ad consuetas carnis macerationes ; seque ieiunijs, cilicijs, ac frequentia, & atrocitate flagellationum, nimiaque sanguinis effusione sic extenuabat, vt sæpè languescere, debilitari, & pedibus non satis regere se posse cerneretur : quod cæteris Collegis admirationem, doloremque afferebat ; Sed serui Dei constantia, & propositi tenacitate probè cognita, nemo erat, qui ipsum hortari pro viri reuerentia non pertimesceret . At Didacus Monreal Collegij Rector, quanquàm eadem reuerentia in Thuribium affectus, tanti nihilominus effundendi sanguinis retinaculum necessarium perspiciebat ; non qua polle-

bat

bat autoritate, & imperio, nequè dubitans ipsum obedientiæ promptitudine pariturum; sed ingenij suauitate, & arte vtendum prudentèr censuit, quo & ipse malo mederetur, ac Thuribius propria virtute, & ampliori merito solitam suæ carnis lanienam temperaret, & proprio suo iudicio ad id agendum, suauitèr, & artem non aduertens induceretur.

Igitur Francisci Contreræ apud Mogrouejum intima familiaritate, & beneuolentiæ fiducia vsus, per hunc illi, proprio Francisci nomine loquentem, persuasit, etsi sibi Contreræ amico videretur Thuribius conseruandæ carnis castimoniam, & puritati mentis, adipiscendæque perfectioni, rem optimam agere; sed virtutem in mediocritate sitam, excessum autem periculi plenum esse; nec posse Rectorem aut Collegas latere, quibus per manifesta signa, & curiosam indagationem iam palam patefacta res est; atque adeò inanis gloriæ dananis exposita, quæ vniuersam perfectionis structuram sensim sine sensu dissoluere solet, omnifque boni operis fructum, præmiumque surripere: malum dæmonem hac præcipua ratione lucrum suum cum nostro exterminio, in bonis præsertim operibus venari: fugiendam proindè hanc eius cassem, discriminè plenam, & viam virtutis, & christianæ perfectionis per medium iter tuto incedendam, modumque feruori imponendum esse: sibi sanè amicè, & seriò, sincerèque consulti videri. Hac oratione territus Thuribius, qui nullum monstrum,

strum, quàm gloriam apud homines magis ode-
rat, vel timebat, atrocitati quidem sanguinolentæ
flagellationis modum deinceps adhibuit; abstinen-
tiæ tamèn, vigiliarum, cæterarumque domandæ
carnis exercitationum nihil intermisit, litterarum
studijs commodiùs incumbendi excusationem pro
consueta humilitate prætexens.

In his autèm quàm eximiè profecerit Mogroue-
jus, suscepti iam vallisoleti Baccalaureatus, & sal-
manticæ Iuris vtriusque licentiæ gradus claro argu-
mento sunt: in quibus Academijs non fauore, vel
largitionibus, sed examine districtissimo, certa-
que experientia doctrinæ, grauium Magistrorum iudi-
cio comprobatæ conferuntur. Sed omnem dubi-
tandi suspensionem è medio tollit ipsius in Collegi-
um Ouetanum Salmanticense receptio, in quo
non triuiales pueri, non adolescentes litterarum
candidati, sed vel viri iam facti, & Cathedrarum
re ipsa Rectores, vel maturi iuuenes prouectæ scien-
tiæ, morum probitatis, & generosi sanguinis, ad
Iuris normam probato testimonio commendati,
in contubernium suscipiuntur: qui vel magistrali
Cathedræ, vel sacri, ciuilibusque Reipub: tribunali-
bus regendis, vbi per ætatis maturitatem deceat,
constanti, & matura virtute dignissimi censeantur.
Nèc parum efficit, primum locum Thuribio per
omnium Collegarum suffragia adiudicatum fuisse;
atque vt testes in actis iurati comprobant, non Po-
tèntum interpellatione, non emendicato fauore
suf-

suffragantium , sed solius doctrinæ , & morum
sanctimonix titulis , per iustitię rigorem exigen-
tibus .

Osee.4.

Sciebat sanctus doctusque Thuribius è sacris li-
bris , quos diù , noctuque versabat, sacerdotes, qui
scientiam repellunt , repellendos esse , nè sacerdo-
tio fungantur Deo ; nèc vllum Prępositorum à
culpa per iuris ignorantiam excusari posse ; propte-
reà , vt & conscientię suę , & impositorum deindè
magistratuum officijs satisfaceret, non in Collegijs
tantum , sed per totam vitam diuinę scripturę , &
sacrorum pręsertim Canonum iugi lectioni impa-
lescebat . Iuvat grauissimi viri testimonio , pro ve-
ritate rogato claudere periodum. Is erat Doctör Pe-
trus de Ortega Sotomaïor , qui postquàm esset ca-
nonicus magistralis , Archidiaconus Ecclesię Me-
tropolitanę Limensis , & in eiusdem Ciuitatis Aca-
demia Primarius Theologię Professor , deindè
Truxillanus , mōxque Ariquippensis , ac demum
Cuscensis Episcopus factus , dignissimus Pręsul ,
hoc de Thuribij Archipręsulis doctrina testimo-
nium dedit : Eum adeò doctum fuisse , vt vniuer-
sum Ius Canonicum , & Concilij Tridentini san-
ctiones memoria retineret : harum nihilominus
codicem circumferre solitum fuisse , & in quauis re
dubia , vel difficili quęstione , resolutiones suas
tàm ad rem aptis eius locis comprobare , ac si eos
industria , studioque perquisisset , ac viros doctissi-
mos , quos rerum difficiliorum consultationibus adhi-

adhibebat, admiratos dictitasse, se ab Archiepiscopo vocari, non tam, ut ipforum consilij dirigetur, quam, ut eos sapientia sua erudiret, doctrinæque luminibus illustraret.

Nec minus promptè in sermonibus, per quos pro concione populos instruebat, proposita quævis documenta, sacre scripturæ appositis sententijs, ex tempore depromptis, confirmabat; ut multi sibi persuaderent, tantam doctrinæ copiam, & facilitatem, non aded studio, & labore illi acquisitam, ac diuinius infusam fuisse; ut quem ab initia ætate plus temporis orationi, & pietatis exercitijs, quam voluendis paginis impendere consueuisse scirent. Erat nihilominus, aded humilis, ut prudentiæ suæ, Salomonis monitu, minimè nifus, deligeret viros optimos, & scientia probatos, quorum consilio atque autoritate, in arduis præsertim rebus, nitebatur. Immo, & Sedem Apostolicam ab illo Orbis extremo consulebat, cuius triginta, & octo ad Thuribium responsa in Congregatione Concilij Tridentini discussa, & decreta, nos alibi edidimus, & ille tanquam certas, & securas gubernij sui regulas sanctissimè obseruabat.

Prou. 3:

In Lima lim.

Per annos quinque, quos in Collegio vixit, nemo erat illo, aut ad pietatē pronior, aut ad labores promptior, aut ad obediendum alacrior, aut in omnibus disciplinæ muneribus diligentior. Erga Moderatores obsequentiissimus, æqualibus æq; amabilis, & officiosus, Collegij constitutionum

obseruantissimus . Præfecti ab ore penderè , Collegis humiliter ministrare , & infrà omnes haberi gestiens : Vbi publicus conuentus eum non euocabat , cubiculi secessum seruare , studijs , & pietati vacare , foris in templo , vel gymnasio versari , frequentare Sacramenta , sacris concionibus attentè interesse , Sacrificio Missæ vel reuerentè ministrare , vel prolixiùs assistere . Atquè ità per omnia conuersatus est , vt in toto contubernio speculum sanctitatis , & virtutum exemplar habitus sit , omnesque in sui admirationem , amorem , & reuerentiàm rapuerit ; & Sancti appellationem apud Collegas , quocumquè postmodum ierint , & eorum in Collegio successores , deinceps adeptus sit .

Verùm vt iuventus viriditate sua læta , & oblectationum auida est , ità , qui prudenticuli sibi in societate videntur , non odio vel contemptu personarum , sed solius ioci , & recreationis causa , seruorum Dei , vel simplicem innocentiam , vel in quibus ipsi parem sibi iocandi licentiam , aut hilaritatem non cernunt , nonnunquam vexare solent ijs rebus , à quibus isti magnoperè abhorrent : Deo etiam sic permittente , vt ampliora eis victoriarum certamina paret , & ipsius dona in eis magis clucescant . Sic hac altera vice voluit , vt constantissima castitas Thuribij , ioco saltem , probaretur . Conueniant Collegarum aliqui , vt ipsorum vnus mundo muliebri ornatus , ipsius noctu studijs incumbens

cu-

cubiculo se silentè inferret, alijs ridendum prælium post portam spectaturis. Fecit iste, & ponè sedem se mouentem sensit Thuribius: cùmque visum, quid esset, oculos retrò verteret, fœminæ specie territus, & conspectam, quam suspicatus est, puellam abominatus, arrepto manu candelabro, surrexit, eleuataque voce, apagè scelestâ, inquit, autum te hinc abripe, vel ego Rectorem vocabo, qui meritas temeritatis tuæ poenas exiget. Abijè laruatus Collega, & ab exteriùs præstolantibus cacinno exceptus fuit: quos etsi intùs inaudisset Thuribius; nihil tamèn tunc, vel vnquàm postea, pro solita sua modestia, & mansuetudine, hac de re illis locutus est. Sed, obducto portæ pesulo, suis rebus quietus incubuit.

Ipsi verò, vt Annæ Robleziæ matri iucundum aliquid, & gratum de Thuribio filio nunciarent, rem totam illi per epistolam scripserunt, Vallefoletanam Thuribij victoriam nouo hoc experimento comprobantes, triumphasse de castitatis hoste Mogrouejum, & præclarum suæ mansuetudinis exemplum ceteris exhibuisse.

Sed ipsius illibatae castimoniae plura documenta postea profereamus.

CAPVT XII.)

*Granatensis Inquisitionis initia. Thuribius fama
celebris illi Præfectus, ut se gesserit.*

IN finem iam vergebat annus à Christi Natiuitate 1575. ætatis Mogroueji trigessimus septimus, & incolatus Ouetani Collegij quintus. Cùm Regnum Granatense, non amplius octuaginta circiter annis prius, Ferdinandi, & Isabellæ, Catholicorum Regum armis è Maurorum manibus abreptum fuit. Et quanquàm serui Dei Francisci Ximenij Cisnerij nostri, Cardinalis, Archiepiscopi Toletani, à Regibus ei negotio præfecti, ardenti zelo, singulari prudentia, & quo præ multis pollebat, animi vigore, omnes Mahometicæ professionis, & maxima pars Regni, intra breue tempus, non leuibus obstaculis, Deo mirabiliter auxiliante, superatis, ad Christiana sacra conuersi fuerint, & anno 1499. die 16. Decembris vltra ter nulle Catechumenos, de fidei mysterijs per ministros ab Ximenio destinatos ritè primùm instructos, ipse suis manibus, aliquos quidem ijs ritibus, quos Ecclesia Romana præscribit, reliquos, propter multitudinem, aspersorio capitatim sacro baptismatis lauacro lustrauit, quorum numerus per tres indè menses ad vigesimum millenarium creuit.

Post-

Postmodum deinceps, Catholicorum Regum studio, & supremi per Hispanias Tribunalis S. Inquisitionis auctoritate, peculiare Tribunal pro illis in fide continendis, in vrbe Granata erectum fuit; non defuere tamèn inter Neophitos, quibus pristinæ superstitionis affectus aliquis inhærebat, qui aliquandò in effectus prorumpere visus est, nec Iudaicæ quoque perfidiæ occulti cultores, neque ex vetustioribus Christianis aliqui, plusquàm oportet, sapientes. Quapropter, pro rei pondere, viri, pietate, scientia, & ætate grauiissimi tanto fidei negotio & S. Granatensi Inquisitioni Iudices præfici consueuerunt. Eo autem anno quem diximus, 1575. vacauit in eo Tribunali locus Inquisitoris, & Thuribius noster, in suo cubiculo Collegij Salmanticensis, latere se credidit, ac solitis litterarum, & pietatis exercitijs, quietè vacare se posse gaudebat, nulla dignitatis titillatione, cura, vel cogitatu sollicitus.

Verùm vt sol Oriens nullam peruiam obuiamque rimulam non penetrat; sic eximia virtus, quanquàm humilitatis ingeniosis artibus in terram altè defossa, volens, nolens, per omnem terræ porum emergit, & lucis suæ radios, longè latèque diffundit, eo gratiores aspectu, quo contrariæ demissionis voluntario appositu magis elucent, & omnem vanitatis vmbra longius a se dispellunt: sic sanè Thuribij Mogroveji doctrinæ, & sanctitatis fama, quam intrà conscientiam contegebat, & intrà

Epiſt. 18. 1. 3.

intrà priuati cubiculi parietes ſepelire pro viribus ſatagebat, in publicum emicuit, & per Hiſpaniam vniuerſam percrebuit, atque in Philippi prudentis, Catholici Regis aulę ſecretiora penetralia irrupit: cui nimirum oculatiſſimo Regi ſolemne fuit, quod Symmachus de Theodoſio, religioſiſſimo Imperatore dixit; longè intendere oculos, & per immenſum requirere venas bonorum, nullosque auidius trahere, quàm nihil deſiderantes; præſertim ex illo Salmanticenſi S. Saluatoris Contubernio, quod virorum ad omnem reipub. adminiſtrationem aptiſſimorum copioſum, perpetuum, & ſingulare promptuarium eſt.

Quo factum, vt poſtpoſitis multorum, cum virtutibus, tum grauiore etate, iuuenis Thuribius, præter conſuetudinem catenùs obſeruata, per quam ex alioquin equalibus etate maiores præferri ſolebant, ſed incomparabilis probitatis, ſenſuum ſenectutis, oris reuerendi aſpectus, prudentię ſpectabilis, ardentis zeli diuini honoris, Eccleſięque dignitatis, &, quod omnia comprehendit, morum grauitatis, doctrine amplitudinis, & vitę ſanctitatis commendatione præcellens; ex omnibus electus eſt, qui in tanto rerum pondere, ac difficultate, in vrbe, & Regno Granatenſi, in Neophitos Catholice fidei cenſuram exerceret; munus omnium Chriſtianę Reipub. grauiffimum; in quo nimirum, non tantum de temporali vita, ſcultatibus, & fama, eternaque ſalute hominum, ſed

sed de summi Dei præcipuo in terris honore, cultu-
que sententia ferenda est.

Erat hora ultra montes post meridiem decima,
& apud Italos in brumali solstitio quinta noctis,
cùm ianua Collegij fortiter pulsata fuit: quam
quod aperire intempesta nocte non liceret, fasci-
culum litterarum, ex aula, Madrito allatum, &
per foramen immisum, ad Licentiatum D. Thu-
ribium Alphonsum Mogrouejum; Collegarum
primi, qui aderant, aperuerunt, existimantes iu-
venilem sodalis alicuius iocum fuisse. Cùm repe-
rissent veros dignitatis titulos à supremo Inquisi-
tionis senatu ad Mogrouejum esse, hominem
adeunt, aperti fasciculi veniam deprecantur, di-
gnitatem ipsi communi iubilo gratulantur, ac tre-
mulum, & patientem confortant, utque oblatam
honestatem acceptet cohortantur, & obedientie
titulo suadent, sed nondum persuadent.

Ille siquidem è medio se surripuit, & clausus in
cubiculo, ingeminatis ea nocte flagellationibus, &
producta oratione consilia sua Domino commen-
davit: quibus per dies consequentes adiunxit ieiun-
ia, secumque ipse, & cum alijs pugnans, nullum
non movit lapidem, quo tam graui onere, cui se
imparem censebat, omnino liberaretur. Cessit
tandem tremendi Senatus, & Regis imperio, per-
suasæque Collegarum rationibus diuinæ volunta-
ti. Granatam profectus impositum sibi munus
exercuit, non ut Iudex, sed ut Episcopus; paupe-
rum

rum imprimis pater effectus, verecundis præsertim egenis, & Neophytis plus tribuens, quam officij stipendia, domusque sustentandæ sumptus concedere videbantur: sed frugalitatis cultos plus largiri poterat, quàm aliter viuentes intellectu percipere. Et vt parentes in filios pij, voluptati, & vanitati suæ subtrahunt, quod filiorum indigentia, & honestati conseruant; Ità Mogroueius per omnem deinceps vitam ratus, inopes Ecclesiasticæ pecuniæ hæredes esse, se autem quasi usufructuarium, sic illa semper vsus est, vt suæ domui merè, & modestè necessaria, tanquàm eleemosynam, caperet; reliqua illis tanquàm debitum dominis impertiret. Sed hæc ampliùs alibi.

Cæterum, vt erat seruus Dei sincerus, Beatus Mogroueius, ità imprimis Granatæ conuersatus est, vt modestia morum, & cultus personæ, domusque suæ, ac vitæ suprà obligationem religiosæ obseruantia, & comitatis, grauitatisque temperamento, omnium in se admirationem affectusque rapuerit, vt eius iuuentus aliorum canitiem superare censeretur. In grauiissimi muneris præstatione, primas criminum delationes, neque leuissimas contemnebat, neque grauioribus capiebatur, dum rem pro Iuris ordine totam cognosceret; nè alterius leuitate, suspicionibus, odio, æmulatione, vel quibus vis adiuuentis nocendi modis, alterum lædat. Verè deprehensos suauitè iustruebat, monebat, hortabatur, vt vitæ suæ, famæ, & æternæ salutis

saluti consulerent: nè certam diuinæ fidei veritatem, phantasmatum suorum vanitatis; aut veri Dei cultum, à quo, & vita, & salus vnice prouenit, imaginationum suarum idolis superbè postpouerent: sed renunciato Diabolo, & pompis eius, captiuarent intellectum in obsequium fidei, sine qua impossibile est placere Deo.

2. Cor. 10.
Hebræor. 11.

Pertinaces ità damnabat, vt in seipsum sententiam ferre videretur; & manifestè appareret, lucrari omnes, non perdere quemquàm velle; & salutem eorum sitire, non sanguinem. Erat enim vt iustitiæ diuinæ, honorisque zelo ardentissimus, ità in reos istos misericordiæ, & charitatis visceribus plenus; vt, dùm vtraque Dei misericordiæ, iustitiæque norma temperaret, sed æternum Dei honorem, temporarijs hominū commodis præferre cogeretur, sic in finem perfidos condemnabat, vt ipse in eorum tormentis, & animarum imprimis damno cruciaretur, eorumque salutem, & mentis mutationem, carnis suæ sanguinolentis verberibus, ieiunijs, cilicijs, vigilijs, & prolixis precibus Christo, vt sui sanguinis pretium, commendabat. Et aliquandò obtinuisse, etsi historia non referat, piè sanè credendum est. Id certum, his rebus illum integerrimi Iudicis, viri sanctissimi, miserorum parentis, & Christianæ perfectionis, omnisque Sanctimonix, doctrinæ, ceterarumque virtutum speculi famam (quam reliquarum rerum minimè curabat) per omnem Hispaniam adeptum fuisse:

L

que,

quæ , vt vmbra corpus , & solem fulgor , sinceram virtutem vbique sequitur etiam nolentem .

Huic eius æstimationi maximoperè confirmandæ fuit , quod Deus ad gloriam suam , seruique sui manifestandam perfectionis excellentiam eo tempore permisit . Disceptabatur de Iuribus Ecclesiæ , & sacri Tribunalis inter huius Ministros , & Regiæ Granatensis Cancellariæ Præfectos . Atq; horum is , qui cæteris præerat , vel zelo iustitiæ , vel vincendi cupidine , petijt , & obtinuit , vt Granatensis Inquisitionis Ministri , supremi Tribunalis autoritate , per destinatos Visitatores , Iuris ordine cognoscerentur . Omnibus ritè discussis , singuli in aliquo deprehensi sunt , et omnes ad vnum Officijs , locoque amoti , excepto Thuribio Mogrouejo , qui tam procùl à culpa , vel minima , inuentus est , vt nemo esset , qui minimam de illo querelam , vel aduersam mentionem adferret : sed cuncti virum inculpatum , integerrimum , hominem sanctum , et omni laude præmioque dignum deprecarentur .

Quo factum fuit , vt cùm priùs vltimum inter Iudices locum , tanquàm ætate iunior , et qui posterius accesserat , obtinuit ; tunc nedùm loco non moueretur , sed cæterorum omnium , qui nouitè constituti fuerunt , primus , & Præfectus Tribunalis euaderet : totaque eum Ciuitas , Neophiti paritèr , & veterani fideles euidenti hoc documento in pristina opinione firmati , amarent vehementiùs , & amplius venerarentur , miraretur Hispania , & pruden-

dentissimus Rex Philippus, aulæque Senatus omnes, supremus præsertim sanctissimæ Inquisitionis, ad quem res propius pertinebat, in delitijs haberent.

CAPUT XIII.

*Eius œconomiae, domesticæque disciplinae,
tùm hic, tum Limæ ratio.*

GRanatæ domum regere, & familiam alere debebat Inquisitor Moguejus: in qua re eas œconomiae rationes instituit, quas per maximam animi tranquillitatem, & securitatem conscientiae, summa sui laude, & maiori meritorum cumulo, amplioremque profectum perfectionis, per totam deinceps vitam, etiam Archiepiscopus, observauit. Atque hæc in eo sollemnis fuit perseverantiae sanctæ prærogatiua, & clarum prudentiae specimen; ut nihil rerum ad perfectiorem vitam conducentium vnquam semel statuerit, quod usque ad finem non observasset, & omni status ipsius mutationi non conueniret. Quinquennio illo, per quod, antè Collegij Ouerani ingressum, defuncti patris domus curam egerat, didicit experientia, quantum detrimenti huiusmodi œconomicae rei sollicitudo suis litterarum studijs, & multò plus vitæ spiritualis profectui afferret.

Didicit moriente S. Bernardo: summis occupatum, infimis non intendere, & quasi Ministrum

Lib. 4. de
Consid. ad
Eug.

fieri; nèc minimis impendere, quod maximis debetur. Nèc Episcopo turpiùs quidquàm esse, quàm incumbere suppellectili, & substantiolæ suæ; scrutari omnia, de singulis morderi suspitionibus, moueri ad quæque perdita vel neglecta: scrutari quotidie omnem substantiam suam, numerare singula, de minutis, & quadrantibus exigere rationem. Quaproptèr, cui iam constitutum fuit, litterarum, & Sanctimonix studia nunquàm deferere, præsertim in munere Inquisitionis, quod vtrumque magnoperè, & altero curæ pastoralis, quod pro obligatione status iam acquisitæ perfectionis, maximè deposcit, dùm ista per se ageret, & Bernardi sententia oportebat procurare, quem illis implicaret, eaque per se absque ipso faceret; vacuus quippè prorsus, inquit, à sollicitudine rerum minimarum, & vilium, oportet esse animum tam magnis, & multis intentum rebus.

Vt id assequeretur Thuribius, quod & animæ procurandæ, & impositi muneris integritati necessarium iudicabat, virum imprimis omnibus numeris absolutum domui suæ, & familiæ præficere statuit; quo securè se omnium illarum rerum cura, & sollicitudine, sine vllò domus detrimento eximeret. Nequè de persona præficiendi diù delibendum fuit: Erat quippè nostro Inquisitori, & Archiepiscopo sororis coniux, vir nobilis, Franciscus, Quinionius arcto sanguinis vinculo coniunctus, & Grimanefa, soror, eiusdem Francisci vxor,

par

par personarum omni exceptione maius ; quarum iam nos antè meminimus . Erat Grimanese scœmina selectissima, proba, pudica, prudens, & pia, ac domui, cum omni virtute bonæ matrisfamilias, præesse sciens . Erat Franciscus vir integerrimus, non imparibus pietatis, & prudentiæ dotibus insignis : vterque Thuribij amantissimus, et omni eius nutui paratus ; atquè adeò in rerum administratione fidi, vt crimini sibi haberent, si vel obolum Ecclesiasticæ pecuniæ in proprios, vel alienos vsus conuerterent, quàm quibus, per Deum, et servum eius Thuribium, pro sacrorum Canonum rigida obseruatione destinata sit .

His ergò ad se vocatis omnem temporalem vniuersæ domus administrationem tradidit, et ipse tanquàm in aliena domo, non aliter quàm in Ouetensi Collegio, cum illis habitabat . Solam egenorum curam, et eleemolinarum dispensationem, quæ sacris Præfulibus propriæ sunt, sibi, et alijs Ministris ad hoc ipsum deputatis reseruans ; quanquàm extrà ordinem magnas, non rarò, summas huius generis Quinione imperare soleret, quarum postea rationem exponemus . Qui domesticis temporalis obsequij ministerijs necessarij erant, hos admittendi, regendi, demittendique curam, et cognitatum Francisco, tanquàm domus Præfecto commisit . Qui verò pastoralis officij negotiorum participes essent, Iudices, Examinatores, Sacellanos, Secretarios, Camerarios, et, pro consuetudine

dine patriæ , Ephebos iuvenes , ipsorum educationi , et parentum leuamini magis , quàm obsequijs Archiepiscopi adscitos , ipse sibi , pro cuiusque muneris qualitate , tùm genere , tùm virtute egregios , vel in Synodo , vel priuatim , non sinè matura deliberatione , et cognitis personarum dotibus , adhibebat ; nè semèl probatos facilè dimittebat , nisi quandò pro meritis ad maiora proficerent .

At verò , nè sanguinis propinquitas , vel ipsi Sancto Præfuli conscientię scrupulum , vel externis suspicionem pareret : quantumuis Quinionij probitatem , & fidem compertissimam haberet : vt tamen omnem sinistrae suspicionis ansam tolleret , & conscientiam suam apud Deum , & famam apud homines redderet certissimam , curabat vt Franciscus affinis , & consobrinus , per singulos annos , Prouisorio Metropolitanæ Sedis , & Vicario Generali suo , ac simul duobus Regularium Ordinum Superioribus , distinctas , exactasque dati , & accepti rationes redderet . Et ijsdem his Exactoribus conscientias onerabat , eosque grauislimis verbis obtestabatur , & obstringebat , vt aduerterent , quam ipsi rationem Deo reddituri essent , adeoque rationes Archiepiscopalium reddituum diligentèr inspiciant , scientes eos non ad ipsum , sed ad pauperes , vt aiebat , proprio iure pertinere : omnemque in hoc negotio humanum respectum procul abijciant .

Hanc Archiepiscopi domus curam gessisse Franciscum Quinionium , postquàm ille Archiepiscopatum
su-

fufceperat , ipfumque cum vxore , & liberis ex Hispania Limam comitatum fuiſſe certum eſt . Verùm non tunc primùm adſcitum , ſed hoc ei muneris Granatæ , ab Inquiſitore Mogrouejo commiſſum fuiſſe , vel inde fatiſ innotefcit , quod in actis Canonizationis Romæ impreſſis reperio , vbi D. Mariana de Guzman , & Quiniones , Franciſci , & Grimaneſæ filia , & neptiſ Thuribij , tùm grauiſ matrona , & ætatiſ annorum octuaginta , quandò multa copioſa , & grauiſa teſtimonia , Auunculi vitæ , & virtutiſ in actiſ depoſuit , cauſam ſcientiæ ſuæ inter alia profert , quòd in Thuribij domo Granatæ nata fuerit , cum ille in ea Ciuitate Apoftolicuſ fidei Queſitor eſſet ; & cum Archiepiſcopuſ in Peruuia migraret , inter aliaſ familiæ perſonas ipſa fuerit , cum dictiſ ſuiſ Patre & Matre , qui Thuribio ſempèr in propria ipſiuſ domo , vt illa teſtata eſt , aſſiſtebant .

Ea verò vniuerſæ familiæ cura præcipua Inquiſitori , & Archiepiſcopo fuit , vt mundaniſ rebus , & publico ſe , quantum negotia paterentur , abducerent , vt vitia , præſertim auaritiã , diſcordiamque oderint , virtuteſ omneſ , maximè temperantiã , morumque modeſtiã , & Chriſtianæ vitæ perfectionem , bonorumque operum exempla ſectarentur . Deum ex animo colerent , & proximoſ diuina charitate diligerent , & iuuarent , ignorantēſ docerent , ad virtutem prouocarent : domum enim Epicoſpi decet ſanctitudo , & cæterorum be-

nè viuendi norma esse debet. Domum Inquisitoris summa, cum comitate, grauitas, modestia, pietas, pax, patientia, charitas, & maxima munditia manuum, vt quæ fidem exigit opera fidei manifestè præbeat. In quem finem doctos, & pios viros, ex Ecclesiasticis, domi alebat, quorum nonnulli ad magnas dignitates è Mogroueji domo, ac disciplina emerferant, & dies suos in illis honoribus, vt ipse Thuribius, tanquàm peregrini in hoc seculo, cum sanctitatis opinione feliciter finierunt.

Grimanefa Præfulis soror, & Materfamilias, non domesticum alebat puellarum gynæceum, non aduenarum frequentiam garrula vanitate attrahebat; quanquàm alioquin modestis matronis comis & officiosa; sed paucas habebat ancillas, suis ac filiarum obsequijs, & muliebribus domus officijs necessarias. Harum, nescio quæ, vna virum quempiam, vel allocuta liberiùs, vel arrisisset ei semèl deprehensa, tota domo exulare debuit. Nàm Thuribij parietes, vel minimum nutum lasciuie continere non poterant. Filias ipsas tres, per annos quatuordecim, in Cœnobio Limensi, seculari habitu, educari oportuit. Seculares autem viri, quos Thuribius in familia habuit, inò & nigra mancipia singularis modestiæ, virtutis, & boni exempli nomen, & famam per vrbes, & prouinciam adepti sunt. Et omnes denique satis ad commendationem habuerunt, quod in Sancti Archiepiscopi domo ad Domini votum pro tempore seruif-

uijsſent . Eorum & numerus copioſior , & plerumque qualitas maior , pro ratione munium , & dignitatis decore , in Archiepiſcopatu , quàm antè fuit .

Domus ipſa Archiepiſcopalis , pro ſtructure Limanæ conſuetudine , ampla , & honeſtiſſima , Cathedralis Eccleſiæ lateri iuncta , et fori maximi proſpectu illuſtris ; ſed quem Thuribius , quando proſpectaculis grator eſſet , occluſis fenestris , familiaræ prohibebat : ipſe tunc maximè in ſecreto reſeſſu , tanquam Iob pro conuiuantibus filijs orationi inſtans , nè quid mali inter ludendum populo accideret . Domus parietes ſericis auleis ornabantur ; ſed quos Episcopos nonnunquàm clàm denu-
dabat , vt nudos pauperum Chriſtianorum humeros operiret . Lectus commodis , ornatuque , Eccleſiaſtico Principe dignus ; ſed in quo Mogroue-
jus nunquàm decubuit . Menſa pro accumbentium honore , ſplendida : ſed in qua cùm cæteri epulari poterant , ſolus Thuribius quotidie ieiunabat , et ex qua (nam in aula patula , aduentantibus per-
uia , ſternebatur) pauperum Indorum ieiuna viſcera , per ſercula proprijs manibus Antiftitis por-
recta , reſiciebantur .

Seppellex argentea ; ſed cui nullus ſur , præter Thuribium timebatur ; qui vel cum cibis palàm donabat orbes , vel candelabra per fenestras ad pauperes occultè proijciebat , vel argenteas cruces , quæ per prouinciam præferebantur , cæteramque

*Præf. Miſſæ S.
Crucis .*

ſuppellectilem pauperum preſbyterorum altaribus relinquebat . Ipſe interim ligneis , et paupertatis titulo pompoſus ; terras priùs diabolo deditas expugnaturus , vt qui in ligno vincebat , in ligno quoque vinceretur . Sic Apoſtolicus hic Præful , ſanctum Bernardum iterùm dicentem , audiens ; procurandus quem implices , qui pro te molat , prò te dico non tecum ; quædam enim per temet facies , quædam per te et alios ſimul , quædam per alios et abſque te : ſic per eum hæc obſeruata ſunt , ac ſi ipſi , vel ſoli , vel præcipuè dicta fuiſſent , monaſtica per ſe , æconomica per alios , politica per ſe et alios exercebat .

1. ad Tit .

Matth. 16 .

Quancquàm etenim animarum regimen , et ſollicitudo Eccleſiarum ſummi meriti ſit apud Deum ; ſed qui domui ſuæ præeſſe neſcit , quomodò Eccleſiæ Dei diligentiam habebit ; vel etſi vtrumque rectè peregerit , quid prodeſt homini ſi totum mundum lucretur , animæ verò ſuæ detrimentum patiatur . Tria ergò hæc Epifcopo neceſſaria ſunt , magna cura domus , maior gregis , ſed animæ ſuæ maxima , primam per alios , ſecundam per ſe et alios , tertiam per ſe ſolum agere .

C A P V T XIV.

*Archiepiſcopatui ſuſcipiendo quantum relictatus .
Qua ratione perſuaſus . vt conſentires :*

L Vſtrum iam , paucis menſibus minus , in Granatenſis Inquiſitionis officio egerat Beatus
Thu-

Thuribius, quandò per sex circitèr annos, post mortem Fr. Hieronymi Loaysæ, primi, & probatissimi Archiepiscopi, ex ordine Prædicatorum, pastore viduata fuit Ecclesià Metropolitana Limensis, in America Meridionali. Eam plures interim sibi appetebant, & adeptus est, expeditis etiam Pontificijs Diplomatis, Didacus Gomez à Madrid: qui cùm deindè mox ad Pacensem in Hispanijs Episcopatum, vulgò Badayoz, translatus esset, Limensis iterum continuò vacauit, eiusque noua prouiso, vt res maximi momenti, in regio rerum Indicarum Consilio, diù, multumque discutienda fuit, expeditæque, vt consuevit, ad Præsules prouinciarum Hispaniæ, Regiæ litteræ; vt, quem nouissent ei muneri maximè idoneum, hunc suæ Maiestati per litteras indicarent.

Inhæsit Senatorum, atquè ipsius Regis animo celebris fama Thuribij, tam procul ab appetitu dignitatis, vt an Lima, Peruuia, vel India in Orbe terrarum essent, nè cogitaret quidè; sed eo prorsus inscio, rem non segniter vrsisse censetur Didacus de Zuniga, ipse quondam Ouetani Salmanticensis Collegij socius, & regij Granatensis Senatus Auditor, qui Mogroueij sapientiam, & sanctitatem, dotisque omnes expertus utrobiquè fuit, ac tùm, cùm hæc tractarentur, Indiarum Consilij Assessor erat. Sed vndecumquè venerit, à Deo proculdubiò profectum est, vt Thuribius nihil petens, & rei omninò ignarus, competitoribus

omnibus prælatus, & Limensis Archiepiscopus, communi Senatus consulto decretus fuerit. Placuit res prudentissimo Regi, qui Mogroueji dotes perspectas habuit, nèc alius melior ei visus est, quem ex Granatensi Neophitorum in Hispania, iusto, pio, prudenti, zelante, docto, & sancto, probatæque fidei Quæsitore, Neophytis Peruvianis Archiepiscopum Romano Pontifici præficiendum offerret, quod lætus, & lubens fecit.

Atquè imprimis electus ipse Metropolita, missò Regiæ voluntatis decreto, monitus est, vt suscepto huic oneri, prò Dei gloria, & Ecclesiæ illius utilitate, & animarum salute humeros suos ferendo summitteret. Sed ad inopinatam rei nouitatem territus, & tremens Thuribius, qui animæ suæ ad cœlestes fructus excolendæ, maiori cura, quam ullius dignitatis humanæ, ne dùm talis, ac tam innumeræ gentis, qua forsitan sub nullo tunc Archiepiscopo copiosior, in remotissima orbis regione regundæ cogitatu tenebatur, illicò rescripsit summas gratias Regi, & Excellentissimo Senatui, pro ipsorum in se beneuolentia: se tamen nequè dignitati idoneum, nèc ponderi sustinendo parem, assentiri, impellente conscientia non posse; Regiam proindè Maiestatem humiliter orare, vt id oneris in præstantem aliquem virum transferre velit.

Hæc responsio ex alio quopiam, & ad alium Principem data, ingratitude ergà Regis beneuolentiam

lentiam, contemptus iudicij grauissimi Senatus, ac recusantis temerariæ animositatis suspicionem parere posset; sed ex Mogrouejo ad Philippum non poterat, cui prudentissimo, pijsimoque Principi Thuribij sanctitas. & sincera humilitas satis superquè innotuit. Proindè constantem hominis virtutem admiratus Rex rescribi iussit, vt menses tres rei deliberandæ caperet, Deumquè instantius oraret, vt Regis, ac Senatus, suamquè mentem eò dirigeret, quod diuinæ Maiestatis obsequio, & animarum saluti maximè conducere sciret. Interea Rex ipse Apostolica Gregorij XIII. Pont. auctoritate rem Romæ expediri curabat; vt, si Thuribius alia ratione persuaderi non posset, obedientiæ vinculo cogeretur. Thuribius autem ad antiquas artes conuersus, ieiunia, vigiliæ, cilicia, flagellationes, & preces, vel nunc maximè coaceruabat, vt intelligere posset, quæ esset voluntas Dei beneplacens, & perfecta, cui se ex intimis visceribus committebat, rogabatquè serio, vt inidoneum oneri tantis periculis eximere dignaretur:

Fortitè etiàm amicorum suadelis pulsabatur; maximè verò, maiorum Collegij Salmanticensis, qui non parui honoris accessionem inde suo contubernio prouenturam censebant. Nec minùs urgebant sanguine propinqui, præsertim qui domi aderant. Quiñonius & Grimanesa. Qui timendam potentissimi Regis iram, qui senatus perentiam beneuolentiam commonebant; qui boni nominis

minis iacturam , à pertinacia mentis , à duritia cordis , ab animi vilitate minitabantur . Qui ingrati-
tudinem ergà parentes , & patriam , ergà nobile Collegium , & gentem totam Mogrouejam ex-
probrabant ; tanquàm qui obuium , oblatumquè hunc illis honorem inuideret . Sed nihil horum
Thuribij constantiam debellare poterat : cùm ea cuncta non nisi ambitionis irritamenta diceret ,
Deum magis timendum , quàm Regem , coelestemquè aulam , præ Senatu Indiarum respicien-
dam esse , omnes honores humanos , eternum in Coelis duraturę glorię , omnia emolumenta , ani-
mę suę saluti postponenda esse ; non proinde horum certa pericula , pro illorum fallaci spē ;
ineunda esse : quasi cùm Petro Blessensi dicere vellet : licet parentibus debeam affectionem natu-
ralem , (licet Collegio debeam educationem) ; sed illud non debeo , vt pro eis me perdam . Cu-
ram animarum , & Ecclesiarum regimen angelicis humeris formidanda esse , ipsi præsertim , qui suos ,
nèc minori ponderi sustinendo sufficere existima-
ret , nèc Indorum linguam calleret , nèc mores nosset .

Epist. 26.

Greg.

Alia ergò via suasoribus ineunda fuit ; alijsque machinis vtendum , vt in via Dei constantissi-
mum pectus Mogroueji expugnare possent . Dicebant igitur , eum , non tàm ad honorem , quàm ad laborem vocari , nèc ambitionis crimen timeri posse , vbi nulla dignitatis appetentia esset , nullum

ab eo interpositum eius adipiscendæ studium, qui vocabatur vt Aaron, matura deliberatione Consilij, & voluntate pijssimi Regis, cui præstò esset Romani Pontificis & sententia, & præceptum: quibus qui parere nollit, inobedientiæ scelus ei timendum fore: nè dubitandum de auxilio diuinę gratiæ, qui, ex Diui Augustini sententia, eis, quos nihil ambientes, nihil petentes, ipse ad gubernia vocat, copiosum gratiæ suę munus ad rem rectè peragendam conferre solet, & facere cum tentatione prouentum: vt Moyse fecisse fides Catholica docet: Hic non agi de educendo ex manibus Pharaonis populo Hebraico; sed, quod magis Deo gratum est, de eripiendo è potestate Diaboli, & cultu Idolorum infinito Indorum populo, pro quorum salute dulcis patria deferenda est, subeunda maris terræque pericula. Si existimaret Gratiæ pro tuenda Christi fide promereri cælum, id incomparabilè in Peruuia magis futurum in eadem inter Barbaros propaganda: de nouo mundo redimendo tractari.

In eo negotio veram filij Dei sequelam esse, qui de sinu patris descendens, carnem doloribus laboribusquè obnoxiam suscepit, vt omnem carnem saluam faceret: proindè cauendum ipsi Thuribionè vocantem Christum sequi detrectet. Hic amplissimum ipsi charitatis campum aperiri, vbi non solum curandis animabus exerceri possit, sed etiam iuuanda calamitate afflictissimorum Indorum, quos

quos & locupletissimæ sedis Antistes specunijs subleuare possit, & autoritate Pontificia ab oppressi-
 onibus tueri: aduertendum, nè strictiorem ratio-
 nem Deo prò ipsorum animabus, corporibusque
 redditurus sit, eorum curam abiiciendo, quàm si
 eandem agendo, prò humana fragilitate in aliquo
 defit. Deinde in suis obsequijs, à nobis non velle,
 vltra id, quod cum ipsius gratia possumus. Si adeò
 vehementer martyrium subire cuperet, ac sepè si-
 gnificabat, nullam, vel optari, vel offerri posse
 eius rei certiore, vel magis legitimam, appro-
 bandamque occasionem, quàm si infidelium ad
 fidem conuertendorum curam, ex apostolica mis-
 sione, & mera obedientia susciperet, animam su-
 am positurus prò ouibus suis. Denique Patrum
 sanctionibus, pari culpa teneri, & obnoxium esse,
 qui vocationem Dei præuenit, & qui recusat obla-
 tam. Qui periculum peccati timens renuit Eccle-
 siæ gubernium, ampliùs peccare; quam si popu-
 lum Dei, velut in fluctibus positum, & periclitan-
 tem, cum iuuare possit, subterfugit. Et contra
 Iusticiam eos facere, qui merito suæ conuersatio-
 nis, vel eruditionis electi, otiosum studium fruc-
 tuosæ vtilitati regendæ multitudinis anteponunt; &
 cum possint laboranti Ecclesiæ subuenire, opero-
 sæ administrationis laborem, fruendæ quietis con-
 templatione refugiunt.

Tunc Thuribius, qui nihil magis formidare
 consueuarit quam omnem speciem peccati, nihil

S. Clemens.

S. Prosper.

cūpere vehementiùs , quàm Christum ad crucem ;
 & sepulchrum sequi , animamquē suam , & omne
 studium pro catholica fide , & ovium Christi san-
 guine redemptarum salute profundere ; secundis
 his rationibus , quæ nihil humanum saperent , nul-
 lo temporali commodo , nulla vanitatis elatione
 fulcirentur , cessit tandē , & seipsum holocaustum
 Domino consecrauit . In quo non minùs emicuit
 eius humilitas , & prudentia , obedientia , & cha-
 ritas , quàm dū suis rationibus fugeret dignita-
 tem . Prudentis enī equē est , nè temerē rem
 grauissimam suscipere , & ea maturē deliberata ,
 mutare consiliū : & humilis , aliorum potiùs ,
 quàm sua sensa sequi : & obedientis , obtemperare
 maioribus ; & hominis Dei , proximorumquē
 charitate conspiciui , animam suam pro fratribus po-
 nere , & crucem tollere pōst Christum .

CAPVT XV.

*Profectioni se parat . Sacris Ordinibus initiatur .
 Abrahæ assimilatur . Regijs fauoribus ornatur .
 Archiepiscopus consecratur . Prosperè trans-
 fretat . Mortis periculo per mira-
 culum eripitur . Solemni
 letitia Lima excipitur .*

ITaque Granata Madritum profectus , gratias
 Regi & Senatui pro eorum in se beneuolentia
 N red-

reddidit; sequè, vt aiebat, Dei & hominum auxilijs egentem, & Ecclesiam sibi commissam ipsorum assistentijs, zelo, pietati, & fauoribus commendauit: omnem quippè spem rei benè gerendę, post Deum, in eis sibi litam, positamquè esse. Inde Maiorgam, in patriam perrexit, vt ciues, & sanguine propinques, non amplius videndos, vltima salutatione impertiret. Sèd præ omnibus, vt matrem optimam, et senem, ac viro viduatam, sed Thuribij, & Grimanescę binę prolis abscessu dolorosius orbandam, sacris monitis consolaretur.

Erat tùm Thuribius, etsi pro Canonici Iuris professione, & Ecclesiastici muneris Quęstoris fidei ratione togatus, sed nullo Ordine clericali, præter primam tonsurā initiatus. Reuersus est ergò Granatam, reliquos minores Ordines accepturus; cùm Archiepiscopus Granatensis eas vna die conferre voluisset, Thuribius, canonicarum sanctionum obseruantissimus, non, nisi quatuor Dominicis diebus eos suscipere voluit. Per sacros hinc Ordines, sacerdotio demùm ibidèm donatus est, ad honorificum titulum Archiepiscopatus Limensis. Et celebrata priuatim prima Missa, mòx Hispalim, in Indias indè nauigaturus perrexit, vbi Regia Classis Indiarum ad protectionem parabatur.

Diceres audisse, fecisse, & accepisse Thuribium Archiepiscopum ea, quę Deus Abrahę Patriarchę dixit, præcepit, & promisit. Egredere de terra tua,

& de Cognatione tua , & de domo Patris tui , & veni in terram , quam monstraui tibi . Faciam què te in gentem magnam , & benedicam tibi , & magnificabo nomen tuum , erisque Benedictus : Benedicam benedicientibus tibi , atque in te benedicentur omnes cognationes vniuersæ terræ . Quæ sanè Mogrouejo sic euenisse , totius eius vitæ historia testatur . Egressus est enim Thuribius , sicut præceperat ei Dominus : tulitquè secum selectissimam sororem suam Grimanefam , & integerrimum coniugem eius Franciscum Quignionium , vniuersamquè mobilem substantiam , quam isti possederant , & animas , quas in Inquisitoris Thuribij domo fecerant Granatæ .

Atquè , vt Beati Archiepiscopi benedictiones illicò inciperent , adeò placuit Regi , & Indiarum Senatui sanctitas , & sapientia Thuribij , eiusquè prudens , humilis , & prompta obedientia , expeditaque rerum executio : quodquè primus fuerit Indicorum Præfulum , qui in Hispania consecratus illuc iuisset ; vt tantæ virtutis exemplum solemnitus celebraturi , multis eum & insolitis beneficijs ornauerint . Atquè imprimis Pontificiorum Diplomatum Executoriales regiæ , teste Pinello expeditæ fuerunt decimo die mensis Iunij . anno 1579. Mox decretum , vt viginti duos familiares , & nigra mancipia sex , suppellectilem domus pretij quatuor millium ducatorum , gemmas autem , & elaboratum argentum , pretij ducatorum bis mille ,

totam quoque suam bibliothecam, omnia, regijs iuribus, & quibuscumque vectigalibus absoluta, liberè transvehere posset. Et ijs transvehendis iussum, ut una ex maioribus classis navibus ipsi concederetur. Denique regio Chirographo præceptum est, ut Thuribio, pro sua habitatione, & Metropolitana residentia statim atque Limam appelleret, ædes Archiepiscopales apertæ, & sinè ullo impedimento liberè in promptu sint. Et altero Chirographo regio Peruvix Proregi iussum, ut eius familiaribus (quod alijs Indiarum Præsulibus concessum non reperitur,) ex conquistis Indorum possessionibus lares, & latifundia distribuat, & assignet cuique propria; præter magnam pecuniarum summam Limæ illi conferendam.

Omibus ad nauigandum dispositis, noster Archiepiscopus Hispali cōsecratus, ex Hispania cū suis omnibus discessit, in regia classe anni 1580, & omnibus salvis, prosperè, & bono omine appulit ad Portum Nominis Dei, in America, per Oceanum nostrum Athlanticum. Indè verò isthmus terrestri itinere trajicienda fuit; ad urbem Panamam in mari pacifico, vulgò *del zur*; cuius itineris asperitatem, & pericula descripsimus in notis ad apparatus historicum, quem præfiximus nostræ Limæ limatæ: Sed hinc omittere non licet discrimen vitæ Thuribij, & an prodigium, an cœleste præsagium secutæ ipsius felicitatis.

Vadum fluminis Chagræ iumento insidens trajicie-

ijciebat, cùm, nescio quo casu, certè disponente Deo, territa bestia Archiepiscopum in aquam de cussit, longè infestam truculentis animalibus quos Indigenæ *Camaynes*, nos vulgò Crocodilos vocamus, mole immani, ac tantis viribus; vt tauros ad ripam bibentes in fluenta viuos trahant, & aquis præfocent, deindè in terram retractos deuorent, & homines nonnunquàm absumant. Horum duo strepitu iumentis, & sessoris lapsu concitata, patulo rictu currunt ad prædam, vtramque voratura, sed sanctus vir, perpetua præsentia Dei, sibi præsentissimus, inuocato numinis auxilio, stupere belluas, & stare fecit, & ipse liquido elemento miraculosè sustentatus est, dùm ad alteram ripam incolumis euasisset; vt ea de belluis prima diuinitùs reportata victoria præsentiret, se fortiùs de Peruanorum ferocia, sapiùsque triumphaturum. Ideò fortassis duo erant, vt Ecclesiæ paritèr, & seculi homines, vel gentiles, & christiani vincendi prænunciarentur; quod euentus postmodùm demonstrarunt. Gratijs igitur actis Conseruatori Deo, Panamam peruenit, atquè indè per mare in Peruviam.

Eò præcessit celebris fama sanctitatis noui Præfultis, disciplinæ, & modestiæ familiæ, & ordinatissimi eius regiminis: qua in omnium animis, cùm summo gaudio, concitata est firma spes, vt qui domui suæ tam benè præesse sciret, eum proculdubio tantam Ecclesiæ Limensis diligentiam habiturum, vt & Christi fides, & Ecclesiastica disci-

sciplina ad Ecclesię primitiue normam, & perfectionem per eundem restituendę, formandęquę forent. Quapropter vt ipsum condigno honore exciperent, imprimis omnes vrbis vias, per quas tunc procedendum erat, ditissimis auleis, & peristromatis vestierunt, ornatissimis aris per intervalla dispositis. Deindę tota Ciuitas, qua sacra, qua ciuilis, ordine supplici, obuiam iuit ad Ecclesiam S. Lazari, quę extrā vrbem, vltrā fluuium est, vbi cum tantispēr sistere rogarunt.

Indę per pontem in vrbem, solemnī ritu, et pedestri pompa, quoniam equestri non voluit, sub conopęo, ad forum maximum ductus est, et in Cathedrale suum templum introductus, vbi Pontificij sui possessionem, ritu in Romano Pontificali pręscripto, accepit. Düm per viam procederet, et obuium vbiquę populum Episcopali benedictione impertiret, mirus erat cordium iubilus, et vocum faustę acclamationes, nec multi lętitię lachrymas continere poterant, düm Pastoris pręsentia, Angelicus vultus, ac totius corporis modesta compositio superasset opinionem, et famam, internoque motu mentium pręsentiret populus, non vulgare aliquod pręsagium felicitatis suę; quod falsum esse non fuit pręclara virtus Thuribij.

Hęc autę acta sunt, vigesimo quarto die mensis Maij anno 1581. et etatis ipsius quadragesimo tertio, pōst mortem Hieronymi Laoyse, (quam obiit 25. Octobris, anno 1575.) vacante sede Limensi,

menſi, et viduata præſente Paſtore per annos quinque, & menſes totidem. Cùm vltrà viginti dies priùs, eandem vrbeſm Limenſem intraſſet nouus Pernuix Prorox, Martinus Henriquez, ex noua Hiſpania illuc translatus; vt eodem menſe Ciuitas Limenſis bearetur germinata lætitia, & ſanctiſſimi Præfulis, & conſultiſſimi Prætoris.

Alij Thuribianarum rerum ſcriptores Limam ipſam, & vniuerſam Prouinciã hoc loco latè deſcribunt. At nos id opportuno loco præſtitimus; qua breuitate non latſarem lætorem, qua integritate noſtræ ſcriptionis inſtitutum poſtulare. Nèc viſum eſt, exemplarem Archiepiſcopi noſtri, quam hic proſitemur, hiſtoriam inturbare naturalium rerum coaceruata narratione; quanquàm nec eas omiſſuri ſimus, cùm ipſius vel præſtiti officiij vel, virtutum, aut portentorũ opportuna explicatio id à nobis exegerit, eas præſertim quæ ad Eccleſiæ temporalium rerum prouidentiam, vel Cleri populi quæ animarum curam viciniùs accedere videbuntur.

In Appar.
Limez limatz.

CAPVT XVI.

*Episcopalis cura ſumma capita. Thuribius cate-
roquim idonens, generalem Indorum linguam ſtudio
diſcit, prouinciales dialektos Dei donodotus. Cogno-
ſcendæ gregis, & ordinandæ Diœceſis initia.*

Cuius tùm ſtatus deſcribitur.

VT, quod præſens eſt, iam proſequamur.
Tres res Epifcopo neceſſarias, vt officio ſuo
per-

perfectè fungatur, summo studio curabat Mogrouejus, quæ christianæ moralis vitæ partes omnes complectuntur, vt etenim oportet Episcopum irreprehensibilem esse, iustum, sanctum, & seipsum præbere exemplum bonorum operum; necesse est, esse domui suæ benè præpositum: Deniquè Dei dispensatorem, rectè imperantem, & vigilem speculatorem in præsentī populo, id est, monasticam, oeconomicam, & politicam simul vitam ducere: siuè vt priuatæ vitæ rationes, per proprios actus, ad æternam felicitatem assequendam sic dirigat, vt domus, & familiæ curam, per alios saltèm agendam, non deferat: & hanc iterum sic agat, vt traditum sibi Rempublicam, tanquàm solus rationem pro subditorum animabus Deo redditurus, per se atquè alios regat.

Plusquàm dimidium facti habuit Mogrouejus, cùm Limani Archiepiscopatus curam suscepisset; quandò, penè puer, tam sapientè incæpit, vt eas vitæ suæ benè degendæ regulas instituisset, quibus per solam perseuerentiã, quæ in ipso vsquè ad finem constantissima fuit, insignis sanctus non tantum esset; sed etiam, tametsi nolens, passim haberetur: Et Granatensis fidei Quæstor, eas domus suæ gubernandæ rationes constituit, quibus etiam Archiepiscopo nihil restabat addendum, præter ampliorem numerum familiarium, quem amplior dignitas, & officiorum accessio requirebat. His ergo curis liber, & securus, ad propriæ imprimis Diocesis

celis procuracionem se totum applicuit. Quam ut eximie præstaret; partes omnes ad rem accommodatissimas possidebat: præcellentem animi sapientiam ad omnia rectè disponenda, & docendum Clerum, populumque fidem, & mores; ingentem voluntatis ardorem, & zelum salutis omnium; ætatem, & corporis valetudinem sustinendis laboribus aptam, quantum crebra ieiunia, & cæteræ carnis vltroneæ macerationes permittebant.

Sola peregrini idiomatis ignoratio, catichizandi, & prædicandi muneribus, Episcopo proprijs, obistere videbatur: sed, ut volenti nihil difficile; adhibito Didascalo, tanto studio, & labore, ac puerili propemodum exercitatione, generalem Peruanorum linguam, cæteroquè difficillimam, quam *Quechuan* vocant, breui temporis interuallo sic apprehendit; ut satis expeditè, & mira facilitate, & facundia, publicè pro Concione dicere potuerit. Quod, qui cum ipsius ætate, dignitate, & occupationibus comparant, non absque singulari numinis præsidio factum credunt.

Sed euentius eius rei, & superni doni linguarum argumentum in Thuribio fuit; quòd cum apud Peruvianos populus ferè quilibet propriam suam linguam vernaculam habeat, non sola pronuntiatione, sed rerum etiam nominibus, verborumque formis à reliquis diuersam, & apprehensu difficilem; Thuribius tamèn, cum, vel charitas postularèt, vel vrgeret necessitas, vel occasio quæ-

uis præstandi numeris. sese offerret, proprio cuiusque sermone cum singulis loqueretur, ac eos vicissim loquentes perciperet. Et quanquam Conciones, quas frequentes habebat, non nisi Quechua barbaris Indis ignoto, vel Castellano haberet, vel quando S. Scripturę verbis latino, ij, qui linguę quę dicebat alioquin expertes erant, ipsum tamē dicentem, quod sæpē contigit, explicatē percipiebant, & latinē, vel Hispanicē dictis appositē respondebant, vt sancti olim Apostoli dūm.

Breu. Rom.
in fest. Pentec.
psal. 18.
Act. 2.

*cunctis gentibus,
Græcis, Latinis, Barbaris,
Simulque demirantibus
linguis loquuntur omnium.*

Ioan. 20.

Ergo nouus noster Archiepiscopus omnibus numeris, ad Hispanorum pariter, Indorumque regimen absolutus, Summum Pastorem, & Episcoporum normam imitari statuit, quem ex Euangelio prouocantem audiuit: Ego sum Pastor bonus, & cognosco oues meas, & cognoscunt me meę, & Bonus Pastor animam suam dat pro ouibus suis. Et: alias oues habeo, quę non sunt de hoc ouili, & illas oportet me adducere, & vocem meam audient, & fiet vnum ouile, & vnus pastor. Has enim Christi sententias non tanquā se laudantis voces, sed tanquā regulas Episcopis, & animarum Pastoribus ad imitationem propositas intellexit;

lexit; ac sibi maximè, qui & oues iam in oŭili, seu gremio Ecclesię, per baptismi Sacramentum positas habuit, & alias extrà ipsum eatenùs in ipsorum gentilitate relictas, quas oportebat adducere.

Igitur, quoniam Medicus corporum, qui non cognita conditione patientis, languentem ventriculum curaturus, ea ingerit remedia, quorum incendio hepar consumitur; ità qui morbis mentium, & morum cupit mederi; si id, non indagata priùs harum constitutione, tentet, temerè vterque, atque, ad ruinam potiùs, quàm restaurationem operari censetur. Ea pericula, vt præueniret prudentissimus, idemque sanctissimus animarum curator Mogrouejus, vt oues suas probè cognosceret, vniuersę primùm Dicecesis amplitudinem, et statum, populorum multitudinem, et conditionem, Cleri præsentis numerum, qualitatem, et muma, Ecclesiasticorum reddituum quantitatem, et obuentio- nis modum, sibi à pijs, prudentibus, et peritis hominibus per ordinem describi fecit: vt quid cuique tribuendum esset, & vndè quærendum sciret. Cæteri verò quibus artibus pro humorum constitutione, & moribus, vel ad fidem trahendi essent, vel tracti in officio continendi.

Hac adhibita diligentia reperit Mogrouejus prouinciam omnem eo statu fidei, & morum, quo nollet: & nouam sponsam suam Ecclesiam Limensem, etsi formosam, sed nigram; regionem scili-

cæt pulcherrimam, sed tunc nequè ritè cultam, nequè, quod consequens est, fructuum prouentu locupletem: copiosissimam animarum segetem; sed quorum pars magna ferino more in montium cauernis, & abruptis rupibus, absquè sensu humanitatis, sinè lege, sinè numinis vlla notitia, nondùm ynquam docta; nedùm Sacramentis abluta, nèc ab vilo, qui hæc bona præstaret, accessa, vel adita fuit. Alia quamvis Religiosorum hominum vehementi studio, ad fidem; & ciuilem societatem adducta, sed varijs prisce gentilitatis superstitionibus adhuc irretita. Tertia etsi veterum Hispanicæ gentis Christianorum, sed morum corruptelis deprauata. Et, quod vehementiùs indoluit optimus Præsul, Clerus ipse Sacerdotum, in locis præsertim ruralibus, ignorantia tenebris obuolutus: Canonum inobseruantia, & Ecclesiasticæ disciplinæ contemptu, ipsi populis contemptibiliores, nèc vitæ exemplis, nèc doctrina proficui. E. seculi hominibus rarus erat, qui extrà tempus paschale sacram Communionem sumebat, nèc frequentior erat Confessio peccatorum, quæ multipliciter & frequentissimè committebant. Et Sacramenti Confirmationis, saltèm extrà Ciuitatem, nulla ferè extabat memoria. Cæteta non prosequor, nam ex remedijs facilè colliguntur, quæ Thuribius singulis adhibuit in tribus Prouincialibus Concilijs, decem Synodis Diœcesanis, alijsque monumentis, quæ nos in Lima Limata nupèr edidimus:

Quan-

Quantum etenim cæteròqui laudatissimus Antistes Hieronymus Loaysa, Ecclesiam illam, per annos triginta duos Episcopus primùm, ac deinceps Archiepiscopus rexisset; eò tamèn temporis, quo ætas illi valida fuit, propter Pizzarrorum, Alinagrorumque Hispanorum bella, cùm inter se ciuilia, tùm communia, cum Indis, nunquàm satis poterat Ecclesiasticam Prouinciã in ordinem redigere. Et, licèt intereà Congregationem vnã, cum subiectorum Episcoporum Procuratoribus, & cum Episcopis ipsis dehinc Prouinciale Concilium celebrasset; quas tamèn in illis constituit leges, nè Apostolica firmauit autoritas, & inter arma silere coactæ sunt. Reddita verò Prouincijs pace, morbis, & senectute pressus, nè Dicecesim vnquàm foris lustrare, nè domi pro zelo, & voluntate sua, satis iuuare poterat. Quæ porrò post eius obitum, per annos circitèr sex, vsquè ad accessum Thuribij, Pastore viduata, magis indiès, magisque siluescebat; ac vt regimine, sic religione, morumque disciplina desolabatur. Nãm qui intereà nouus Archiepiscopus antè Thuribium constitutus fuit, Didacus Gomez Madrizius, alteri mox Ecclesiæ in Hispania præpositus, Indias nunquàm suis oculis vidit.

Ac proptereà imprimis Metropolitana Limensis Ecclesia S. Ioannis Euangelistæ, etsi à limine, vt aiunt, foundationis, destinata fuerit dignitatibus quinque, hoc est, Decani, qui primum locum in

Ca-

Capitulo pòst Archiepiscopum obtinuit, Deindè Archidiaconi, Præcintoris, Cancellarij, Scholastici, ac Thesaurarij, Canonicis decem, Portionarijs sex, & sex semiportionarijs, ac insupèr triginta Sacellanis adstrictis Choro. Cùm tamèn solemnem Ecclesiæ possessionem iniret Mogroueius, quinque tantùm erant, qui, vt Archiepiscopum exciperent, obuiam irent: Bartholomæus Martinez Archidiaconus, Ioannes Lozanus, Bartolomæus Leones, Christophorus Medel, Christophorus itèm à Leone, Canonici. Cæterorum numerus non censetur, sed ex omni genere paucos admodum fuisse, vel ex aliquo nullos, & eosdem ipsos paucos, qui Canonicatus obtinebant, ægrè alitos fuisse, eadem ratio, eademque causæ persuadent.

Tùm enim, rebus nondùm ritè compositis, nequè Catholicorum Regum annua, perpetuaque diplomata, nèc Proregis Francisci Toletani scriptæ leges, nèc Archiepiscopi Loaysæ Sacri Canonum vsum, aut integram executionem obtinuerunt. Et quanquàm arma publica, antè annos circitè viginti quinque, cessauissent, præterquàm quòd in Regno Chilensi Barbarorum subindè commotiones compescendæ fuissent; erat tamen minor Hispanorum populus, & vigeabant in multorum cordibus veterum inimicitiarum odia, caterique bellici furoris affectus, omnes artes auaritiæ, minor Ecclesiarum, & sacrorum hominum, rerumque reuerentia. Et qui ex his ipsis aliquid habere
vide

videbantur, id ipsum ex lucratiuis mercimonijs, statum sacerdotalem dedecentibus, & Indorum oppressione, (in quibus cum seculi hominibus concertabant) magis quàm ex legitimis, & Canonice redditibus obueniebat.

Quapropter nè terra per Hispanos ad fructum fatis colebatur. Nè Indi adhuc tunc decimas, aut primitias Ecclesijs pendebant. Nè sacerdotes, negotiationibus distraeti, rependebant doctrinam, nè industriæ suæ lura in templorum cultum, nè tempus colendo Deo, vel sacris functionibus satis impendebant: & qui ex religiosis Ordinibus maiori scientia, zeloque curam animarum agebant, ij ipsi à secularium avaritia, & violenta potestate turbabantur; vt inslar miraculi sit, quàm seriò, quàm suauitè, quàm citò sanctus noster, & scientissimus Archiepiscopus Thurius omnia in ordinem redegerit, eoque perduxerit, vt, antè ipsius mortem, Ecclesia Limensis, & Sacerdotum numero, & legitimis, largisque stipendijs, & scientia; ac pietate, morumque honestate, & populorum instructione, & Ecclesiarum ædificijs, sacro suppellectili, & perenni, feruentique numinis cultu, cum quauis alia competere posset: sanè tunc existentibus Australis Americæ præcelluisse, & alijs ipsius Thurius maximè hortatu postmodum erectis, tam Episcopalibus, quàm Metropolitanis modum, & normam dedisse, in comperto est.

Quod qua ratione præstiterit, iam dicturi sumus.

Erat

Erat tùm ipse solus in tota illa terra Metropolitanaò Iure Archiepiscopus , habuitque sibi subiectos , suffraganeos Episcopos decem : In isthmo cis lineam æquinoctialem duos : Nicharaguæ , sexcentis Leucis à Lima Metropoli per mare distantem : Panamensem , itèm per mare leucis quadringentis , & ex eodem latere ad Arctum , Popaianum in nouo Regno Granatensi , distantem leucis trecentis : & Quitensem ; seu S. Francisci de Quinto , paulò vltra lineam , in ipsa Peruuia , ducentis leucis diffitum . Ad orientem autèm in montanis Episcopum Cuscensem , seu Cuzquensem , per leucas centum & quinquaginta . Ad Austrum verò Argentinensem , seu Platensem , vulgò *de la Plata* in prouincia Charcharum , itinere leucarum ter centum . Imperialis , nunc Ciuitatis Conceptionis , distantem leucis quingentis : S. Iacobi , quadringentis : & Tucumanensem , quingentis , omnes tres in Regno Chilensi , ac deniquè Paragayanum , ad mare Atlanticum , trecentis in orientali latere Andium ; qui montes excelsi sunt , totam Astralem Americam , qua longam à septentrione in meridiem per medium secantes , qui Alpes nostros altitudine , & asperitate superant .

Tota prouincia longitudinis , amplius mille quingentarum leucarum , & latitudinis alicubi centum , & vbi arctior , quinquaginta . In medio verò consistit ipsa Metropolis Lima , non procùl ab ora maris pacifici , vulgò , *del zur* , cum propria Dice-

cessi ,

cessi, quæ per leucas latitudinis à mari ad Andium iuga alicubi quinquaginta, & alibi centum tunc extendebatur, & longitudinis ab Arcto in Austrum circiter trecentas. In omnibus autem his Diœcesibus per totam prouinciam æquè grassabantur illa mala, quæ iam indicauimus; præter aliquas Indorum regiones propter inaccessibilem locorum asperitatem, nondum tunc ad fidem, aut ciuile commercium reductas:

CAPVT XVII.

Morum reformationem magno animo auspicatur à propria Diœcesi. Redditus Ecclesiastici liciti, & necessarij. Quomodo per Thuribium constituti, & Clerus ad frugem reductus.

AT amplissimum animum Thuribij Alphonsi horum nihil exterruit: sed, vt solent fortissimi Duces, victoriarum auidi, instâr Elephantium pugnae classico fortius animari; sic ille, difficillimo conspecto labore, pro summo suo zelò, Christi quæ, & sponsæ eius charitate, fortitudinem induit, magisque concitatus est, vt rem acrius aggrediretur; & vt diabolum veteri imperio pulsurus; animam suam, si opus foret, pro ouibus suis ex eius faucibus eripiendis traderet; vt noua faceret omnia, & exhiberet ipse Christo gloriosam Ecclesiam non

habentem maculam aut rugam; sed, vt sit sancta, & immaculata. Nèc magis eum quidquam deteruit amplitudo prouinciæ, & inaccessa locorum asperitas, quo minùs omnia suis oculis, etsi ineluctabili profectioe lustrare decreuisset. Non suæ tamèn prudentiæ innixus, non viribus, non meritis; sed miserentis Dei promptis auxilijs, sed Sacrorum Canonum obseruantia, sed Christi summæ Pastoris imitationi, cuius causa iam agenda fuit: quique, vt pro sua iustitia gentem illam, quam à seculis, tanquam in Petri naue dormiens, Sathanæ fluctibus agitandum deseruisse videbatur, idem nunc in fine seculorum, pro misericordia sua exurgens imperaret mari & ventis, vt illi ad æternæ salutis portum faciliè trahi possent, & qui iam in ouili erant, educi à peccatis, & reduci ad pascua virtutis, & qui extrà, adduci ad viam veritatis, in Euangelio promissum sciebat.

Hac ergò charitate accensus, hac fide, & fiducia fretus Thuribius, vir Catholicus, & totus Apostolicus, ministerium suum à Metropolitana sua Ciuitate exorsus est, vt exteros exemplo priùs quam verbo doceret: Et reliquæ Ecclesiæ, cùm Cathedralæ, tùm Parochiales, et Collegiæ ex ea, tanquam capite, matre, et magistra viuendi, regendi, agendique normam haberent, et sequerentur: quemadmodum illa, regente Thuribio, ac post, per leges ab ipso sancitas, Romanam Ecclesiam, quod fidem, religionem, charitatem, et iusti-

iustitiam attinet, prompta obedientia, striatque vestigio insequuta est. Quod ut efficeret Mogro-uejus, id imprimis statuit, ut Sacri Concilij Tridentini Sanctiones in prouinciam vniuersam obseruandas introduceret; quod cum absque Episcoporum consensu facere non posset, certè non expediret, ex eiusdem Concilij decreto, Philippi II. Catholici Regis, suoque desiderio, & Gregorij XIII. Pontificis autoritate Prouinciale Concilium illicò appulsus indixit.

Verum, quoniàm Episcopos, ob longitudinem, asperitatemque viarum, ac terræ, marisque pericula, non tam citò adfuturos intelligeret, interea Diocesim suam ordinare cœpit. In Cathedrali templo Sacerdotum numerum adauxit, & stipendia singulis assignauit; quæ cum indies canonica Præsulis diligentia, & sanè abundanti benedictione Dei, magis magisque crescerent, ille loca omnia paulatim repleuit, & redditibus ita ditauit; ut, quod ex Ioanne Laëto alibi diximus, omnes Clerici Limæ opulentissimi essent.

At verò, qui Ecclesias absque facultatibus eiusmodi regi posse putat, vel ausu temerario affirmat, is vel planè stultus, vel inuidus, vel parum Christianus esse conuincitur: cum & recta ratio, & perpetua necessitatis experientia, & nimis paupertatis mali effectus. Ecclesiarum sordes, neglectus cultus diuini, & sacræ doctrinæ, resque necessarias adipiscendi artes, quæ honestatè Cleri minimè

decent , & innumera huiusmodi mala demonstrent , Ecclesiasticis hominibus bona temporalia , necessaria esse : & scripturæ diuinæ vtriusque testamenti autoritas , & Sacrorum Canonum vetustissima perpetuaque instituta , & sanctissimorum hominum , atquæ adeò Christi filij Dei , & Apostolorum eius exempla , non licere tantum , sed haberi etiam debere doceant : vt qui altario seruiunt de altario viuant : vt acquirendarum rerum solitudine liberi , colendo Deo , & instruendis populis , ablato omni impedimento faciliùs insistant : & vt ex ipsis facultatibus , quæ supersunt , egenarum ouium necessitates , summa charitate , & cura , subleuent ; ne corpora per inopiam , & animæ per peccata , quæ non rarò ex illa nascuntur , vnà pereant . Nèc facultatum copia , & rectus vsus , sed inopia , & affectus nimius acquirendi , sed retinendi tenacitas , sed abusus dispensandi , Ecclesiasticæ disciplinæ vigorem enervare vnquàm deprehensa sunt . Quod vel huius Limensis Ecclesiæ exemplo manifestum est ; in qua cùm rerum , & morum inopia coniuncta fuisset , crescente copia creuit etiam disciplina :

Thuribius autem noster , vt erat vir Apostolicus , sapienter animaduertens , id interesse , si Clericorum prouentus in prædijs , seu terris ; & catalis , vt barbara iura loquuntur , seu , vt lenius , & latinius in immobilibus , mobilibus , & se mouentibus , quibus aliqui pro temporum , et locorum ratio-

tionē gaudent ; siuē in paratis pecunijs consistērent ; qua Christus et Apostoli in primitiua Ecclesia , pro diuerso rerum statu , vsi sunt ; vt , qui colendis , collocandisque prædijs , et maiori ex eis fructui colligendo intenti sunt , ij plerumque harum curarum sollicitudine à diuinis magis distrahantur ; qui verò pecuniam in certum diem expectant , hi reliquo anno securi , magna mentium tranquillitate , et quiete , suis officijs vigilantius fungantur ; et propter alias grauissimas rationes , quæ pag. 51. et 52. Limæ limatæ exponuntur : omnem prædiorum possessionem , et vsum , omnem pecoris alendi , vel augendi curam , omnem quæstuosam artem , et opificia Peruanis Clericis districtè prohibuit .

Primitias , et Decimas , aliaque canonica iura populis imposuit , et institutis Collectoribus , et œconomis exigenda , et conseruanda commisit ; vt suum cuique Ecclesiæ Beneficiario sufficiens , et certum stipendium , certis anni temporibus , certisque locis in parata pecunia , ex communi et indefectibili ærario distribuatur . Immò ipsos hos prouentus , vel Clericis , vel Laicis , ad aliquam pecuniæ summam , locari prohibuit , nè conducentium auaritia grauaretur populus , sed omnia in propria specie ab Ecclesiæ Ministris , sinè fraude , sine vi , aut violentia colligerentur , et venderentur currenti , et communi pretio , idque communi ærario fidelitèr inferretur . Atqui etiam ipsius pecuniæ abusus vigilantèr præcauens ; sericæ veltis omne genus

nus Vicarijs suis, Beneficiarijs, Parochis, et Clericis sacro Ordine initiatis penitus interdixit; præcipuè verò villosum, damascenum, rasum, ac tafetanum: lætos item colores, omnemque prophanum, et vanum ornatum, ac nouitatem, quæ pompam vllam, vel animi elationem præferant.

Ecclesiasticæ verò dignitatis, et scholastici gradus insignia, ijs tantùm prohibuit, qui tales reuera esse se, sufficientibus documentis non comproba-
rent. Iis verò Clericis, qui vel in maioribus, vel etiam in minoribus Ordinibus constituti, Ecclesiasticum beneficium possident, omne genus ludi districtè prohibuit, per quem Ecclesiæ pecunia, etiam benè parta, à stultis et ociosis hominibus, non sinè adiunctis sceleribus, cum graui Dei offensa, pessimè dilabi solet. Cunctis verò generatim, cum, vt sibi, et Ecclesijs prouidi, tum, vt seculo exemplares essent, quod sacris hominibus tanquàm populorum speculis, maximè incumbit, districtè præcipit, vt cuncta sibi per Summos Pontifices, et Sacra Concilia, quoad vitæ honestatem, cultum, victum, et vestitum, choreas, ludos, luxum, cæteraque oblectamenta, secularia negocia, et populorum instructionem præscripta districtiùs obseruent, sub pœnis, in iisdem statutis, et maioribus arbitrio ipsius infligendis. Et nè quisquàm se ab vsus dissuetudine excusandum censeret, quidquid legum in vsu non esse videbatur, in vsum reduxit, et reducendo obseruandum præcipit, præsertim
verò

verò vt fœminarum consortium ; comitatumque, sanctimonialium visitationes, et colloquia non habita Præsulis facultate vitarent.

Nequè lusus, choreas, comedias, interludia, vel vllas eiusmodi repræsentationes in Ecclesijs, Eremitorijs, vel Xenodochijs agi permittant, nisi priùs per ipsum, vel eius Prouisorem, seu Vicarium examinata, et admissa : ipsis etiam actoribus hæc aliter exhibituris interminata pœna, ex ipsius arbitrio, et iuris præscripto perluenda. In his enim scurrilia multa, lasciuia, et veteres Indorum, ethnicas superstitiones repræsentari percepit. Quæ vt S. Cyprianus dicebat : Diabolus artifex, quia per se nuda sciebat horreri, spectaculis miscuit, vt per voluptatem possent amari, quo et fidei puritatem, et morum pudicitiam ea specie simul corrumpere : Sed Thuribius meritò prohibuit, nè talia spectandi consuetudo, etiam imitandi licentiam sumat. Sublatis autem è Clericorum consuetudine his Ecclesiasticæ disciplinæ, & pietatis obstaculis, vt populo erudiendo certiùs incumberent, nec Sacramentis opportunè ministrandis decssent, alia multa constituit, quæ nos infra fusiùs, & opportuniùs dicemus.

De spectac.
cap. 3. & 4.

CAPVT XVIII.

*Constitutis ministris inuigilat : & exemplo prælucet .
 Ordinaria eius vite ratio , & apud omnes
 opinio , efficacissimis urbem , agrumque
 reformandi operibus confirmata .*

Sciebat autem vir sapientissimus animam legū
 in Præpositorum vigilantia , zelo , integritate ,
 & exemplo consistere , nec seipsum per se cuncta
 præstare posse , humiliter , grauitèrque considera-
 uit ; quanquàm aliundè non ignoraret , non per so-
 los Ministros omnia fieri debere : nec excusari An-
 tistites , qui onera grauiā in aliorum humeros con-
 ijiunt , ea tamen ipsi , nec digito mouere volunt ,
 sed omnem seponunt laborem , quietique suæ , &
 commodis indulgent , & in summis rerum pericu-
 lis stertunt nimium securè . Quaproptèr ille , & re-
 rum agendarum Ministros à Sacro Concilio Tri-
 dentino præscriptos constituit , viros scientia , pie-
 tate , & integritate præstantes . Pro quibus doti-
 bus , etsi omnia illis confidi posse putaret , non eo
 minus ipse inuigilabat , instabatque cunctis , eo-
 rumque terrori paritèr , & exemplo , ita cuncta per se-
 ipsum cognoscere , & operari studebat , ac si solus es-
 set : ac velut Angelus Custos , vix non comitaba-
 tur ; certè vel præcedebat , vel sequebatur , omnes
 excitabat , monebat , præscribebat agenda , &
 aâo-

actorum rationes districte exigebat. Non rectè gesta supplebat, ritè verò, rectèque facta propugnabat, ipsorumque, ac suam in ipsis auctoritatem, prò Ecclesiastici Iuris libertate, fortitèr Sustinebat. Nèc proindè quidquàm priuatæ pietatis exercitiorum, quibus à pueritia assuetus erat, usquè ad mortem vnquàm dimisit.

Dùm Archiepiscopus vixit, hæc illi ordinaria temporis ratio fuit: post ortum auroræ, quæ Limæ toto anno, post quartam à media nocte horam se conspiciendam præbet, absque vllius, vel Cubicularij, vel Ephebi, vel alterius ministerio integrè vestitus, & calceatus, atque absolutis priùs priuatæ deuotionis precibus, extrà secretius lecti cubiculum comparebat, & Canonicas dici horas recitabat: Quibus persolutis per transitum ab ædibus, seu palatio suo ad contiguam Ecclesiam Cathedralē descendebat, & Missæ Sacrificium ea dispositione, ac diligentia offerebat, quæ congruebat tam sancto mysterio. Hinc templum vniuersum, & sacristiam perlustrare, ad singulas aras flexis poplitibus, & breui oratione reuerentèr adorans, & attentè inspiciens, si quid rerum cultus diuini, cuius erat exactor studiosissimus, vel deesse, vel minus decenti ordine, aut munditiè haberetur.

Mòx in palatium solus reuertens, nè templi ministros obsequio, vel comitatu sui ab ipsorum cuiusque officijs distraheret, intrabat oratorium, quod superius ad prospectum templi habuit, ibi-

Q

que

que genuflexus, duas integras horas, ab omni aliarum rerum cura abstractus, diuinæ contemplationi infumebat: vel si offerendum non esset, quod illi perrarum fuit, post recitatas horas, oratorium accedebat, ubi tribus vel quatuor successiuis aliorum sacrificijs aderat, toto tempore genuflexus. Deindè domum reuersus benignam aurem, & gratam expeditionem supplicibus, Ministrisque præbebat, portis ad hoc semper omni hominum generi patentibus. Qui si non erant, ipse ad cubicula secedens, voluebat libros, qui, vel ad Ecclesiæ regimen, vel ad propriæ vitæ profectum conducebant, donèc ad mensam illubens vocaretur, ubi prandium, quod antè descripsimus, vel Synodi Tridentinæ textus, vel alicuius historiæ Breuiarij Romani, vel sancti cuiuspiam vitæ lectio condiebat. Nulla verba ociosa, non festiuos iocos, nulla externa conuiuia, comœdias, aut alia huiusmodi quantumuis licita, & honesta oblectamenta, Deo semper præsens, & serijs rebus intentus admittebat. Si quod, vel leue murmuratiōis verbum audiebat (nam grauiora nullus auderet proferre) ille statim eo psalmi versu obrumpebat; Laudate Dominum omnes gentes; vt mirum non sit, etsi tot horas diuinis concederet, suppetere tamen tempus ad reliquas res ritè peragendas.

Psalm. 116.

Finito prandio, actisque Deo gratijs, vnum responsum pro defunctorum requie recitabat, alterumque pro fundatore, hoc est, Collegij Oueten-

tenfis, quod nunquam post huius incolatum om-
misit. A meridie aderant assessores, & ministri Cu-
riæ Archiepiscopalis, cum quibus rem iudiciariam,
omniaque Ecclesiæ suæ, & regendorum populor-
um negotia pertractabat. Nèc admittebat visi-
tationes externorum, quas, vel ipsorum utilitas,
vel humanitatis necessitas, vel aliorum ædificatio
non requirebant. Nullam foeminam solus audiebat,
nè quidem propriam sororem, vel eius filias: quæ
si quando ad interiora cubicula recta perrexissent,
ille simulato liberioris auræ desiderio, statim cum
illis exhibat, ipsasque in exteriori aula, coram fa-
miliaribus audiebat, & pedibus consistens alloque-
batur, verbis quàm poterat paucissimis.

Dato signo vespertino Salutationis Angelicæ,
quod inter quintam & sextam à meridie horam,
totius anni decursu Limæ sonat, illicò se cunctis
expediebat, & vel ad secretiora conclauia, vel ad
oratorium se abripiebat, ibique vsque ad octauam
diuinis colloquijs & contemplationi yacabat. Au-
dita hora octaua, ad aulam redibat, & vocatis Sa-
cellanis, nocturni officij pensum reuerentèr, & at-
tentissimè cum ipsis persolvebat. Consuetam hinc
sumpta cœna, seu buxella panis, & paruo haustu
aquæ fluminis, redibat ad aulam ordinariæ man-
sionis, & per se recitabat officium paruum Beatiss.
Virginis, & nocturnos defunctorum, aliasque
cuiusmodi votiuas, & quotidianas preces, vsque ad
mediam noctem. Ad cuius signum, æris campani

sonitum, intrans cubicularius Archiepiscopō exterioribus exuto, statim recedebat. Actum seruus Dei interiorum vestium nihilo, nè calceis quidem detractis, in lecti cubiculo se obserabat, non tam quieti corporis, quàm, quod antè narrauimus, eius cruciatibus vsque ad auroram vacans. Atque hæc quidem domi vir sanctus obseruabat.

Foris autem, nè viros nobiles aliter inuisebat: quàm, eos admisisse solitum diximus, nè matronas vnquàm, præter inclusas monasterio, & Christo sponso seruientes, quas, & neptes suas in Cœnobio educatas, nonnunquàm ad cancellos consolabatur, vt pater, & sacris monitis in proposito promouebat, vt pietatis præceptor; & auctoritate pontificia regebat, vt Pastor; atque egentiores summa charitate iuuabat vt Prouisor. Nè alloquebatur de re vlla, præterquàm, quæ ad animarum salutem, charitatem, & pacem conducebat. Virorum religiosa cœnobia, magis frequentabat, & cum grauioribus fraternè conuersabatur. Quosque & scientia, & rerum experientia, & vitæ probitate præstantiores aduerteret, hos ad priuata consilia, & publicas rerum consultationes vocabat, & Pontificalia munia in eorum templis exercebat, eaque id prudentia, vt nullus eorum cœtus alteri inuidere posset, nè ipse notari, communem parentis affectum in vnum præ alio effudisse.

Animi relaxandi specie in campum exiturus, prandium illuc opiparè paratum efferri curabat,

ac nunc pauperes Indos in agresti labore sudantes, nunc Archiepiscopalis Seminarii quosdam alumnos conuocabat; quos utrosque cum sacris documentis, & lautis laneibus recrearet, ipse ieiunus domum redibat. Interea, quod precipue cupiebat, intelligebat, quibus oneribus, præter iustitiam, & charitatem grauarentur Indi, quibusque indigerent, vel corporum, vel animarum refrigerijs. Alumnorum item humores, & mores, ac talenta singulorum probabat, litterarum, & Ecclesiasticæ educationis profectum eundo, & redeundo discutebat. Erat nouus Archiepiscopus toti Ciuitati, pro eximia virtute admirandus, summa prudentia omnibus omnia factus: rara modestia, profunda humilitate, insigni mansuetudine, placida comitate, singulari pietate in Deum, liberali in pauperes charitate, morum reformationis vigilantia, Ecclesiasticæ disciplinæ zelo, Angelica pudicitia, & morum honestate, & simplicis animi candore, quem verbo & vultu præferebat, amabilis.

Potentioribus autem invincibili patientia, proposito constantia, & animi fortitudine formidandus; atque in omnibus, quæ agenda suscipiebat, disponendis prosper, & perficiendis felix: Erga omnes benignus, misericors, tam suavis & placidus; ut non solum, pro dignitatis auctoritate, obedientiam, sed maiorem, pro morum conditione, & naturæ bonitate, a cunctis reuerentiam & amo-

amorem adeptus sit . Qua sparsa opinione , & patienti virtutis experimento , id lucratus est , vt populi , Clerique voluntates verteret , quo vellet .

Aggressus ergo , quæ disponebat , quæque iam in Cathedrali Ecclesia , cum summa omnium satisfactione , & gaudio exercebantur , in aliarum vsu pro locorum qualitate propagare : omnes vrbis Ecclesias , Xenodochia , templa , sacella , & sodalitates ex autoritate visitauit . Foundationum tabulas , reddituum rationes , Sacerdotum , & Ministrorum qualitates , omnemque suppellectilem ; & rerum ordinem recognouit , earumque singulis regulas præscripsit , & statim in mores induci fecit : vt Lima tunc verè limata , quæ multa scoria & rubigine priùs obscura erat , splendescere repentè cerneretur , eamque faciem induerit , vt australis Americæ cæteris Ecclesijs , reformationis exemplo , & imitationis incitamento , fuerit .

Verùm , vt Archiepiscopus ipse , se bonorum operum omnibus exemplum præberet , quamdiù in vrbe per prouinciæ cognitionis interualla vixit ; nunquàm cessauit diebus Dominicis , & festiuis ; vel Hispanos hispanicè ad morum emendationem , Sacramentorum frequentiam ; Sacerdotum reuerentiam , atque inter se pacem , concordiam , & charitatem , in alios misericordiam , & iustitiam , aliasque Christianas virtutes , et viciorum , peccatorumque fugam , & odium pro concione cohortari , vel Indis Indicè postquam *Quichuam* linguam didi-

didicit, vel explicare rudimenta fidei, vel morum disciplinam, & Christianam vitam pariter concionando persuadere: Innumeros utriusque gentis sacri Chrismatis Sacramento in Christi militiam adscribere, Sacerdotum, & Clericorum numerum, collatis Ordinibus, adaugere, ceteraque instanter prestare, quae ab optimo Antistite sperari, vel praestari possint. Omnia pia loca, iterum, iterumque reuifere, an cuncta honeste, & secundum ordinem in illis fiant: sin minus, misericorditer, iusteque plectere fontes, iustitiam aequè omnibus administrare: omni se petenti largiter tribuere, & bene ambulantes laude, & praemio ad perfectionis culmen concitare, verbisque efficacissimis cohortari.

In eo sanè meritò considerant vitae eius auctores, ac testes ritè rogati, quòd per viginti quinque annos, quos Ecclesiam Limanam Archiepiscopus gubernabat, nullam aliam rem unquam curasset, quàm, ut suam & commissi gregis salutem operaretur, tanta vigilantia, assistentia, cura, & efficacia; ut praeter minimum tempus, quòd vitae paucissimo cibo, somnoque sustentandae tribuebat, nullum reliqui diem, nullam horam, nullum minutum non concederet, summo rigore, & perpetua perseverantia, ijs rebus instanter, & incessanter operandis, quas ad suam, suorumque salutem, & diuini cultus, & gloriae incrementum magis conferre censebat, sepositis & seclulis alijs omnibus, quan-

quantumlibet iustis, & honestis, quæ ad pastorale munus suum non attinebant.

Rebus autem sic in vrbe dispositis, in agrum profectus est, magnamque vastæ Diœcesis suæ partem peragrauit, ac per se ipsum cognouit; sed alias hac vice per Ministros: easdemquæ res, quas prius in vrbe instituit, in rurales Ecclesias, non influ tantum, ac hortatione, sed re quoquæ ipsa, quantum locorum, temporumque conditio permittebat, induxit: vt postmodum in Concilijs, & Synodis, sancitu faciliora forent, quæ ingenti fructu, & vniuersali applausu exercitium; & vsum in vrbe, & agro iam obtinuissent.

C A P V T XIX.

*Primam Synodum Diœcesis, & primum
provinciale Concilium celebrat.*

Aduertit autem perspicacissimus Præsul, temporaria huiusmodi, & arbitraria præpositorum instituta, quibus imprimis populorum licentia corripitur, & coarctatur libertas, diuturnam obseruantiam obtinere non consueuisse, neglectui haberi, &, tanquam res nouas, & veteri mori, etsi corrupto contrarias, vel non suscipi libenter, vel non diligentè obseruari. Quapropter Synodum Diœcesanam indixit, per quam cuncta perpetuò
du-

duraturæ legis vim, ac potestatem acciperent. Est enim præterea is vel præcipuus Synodorum, Conciliorumque fructus, ut ea, quæ communibus suffragiis in illis decernuntur, non modò Principis autoritate, sed libera etiam populorum acceptatione, & vltroque obligatione firmentur, dum non decernuntur, nisi accepta, & sic decreta simul acceptantur ab iisdem, quibus præscripta, & à quibus præscripta, & in se ipsos decreta fuerint.

Igitur cum Thuribius Archiepiscopus Limam ex agro rediisset, omnibus ad primam dioecesanam Synodum paratis, & ad eam conuenientibus, Decano, & Capitulo Ecclesiæ Metropolitanæ Limensis, Prælatisque Religionum, & Vicariis, Parochis, Clericisque Archiepiscopatus, & præsentis, ac præsidente Archiepiscopo, in eadem Ecclesia Metropolitana die 2. Martij anno 1582. celebrata fuit. In eaque communibus suffragiis, post maturam consultationem, Synodali, & Archiepiscopali autoritate, decreta, confirmata, & obseruari præcepta sunt eadem ipsa omnia, quæ propria eius Archiepiscopi autoritate prius ordinata, & in usum inducta diximus. Atque hæc quidem omnia tam vtilia & necessaria, tam properè, & prosperè, pro Limensis Archiepiscopatus perpetuo bono perfecit Mogrouejus mensibus non integris decem, suæ à vigesimo quarto die Maij anni 1581. quo solium Archiepiscopale conscendit, usque ad se-

cundum diem Martij 1582. quo Synodus ista celebrata fuit.

Adueniebant interea Comprouinciales Episcopi ad Concilium iam antè vocati, et aliqui Limæ tuncaderant: qui tam inopinata, ac paulo prius propemodum desperata rerum restauratione stupefacti primùm, ac deindè vehementer animati sunt, vt ea omnia alacrius in Concilio sancirent, ad Ecclesias etiam suas, totamque prouinciam, tam pulchrè, tam sanctè, tam citò, tam efficacitè, componendas transferrent, quæ Thuribio Archiepiscopo, adeò feliciter successisse conspexerunt: ipsiusque sanctitatem venerati, Sanctissimos, et Sapientissimos eius sensus in præsentis Dei opere sequendos sibi proposuerunt. Erant enim plerique etiam ipsi insigni doctrina, morum Sanctimonia, et zelo rei perficiendæ præstantes, vt nos ad primi huius Thuribiani Concilij Prouincialis acta notauimus; quanquàm vix vllus sit hominum cœtus, in quo quispiam, vel in suo sensu abundans, vel commodi sui nimium suprâ commune bonum studiosus, rebus etiã optimis aduersus non reperiatur; Aderat præterea præstantissimus Prorex Martinus Henriquez, et Limanus vrbis Regum Senatus, et venerabile Capitulum Ecclesiæ Metropolitanae, aliarumque Ecclesiarum Procuratores, cùm Regularium Ordinum Præpositis, et selectissimis Sacræ Theologiæ, et vtriusque Iuris Doctoribus, aliorumque insignium virorum plurimo concursu.

Hinc

Hinc Thuribius Præful Metropolitanus , & Concilij Præfes , conuocatis ad priuatum confefsum Patribus , alijsque , quorum res intererat , exposuit imprimis causas Conuentus , veterum Sanctorum Patrum exempla . Sacrorum Canonum , ac Tridentinæ præfertim Occumenicæ Synodi præscripta , Gregorij XIII. Pontificis , & vniuersalis Ecclesiæ Pastoris , tunc in Petri cathedra sedentis peculiare mandatum , tùm Philippi II. Prudentissimi , Potentissimi , & Catholici Regis , & Indiarum Domini , supremique in Hispania Indiarum Senatus ardentissimum desiderium , ac voluntatem diplomatis declaratam : procurandi in Peruvia fidei progressus , & mores in Clero , populoque reformandi manifestam necessitatem , fructusque inde prouenturos , difficultates superandi modos . Deique , quod primum est , obsequium , & vniuscuiusque Præfulum paternam obligationem , conscientiarum leuamen , impositique muneris complementum , ad dandam scientiam salutis plebi Dei . Omnes demùm grauissimis verbis ad rem rectè gerendam hortatus est , & ad primam publicam Actionem suo tempore celebrandam inuitauit : per quæ cunctorum desiderium , spemque confirmauit , & præparauit ad reliqua ritè , rectèque peragenda .

Ipse verò qui Sacræ Synodi Tridentinæ instituta maximoperè colebat , etiàm ritus , & solemnitates eiusdem , quantum præsentì rei conueniebat ,

æmulatus, ieiunia, preces, & Sacrificia, ad Christi gratiam promerendam, omnibus commendauit, & in vrbis Ecclesijs constituit, dùm plurium patrum accesum expectaret. Interea cùm tunc presentibus Concilij officiales nominauit, aliaque cuncta ritè disposuit, quæ ad publicam actionem celebrandam opportuna videbantur. Quibus ita peractis, anno 1582. die decimo quinto Augusti, & festo Assumptionis Deiparæ virginis Mariæ, instituta est solemnis processio Conciliarium, cæterique Cleri, & populi à templo S. Dominici ad Ecclesiam Metropolitanam S. Ioannis Euangelistæ, vbi omnibus præparatis Thuribius Pontificalibus ornatus solempne sacrum cecinit; & sermonem ad Concilium habuit Episcopus ciuitatis Imperialis.

Tùm imprimis Archiepiscopus Concilium Prouinciale legitimè inchoare, & inchoatum esse unico patrum consensu declarauit. Lecta mox decreta S. Concilij Tridentini de celebrandis Prouincialibus Concilijs, & alterum de ipsa œcumenica Tridentina Synodo recipienda. Deindè, tanquàm omnium deinceps agendorum fundamentum, Synodus catholicæ fidei professionem, clara & intelligibili voce fecit, iuxta formam in constitutione Pij IV. Pontificis anno 1564. edita, in qua etiam continetur Concilij Tridentini receptio: cùmque singuli in Archiepiscopi manibus eam se seruaturus, Deo vouerunt, tactoque S. Euangelio iurauerunt,

runt, denique Archiepiscopus ipse, eodem ritu, eandem professionem emisit in manibus Episcopi Imperialis. Hac re finita lectum est decretum Concilij Toletani, prout à Synodo generali Tridentina traditur; de ordine, & modo dicendi in Synodo sententiam, declaratusque procedendi modus in ijs, quæ erant tractanda, & peculiare, seu præparatorias congregationes habendas esse in aula capitulari eiusdem Cathedralis Ecclesiæ, vt, qui quidpiam petere, vel publicæ utilitatis causa proponere vellet, sciret, id sibi in eo loco liberum fore. Ac demùm sedendi, dicendique locum vlli assignatum, cæteris, vel præsentibus, vel absentibus præiudicio non esse. Quæ sic acta, decreta, & lecta cùm interrogati Patres, sibi placere respondissent, sessio hæc prima Concilij absoluta fuit.

Integer indè annus exactus est in binis quotidie Congregationibus, in quibus Episcopi, cæterique Conciliares, & frequenter etiàm Prorex aderant, & semper præfuit Archiepiscopus, atque accedentibus paulatim alijs Episcopis, grauissima totius prouinciæ negotia tractabantur, donec sequentis anni 1583. eodem die 15. Mensis Augusti, defunctis prius, mense Martio, Martino Henriquez Prorege, & Petro Peña Episcopo Quitense, pari solemnitate celebrata fuit secunda sessio publica Concilij, in qua præter alia, vt prouincia, certas, omnibusque notas leges haberet, abrogata imprimis, vt inualida, fuerant acta primæ Congre-

gregationis ab Archiepiscopo Loaysa celebratę anno 1552. Quę verò constituta sunt in Concilio Prouinciali Limensi anno 1567. cū id ritę, & legitimę celebratum fuerit, quamvis Apostolicę Sedis approbatio non accesserit, ea, vt cum omni veneratione suscipiantur, dummodò per pręsens Thuribianum Prouinciale Concilium reuocata, vel alitę disposita non sūt, Patrum hoc publico decreto cautum est, saluo semper Iure patronatus Catholicis Hispanię Regibus per Sedem Apostolicam concessio.

Pręcepitque sancta Synodus sub pęna centum aureorum, & maioris excommunicationis, vt intrā certum tempus à Synodo pręscriptum, omnes siuę Indorum, seu Hispanorum Parochi, & alij quicumque Ecclesiastici iudices, tam decreta Concilij superioris prędicti, quę ad ipsos quoquomodo pertineant, quàm omnia pręsentis huius Concilij statuta describere, & penes se habere teneantur. At nē prolixa superioris Concilij Loaysani transcriptione, vel lectione grauarentur Clerici, in quinta, et vltima pręsentis actione decretum fuit, vt compendiosa eius summa compilaretur, quę ab Archiepiscopo approbata, ipsis ad obseruantiam superioris pręcepti habere sufficiat. Hacque ratione Concilium à Thuribio Archiepiscopo quinque publicis Actionibus comprehensum, conclusum fuit, celebrata quinta et vltima Actione die 17. Octobris 1583.

Ex decem suffraganeis Episcopis aberant Nica-
ragensis, Panamensis, et Popayanus, vel nimia
distantia, et itinerum periculis deterriti, vel, ut
quispiam authumat, quod eorum Ecclesię tunc
Pastoribus destitutę fuissent. Aderant autem Thu-
ribius Alphonfus Archiepiscopus; totius negotij
director, et in omnibus, tam publicis Actionibus,
quàm priuatis confessibus pro autoritate Pręses,
et cum ipso Fr. Antonius à S. Michael, ex Ordine
Minorum, Episcopus Imperialis. D: Sebastianus
de Lartaun, Episcopus Cusquensis. Fr. Didacus
de Medelin, etiam Franciscanus, Episcopus S. Ia-
cobi Chilensis. Fr. Alphonfus Guerra Episcopus
fluminis argenti. Fr. Franciscus à Victoria Episco-
pus Tucumanensis. Fr. Petrus à Peña, Quitensis;
omnes tres Ordinis Prædicatorum. D. Alphon-
sus Granerus de Aualos, Episcopus Platenfis, scū
Argentinopolitanus. Quorum ampliorem noti-
tiam nos in notis huic Concilio adhibitis explica-
uimus. Quitensis autem, quia post primam pub-
licam Actionem aduenerat, et antè secundam
obiit, aliquot priuatis tantum congressibus inter-
fuit, obiit etiam eodem cum ipso, mense Martij,
clarissimus Prorex Martinus Henriquez, et nona
Octobris, ante quartam Actionem, Lartaunus
Episcopus Cusquensis.

CAPVT XX.

Concilij Prouincialis Acta diu multumque Madriti, & Romæ discussa Pontificiam approbationem, & per edictum Regium, executionem obtinent. Thuribius plura celebrauit. In eis contentorum Anacephalcosis.

HVIUS, celebris equidem, Prouincialis Concilij Acta authographa in Limensis Ecclesiæ Metropolitanæ Carthophilatio conseruari voluit Archiepiscopus, vt indè quilibet posset exemplaria depromere: et ipse vnum authenticum ad Madritensem Indiarum Senatum transmisit, vt ibi visum, interuentu, studioque Philippi Regis, Romani Pontificis approbationem obtineret, et sic approbati executio, et obseruantia, Regio quoque diplomate, omnibus Maiestatis suæ subditis præciperetur. Placuit Regi; Senatuique Concilium; et Authoris Archiepiscopi Mogroueji Regimen laudem, et applausum commeruit. Verum, vt reformatio morum, et restrictio libertatis non omnibus placere solet; sic non defuerunt, qui per Procuratores, aliquibus Decretis contradicerent, etiã per viam appellationis, apud Regem, et Pontificem interpositæ, quique de Episcoporum rigore, tanquam sibi graui, nimioque quererentur.

Quæ

Quæ causa fuit, vt Concilij decreta in Regio Senatu, diù, diligentèrque inspecta fuissent: sed cum nihil inueniretur, quod aut ciuili administrationi oppositum, aut à Christiana, & Ecclesiastica cura alienum esset, tandem Concilium, vt erat, è Senatus consulto, per prudentissimum, & piissimum Regem Romam delatum fuit, & à Sixto V. tunc Summo Pontifice postulatum, vt ea parte maximè corrigeretur, quæ censurarum quarundam in transgressores latarum, vel frequentiam, vel rigorem præ se ferebat; atque ità correctum per Apostolicam authoritatem approbaretur. Tum Pontifex rem discutiendam Illustrissimis Cardinalibus S. Concilij Tridentini Consultationibus præpositis commisit. Iique auditis etiam appellantium Procuratoribus, & Oratore Regio, omnia per prouincialen synodum statuta diligentèr examinarunt, & paucis admodum quibusdam aut declaratis, aut immutatis comprobauerunt, & præclare commendarunt: atque vt modis omnibus obseruentur, consulto suo, Pontificis authoritate decreuerunt.

Præcipuum controuersię pondus in eo versabatur, an tollenda esset excommunicatio latæ sententię intentata Clericis mercaturæ operam dantibus, & Parochis Indorū, qui, per se, vel per interpositas personas quascumque, cum quibusuis Indis mercaturā exercere præsumerent, vel alendis pecoribus, aut agris, vineis, opificijs, alijsque lucratiuis artibus, & negotiationibus intenderent, aut animalia vehendis

oneribus haberent, aut locarent. Verùm cùm S. Congregatio perciperet, Synodum grauissimis rationibus ad eam censuram ferendam commotam fuisse, frustra in reliquis laborasse; si istud multiplicium malorum seminarium non hac ratione sustulisset, instante Philippo Rege, auditisque interpellantium refugijs, hoc decretum, aliasque censuras, grauitè, & necessariò latas, intactas reliquit, & approbavit. Qua de re tota, gratum Lectori, & Indis vtile parergon ad Concilij calcem aliquis apposuit, quod nos in Lima limata non omisimus: in quo nimirum planè declarantur omnia, quæ in Sacra Romana curia congregati Cardinales, circà huius Prouincialis Concilij examen, & approbationem operati sunt.

Itaque Concilium hoc Prouinciale primum Limanum, à Thuribio Alphonso Mogrouejo Archiepiscopo, iuxta Sacri Concilij Tridentini decretum, anno 1582. die decima quinta Augusti, inchoatum, ac decimo octauo Octobris anni sequentis 1583. feliciter absolutum, Sacra Romana Congregatio, post longam, & grauissimam decretorum discussionem Sixti V. Pontificis autoritate, hac ratione approbatum, & confirmatum; vtque ab omnibus, ad quos pertinet, obseruetur, præceptum est; scriptis per A. Cardinalem Carastam 26. Octobris anno 1588. ad Thuribium Archiepiscopum litteris, quibus, & Synodum, vbi visum fuit, aptatam, commendatam, & approbatam

tam esse significat: quantaque æstimatione Sacra Congregatio haberet ipsius Thuribij pietatem, Catholicæ religionis studium, & in pastoralis officio prudentiam, & assiduitatem: summamque ipsius Congregationis voluntatem, ad ipsum, in spirituali administratione illius provincie iuvandum: Ac propterea posse ipsum eiusdem Congregationis opera, summa cum fiducia uti. Quod quamdiù vixit, fidelitèr, deuotèque obseruauit.

Id adedò Regi Philippo, & eius Indico Senatui placuit, vt, quamuis reclamante adhuc appellatorum parte, nouo decreto statuerint Proregi de illius Concilij accurata obseruatione scribendum; quod Regio diplomate factum fuit. Atque vt eius copia cunctis præsto esset, Madriti tunc statim typis mandari fecerunt, eo verborum tenore, quo Roma remissum fuit: vt factum est, adiunctis edicto Regio, et omnibus per quæ Romana, eius approbatio, et matritensis commendatio cunctis innotescat. Sicque nono circiter anno postquam celebratum fuit, adedò matura erat id approbandi deliberatio, ad Indos remissum, et Regis edicto, per singulas Prouinciæ Dioceses, denuò publicatum, abque omnibus obseruari, absque vlla eius diminutione, vel mutatione præceptum fuit. Quod quantò Ecclesiarum, & Hispanicæ Monarchiæ, in ijs regionibus, bono factum sit, admiranda morum reformatio, & rerum tranquillitas, per eius obseruantiam, & indefessum Archiepiscopi Thu-

ribij studium introducta, manifesto experimento demonstravit. Ac tanta eius utilitas visa est, ut tùm ob hanc ipsam, tùm ob Thuribij conditoris sapientiam, & sanctitatem, appetentissimè reciperetur.

Nequè deinceps Limensi tantùm Archiepiscopatui, qui postea confinijs arctior factus est, nec decem Dioccesibus tunc illi suffraganeis; sed etiam alijs septem Episcopatibus Pacis, Barancæ, Guamangæ, Arequipæ, Truxilli, Fluminis Argenti, à Paraguayano separato, Conceptionis Chilensis, qui Imperialensi successit, & alijs quatuor, hoc est, S. Fidei Metropoli Noui regni Granatensis, & subiectis Dioccesibus Popayanensi, Carthaginensi, & S. Marthæ. Et Nicaraguensi, quæ tunc Limæ, nunc Mexico subest, & Metropolitanæ Charcarum, seu Platenfi, aut latinè Argentinensi, tùm Concilia ipsa ritè, & rectè celebrandi, tùm fidei propagandæ modum, & morum disciplinæ normam tribus Archiepiscopatibus, & Episcopatibus septemdecim Indicis Castellanz ditionis: immò etiàm & Brasiliz, cis Andes, ditionis Lusitanæ tradiderit hæc Synodus Prouincialis Thuribij Mogroueji. In quibus hodiè summa veneratione colitur, & reuerentèr obseruatur: hoc est, in tota terra continenti, à media ferè Isthmo, quæ Mexicanum Orbem cum Peruuiano in septentrione coniungit, ad oras Magalanici freti in Austro, longitudinis graduum circitèr septuaginta, & latitudinis;

nis, à portu Limano maris pacifici in Occidente; ad promontorium Pernambuco, seu S. Augustini, maris Atlantici, in oriente, vbi latissimè patet, graduum circitèr quadraginta: quos tamen non ad Mathematicum rigorem dimetior.

Celebrauit præterea Thuribius, pro bono regimine prouinciæ Peruuianæ, alia duo Concilia Prouincialia, & ad quartum conuocauit Episcopos; sed quod morte præuentus celebrare non potuit: Habuit quoque, quæ extant, pro peculiari gubernio suæ propriæ Diocesis Limanæ, Synodos decem, & plures quæ exciderant; aliasque multas; tam prouinciales, quàm Diocæsanæ Synodos, iuxta Concilij Tridentini Decreta, has per annos singulos, illas per ternos quosque imperantia, celebrasset; si proptèr difficultates à Gregorio XIII. Pontifice, ipsi, dùm viueret, indultum non fuisset, vt Diocæsanæ semel in biennio, & Prouinciales semel in septennio tantum conuocare posset. Ea verò omnia, & alia eius regiminis monumenta quæ nos, in Actis Canonizationis ipsius, Hispanico idiomate conscripta reperimus, indè latinè transtulimus, in ordinem digessimus, & notis à nobis explicata, publicis typis communia fecimus, iusto volumine inscripto Lima limata: in quo eorum historiam, & ipsa decreta, eo ordine, eaque forma, quibus edita sunt, eius rei cupidus Lector inueniet. Ex quibus multiplex, eximiaque virtus pastoralis Archiepiscopi Thuribij, cuius ea viuâ,

per-

perpetuaque simulacra sunt, ex effectibus clarius elucescet.

Quanto autem zelo, studioque Catholicam fidem inter Indiæ Christianos ab Idololatriæ, & superstitionum reliquijs depurauerit, & gentilium nouis conuerſionibus dilatarit. Quanta pastoralis curæ vigilantia Sacramentorum vſum, administrationem, omnes ritus, & reuerentiam promouerit. Eorumque, & verbi Dei Ministros conſtituerit, vbicumque ducenti vel trecenti fideles curandi forent, qui Eccleſias, vbi erant, benè regerent; vbi non erant, erigerent. Vtriſque verò res vitæ, diuinoque cultui neceſſarias ita prouidit, vt Clerus Limanus reuerà in ſortem Domini ſegregatus, nullam habere debeat ſolicitudinem rei familiaris, nèc quidquam tamen vitæ honeſtè copioſeque ſuſtentandæ, illi deſit, vt ijs anxie quærendis ab animarum cura minimè diſtraheretur. Quanta boni exempli, & Eccleſiaſticæ honeſtatis cura, cuncta Clericis prohibuerit, quæ ipſorum ſtatum dedecere, vel ipſos apud populum in vituperationem, aut contemptum adducere poſſent. Nèc minus eorum honori, & Eccleſiaſticæ libertati prouidit, nè quis Clericum, vel temerè accuſare, vel laicus eorum ſe rebus, vltra Sacrorum Canonum terminos, miſcere præſumeret. Diuini cultus grauitèr, piè, ſplendidèque exercendi deſiderio feruens, omnem ſacrarum actionum, ſeu in templo, ſeu extrà, modum, ordinem, ritumque præ-

præscripsit : sacrasque res omnes reuerentissimè tractari , nèc per laicorum manus , nisi in cistis sèra clausis , transire , vel aliquò transportari voluit .

A sacris locis , sacerdotum vsui destinatis , omnem laicorum , & puerorum præsertim frequentiam , nugas , & fabulas , strictis legibus exclusit . Summa cura , et charitate de Indorum protectione , favoribus , et indemnitatem multa sancit ; multa Hispanorum moderandis moribus ; multa curandis infirmis , subleuandis pauperibus , pueris educandis . Nèc eius ardentissima charitas in yvorum cura stitit ; quin , et moribundorum spiritus auxilia , & mortuorum testamenta , & corporum sepeliendorum rationem , & animarum liberandarum suffragia decreuit . Pro Christiana doctrina Neophytis tradenda triplicem præscripsit formam Catechismi , iuxta variam instruendorum conditionem : et ad Presbyterorum quorundam debilitatem , populique ruditatem iuuandum , confessiones tum reddendi , tum excipiendi modum , et Sacrarum Concionum normam edidit . Varijs edictis taxauit Ministris iustitiæ obuentionum terminos , quos nèc remitti , nèc transiliri præcipit . Visitationum itidem , et censurarum fulminandarum ritus , et modum : vt et festorum , ieiuniorumque dierum obseruantiam constituit : Aliaque multa , scriptis legibus , et libris decreuit , quæ hic perferbere longum foret : et quibus Clerum Limensis Prouinciæ ad primitiæ propemodùm Ecclesiæ

normam , populumque ad fidei puritatem , et antiquos Christianorum mores reduxit . Is enim illi scopus fuit , vt veteres Ecclesię Canones in vsum , et recentiores ad obseruantiam induceret : vt eorum loca per nos in Lima limata , ad margines Decretorum ipsius adnotata manifestant :

CAPVT XXI.

*B. Thuriij ergà sedem Apostolicam obseruantia ,
& huius in eum mutua voluntas .*

VBi dubium aliquid , aut obscurum videbatur , Apostolicam Sedem , et Romanam Ecclesiam , vt reliquarum matrem , et fidei , morumque magistram , candidè , et reuerentèr consulebat : cuius aliqua responsa , ad ipsum rescripta , nos inter alia eius monumenta dedimus . Diploma illud Euangelicum , à Christo datum Petro alta mente repositum habuit Apostolicus noster Archiepiscopus : Tu es Petrus , & super hanc Petram ædificabo Ecclesiam meam . Quodcumque ligaueris super terram , erit ligatum & in Cœlis : Et quodcumque solueris super terram , erit solutum et in Cœlis . Cùmque diuina fide teneret , eandem potestatem in omnes Petri legitimos successores Romanos Pontifices deriuatam esse , & in eisdem perpetua successione persistere , horum decreta , diplomata , declarationes , dispensationes , iussiones , prohibi-

bitiones , & dispositiones omnes , tanta obedientia , & reuerentia colebat , vt nihil a se ligatum , nihil rectè solutum censeret , quod ab illis , tanquàm diuinis oraculis ; non dependeret , eisdemque conformaretur .

Hinc ille recursus , in declaratione dubiorum , in reseruatione casuum , in uisitatione liminum ; in celebratione Conciliorum ; in quibus alius quispiam secum fortassis , vel per locorum distantiam , vel per naturalem rerum necessitatem , vel per moralem obseruandi Canones impossibilitatem , satis dispensatum fore credidisset . At Mogrouejus , conscientię suę puritatis à puero tenacissimus , securius existimabat , clarum Apostolicę Sedis oraculum omni Epicheyę , & opinionum varietati præferre . Immò verò tam constans Canonum obseruator fuit , vt acceptis etiam dispensationibus non vteretur , nisi quantum merè necessarias iudicaret . Cuius rei exemplum , cum ipsius Sancti Præsulis testimonio , habemus in uisitatione Liminum SS. Petri , & Pauli Apostolorum : quam cum Gregorius XIII. Sixtus V. Clemens VIII. Pontifices in decimum quemq; annum , per procuratorem faciendam ipsi indulgissent ; sic tamen de illa in suis ad eundem Clementem Pontificem litteris loquitur ,

Quod , si hæc facultas , vlla de causa , mihi denegata esset , paratus eram iter suscipere , ac Romam contendere : nec obstarent vlla impedimenta ,

T

vel

vel vincula ad remorandum iniecta; quippè, qui summopere cupio præceptis Apostolicis obedire; nec vellem ab eis nè latum vnguem deuiare. Et post pauca: Et quanquàm illa, de qua suprà commemoro, visitatio, non, nisi post decennium recurrat, decreui tamèn eam quotannis pro mea religione præstare, atque adid Procuratores Generales Ordinum Religiosorum, & alios certos homines destinaui. Eadem illi cura fuit, vt Concilia sua prouincialia omnia, Apostolicæ Sedis auctoritate firma forent, quòd operam suam aliàs perditam existimaret. Extat in publicis tabulis epistola, quã cum secundo Concilio prouinciali ad Pontificem scripsit, cuius periodum huc pertinentem, describendam duxi, sic enim commemorata Pontificis in laboribus vigilantia loquitur.

Dùm ista considerarem, sumpsi animum, vt audeam libellum hunc ad Sanctitatèm vestram trãsmittere, in quo continentur ordinationes, & decreta Concilij Pròuincialis, quod in hac Ciuitate Regum celebratum, terminatumque fuit hoc anno 1591. iuxtà normam sacri Concilij Tridentini, & Breuium Apostolicorum, quibus exactè satisfactum est. Dignabitur sanctitas vestra per breue temporis spacium, quod benè impensum æstima-
bo, exiguum hoc volumen considerare, in quo minutim perspiciet Ecclesiasticum regimen harum partium. Sanctitatis vestrę protectioni subiectarum, Quo eas participes faciet desideratissimi fauoris,

& ip-

& ipsis huius Concilij decretis necessarij : maximè verò in negotio reformationis , quæ Sanctitati vestræ tantoperè placet . Et quoniam nullius suffragium tanti interest , aut æquè certum sit , vt Summi Pontif. D. N. Nos Præsules huius Peruviae , humiles V. serui feruentibus votis cupimus , & rogamus , S. V. hoc breue compendium inspicere velit , & nobis edicere , an his constitutionibus ritè regi debeamus , & reformationem per illas sanctam prætere in hac Indiarum recenti Ecclesia ; supplendo omnes defectus , qui in illis contigissent . Hoc enim fauore noster congressus , & labor , optatum fortientur effectum , alioquin in perpetua obliuione mansuri .

Nec obscura suæ , de Archiepiscopi Thuribij virtute , æstimationis indicia reddebant Pontifices ; dùm quidquid petebat , concederent ; & , quod non petebat , ipsum , per laudum elogia decorarent , seseque expressis verbis promptos exhiberent , ad ipsum in omni Ecclesiae suæ spirituali regimine suis fauoribus adiuuandum . Gregorius XIII. cui primo ex Pontificibus Maximis Mogroueji nostri virtus innotuit , eius electionem ad Archiepiscopatum Limensem , magno Hispaniarum applausu , & Philippi Regis , Regijque Indiarum Senatus commendatione sibi propositum non sinè lætitia , & laudum titulis confirmauit : laxiorem celebrandi Synodos terminum , & Apostolorum limina per alios visitandi facultatem indulsit , atque in de-

cennium dilatauit, & plura Indis vniuersim Thuribij tempore concessit, quæ nos in Lima limata adnotauimus.

Gregorium sequutus est Sixtus V. qui ad Archiepiscopi nostri consulta, per sacram Congregationem Concilij Tridentini Interpretum rescribi iussit: & primum, & præcipuum ipsius Concilium prouinciale Limanum, ab eadem Congregatione inspectum, discussum, & aptatum, atque ab ipso Pontifice approbatum remisit, adiuncta Epistola A. Cardinalis Carassæ, præ sacra Congregatione, & Sixti V. Sanctitate scripta, ex qua sequentem periodum in Thuribij apud eos æstimationis testimonium decerpimus: Ex eaque (Synodo Prouinciali;) amplitudinis tuæ pietatem, & quod inde elucet, in Catholicam religionem, & Sanctam Sedem Apostolicam studium perspexerunt. . . . Si quid autem erit in quo Congregationis summa erga eam voluntas, in spiritali administratione istius Prouinciæ. . . . Sciat amplitudo tua, se eius opera summa cum fiducia, vti posse. . . . Et nisi nobis tua in isto pastoralis officio, prudentia, & assiduitas satis perspectæ essent &c.

Inter illos Religiosorum Ordinum Procuratores, quibus Thuribius Apostolicorum liminum visitationem suo nomine committebat, vnus fuit Didacus à Zuñiga Societatis Iesu, qui, cum eo officio rectè fungeretur ad pedes Gregorij XIV. laudatissimi Pontificis, hæc ab eo, ad Archiepiscopum litte-

ras retulit, quæ vel solæ demonstrant, quanto loco Roma Thuribij virtutem, & pastorem curam præ multis haberet.

Gregorius Papa XIV. Venerabilis Frater, salutem, & Apostolicam benedictionem. Ad nos accedens dilectus filius Didacus à Zuñiga, Societatis Iesu Procurator Prouinciæ Peruanæ, magna nos voluptate affecit, deditque integram notitiam incolumitatis tuæ, & obedientiæ, ac reuerentiæ, quam erga nos, & Apostolicam hanc Sedem geris. Et in Domo Domini suprâ familiam eius constitutus, quàm benè, fidelitèr, & prudentèr labores, ad maiorem Dei gloriam, & animarum tibi subditarum salutem. Benedictus Deus, qui vbiquè regnat, & ministros suos vbiquè regnare facit, vt vineam diligentèr colant, & fructum afferant in patientia: Nos imprimis gratias agimus Deo, qui secundùm misericordiam suam magnam regenerauit nos in spem viuam, vt simus creaturæ eius. Et, vt sub vno capite constituti, tanquàm diuersa membra, vnusquisque ministerium suum adimplendo, illi soli placeamus, cui est gloria, & honor in æternum. Gratias tibi agimus ob zelum, quo assistis curæ domus Dei, & ob magnos labores, quos tam in visitando amplissimum districtum tuum, quàm congregando Synodos, alijsque benefactis sustines. Quæ opera non solum apud nos in remotissimis his regionibus tam procùl dif-
finitos bonum tibi, cæterisque tibi suffraganeis Episcopis

copis nomen accumulanti, sed etiam apud Deum sempiternæ gloriæ pondus vobis merentur. Nos demum etiam consolamur, quod in tam onerosa, difficilique cura nostra, & solitudine omnium Ecclesiarum, eiusmodi cooperarios habeamus, in quorum viribus confidimus subleuari; sustentari-que manus nostras. De reliquis, quæ ad curam pertinent, quam de vobis gerimus, & de paterna charitate, qua vos diligimus, quantumque bono vestro, & incolumitate lætemur, idem Didacus plenè verbis referre poterit. Quem cum cæteris ipsius socijs sacerdotibus suæ Societatis; quippè bonis, & sapientibus viris, qui, ut per bona operam in conversione infidelium se exercent, ad illas partes proficiscuntur, vobis omnibus in Domino commendamus. Deumque oramus, ut per Apostolicam benedictionem, quam vobis mittimus, vos, & cooperatores vestri acquiratis gratiam, & gloriam in Cœlis: ubi Dominus velit, ut nos in pacem videamus Dat. Romæ in Monte Quirinali, sub sigillo Piscatoris, 27. Martij 1591. Pont. nostri anno 1.

M. vestrius Barbianus

Sed crescente indies, cum meritis, fama Mogroveji, maior illi familiaritas, & frequentius litterarum commercium fuit cum Clemente VIII. Pontifice, quem sæpius fidenter, & magno Pontificis solatio de rebus à se gestis, & fidei morumque progressu, pro sua religione, ipsiusque Clementis iussu,

iussu, per litteras informabat, quæ nobis iterum vsui futuræ sunt. Is præter alias beneuolentiæ suæ significationes, donum illi gratissimum misit; facultatem septena millia numismatum, Coronarum, imaginum, & crucum Apostolicis benedictionibus, cum amplissimis Indulgentijs, imperitiendi, quæ duobus plenis chartæ folijs in Indijs impressæ prostabant, ex typis cuiusdam diæti Omillos. Qua accepta gratia nihil erat lætius Thuribio, cui nihil gratius accidere poterat, quam quo posset viuorum, defunctorumque hominum animabus, summa charitate, & æternæ salutis adipiscendæ fiducia suffragari.

At non tantum fidei, & morum præcepta, vel præscripta monita, & conditæ per Archiepiscopum leges, quæ absque Pastorum vigilantia, & instantia quotidiana, & sollicitudine omnium Ecclesiarum mortuæ sunt, hanc opinionem, & Summorum Pontificum pronam voluntatem in Thuribium attraxerunt. Sed multò magis actio viuæ, vita irreprehensibilis, & heroica omnium virtutum exempla, per quæ Clerum, populumque ad diuinarum, humanarumque legum obseruantiam, & suauitè attrahebat, & cogebat fortitè; hortabatur in doctrina sana, & contradicentes arguebat; nec quidquam eorum ommittebat, quæ Paulus Apostolus animarum pastoribus præscripsit: Prædicabat verbum; Instabat opportunè; arguebat, obsecrabat, increpabat in omni patientia, & doctrina, seseque
in-

infirmirate circumdatum confiderans , ignorantibus , & errantibus condolebat . Inuigilabat cunctis , in omnibus , & iugiter laborabat , opus faciebat Euangelistæ : Ministerium suum sobrius , & sollicitus implebat .

CAPVT XXII.

*Prœuinciam uisitandi zelus , & multiplex ,
maximaque difficultas , & certa
uitæ pericula .*

Ministerij pastoralis prima cura est , proprias oues probè cognoscere . Secunda necessitatibus , morbisque mœdери , à luporum incurfibus tueri , errantes quærere , reductis prouidere ex animi dilectione : quæ etsi per alios quandòque fieri possint , sed Mogrouejus tanta charitate diligebat suas , ut animam suam prò ijs ponere non dubitaret , immò cuperet , ut cum supremo , & sempiterno pastore dicere potuerit : Animam meam pono pro ouibus meis . Ipsum imprimis audire iuuat , reliqua ex eius vitæ scriptoribus . Sed maximè ex oculatis testibus prosequemur . Clementis VIII. iussu , quarto quoque anno , relationem status Ecclesiæ Limensis , & actionum suarum ad Apostolicam Sedem mittere debebat : quod ut ritè faceret , necessum habuit , ut suæ quoquè administrationis rationem redderet , idque qua poterat modestia , &

par-

parcimoniam verborum, Pontificijs mandatis parens, his verbis per plures litteras ad eundem Clementem scriptas faciebat.

Quod ad rationem attinet mei muneris, iam proximis annis eam scriptam isthuc misi; nunc verò capta occasione Classis, denuò mitto, antequàm quadriennium compleatur, idque volo mea obseruantia anteuertere. Hæc relatio quam exhibeo, summa est fide confecta, & meo nomine quod subscripsi confirmata. Et iterum: Postquàm ex Hispania ad hæc Regiones deueni Anno 1581. visitaui per me, ac per meos Vicarios, cum per me non poteram, sæpè hanc Diocesim mihi commissam, inquirendo, & pascendo meos greges, & eorum necessitatibus subueniendo, & morbis medendo; prædicando diebus Dominicis, & festis Indis, & Hispanis, vtrisque in sua cuique lingua, & administrando Sacramentum Confirmationis innumerabili populo, sexcentis, & eò ampliùs meo iudicio millibus, peragrandò plus quinquies mille ducentas leucas (alij 7000. numerant, hoc est vnum & viginti millia Milliariorum: nam ipse vltimam profectiõnem non censet, cum ante illam ad Pontificem scripsisset) sæpè pedester, per vias asperas, & difficiles, transmittendo ingentia flumina, & torrentes rapidissimos, cum magna inopia, & egestate, interdum sinè cibo, & lecto, penetrando hac ratione partes remotissimas Indorum Christianorum cum Infidelibus & barbaris de

more bellantium, quo nunquam ante ullus Visitator intrauerat.

Hæc ipse vir sanctus de lustratione prouinciæ, pro rara sua modestia, & obedientiæ vinculo ad Clementem Pontificem: sed multò plura, & particularia habentur, tum in Actis Canonizationis, tum apud scriptores vitæ ipsius; qui id omnes non immeritò obseruarunt, maximum sanè veri pastoralis ipsius zeli, vigilantia, Charitatis, & sollicitudinis argumentum: quòd, cum viginti quinque annos Archiepiscopus vixisset, horum totos tredecim, aut potius sexdecim, vel plures in perpetuis itineribus, maximisque laboribus, & vitæ periculis, extrà suam urbem consumpserit: & urbanam rem ità disposuerit, vt nullus defectus, vel deordinatio ex tam diuturna eius absentia in vrbe contigisset. Ego rem per partes narraturus, dùm ineluctabiles eius difficultates antè oculos habeo, satis mirari non possum, quanta animi fortitudine, tantum negotium aggredi ausus fuit, quanta constantia, & malorum tolerantia persecutus sit, quàm ingenti fructu contra spem hominum, ità perfecit, vt nisi certissima extarent actorum eius documenta, multa vix crederentur fieri posse ab homine viribus imbecilli, ætate sene, & voluntarijs, iisque perpetuis macerationibus carnis penè consumpto: quantis demùm prodigijs, & patentibus miraculis Deus ipsius virtutem vbiquè protexerit, iauerit, & manifestarit.

Is profectò erat Beatus Antistes, qualem S. Maximus describit Eusebium Verecellensem? Quidquid in plebe, Cleroque Peruvianorum potest esse virtutis & gratiæ, ex eo, tanquàm è lucidissimo fonte, omnium oraculorum puritas emanauit. Etenim quia castitatis pollebat vigore, quia abstinentiæ gloriabatur angustijs, quia blandimentis erat præditus lenitatis, omnium ciuium in Deum prouocauit affectum: quia Pontificis administratione fulgebat, plures è discipulis reliquit sui sacerdotij successores, doctrinæ & pietatis encomijs laudatos. At præ cæteris Thuribij actionibus eximia, & multiplex eius virtus, et gratiæ Dei dona, pro varietate occasionum in provinciæ cognitione enituerunt, et tanquàm aurum in igne laborum, molestiarum, et periculorum probata sunt, atque imprimis quòd dixi, fortitudo in aggressu admiranda.

Erat tùm Archiepiscopatus Linnam circuitus, laucarum sexcentarum rectum iter, siue nostra mensura octies centum, et mille miliariorum: at quod Thuribius non semel perfecit, non recta profectio, sed perpetuus error, et peragratio fuit. Quem nunc robustissimum iuuenem tam innientia viæ longitudo non deterreret, etiamsi tota plana, recta, omnibusque commodis instructa foret? quis rediturum se sperare posset, si agendorum pondera, si laborum lernam, si vitæ discriminum perpetuam, et naturæ virium conatu inuitabilem congeriem, si plurium populorum diuersi mores,

et linguæ , feritatem præ oculis haberet : quorum aliqui in oppidulis , et pagis , alij in tugurijs agrorum dispersi , alij in montium cauernis instar ferarum , nec parua pars in locis penè inaccessibilibus , certè à nullo Antistite , vel Ecclesiastico Visitatore catenùs accessis , belluinis moribus habitabant .

Si terræ conditio spectetur , in tres regiones diuisa est , ex quibus plana inuijs , et lubricis arenarijs , sole ardentibus , interstincta ; frequentibus terræ motibus , et molestissimis muscis infestatur , quæ moribus suis hominum sanguinem , per duplices , triplicesuè vestes exugunt , & infligunt vulnera virulenta , diù æquè noctuque frequentes , & grauissimæ . Altera regio montana , perpetuo ascensu , descensuque nimis ardua , vallibus concaua , saltibus obstrusa ; in quibus per vrsos , & Leones obsessus non via , non semita videtur , qua te eripias : nam si qua hominum pedibus calcata occurrat , ociùs deperditur ; si qua ferarum , ad earum antra dilaniandum ducit . Ingentes vbique fluij , & rapidissimi torrentes , nulla naui vel ponte strati , sed solo vado tentandi , cumque in medio ripam alteram petis , non rarò subitanea aquarum è montibus illuione periturus abriperis : alibi fossæ , paludes , aluæ , cæno , & vligine vix permeabiles . Tertia regio celsissima Andium iuga sunt , vbi hinc altissimæ crepidines , indè profundissima , & formidanda præcipitia , quæ vt euites , manibus , pedibusque repere oportet , quo nedùm homines ,
sed

sed nec animantia præter ceruos, & ibices incedere possunt.

Neque hîc in petrarum concauis defunt frequentes vipere, & multi sunt angues, viginti quinque, vel triginta pedes longi, humani poplitis crassitudine: aliaque noxia animantia, præsertim tygrides, quibus reliqua Peruuia libera est. Apri quoque & innumerabiles simiæ, & Cercopitheci, veruecum nostratium molem alicubi excedentes. Aquilæ quidem, & aliæ quædam volucres rapacissimæ, quas indi *Cuntur*, Hispani *Condor* appellant, tam vastæ molis, vt visæ sint, quæ expansis alis, quindecim, aut sedecim terræ pedes occuparent; rostro tam valido, vt bouinum tergus eo perforarent, earumque duæ bouem occidere, & comedere valeant: nec ab hominibus abstinent. Sed earum paucitate prouidit Deus, nè pecus vniuersum, populosque vorarent.

Sunt etiam in Peruuia quædam insecta, quæ idèd araneas vocant, quòd vbicumque sunt, telas intar nostratium aranearum texant; quæ turgido corpore, mali citrei amplitudinem adæquant: adèd virulenta, vt eorum ictus iugulent, nisi efficaci remedio, & citò succurratur; nam si diutius differas, virus ad cor subit, & præsens mors consequitur, nè vlla remedia iuuant; præstantissimum autem experiuntur lac ex ficus folijs emanans, quod si statim recenti vulneri bis, vel ter instilletur, venenum ex ictu relictum extinguitur, tollunturque
dolo-

dolores, & succedentia symptomata, solo vulnere relicto; quod cum exiguum sit, facile curatur: diu tamèn apertum conseruare solent. Atque in hæc ego me charitatis affectu diffudi, vt videant Medici nostri, an idipsum remedium, quoquo modo applicatum, Tarentinarum arancarum morsibus mederi possint. Sed hic iterùm prouidentia Numinis in Peruuianos laudanda venit, quod folia ficus ibidem in arbore toto anno virentia conseruet.

Quod præsens est, tam varia; & sibi ipsi aduersa qualitas aëris Peruuiani, ipsa frequenti mutatione, valetudinis discrimen minabatur molienti hanc protectionem; cum ex calore nimio ad aquas niuium transcundum sciret, dum in plano perpetua serenitas, & æstus; in montanis alterna pluuia, calor, frigusque: in Andibus pluit, ningit, & alget: in vallibus ingens calor: è quibus cum in montium fauces ascenditur, altissimæ niues, & frigus tam intensum, vt eò congelata corpora, post expiratam animam, per plures annos integra, & incorrupta perdurent. Quæ omnia tam propemodum impossibilem reddunt perquisitionem Proincię, vt Iosephus à Costa, cunctorum peritus, ea probè perpendens, in hunc modum scripssisse fertur: Ipsę habitationes Indorum inaccessibiles, ad quas ducunt itinera, ceruis & ibicibus tantum peruia, spem salutis excludere videntur. Quis hos Indos perquiret? quis inueniet? quis colliget? quis

in-

instruet ? Nec minùs tamen ab hoc munere Thuribij Mogroueji personam deterrere poterant , quæ antè meminimus , debilitas virium , & ætas ipsa , quæ quiete , & commodis potiùs , quàm laboribus , incommodis , & ærumnis indigebat , quæque illis sustinendis , naturæ facultate , haudquaquàm par esse putari posset .

CAPVT XXIII.

Thuribij in laboribus , periculisque vincendis constans fortitudo , & visitandi necessitas .

IPse vir sanctus , cuius conuersatio iam tum in Cœlis erat , animi sui fortitudinem , non argutijs humanæ prudentiæ metiebatur , sed , vt verè Christiana , & heroica fortitudo esset , diuinæ fidei , spei , charitatis , et pastoralis zeli alis , eam suprà Andium altitudinem extollebat , et , vt à summo Cœlo egressio eius , per diuinæ gratiæ vehicula , ità occurfus eius , vsque ad summum eius per bonorum operum , et virtutum eximia merita . Quo maior erat Peruuianæ visitationis difficultas , quæ aliorum accessum eatenùs exclusit , eò maior ipsi videbatur necessitas , et obligatio adeundi : quoque per ætatem vicinior erat exitus vitæ , eò audiorum cum reddidit lucri meritorum , nec certius forum sibi præstituisse potuit ad cœlestis gloriæ merces comparandas , quàm vt animam suam poneret pro
oui-

ouibus suis ; quo maiorem teste filio Dei charitatem nemo habet ; seù id officij sui laboribus , vt euenit ; seu martyrio per barbarorum Sagittas obeundo , quod cupiebat , consequeretur .

Itaque quod apud Hispanos in prouerbio est ; ex ipsa debilitate corporis , animi vires exerebat , omnes difficultates diuina virtute superandas minimè diffidens , nèc vllis aliorum suasionibus à proposito , et pastoralis officij munere retardari poterat , quibus ità respondere solitus fuit . Ponamus ob oculos Deum , & vadamus , quo ille iubet ; nihil nos terreat , nèc detineat , nihil timet tuta conscientia . Aestuabat ardore patiendi pro Christo , eumque vt pastorum exemplum imitandi . Dicebat , oues , quas ipse quærebat , ipsius Christi esse , ac fore , dolebat vllam perire : cùmque perciperet earum plures instar belluarum vagari per campos , versari in syluis , cingi rupibus , vallari septis , sinè lege , sinè rectore ; sinè Sacramentorum Ministris , vel magistris doctrinæ , tristabatur ex animo , & dolore perditionis animarum percitus , hac se meditatione firmabat , & simul ora disfluadentibus occludebat : Filius Dei sola sua diuina charitate , & ergà pereuntes Adami filios misericordia motus , è beato Patris sinu de Cælo in terram descendit , carnis nostræ ærumnas assumpsit , esuriebat , sitiebat , sudabat , lassabatur ; Et ego Iustitiæ vinculis obstrictus permittam animas , ipsius labore , sudore , & sanguine redemptas , & meæ curæ

curæ per ipsius in terris Vicarium commissas, à Dæmone ad interitum rapi? non faciam. Nèc est quod mortis terrorem incutiatis mihi, nam Christus pro eis mortuus est. Responsum me illi, ni huic me curæ inijciam, ni corpus meum periculis, & incommodis obijciam, ni mortem, ubi opus, oppetam sciatis: eius prouidentia fidendum, qui opus iniunxit, non defuturum auxilio: hac ope; non mei corporis viribus metiendam, superandamque esse omnem quantumlibet arduam difficultatem, per quam tenera virgo Maria foetu grauida, Angeli monitu exurgens abiit in montana cum festinatione vt visitaret Elizabet; quod in ipso labore, & lassitudine visitationis, vt animos sibi, suisque faceret, sæpè repetebat Mogrouejus.

His Beatus Præsul cogitationibus armatus, exultabat vt gigas ad currendam viam. Quinquies ad minùs ipsum visitationis munus obijisse in publicis tabulis reperio. Ipse ad Clementem VIII. Pont. decimo antè mortem suam anno scribens: Postquam, inquit, ex Hispania, ad hasce regiones deueni Anno 1581. visitaui per me, & meos Vicarios, cum per me non poteram, sæpè hanc Diocesim mihi commissam. Alij statim atque Præsulatum inierat, incapisse huic muneri satisfacere. Alij coepisse antè primum suum Concilium Prouinciale Limense, & quandocumque negotijs vrbanis expedire se, citrà officij sui iniuriam, posset, nullam occasionem eius obeundi muneris abire sibi passum

sum testantur. Primam generalem, & integram totius Diœcesis lustrationem; post primum illud Concilium Limanum à se celebratum, inchoasse, septemque continuos annos in ea consumpsisse scribunt: foris interea celebratis tertiâ, quarta, & quinta Synodis diœcesanis ab initio anni 1584. ad annum 1590. quò in urbem reuersus, sextam Synodum Diœcesanam habuit, die vndecima Octobris, & secundum Prouinciale Concilium obsoluit anno sequenti. Ac deindè post ipsum, Regulam consuetudinum Cathedralis Ecclesiæ Limensis, reliquis imitandam conscripsit, & Capituli consensu constituit, inchoato eius examine 4. die Decembris anno 1592. ac terminato primo Maij 1593.

His alijsque rebus per reliquum hunc annum in vrbe dispositis, sub initium 94. ad secundum generalem, & integram cognitionem profectus est: in qua ipsum celebraſſe cenſeo Synodos annorum 1596. 1598. & 1600. quæ exciderant; vt ad frontem nonæ Synodi aduertimus. Nec rediſſe ſatis reperio, vſque ad annum 1601. cum Episcopos in urbem iam ad Concilium conuenire reſciret. Quo anno, die vndecima Mensis Aprilis, incepit tertium prouinciale Concilium in eadem Ciuitate Regum. Ità vt in hac etiam ſecunda luſtratione, meo quidem calculo, ſeptem pariter annos occupatus fuerit. Hæſiſſe autem tunc aliquandiù in vrbe ostendunt nona Synodus Diœceſana anno 1602. die

die 16. Iulij, & Synodus decima die 31. eiusdem mensis anni 1614 in eadem vrbe celebrata.

Tunc verò post conuocatorias litteras quarti Concilij Prouincialis, tertiam generalem visitationem incepit, & per biennium prosequutus est, vsque ad annum 1606. quo tandem in opere sudans, morbo, ex inedia, & lassitudine laborum contracto, ipso die cœnæ Domini, 23. Martij inter Diuos translatus est. Sicque intercepta tertia hæc generalis visitatio, & quarti Concilij celebratio præpedita fuit. Adeoque his tribus tantum generalibus Metropolitanæ Diœcesis suæ cognitionibus, quas per seipsum exercuit, integros sexdecim annos impendit. Quo autem impenderet alijs particularibus, quas partim per se, partim per Vicarios egit, mihi incertum est. Non multum tamen aberrare censebor, si biennium plus minus, per interualla, concessero, quæ ab vrbis negotijs, tanquàm subcissiuas intercapedines, opportunè excipiebat. Ita vt octodecim circiter sui regiminis annos in laborioso, incommodisque, & periculis pleno hoc visitandi negotio, extra urbem consumpserit, contemptis domus suæ commodis, & vrbis delitijs: in qua per septem annos tantum, aut non multò plus temporis, ex viginti quinque annis, quos in Peruvia Præsulatum gessit, vix quicuerit; quamquàm ibi etiam in perpetuis laboribus, & Ecclesiastici Iuris propugnandi negotijs occupatissimus, quæ suo lo-

co partim enarrauimus , & postea fufius profequemur .

Nec vltra necessaria fuit ipfius in vrbe residentia ; cum res ibi ab initio tam benè disposuiffet , in populo forti in fide , relictis grauibus Ministris , & vtriusque ordinis Clero , doctrina , & pietate insigni , cuius non parua pars Episcopatum per se regere posset . In agro verò infinitus barbarorum populus nondum in fide satis firmatus , Rectores mundani , etfi veteris fidei tenaces , sed bellandi magis , quàm pacis artibus , vitiorumque , quàm virtutum habitibus instructi . Clerus etiàm ignorantia sua , & maiori mundanarum rerum cura , tùm ad se , tùm ad alios regendos minus aptus , quos in ordinem redigere debuit , ac vehementer voluit . Interim vbicumque per prouinciam esset , perpetuis nuncijs de vrbis ipfius , aliarumque partium rebus instructus , perpetuis pariter mandatis cuncta disponens , Dioecesis terminis nunquàm exiisse deprehensus est ; sed fulgebat iustus tanquàm lintilla in arundineti discurrens , sanctitatis suæ radijs absentes illustrans , charitatis ardore præsentis accendens iudicabat nationes , & dominabatur populis , vt in eis regnaret Dominus illorum in perpetuum : cuius fidem Thuribius vbique exaltabat , & obsequia fortiter promouebat .

Harum rerum testis luculentissimus est ipse Beatus Archiepiscopus , in litteris , quas ex ipso

iti-

itinerè secundæ suæ generalis visitationis , ad Catholicum Regem scripsit , postea in Canonizationis ipsius acta relatas , eo animo , vt æmulorum ora , qui tunc ex Indijs in Hispaniam veniebant , apud Regem , ea modestia occludat , vt nullum eorum in litteris nominet , ea necessitate , & exemplo , quibus Paulus Apostolus labores suos ingenuè refert . Cum quo etiam ijsdem æmulis dicere posset . Factus sum insipiens , vos me coegistis . Ego enim à vobis debui commendari : nihil minus fui ab ijs , qui sunt suprâ modum Apostoli , tametsi nihil sum ; sed ipsius epistolæ partem illam , quæ ad præfens propositum in actis producta est , proferre præstat .

Postquàm ad hoc Regnum veni , laborare conatus sum , & officio meo vt poteram fungi , exercendo Pontificalia , celebrando duo Concilia provincialia , & octo synodos Diœcesanas , non perdendo tempus , vel occasionem vllam , per quam satisfacerem dispositionibus Sacri Concilij Tridentini , & Breuium Apostolicorum , quæ ad me transmissa sunt : curando , vt conscientiam meam exonerem , nec illam aggrauatam habeam : totam Diœcesim personalitèr , bis cum hac vice , visitando , eundo , & peragrando quidquid meæ Iurisdictionis est , vltrâ quatuor millia leucarum . Confirmavi plures quàm quater mille animas , non accipiendo candelas , nec fascias , nec argentum , nec rem aliam , sed omnia faciendo , & supplendo ex
meis

meis redivitibus : oblectationibus , & delitijs , cibo , & lecto me priuando , meisque pedibus itinerando ; id cogente necessitate , per illos montes , pro administranda doctrina , penetrando ad conterminos Indorum belligerantium , vbi nullus Antistes , vel visitator adhuc fuit ; vt iam proximè per me factum est , magno gaudio Indorum , ex sui Præfulis præsentia concepto , & magna voluptate mea irrumpendo in omnes difficultates , quæ se mihi opponunt , asperrimarum viarum , aquarum , noctium , calorum , aliarumque calamitatum , & molestiarum . Nec propterea ommitto debitis temporibus assistere in Ciuitate Regum , nec per hæc itinera prouidere necessitatibus , quæ in illa occurrunt , expediendo prouisiones , & necessaria mandata , negotia absens , vt præsens tractans . Nec mea præsentia vnquam in Ciuitate desideratur , præsentem , & assistentem Prouisorem , & Vicario Generali huius Archiepiscopatus . Et iam annus ac dimidius tantum est , postquam discessi a Ciuitate Regum , in prosecutione huius visitationis generalis quam facio . Cum prius ipsam Ciuitatem , tempore Marchionis de Cañete , vestri Proregis , per tres , & amplius annos visitarem , & rebus alijs intenderem . Cumque omnium harum occupationum , & molestiarum certior factus esset Gregorius XIV. Pont. magnam inde voluptatem concepit , misitq; ad me litteras humanissimas fauoris , & amoris suæ Sanctitatis , animando me , vt quemadmodum in

eis incœpi, ità progrededer. Ego non minorem fauorem ex Regijs manibus vestræ Celsitudinis expecto, vt oblatum mihi fuit per vestras Regias litteras, datas è S. Laurentij vndecimo Augusti. anno 1593. Deus noster Dominus me dirigat, detque mihi vires ad laborandum in hac vinea; & exonerandas conscientias omnium, dum aliud præmium non cupio, quàm, vt me liberet, & vires det in prælio quod contrà me fiet, & conseruet Catholicam personam V. Maiestatis Lamellini prouinciæ Guari Regis. 16. Aprilis 1596.

Archiepiscopus Regum

CAPVT XXIV.

Thuribij visitantis apparatus. Labores, pericula, magno fructu compensata.

HAnc ille rei peragendæ rationem obseruabat. Quoties in prouinciã abibat, res vrbanas nouis veluti curis, ità componebat, expediebatque, vt, eo absente, nihil turbarum, vel detrimenti pati posse viderentur. Optimos viros quos, vel domui suæ, vel Archiepiscopali Curia, vel rebus, locisue peculiaribus præfecerat, repetitis hortationibus, rerumque agendarum regulis, monitisque graui & ardenti sermone sollicitabat; vt vigilantèr insisterent operibus iustitiæ, & charitatis: id obsequij Deo debiti, suæque, atque ipsorum honoris, atque

atque conscientiæ , populi salutis interesse ; vt non Ministros , sed Episcopos in specula se singuli præberent . Plurimum id Ponderis in componendis exterarum plebium fide , & moribus habere , si intelligerent illi pulchrum sibi caput esse , & Principi Ecclesiæ tantum abesse , vt maculam , vel rugam haberet , vt potius ijs ornamentis præfulgeret , quæ reliquæ omnes , summa laude sui , & bonorum omnium incremento sequerentur . Turpe sanè , & verendum fore , si gens infidelis , & moribus barbara , veterem Hispanorum puram , sanctamque fidem , morum dissonantium redarguere possent : nec faciliè eos amplexuros leges , quas earundem conditores , & magistri non seruarent .

1. Pet. 4.

Gal. 6.

Rom. 12.

Rem Ecclesiasticam strenuè tuerentur , sed ea suauitate , & prudentia , vt sæculi hominibus , vel Regijs Ministris nullam iustæ offensionis causam , vel violandæ pacis occasionem præberent : mutuam inter se ipsos quoque charitatē continuam habentes , alter alterius onera portarent ; non ambitiosa munerum competentia , sed officiosa contentione se mutuò iuuandi : charitate fraternitatis se inuicem diligentes , honore inuicem præuenientes . Tum itinerum comites , functionumque auxilia , & ministros , ac obsequij sui famulos , non ad pompam sed ad necessitatis mensuram assumebat , eosque selectissimos , probatosque ; qui modestia morum , & exemplis pietatis populos ædificarent , laborum consortium non fugerent , aut fastidirent : nec ulli
hof-

hospitio molesti, grauesuè forent. Iisque ab eo districte vetitum erat, nè vel obolum pecuniæ, vel aliorum munerum quidpiam à quopiam accipiant: nulli se singulariter familiares præbeant, sed omnibus benignos, & gratos.

Iustitiæ ministros præmonebat, quod Synodaliū legum præscripto prius cauerat, vt nihil omnino, non dico repetundarum, quod summi sceleris loco haberet, sed nec officij iurium nomine, etiā vltro oblatum acciperent, quod iisdem legibus cautum, taxatumque non esset, alioquin quadruplum absque vlla excusatione reddituri: sed ab Indis nihil omnino, vel minimum in quocumque genere rerum: sequebantur baiuli pauci, qui, Indorum consuetudine, suppellectilem dorso portarent; sed inter quos ipse, nonnunquam in vijs difficillimis, vt eorum subleuaret laborem, pedestri incessu, partem sarcinarum suis humeris conuehebat; ea ratione, Crucem se post Christum baiulare dicens.

Suppellex præter sacram, & res paucas frugalissimo victui necessarias, erant leuia culcitra duo, pauca lintea, aliaque lecto honestè sternendo; sed quibus ille nunquam aliter foris, quàm domi suæ Limæ vsus est. Aliqua præterea cælati argenti vtenfilia, quæ conueniebant sustinendæ dignitati, cuius ille vbique ad modestiæ mensuram obseruantissimus erat: cusæ quoque monetæ, & variarum rerum non parua copia, quas in Ecclesiarum ci-

melia, & sacra vasa plerùmque conuertebat, vel egenis largiebatur; aut non adeò egentibus Indis, quo suaviùs eos ad auscultandam doctrinam, & suscipienda Sacramenta concitaret. Ipse plerùmque, honestiorque familiæ pars mulis vel equis vehiebatur: ac itinerum difficultatis præmonitus, vehiculi genus circumducebat, quod Indi *quando* vocant, in quo necessitate coactus, Indorum humeris extensus vectaretur. Erat quippè ex cordulis contextum rete, è duabus perticis per latera pendens, quarum extrema capita quatuor baiuli suppositis humeris sustentabant; sed vacuum, & perticis aduolutum leuissimum onus vni soli fuit: eoque nunquam vsus legitur Thuribius, præterquam semel, cum inedia & lassitudine deficiens, non viribus tantùm, sed sensibus etiàm adeò destitutus fuit, vt omnium opinione vel omninò mortuus, vel non amplius victurus videretur: ac tamen vectoribus alioquin onere vacuis, stipendia, ad assem persolui faciebat; fortassis nè sibi, vel suorum cuiuspiam eiusmodi, vel debilitatis, vel morbi casus accideret.

Nàm dùm ipsum non deficiebat corporis valetudo, vias, quas mula incedere, vel per quas tutò insideri non poterat, ipse pedes etiàm nudos, vel canabaceis, aut sparteis calceamentis, quæ *alpargatas* vocant, religiosi nostris in Hispania frequentibus, calceatus carpebat, seu asperæ illæ, seu cœnosis voraginibus impeditæ forent: In quibus

bus calceos, nonnunquàm tibialia, & ipsam pedum pellem relinquebat. Per abruptas rupes re-
pebat manibus, vel fune ligatus, ex imis præcipitijs,
in summas crepidines trahebatur sursum, vel deor-
sum dimittebatur, vel traieciebat ingentia flumina,
non sine præfenti discrimine suæ vitæ. Hoc appa-
ratu per eadem, pluraque pericula, pedestri itinere
in montibus Condomariæ, & Chachapayanis per
dies continuos tres eundum erat, & alibi sæpè per
plures leucas: præfertim cum penetraret montes
Abamayanos, Prouinciam Gamaliensem, & mon-
tes, Andesque Chinchacothanos; multòque inté-
riùs, Carapinates, Croquileates, Chiscates, Gua-
menfes, & Motilones, aliosque nonnullos popu-
los, quorum vel solus vocabulorum stridor lecto-
rem terrere posset, perlustrauit.

Hi quamuis olim baptizati, arcubus tamèn &
sagittis more gentilium barbarorum perpetuò ar-
mati, ab alijs Christianis se tutabantur; omne-
que commercium ipsorum prohibebant: & cum
conterminis infidelibus perpetua bella gerebant;
solo Christiano nomine, sinè vita consentanea, vel
Sacramentorum vsu, gaudentes; nèc omnes etiàm
baptizati. At sanctissimi nostri Præfulis humilita-
te, & lenitate, qua ipsos in visceribus charitatis
humanissimè tractabat, omnes in sui veneratio-
nem, amoremque attraxit, multos sacro lauacro
tinxit, & omnes ritè instructos, Confirmationis

Sacramento muniuit. Hinc in Xauxam prouinciam, conterminosque progressus, & ad Guacayanes, & Cochangarenfes, intèr eos post longum, & arduum iter, tota nocte in deserto cuiusdam Inditugurio sinè lecto, ciboque iacuit. Cumque robusti alioquin iuuenes, eius familiares, ex viarum asperitate vel alimenti penuria deficerent, ipse senex sexagenario maior, exemplo patientiæ suæ, & suauissimo sermone omnes recreabat.

Alios indè montes non minori labore, vel discrimine scandens, quo sanctimonix ipsius, & ardentissimæ charitatis, mirabiliumque factorum fama, ad infideles vsque præuolauit, obuium habuit Ethnicum Prouinciæ Dynastem, quales Indi *Quaziques* vocant, cum ingenti populo barbarorum, se suosque ipsius obsequio, solatioque promptos, & Christianæ Religionis sacris imbuendos offerentem, rogantemque, vt prouinciam penitiùs intrare velit, habiturus plurimos obsequio ipsius, & doctrinæ capefcendæ paratos. Tùm vir Apostolicus, oblato nouo grege lætus, Deo primùm grates reddere, quòd illuc eum duxisset, vbi tot animas suæ Diuinæ Maiestati lucratus sit. Barbaros deindè humanitèr alloquutus, donis genti gratis impertiuit, reliquitque conuentionis sic dispositæ, doctrinæque & sacramentorum ministrum Bernardum Nauarretem Ordinis S. Francisci, probatæ virtutis, scientiæ, & morum sanctimonix virum,

rum, & illi regioni ad fidem, & mores Christianos reducendæ priùs præfectum, quem ipsius Archiepiscopi loco audirent, & colerent.

Hinc ad Yungas penetrauit, populum Prouinciæ Guancabambæ, quæ cæteròqui inhabitabilis est: difficillimis quippè vijs inaccessibleis, præsentissimis periculis, & perpetuis propemodùm nymbis obnoxia, asperrimis montibus, amplis paludibus, altissimis fossis, & stagnis impermeabilis, & inculta. Permeauit tamen charitas inuincibilis Mogroueji, cui nihil difficile videbatur, & pericula vorabat, vbi vel vnus animæ salus quærenda foret: lustrauit omnia, populumque miserrimum consolatus est, & necessarijs Sacramentis in fide confirmauit. In his Prouincijs à ciuili cultu, & Ecclesiasticis ritibus adeò remotis, vt nullus antè Thuribium Episcopus in eis vnquàm visus sit, nec ipsos doctrinæ ministros facillè tolerabant. Cùm sacri Chrismatis conferendi causa Pontificalibus ornatus appareret, ad spectaculi nouitatem terri barbari fugiebant, & Hispani ipsi mirabantur. Sed sancti Pastoris dulci sermone, & paterna voce confortati redibant, cumque venerabundi audiebant. Id enim, vt obiter dicam, in Archiepiscopo hoc nostro singularitèr notatū est, quòd quamuis alioquin humillimus, Pontificijs tamen muneribus mitræ indutus, auctoritatem status, & sacræ actionis maiestatem cum nulli Prælatorum cederet, plurimis prærepiebat; Deitatem illam, cui
fer-

seruiebat, corporis habitu, & actionis grauitate, quantum homini licet, repræsentans.

Hac ratione Thuribius Alphonsus Mogrouejus tot itinerum reuolutionibus; tot vicibus, per tot annos, tanta distriktionem suam lustrauit Prouinciam, vt nullum locum, non montem; non vallem, non saltum, non Cœnobium; non Xenodochium, non templum, non sacellum, non eremitorium, non solitarium tugurium, vel terræ antrum, in quo vel vnus homo viueret, in tota ea forsitan totius Ecclesiæ Christi tunc amplissima, & vastissima Dicecesi, inaccessum, incognitum vè reliquerit: vt Ciuitates, oppida, Pagos, & armentarias, fodinarias, Sacchararias, lanificiarias, aliarumque artium operas, in quibus multitudo hominum, laboribus intenta, commorari solent, silentio pertranscam. Huius rei veritatem certiùs comprobabunt euentus, quos iam referemus paucos quidem ex plurimis id genus.

Dùm Indos belluino more in montibus dispersos, per transuersum cliuum descendens quæreret, seu veriùs venaretur, accidit, vt lubrico vestigio cecidisset; tunc famulo manum porrecturo, dixit, id astu dæmonis euenisse, vt Indorum salutem præpediret, neque id se permissurum, cùm Christus de Cœlo ad eos quærendum descendisset. Peruenit ergò pedes, trium leucarum iter, dùm in valle clausos reperit Indos longæuos, cum prouectis filiis, & nepotibus quatuordecim annorum
non-

nondùm baptizatis. Diem integrum, & noctem, aut plures cum ipsis mansit, & omnes baptizavit, & baptizatos confirmavit. Nèc lectum habuit, nec alium cibum, quàm paucos cammaros, cancrorum genus, & maizium aqua coctum, quod nos turcicum granum appellamus, ea mensa tanta condescensione, & familiaritate vsus, vt eiusmodi cibum, cum aquæ potu, etiam alibi sæpè laudare solet, maiorique gustu, & hilaritate, ceteri cupitæ paupertatis epulas comederet; quàm soleant alij lauta cupedia, quibus opiparè conuiuantur.

Aliam viam laboribus, periculisque plenam dissuadebant comites, rogabantque, nè saltèm noctu tentaret. At ille, pro sinceræ conscientie vinculo insistens muneri suo, intempesta, & obscura nocte, cum vno Indo, ad id conducto viarum duce, cæteris inscijs, altumque sopitis, solus abiuit, tantaque felicitate peruenit, quo voluit, quā maiore, vel aprico die, vel omnibus comitatus non posset. Quod socij per diem sequentem inscusi: & horridum iter experti, miraculi speciem præferre censebant. Chinchani duobus tantum comitatus dum peteret, totam noctem ieiunus aberravit, multoque post die in Cañetem oppidum incidit. Tum cibi, somnique oblitus oppidanos, pro more, Sacramento Confirmationis liniuit. Cigua propè magnum flumen Amazonum, Indis *Marañon*, descendens, à comitibus
oran-

orandi causa separatus viam perdidit, & in deserta crepidine præcipitijs, ac tenebris vndique cinctus, nec antè, nec retrò pergere ausus, stitit solus. Ceteri verò adulta nocte, ad locum destinatum appulsi, cum ipsum non reperissent, vel eneclum frigore, vel præcipitio lapsum, vel alio casu perditum formidantes, cum turba Indorum, stramineisque tedis redeuntibus, afflicti, & solliciti deserta clamoribus replebant; dum ille post multas horas reciproca, lætaque voce, hic sumus, inquit, adsumus. Et illi suo quoque periculo accedentes, ipsum secus rupem stantem inuenerunt, mulam freni loro retinentem.

Absoluta cognitione oppidi Corongi, in crepusculo vespertino, niuib. pluuia mixtis densè cadentibus, nec ausis comitibus eum sequi, certè, vt ipsum retineret, non volentibus: timebant enim in aliqua huiusmodi profectioe periturum: ipse tamèn temporis dispendij impatientissimus, cum vno famulo, duobusque Indis viarum indicibus, Lapum versus discessit, quatuor leucas distantem, multis præcipitijs impeditum iter, eaque hora, ac tempestate laboriosum. Cumque media primùm nocte peruenisset, quietem, & corporis refocillationem contemnens, diuini officij pensum, & votiuas preces ad albam vsque profectus est: Eaque conspecta, statim incœpit prolaxis ritibus, viginti circitè portatiles aras ibi paratas consecrare; finitaque functione, & accedentibus famulis, hora diei

nona ieiunus Cuchusquillam, per octo malæ viæ leucas, illicò profectus est. In hoc itinere non aduertente fessore, freni morsus excidit ori mulæ, qua vehabatur. Ac Thuribius intentus Deo, laxisque habenis, per multa milliaria contentus; nihil tamen indè mali passus est: quanquàm adeò ferox esset bestia, proindè saltatrix appellata, vt illo descendente, duo robustissimi viri vix eam tenere potuerint: quasi rationem bruto indidisset fessor tam sanctus, vt non libertatem suam, sed sancti viri pondus cognosceret, ipsumque reuerentèr sustineret.

CAPVT XXV.

Laborum, perculorumque continuata narratio.

Posteaquàm in pago quodam Chachapayæ, die cænæ Domini, sacrum oleum, & chrisma confecisset, cæterisque diei ritibus absolutis, & sparsis in egenum populum largis eleemosynis; vt Moyobambam oppidum adiret, oneraria iumenta cum baiulis, & maiori parte familiæ præire iussit. Qui, cum intercurrentem amnem prosperè transuadassent, fluuius eluione montium, & nocturnis imbribus, adeò intumuit, vt Archiepiscopum cum paucis comitibus tardiùs accedentem interceperit, & ad ripam, dum detumescerent aquæ, sistere coëgit. Ibi in humido solo, cælo tectus, sinè

Z

lecto,

lecto, sinè cibo pernoctans, pro inedia & lassitudine debilis, alimentum cupere visus est. Nè aliud repertum in proxima sylua, præter Indici Platani viridem racemum, qui etiam assus igni parum profuit. Sed vir Dei manè profectiorem parans, fructus pretium persolui iussit: acceptoque responso, syluestrem fuisse, parumque valere; fecit tamen in arboris tronco relinqui duos nummos Reales, seu Iulios Romanos, quadruplum quàm racemus æstimari poterat; nè in circulo visitationis, alieno damno, iure non præscripto, vicitare sibi videretur.

Mox vadum trajiciens; Moyobambam peruenit, vbi cum populum effusis largitionibus imperijisset, Ecclesiæ etiam egestati compassus, crucem argenteam, quæ præferebatur, eiusdemque metalli calicem, vrceolos, & maluium, quibus ad Missas utebatur, & mensales orbes octo, vt ex eis ferculum fieret, in quo Sanctissimum Eucharistiæ Sacramentum publico cultui in aris, & processionibus exponeretur; cum altaris antependio, casula, & alijs ad sacrificium pertinentibus, presbytero donauit. Quæ in eius memoriam, ad hodiernum diem, in eo templo non sinè peculiari veneratione seruantur. Alia vice in aspero cliuo cecidit mula, qua vehabatur Beatus Thuribius, &, non sinè periculo vitæ, femur eius subtus comprehendit, malè compressura, si promptitudo accurrentis famuli ipsum non liberasset.

Populum pagi Taquilponę, pãrochię Machã-
tensis, sacro Chriſmate ſignaturo, fluuius Santa
tunc tumidus, rapidusque traijciendus erat. Qua-
proptèr, ne paſtoris officio deeſſet, funem nauti-
cum per tranſuerſum amnem tendi iuſſit, ex qua
per funiculos pendens ipſe ad ripam alteram tractus
eſt: & per eundem modum, ſuo munere functus
rediuit. Quod ſępiùs alioquin factum, acta legiti-
ma conteſtantur: Moyobambę moratus inaudiuit
in montibus; vndique clauſos eſſe occultos quoſ-
dam Indos, qui paręcię Rectoribus rebelles, vt di-
ſciplinã effugerent, in abſtruſos deſerti recessus con-
fugerunt, triginta leucis, inuijs planè diſſitos, non
procul ab oppido, quod a Citreis malis, *de las na-
ranjas*, nomen habet. Ille, vt eos reduceret, to-
tum iter per tranſuerſos amnes, cãrnoſas paludes,
& aſperos montes, depositis etiã calceamentis,
quod per aquam, lutumque moleſta eſſent, pedes-
ter emenſus eſt.

Vno die præcedentibus reliquis, vt locum ali-
quem noctis quieti commodum inuenirent, nam
domus nulla fuit, ſeruus Dei ſolus cum Indis qui
ſacram ſuppellectilem vehebant, ponè ſequentibus
per incommoda viarum, eundique laborem, viri-
bus, & ſenſibus deſtitutus, in terra iacuit. Indi
exanimatum credentes, longam perticam in ſylua
cæciderunt, iunctiſque pallijs confecerunt vehiculi
genus, quod antè deſcripſimus, cui impoſitum
Præfulis, vt putabant, cadauer, ad ſocios, veloci

gressu comprehensos , suis humeris attulerunt ,
 luctuoso ploratu inclamantes , mortuum se Domi-
 num deportare ; sicque cæteris visum est , dùm
 tactas arterias adhuc pulsare cognouissent. Adhibitis
 tùm remedijs factum , vt Beatus vir, post duas indè
 horas in se reuersus , & velut è somno suscitatus
 est , tam serena fronte , & hilari aspectu , vt nihil
 planè passus videri posset : vbi , inquiens eram ?
 Deus me seruauit , & seruabit porrò ad obsequium
 Ecclesiæ suæ . Rogatus vt reparandis viribus ali-
 menti quidpiam acciperet , omninò renuuit , quòd
 ieiunij sibi familiaris dies esset . Per noctem ieiunus
 in terra iacuit tectus tugurio , ex arborum ramis
 tumultuaria suorum indultria confecto , septus vn-
 dique leonibus , vrsis , & ingenti mole simijs, quo-
 rum vicinus fremitus vndeque sonabat .

Quicuit paulisper vigilantissimus pastor , & cæ-
 teri concitatis ignibus , & ferramentorum concre-
 patione , bestias tota nocte ab accessu deterrebant .
 In ortu auroræ Archiepiscopus aram erigi iussit ,
 sacrificium obtulit , dies enim sacer erat , & Sanc-
 tissimo Sacramento tanta pietate , fructuque refec-
 tus est , vt omnium admiratione , reliquum iter in
 fortitudine cibi illius pedibus suis alacritè confe-
 cisset . Nèc esculenta , per obuium vicini pagi pa-
 rochum , ad refocillandum Præfulem allata gus-
 tare voluit , donèc Sacramenta Barbaris , pro suo
 more , ieiunus administraret . Iter ergò prosequen-
 tus , appulit tandèm quo ire decreuit , reperitque

centum circiter Indos, quorum aliqui grandioris ætatis nedum baptizati, sed nec ad id per doctrinam dispositi fuerunt.

Alij olim Sacramento initiati, sed Christianæ Seueritatis disciplinam exosi, nec sacerdotis monita ferre volentes, aut veteris vitæ viciosos mores exuere, renunciato Christo, in impietatem rursus, & perfidiam relapsi solitudinum recessus occuparunt, in eisque belluinis moribus gregatim vivebant. Arte opus erat, vt obstinati, ferique horum animi flecterentur; sed non alia validiore, quam diuina illa Mogroueji mansuetudine: singulos paterna voce filios compellare, salutare humaniter, suæ ipsorum salutis dulcissimis verbis commonere, nihil aliud se ab ipsis, vel petere vel accipere velle, varijs munusculis cunctos delinire, Christi sanguinem, suosque labores, & pericula quæ retulimus, puro ipsorum salutis affectu inita commemorare. Eo denique factum est, vt vtrique tam non initiati, quam acceptæ prius fidei desertores, Sancti Antistitis, & Apostolici pastoris arbitrio se vtrò commiserint, & cum pœnitentiæ signis petere sacramenta, redire ad gregem, & pastori per ipsum constituto deinceps obtemperare, obligata fide promiserint. Ille vicissim cunctos in visceribus charitatis lætus complecti, quæ opus erant in spiritu lenitatis instruere, Apostatas Ecclesiæ gremio restituere, cæteros baptismi, omnes confirmationis characteribus munere, ad animarum curatorem amplius

plius instruendos reducere, eiusque curæ, & charitati eos obnixè commendare, cætera pro loci ac temporis opportunitate disponere, & Pontificijs benedictionibus impertire. Eo factò satis supèrque restauratum ratus, quidquid ea profectiōe passus sit, vel redeundo passurum, se sciuit, acis Deo gratijs per eandem viam prosperè, etsi laboriosè, Moyabambam reuersus est lætior, quàm anxius indè abiuit.

Intèr duos pagos Coaellum, & Caluncum, flumen Mala traijciendum erat. Præambuli cum onerarijs mulis famuli, cùm vadum intrassent, creuerunt aquæ, suppellex maduit, periclitati sunt, parumque abfuit quin repentino torrente iumenta ipsa cum oneribus rapta fuissent; sed, seruante Deo, nihil periit. Tardiùs ad ripam accessit Beatus Pontifex Thuribius, aquis continentèr crescentibus: nèc vadum tentare ausus, tota nocte sinè tecto in ripa remansit. Lectum habuit pallium rusticum in terra stratum, ceruicalephipium suæ mulæ, eiusdemque pelliceum tegumentum pro stragulo, quo à decidente pluuiola, scù nocturno rore Peruviano, malè tutabatur. Cœnam præbuit, vnicus, exiguusque panis, quem sibi prouidit Aethyops, Antistitis mancipium, & sanctus Præsul à se benedictum, sacris manibus in quatuor partes diuisit, vnā sacellano, alteram secretario, tertiam ipsi Aethyopi, quartam sibi distribuens, quibus obsonium sola fluminis aqua fuit. Factò mane, cum

amnis

amnis nocturnis imbribus amplius intumuerit, nec vadandi locum daret, Archiepiscopus itinere pedestri scipioni innixus, per arduum cliuum, longo circuitu pontem petijt, ex funibus malè contextis, constructum, è quibus pro more suspensus, transijt tamen alacritè. Ad populum appulsus, conuocari eum iussit, sacrificium obtulit, multitudinem pro concione docuit, atque ad quartam à meridie horam, ieiunus, vt solebat, Confirmationis Sacramentum magno numero Christianorum administruit.

Ex prouincia Chinchacocha ad Guanucanam transiens, obfirmato animo decreuit, ad infideles bellicosos penetrare, vt Christi pacem, & fidem illis adduceret. Pergendum erat per vias, non nisi pedestri itinere, idque summis periculis & laboribus propemodùm impossibile; atque tunc pessima totius anni tempestate impermeabiles. Barbari montium cliuos, ripasque fluminum per turmas occupabant, quæ exercitus existimari poterant, arcubus armati, & acutissimis telis veneno infectis. Tum precipui comites, & familiares, genibus in luto coràm proiectis obnixè rogarunt, vt præsentem necem recedendo vitaret, ni omnes illicò mac-tatos vellet. At ille, vbi Christi pax est, bellum esse non potest. Et strenuus Christianæ militiæ Dux, tanquàm cum Sathana pugnaturus, prælato crucis vexillo, summa fiducia, & ardenti desiderio victoriæ, in ripanas turmas alacritè pergit. Vbi
in

in conspectum venit, res mira! armati illi, & atrocissimi Christiani nominis hostes, Pontificis vultus ut Peruvianorum Moysis fulgidos radios micantis aspectu terri, nulla defensione tentata, vel vibrata vna sagitta, plurimi quotquot erant, in fugam se proripiunt. Instat ille, nec stitit, dum per signa pacis, palantes aliquot accersisset. Hos placidissime salutavit, ac dulcissimis pro sua consuetudine sermonibus induxit, ut reliquos reuocarent. Redierunt plurimi, & ille cunctos verborum lenimentis, & elargitis muneribus, in sui admirationem, & amorem attraxit, multisque diebus inter eos familiariter versatus est, & ad amplectendam Christi fidem induxit, credenda docuit, de agendis instruxit, Sacramentis tum necessarijs, & opportunis insigniuit, & reliquorum, doctrinaeque ministris breui mittere pollicitus, eos in pace cum sua benedictione reliquit.

Per inaccessos Andium anfractus, & perpetuis niuib. cana iuga, resonabat fortiter in Ethnicos Echo virtutum, & mirabilium factorum Archiepiscopi Limensis Mogroueji, cuius animi candor, cum niuium albedine, & operum magnitudo, cum Andium altitudine contendebant; usque adeo, ut congelata corda barbarorum, in ipsius, tanquam hominis de Caelo lapsi, vel semel videndi desiderium, charitatis eius ardore liquefcerent. Ex his ad fines Prouinciæ Chachapoyæ, inter hanc ipsam, & Guamanganam, teste Laëto, iacet alia Natio quam

quam Hispani *Motylones* vocant ; incolis infrequens, anonæ charitate, & intercurrētium annuum multitudinem admodum impedita : gens fera , & barbara , à sacris, moribusque Christianorum tunc aliena . Quam tamē inuisere Thurius olim , ingenti quo pollebat animo, designauit, cum aliquando in oppido Guara, prouinciæ Guaylarum, ad P. vt authumo, Ludouicum Seguranum Ordinis S. Francisci virum grauem , & huius rei testem hæc ipsa verba locutus est . Nos ad Motylones ibimus , gentem feram prouinciæ Chachapoyæ . Funem nobis alligabunt , & ex altissima rupe sic demissos , cum in profundum venerimus, iterum soluent, verbum Dei prædicabimus , & gentem docebimus Catholicam fidem :

At Deus, qui opportuna temporis momenta metitur ; & cuncta suauiter , fortiterque disponit ; aptam obtulit explendæ tam Sanctæ voluntatis , & complendæ prædictionis occasionem . Erat postmodum Beatus Thurius in oppido Chachapoya prouinciæ præcipua ; indèque admirandorum eius operum , & vicinij fama ad Motylones peruenit . Quatracti , & videndi eum studio permoti, Legatos mittunt, munereq; ; quæ regio ferebat, psittacos, pinea poma , & lactaria quædam ; rogantque instantèr , vt Christi præco ad ipsorum fines transire velit ; plurimos magna sua voluptate Christianæ religioni lucraturus . Ille qui quorumcumque munerum , quantumuis paruorum , aut vilium speciem om-

nem exhorrebat, quæ illi attulerant, præter omnem suspicionem contemptus, humiliter abnuït: Nequæ licere sibi, per visitandi prouinciam leges, munera recipere, neque per ardua itinera, tantæ discrimina vitæ facultates Indorum se quærere, sed voluntates, &, vt captiuarent intellectum in obsequium fidei, per quam perpetuò duraturas diuitias ipsi consequantur. Professionem suscepit, in prouinciam magno vitæ suæ, suorumque periculo peruenit. Nèc dubium est, quod Ludouicus tunc absens non refert, Beatum Pontificem ea quæ ipse prædixerat, & peroptabat operatum fuisse: atque Motylones ex multis centenis millibus Ethnicorum esse, quæ viri graues, & oculati plerumque testes, mirabilem hunc Præsulem ad Christi fidem traduxisse contestantur. Quod cum aliàs illi fœlicitèr euenisse constat, vbi se vltro ingerebat; multo magis inter eos, qui Christo nomina dare, & sacramenta ex ipsius Sancti Antistitis manibus suscipere percupiebant.

Aliàs in oppido Andomarca, vbi Fratres Minores montanis barbaris ad fidem, & Christianos mores reducendis insistunt, visitationis munus obibat Beatus Thuribius, cum ex vicinis Andium faucibus, ad ipsum accesserant viri prouecti septuaginta; pueruli duo, mulieres septem, asserentes, se, vt oues aberrantes pastorem quærere. Ille vicissim ipsis benè precari, & inter alia percuntari, vnde in abstrusis Andibus ipsius aduentum didi-

cissent? Eique responsum fuit, pulcherrimum, & rubicundum Iuuenem illis uunciasse, summum Peruiæ sacerdotem Andomarcam appulisse, iussisque, ut grata ipsi munera ferrent, quæ apud se longo tempore reuerentè seruauerunt. Atque hæc, inquit, proferimus tibi, Missale, Breuiarium, & sacerdotale superpelliceum; quæ nobis olim reliquerat Christianus Sacerdos inter nos in Andibus iam dudum vita defunctus. Cætera sacra instrumenta, inter barbaros perijsse credendum, nec personæ, nomen, conditio vel ætas profertur. Nec Thuribius, aut qui cum eo erant, aliud sibi persuadere poterant, quam Angelum Domini, ardentibus viri Dei desiderijs seruientem, iuuenem illum fuisse, qui derelictam gentem ad animarum curatorem direxisset. Lætissimus inde Præsul Deo gratias egit, quod sacerdotis memoriam, fructumque doctrinæ, & sacrorum suppellectilem eo loco reperisset, quod nec ullum eorum ministrum, vel Christiani nominis cultum vnquam cæroqui peruenisse credebat. Et gentem pro fide profugam Andamarcanis fidelibus adiunxisse, vel aliter eis prout res postulabat prouidisse, etsi historia non prodatur, pro Thuribij tamen more, certò supponendum est.

Tantum inter Idololatrias valuit fama virtutum, & mirandorum operum Beati huius Præfulis, tantus ardor ipsum videndi, & audiendi, tanta eius documentis obtemperandi promptitudo, vel diuini-

tus indita quædam neffitas : tanta in ipfo tractandi
 fuauitas, & humilitas conuerfationis, tantum labo-
 rum alienæ vtilitatis, tanta tolerantia, & contem-
 tus periculorum; adeò feruens, pura, & patula cha-
 ritas, & ftudium ipforum æternæ falutis, & omnis
 temporariæ prosperitatis, nulla vel proprii commo-
 di cupidine, vel alterius ab iftis alienæ, nedù finiftre,
 vel fraudulentæ intentionis minimo indicio deprau-
 uata, tanta ipforum bono prouidendi cura, & ab
 alienis iniurijs tutandi follicitudo, vt quantumuis
 fera corda emolire, & atrociffimas mentes fedare
 poffet: & facillimè credi, fperarique, fi diuturnior
 ipfi vita foret, haud dubiè futurum; vt nemo in
 toto illo orbe meridionalis Americæ, intrà paucos
 annos fuperftes efflet, qui Thuribij opera Chrifto
 riomen, & per Chrifti gratiam Thuribio manus
 daturus non videretur.

CAPVT XXVI.

*Singularium animarum fingularis cura, iifdem in-
 commodis, & fructibus, tantique moliminis
 motiua, & in periculis animi tranquil-
 litas, & propofiti perfeuerantia.*

NEc integrarum gentium, populorum, vel
 turmarum tantum Thuribij cura fuit; fed
 pro fingulari qualibet fui gregis anima, animam
 fuam patentibus vitæ periculis, & laboribus, alio-
 quin

quin minimè tolerandis, exponebat; nè muneri suo perficiendo, vel, quod à puero constituit, exonerandæ conscientiæ, in vlla re, deesset; vt præter illa, quæ suo loco narrauimus, sequentia quoque exempla declarant. Præterquàm, vt antè diximus, quòd Barbarorum regiones, & inaccessa latibula, summis laboribus, & vitæ suæ periculis adiret: etiam dùm iter ageret, vt speculator vigilantissimus, oculis; hic solummodò vagis, quoquò versum proiectis, circumspiciebat, si ex imo in summis iugis, si ex summo in vallium abyssis, si in planis, quantum extendebat se visus, vllam vel vnius hominis vmbra prospiceret.

Non tardabat, altissimas rupes, lubrica montium latera, arenosas, lutosasque vias, & calentes campos, currendo, scandendo, descendendoque, per pluriès M. PP. hominem, a longè detectum accedere, sciscitarique an Christianus esset? si non erat, facere: si erat, interrogare, an & à quo baptizatus; vel Chrismate confirmatus fuerit? an Cathéchismo instructus? an, & quam plebem ad sacra frequentet? an Pœnitentiæ, & Eucharistiæ Sacramentis vtatur? an domum, vxorem, Parentes, aut liberos, & vbi habeat? vagam errantemque pecudem adducere, proximo gregi iungere, & quidquid ei deesse discebat, conferre; seu ad saluandam animam, seu ad vitam tolerandam necessarium, Quod sæpè se vidisse testes iureiurati in publicis tabulis exponunt.

Chachapoyam ciuitatem proficiscens, vidit in cacumine montis casulam solitariam, & sciscitatus quid esset? rescivit foeminam Indam ibi habitare. Et quis, inquit scire potest quo egeat animæ curandæ ministerio? meum est id nosse, ibo & videbo. Cum inuium desertum, & ascensus impedimenta opponerent, petijt an alius quispiam illuc vnquam accedat, cur, inquires, & ego modò non? Accessit labore maximo, mulieremque morbo decumbentem reperit, solatur, & ad animæ curam, morbiq; tolerantiam suadet, Confessionem excipit, & absolutionis beneficium impendit. Tùm domo vix egressus est, cùm illam, animam expirasse didicisset: Quam Dei beneficio, & sancti Pastoris diligentia saluam esse res ipsa piè credendum suadet.

Nocte quadam in itinere deprehensus, cùm domum boni viri, Ioannis de Roxas Aluaradi aduenisset, & pro hospitis facultate liberalitèr exceptus, ex cubiculo regionè per fenestram prospectans, intèr atras tenebras vidit flammæ, nouem circitèr milibus PP. distantes; Interrogatoque hospite, didicit, Indorum ibi magalia esse, ea forsitan igne, vel tugurium aliquod incendio flagrasse. Sed quid, inquit, si nostra opera opus sit, & ignis indicio petatur auxilium? quod nobis minimè contemnendum censemus, eundum est. Cui Ioannes, qua, inquit, via possimus adire, non video; nam rupes, & montium aua tenebræ tenent, nec
iti-

itineris dux nobis vllus adest. Tunc Thuribius, qui Prophetico spiritu presentem necessitatem, & futurum numinis ductum prænoverat. Deus, inquit, qui vocat, monstrabit viam, & aspera in plana convertet. Ità itum est, & per infelicissima montium prerrupta feliciter peruentum; Deo omnia, vt servus eius præviderat, complanante. Nec aliud in loco repertum est præter miserum Indum humi in stipula iacentem, qui solus, & nullius affidentis solatio, cum morte colluctabatur. Thuribius summas Deo gratias egit, qui cœlesti portento, se sui officij monuerit, & perituro pauperi salutis remedium prouidit. Hinc miserum hominem, solari, eoque per Sacrum sermonem, & sacramenta reducere, vt in ipsius manibus animam bene procuratam piè & christianè Creatori reddidisset.

Aliquando a continuato per totum diem confirmandi labore fessus, vesperi ad mensam cœnabat, sed maiori animarum cura sollicitus, interrogavit Parochum, si quisquam adhuc confirmandus superesset? eoque respondere cunctato: Nè mène, quæso Pater, inquit, hoc celare velis, ne, & tu tuo, & ego meo pariter officio desimus. Tumque intelligens vnum solum esse, duo ferè millaria distantem; qui, quod æger in lecto iaceret, ad Sacramentum accedere non potuit. Statim, vt Tobias relicta mensa, semiesis cibus, ad hominem se, cum personis, rebusque necessarijs abripuit, & in casa repertum consolatus est, sacramentoque

con-

confirmauit . Benedictus Deus , inquit , qui hanc mihi mentem iniecit, hic nunc mea negligentia non morietur inchrismatus , iam ad inchoatam cœnam rediemus : & prima noctis hora reuersus est . Tanta illi cura de vna ouicula fuit , in Sacramento ad salutem non necessario , sed in ultimo vitæ certamine longe salutari . Cùm alibi populum ex albo capitatim ad catechismum vocaret , resciretque vnum solum abesse , pecoribus in agro pascentis occupatum , suis pedibus hominem adducturus exiuit , inuentum instruxit , & sacro chrismate confirmauit , non minori studio , quàm si plures essent .

In ipsa vrbe Lima , cum totum tempus matutinum in suburbano templo S. Lazari docendis Indis , & Chrismate signandis impendisset , & audita hora meridiana rediret in urbem , in ponte , qui suburbium , à Ciuitate diuidit , incurrit in Indum eumque sollicitè percuntatus est , an sacramentum suscepisset ? illo negante , me peccatorem , inquit , hic non est confirmatus , reuertamur ad opus : & è vestigio reuersus , & Pontificijs ornamentis denuò assumptis , Indum hominem tanto apparatu confirmauit , ac si totus populus confirmandus esset .

In eadem vrbe cùm circa noctis medium audisset campanulam sanctissimi Sacramenti , summo manè misit ad Parochum , interrogatum , quò tali hora noctis iuisset , & accepto responso , moribundam fœminam pauperem esse , cui sacrum viaticum
defe-

deferrebat; iterum sciscitatus, an illa confirmationis sacramentum habuisset? nescienti id Parochus iussit, ut ad illam reuersus referat. Sed id negligentem, quod impossibile sciret, mulierem iam cum morte in agone contendentem, ad templum, ut confirmaretur adduci; post horam iterum mansuetè rogat, ut feminae statum referat; & redituum expectauit vsque ad tempus prandij. Cumque tunc resciret illam confirmatam non fuisse, & mox morituram, illicò accursit, & Sacramentū solenni ritu contulit, & mulier à sancti Præfulis oratione consolata, & læta statim expirauit, summa ædificatione omnium qui aderant, & Archiepiscopi sollicitudinem, charitatem, & humilitatem aduerterunt.

Iterum in vrbe, & Palatio Archiepiscopali, apoplexia subitanea tactus vnus ex mancipijs Francisci Quinonij, illicò moriturus videbatur, vocatus ad eius confessionem excipiendam Parochus, cum eo officio functus, prælato lumine domum rediturus, secunda post mediam noctem hora, palatij peristylum transibat. Tùm Thuribius è fenestra vocans, quid esset, edoctus, petijt, an viaticum infirmo tulisset. Respondit Parochus, se viaticum non tulisse, quòd seruus etsi Christianus, sed hominudis, & per hoc, sanctissimi Sacramenti incapax videretur, se sacrum oleum statim allaturum. At Archiepiscopus, quid hoc, inquit, sibi vult, nunquid ipsum instruere, & capacè reddere non poterat? quo-

dicto integrè, diurno more, tali noctis hora vestitus descendit, (vndè notarunt ipsum totam noctem vigilasse) equorum stabulum subijt, vbi feruus cubabat, & in eius lecto sedens, ipsum dulcissimis verbis confortauit, instruxit, & Sacramenti capacitatem reddidit, locum, & inibi aram decenter ornari curat: cum Parocho ad templum pergit, & conuocato comitatu, Sacramentum cum canopeo, & luminibus defertur; & infirmus communicatur. Reducta in templum Eucharistia, sanctus Præsul, qui cum accensa face, ipsam cundo redeundoque comitatus est, infirmum cum Parocho iterum accessit, ipsumque de Sacri Chrismatis mysterio & virtute edoctum, adductis necessarijs rebus, confirmauit, & hortatus est, vt quantum opus futurum esset, Extremæ vnctionis Sacramentum peteret. Et his peractis, ægroque impertita benedictione, ad cubacula redijt, proculdubio non dormiturus:

In parochia quadam ditionis Moyobambanæ, apud Parochum hospitatus Thuribius, intellexit eum festinantè vocari ad mulierem in partu perclitantem grauissimis cruciatibus, quos enitendi difficultas inferebat: matrem simul & prolem perire metuendum, animasque quo poterat sacerdotis officio curandas esse. Sed sanctus Antistes, qua erat alienæ calamitatis paterna misericordia præditus, ipse Parochi officium subire voluit, actutumque accurrit, nè prius domum ingressus, foeminamque,

que, animam ferè agentem salutauit, quàm illa per solam eius præsentiam confortata, prius se masculam prolem peperisse viderit, quam senserit, omni dolore liberata: Quod beneficium sic Beati viri meritis attribuit, vt alioquin se perituram non dubitasset:

Nèc semèl aut bis, sed sæpissimè fuit, vt Parochi, apud quos pro iure cognitionis diuertebat, intempesta nocte monerentur, aliquem in montibus infirmum, præsentaneam ipsorum opem exigere. Quod cum Archiepiscopus intelligeret, veritus nè fortè pontificalibus sacris egeret, vel perpetua charitate, per quam ipse omnium labores in se transferebat, & singulorum necessitates pati videbatur, ipse contemptis tenebris noctium, temporum inclementia, horrore tempestatum, itinerum asperitate, & grauissimis, notissimisque periculis, infirmos per plures leucas viarum, per altissimas niues, quæ nullum viæ vestigium concedebant, per copiosos nimbos, per fulgura, & fulmina, per præruptas rupes, lubrica montium latera, & rapidissimos fluuios, promptè, & alacritè adiret. Si opus erat, tanta sacrorum rituum obseruantia, & grauitate, sacro Chrismate signabat singulorum frontes, ac si turma collecta foret. Si non erat, ipsa parochialia sacramenta conferebat, & ad morbos, mortesque vtilitèr pièque toleranda confortabat, pauperiem pecunijs, vel alijs muneribus subleuabat, & nonnunquam corporis ipsam

sanitatem, abeuntem animam, vel iam egressam; patentibus miraculis, restituebat. quæ nobis loco suo referenda venient.

lis verò, qui ipsius incolumitati consulentes, hæc dissuadebant, & vel parochum ipsum ad ea sufficere, vel rem in diem differendam esse dicerent, respondere solebat. Spiritus S. gratiam nescire tarda molimina, ægros antè diem sinè Sacramentis mori posse, quidquid ipse passurus esset, leue pondus habere, si cum ijs comparetur, quæ Christus pro illius animæ salute sustinuit, vel cum tormentis quæ anima ipsa, per pastoris negligentiam peritura, in perpetuis ignibus sustinere deberet: Officij sui esse singulis providere: Deum negligentia rationem strictissimam exacturum, parumque referre, an vna anima, vel plures à perditione liberandæ sint; Nam qui in vno delinquit factus est omnium reus: pastoris conscientiam in minimis exonerandam esse: maiores Sacerdotes minoribus exemplo sedulitatis præire debere: posse se pontificia potestate præditum, aliquid plus illis efficere, nec oblatas præstandi muneris, Deoque seruiendi, occasiones contemnendas, vel omittendas esse.

Inter hæc omnia, singularis huius Beati viri actionum oculati observatores, & postmodum iurati testes, quique ex ipsis eius vitæ historiam scripserunt, duas res singulari nota dignissimas aduertunt, Alteram quod in perpetuis, nocturnis, diurnisque difficillimis itineribus, & molestiarum func-

functionum lassitudine, per quæ alius quispiam, etiam à debito diuini officij quotidiano penso se satis excusatum tengeret. Thuribius tamèn hoc adeò integrè exactèque solueret, vt votiuarum precum, abstinentiæ, ieiuniorum, quæ puer sibi citrà obligationem præscripsit, nè minimùm quidem vel domi, vel foris per itinerum, per laborum, inædiæ, debilitatis, aut quorumuis occurrentium casuum impedimenta vquam intermisit: quin potius quo illa magis vrgerent, hæc eo magis necessaria iudicans, fortius ingeminaret, vt auxilio Dei instantius aduocato, cuncta faciliùs tolerare, & feliciùs perficere posset: ac nè dum alijs prædicaret, ipse reprobis efficeretur, sciens quòd qui perseuerauerit vsquè in finem, hic saluus erit, & non nisi qui legitimè certauerit coronandum esse: regnum quippè Cælorum vim pati, vt violenti rapiant illud.

Cilicij perpetuum vsum nunquam dimisit. Ad nocturnas vigilijs, & secretas flagellationes, cum aliquò hospes adueniret, molestias muscarum cui-tandi prætextu, remotum à reliquis cubiculum quærebat. Quod si non esset, ille vel noctis initio, vel antè auroram, vel vtroque tempore, syluas, & montes, leonum, vrsorumque domicilia, solus petebat: vel aliquando, comoda loca defutura dubitans in ipso itinere, socijs præire iussis, densa dumeta, & occurrentia rupium concaua, serpentinibus, muscis, vepribusque infesta, velut oblatas occa-

occasiones arripiens, in eis se, ferreis catenis duritè cædens, lachrymas cum sanguine miscebat, non rarò deprehensus, cum verberum sonitu, gemitu; & eiulatu, ab occultè inuestigantibus audito, tùm sanguine in locis relicto, qui saxis & arborum truncis per plures indè annos recens, & rubicundus cernebatur. Et parcente illi bestiarum sæuitia, quæ flagrorum strepitu, & copiosi sanguinis odore concitari poterant, ipse sibi parcere nesciebat, nec poterat à Dei obsequio his periculis absterreri. Meruerunt multi sanctorum, vt feris, auibus, & piscibus imperarent quod vellent, quidni Thuribius, vt sibi, suisque, saltem ne nocerent? Hoc enim innocentia priuilegium est, vt brutorum obseruantiam, quam primi parentes per inobedientiam amiserant, eandem Deus redderet facientibus voluntatem suam.

Consuevit etiàm templi clauēs, quamdiu in aliqua parochia sistebat, reseruare sibi, vt nocturnò tempore dùm alij dormirent, silentèr exiens multas horas orationi, & vigilijs in templis latentèr concedere posset: Reliquum iter, eques pedesue, in Deum sempèr intentus, vel solus orabat, vel cum aduocatis comitibus psalmos, litanias, Nicœnum fidei symbolum, aliasque sacras preces, tanto animi feruore concinebat, vt viarum longitudinem, asperitatemque se sic inaduertentèr, & lætè transisse illi quandoque mirarentur. Lectum in omni domo, in qua pernoctabat, sollicitè sterni iubebat,

bat; & Aethyopem suum, nomine Dominicum, cui per itinera hoc munus incubuit, aliquandò præsentibus alijs interrogabat, an eo officio rectè functus fuisset: quæ Dominico aliquoties occasio fuit, ut ad socios conuersus diceret: En quanta illi cura lecti, in quem nunquàm ascendit, ut ego manè sempèr obseruo, quanquàm ipse manibus eum turbare nitatur. Ieiuniorum, & abstinentiæ eadem sempèr, & vbique ratio fuit, quam iam satè explicauimus, præterquàm quod inter barbaros, & in desertis locis, vbi maior lassæ corporis refocillandi necessitas, sæpissimè non suppeteret quod gustare posset: Nèc vnquàm persuaderi potuit, ut vnus, vel plurium dierum inedia alterius dici, lociue commodis restaurare aliter vellet, quam si singulis per ordinem opiparè pastus fuisset.

Alterum quod omnes obstupescere faciebat, id fuit, ut in euidentibus vitæ periculis, adcò tranquilla mente, animo tam securo, plena sermonis libertate, constanti, lætoque vultu versari soleret; ut nedùm nihil passus, sed voluptatem potius, quàm horrorem, aut molestiam ex illis capere videretur: non mutare colorem, non indignationis nutum, non verbum lamentationis, vel minimum impatientiæ signum edere vnquàm visus: quinimò gratias Deo referens dictitare, ea quantacumque fuissent, pauca, paruaque se æstimare, cum illis collata, quæ ipse pro Christo, & commisso sibi grege oppetere & sustinere deberet, & multò maiora, plu-

pluraque cupere ; per quæ reddendis ratiocinijs , in die iudicij minus obnoxius inueniri posset . Quantæ verò æstimationis , & meriti fuerit apud Deum hæc tam incensa S. viri charitas ergà gregem , & ardentissimum patiendi pro Christo desiderium , præter cætera argumenta , liquido demonstrat ; quòd eiusmodi labores , & pericula , nunquam ad interitum , vel graue corporis nocumentum , sed semper ad meritum suum , proximorum profectum , & maiorem Dei gloriam illi successerint : cum per Angelorum ministeria , & potentia miracula , nobis alibi referenda , toties periculis ereptus fuerit , vt Christianæ fidei latiùs propagandæ , & Ecclesiæ Peruanæ omnibus malis expurgandæ , perpoliendæque diutiùs viueret . Nunc verò sacerdotalia eius officia , & pascendi gregis ratio exponenda sunt .

CAPVT XXVII.

Beati Thuribij in firmanda Neophytorum fide , & formandis omnium moribus labor , & industria . Templa , Clerumque cognoscendi ratio .

Quadruplex hominum genus , quod priùs indicauimus , in Peruvia fuit , quibus Archiepiscopum Limensem prospicere oportebat ; Indiæque : quorum alij Pagani , alijque Neophyti : & His-

Hispani veteris fidei Christi, in Clerum, populumque discreti. Quibus omnibus pro religionis, status, morumque discrepantia, diuersimodè prouidendum fuit. At Thuribius Mogrouejus omnibus omnia factus, Ethnicos ea ratione, quam antè narrauimus, ad Christi fidem conuertebat, constitutis contra desertores Iudicibus, qui animarum curatoribus non parentes constringerent, & scholam fugientes reuocarent. Vtrosque, quod multi laboris erat, veterum superstitionum consuetudinibus expurgabat, ac gentilium rituum ansas omnes, & instrumenta, quæ in Synodis prohibuit, è manibus abripiebat: cæteros Indos Christianis ritibus, & frequentia Sacramentorum assuefaciebat, frequentibusque largitionibus ad familiaritatem, & benevolentiam alliciebat.

Cleri disciplinam, & Hispanici populi mores, tunc valdè corruptos, vbique reformabat, tanta dulcedine, efficacia, & prosperitate successus, in potentium, & proteruorum studijs difficile; vt Ecclesiæ Peruuia nouam prorsus faciem, & pulcherrimam induxerit, eamque plurimis centenis millibus Barbarorum, è Ciuitate Sathanæ, in Dei Ciuitatem traductis dilatarit: vbique præsens, quoquoersùm discurrens, vbique patiens, vbique suauiter, & fortiter, ingenti incremento fidei, & profectu morum, diu noctuque, incessanter operans.

Huic operi vehementer obstabat malorum ho-

minum duplex cum Indis mixta colluues: quorū alij erant Arioli, & flagitiosissimi Flamines Idolorum, & ministri Sathanæ, qui teneros, necdū in fide firmos Neophytorum animos ad pristinas superstitiones, occultè saltē, exercendas reuocabant, quamuis alioquin christianis ritibus, & sacris non abstinere. Atque horum, vt Concilij Prouincialis decretum loquitur, tanta erat nequitia, vt vno die euerterent quidquid à Christi sacerdotibus per annum ædificabatur. Hos autē, quia vetuli alioquin inutiles, & dercepiti erant, in vnum locum cogebat, & vt porro cogerentur, eiusdem Concilij constitutione, parochos obligabat. Regiosque Ministros per Christum obtestabatur, & rogabat, vt in quo loco clausi tenerentur, nè ceteros sua communicatione inficerent, alimenta, tū corpori, tū animæ necessaria illis præberentur.

Alij quoque, peruersa, & vilia capita, populi que fex, inter Indos grassabantur, quos Catholicus Rex, datis aduersus eos, ad Beatum Thuribium, & ad suæ Maiestatis ministros litteris, ita describit. Informatus sum, quod in istis Prouincijs sint multi Nigri, Mulati, & variè mixti generis, quorum numerus indies creuerit, & Maior pars malè parata est; ideo multi suos patres ignorant, omnesque in magnis vitijs educantur, magna que licentia viuunt, & asque labore, vel officio intemperantèr comedunt, & bibunt: Inter Indos Indasque nutri-

Côc. I. prou.
Act. 2. cap.
24.

triuntur , seque ipsorum ebrietatibus , & maleficijs immiscent . Nec Missis , aut sacris concionibus intersunt ; adeoque ignorant ea , quæ ad nostram Sanctam , & Catholicam fidem pertinent &c. Hu-iusmodi religionis , & morum pestes Thuribius Archiepiscopus , tum Regis iussu , tum proprio zelo , & officio ab Indorum consortio ad Hispanorum oppida pellebat , vt suas inibi , parochias , & parochos profiterentur ; laboribusque , doctrinæ , & Sacramentis assuescerent ; omnis otij , libertatis , & maleficiorum occasione sublata . Idemque vt parochi facerent , iniunxit ; suas in ea re vices Synodali constitutione ipsis committens .

Ad infideles adducendos , tanquam venator egregius , vbi humanum vestigium , seu solitarij habitaculi , magaliumuè suspicio , vel indicium aliquod occurrebat , inuestigabat sagaciter , & scrutabatur tuguria , cryptas , & concaua petrarum , dum reperiret . Reperiebat autem frequenter , quos eadem ratione procurabat non paucos . Integris autem infidelium populis , vel palantibus turmis , quos ad fidem per se conuersos , christianæ doctrinæ rudimentis , ad Sacramenta Baptismi , & Confirmationis necessarijs , ipsisque Sacramentis initiabat , ac certum cohabitandi locum assignabat , ampliorisque doctrinæ , & aliorum Sacramentorum Ministros pios , doctosque designabat , è Religiosis plerumque familijs ; vel quos ad hoc secum ducebat , vel quos è crenobijs , superiorum vulun-

tate, tempeſtiuè accipiebat: quorum frequens in tabulis mentio eſt. His autèm in mandatis dabat, vt, quantò citiùs fieri poſſet, doctrinæ & ſacrificiorum templa conſtruerent, & Concilij Prouincialis, & Oecumenici Tridentini decreta, quantum Indis obſeruare ſedes Apoſtolica iubet, vel quantum cum eis diſſimulare pia mater indulget, in uſum, ſuauitèr, & prudenter inducant, tanquàm rationem Deo reddituri, ſi quid vel cultui, obſequioque diuino, vel animarum ſaluti neceſſarium negligerent.

Quoties in curſu viſitationis ad Chriſtianorum oppida, vel pagos veniebat, ſacrarum ædium limina primùm viſere, longiuſcula oratione, acti itineris grates Deo reddere, agendorum auxilia poſtulare, ſeipſum, & gregem diuinæ, ſanctorumque loci tutelæ commendare ſolebat. Mox præſente populo generale viſitationis ediſtum, in Concilio Prouinciali editum, alta, & intelligibili voce publicè legi curabat, ipſeque pro auditorum captu, vel Indico, vel Hiſpano idiomate, pro concione explicabat, rudemque populum Indorum, & Hiſpanos paritèr ipſorum, ac ſui in hac actione muneris, & obligationis commonebat; vt omnia quæ ſcirent, indiſſimulantèr, ſincerè, & ſine odio, liuore, vel inordinato vllò affectu, ad gloriam Dei, & animarum ſalutem, cùm interrogarentur, exponerent, & non interrogati denunciarent; vt exonerarentur conſcientiæ, ac Deo ritè ſeruiretur.

Indè

Indè cuncta suis oculis lustrabat, & solertè inspiciebat: si Sanctissimum Eucharistiæ Sacramentum, et sacra olea suis locis decentè, et cautè seruentur: si altaria munda, ornata, et benè composita: si sanctorum imagines, et sacræ reliquiæ ritè et reuerentè habeantur: si fontes Baptismi, et aque lustralis, si templi campanæ, vel desint, vel dextrè curentur. Deindè sacrarium ingressus omnem sacrorum supellectilem perlustrabat; an aliquid post ultimam visitationem detritum, aut perditum, et qua id ratione fuerit: an quod restabat sufficeret, et, si debita cura, munditia, et reuerentia seruata sit, ac tractetur. Sacrificij cereos, et hostias videre volebat; si suppeterent, mundaque et candida essent, aut fortè ferrei forcipes, sacrificij panibus opportutè pensendis, præstò sint: nè eos fumanti foculo, sed bonis carbonibus coqui volebat. Denique si templum ipsum, sartum tectum, validis valuis; et non portarum tantum, sed fenestrarum etiam seris et pesulis custoditum: maximè vbi Sanctissimum Sacramentum, ex Concilij præscripto seruandum esset, vt omni hora viaticum ad moribundos deferretur. Omnia demùm quæ vel suppetere, vel desiderari comperiebat, in scriptum redigere, quòd sua manu signatum sacerdoti seruandum tradebat, alterum exemplar, parochi Chirographo subscriptum, sibi ad vsum retinebat. Eadem ratione quam in vrbis Ecclesijs lustrandis ab ipso obseruatam diximus, oppidorum et ruris

omnia

omnia pia loca cognoscere, et componere studebat. Et licet maiora maiori cura satageret, minima tamen quæ ad obsequium Dei, et exonerandas conscientias conducere, non contemnebat.

His in templo peractis, ad Presbyteri domum diuertebat; non aliud hospitium unquam admittebat, quando vel maior Dei gloria, vel maior spes proficiendi populo, vel euidens aliqua necessitas id non postularet. Ibi iubebat imprimis, nè suo, vel familiaris victui, qui visitationis iure debetur, quidquam superfluum, sumptuosum, aut exquisiti saporis, pararetur; se quippè suosque non opipare conuiuatum, sed ut officij muneribus fungerentur, circuire provinciam: ad hæc satis esse, ut frugali mensa, et communibus cibis viuant, et valeant. In qua parcimonia tam exactus erat, ut, cum in vnius loci functionum finem vergeret, præmonere soleret, ut cuncta ad profectionem pararentur, quo fieret, ut, re peracta, nulla discedendi mora foret, nè hospitem, vel momento temporis, ultra visitationis exercitium grauare videretur. Atquæ si familia tunc forsitan componendis sarcinis adhuc expedita non fuisset, ille ab ultima linea deposito calamo si pedes iturus, scipionem, si eques bacillum arripiebat, & consensu mulo, statim incognatus, & solus, vel vno, duobusue sequentibus abibat. Nè ipsum vel ingruentis, vel adultæ iam noctis tenebræ, non viarum ignota semita, non inuia deserti, non aëris quæcumque tempestas,

nec

nec incundi itineris pericula , vel vlla rogantium ,
vt maneret , aut nè abiret dehortantium suadelæ
retinere poterant . Perditum aiebat tempus , quo
nihil ageretur , oues alibi balantes vocare pasto-
rem , non pastas perire posse , ni citò accedatur .

Docere porrò quid interim , per singula , in
Presbyteri domo egisset Archiepiscopus Mogro-
uejus , vbi visitationis tribunal exercebat , tam su-
peruacaneum existimo , quàm rem actam agere ,
ac totas Thuribianarum legum pandectas , quas
iam antè publici Iuris fecimus , hic denuò frustra
describere . Nihil enim ab ipso in eo iudicio deside-
rari poterat , quod in illis priùs per ordinem non
fanciuit : adèò in condendis legibus oculatus erat
hic Sanctus Antistes , tùm suopte claro , solertique
ingenio , tùm qua pollebat , sapientia , prudentia ,
iustitia , & charitate : tùm , quod primum est , do-
nis diuinæ gratiæ , quæ in ipso clarissima fuerunt ,
illuminatissimus . In illis conspiciet Lector , quibus
males fidei , & morum vtriusque status , tam sacri ,
quàm civilis tunc scatebat Peruuia , & quæ cuique
remedia prouidentissimus hic pastor adhibebat .
Illa vt vitarent indigenæ paritèr , & aduenæ terræ :
hæc vt strictè obseruarent . Totum Thuribij stu-
dium , iudicialis occupatio , paterna cura , labor ,
& sudor fuit , vt fieret quod expedit , omnium exo-
nerarentur conscientiæ , ac Deo pro tremendæ Ma-
iestatis dignitate seruiretur : sacrique Canones exe-
cutionem , & obedientiam obtinerent . Quibus
verbis

verbis ille, vt sibi in omni re, ab ineunte ætate propositis, mandata sua, scriptasque agendorum instructiones, tanquàm vltima clausula terminare consuevit.

Sic sanè vniuersos, tam Ecclesiæ Præsules, quàm seculi rectores, præsertim Christianos, operari deceret; & nos, quod ita faciant, supponere, dum alicuius excessus, vel defectus non satis innotescant. Sed an omnes eadem charitate, suauitate, sedulitate, zelo, prudentia, cæterarumque virtutum concertatione agere satagant, qua Thurius agere solebat, non æque manifestum est: vt proindè ipsius eximia perfectio, negligentibus confusione, diligentibus exemplo esse possit. Legum authoritate, & iure suo tum solum utebatur, cum amorosa patris disciplina contemneretur; at id tum adèd seuerè, vt eius constantia terrorem incuteret: sed in ipsa seueritate, tam suavis, adèdque misericors, & compatiens omnibus, vt nullus vel rarus esset, qui non tam poenæ, vel indignationis metu coactus, quàm attractus amore, & sancti viri reuerentiæ affectu, se eius nutibus non accommodasset.

Ordinarius ipsius personas visitandi modus hic erat. In Parochi non prius cogniti domum introductus, ipsum imprimis amico colloquio conueniebat, quis, & cuius esset, si in Hispania, & alibi in Europa natus, qua ratione in Indiam venerit? quibus litteris imbutus esset, & an Indorum linguam cal-
leret,

leret, vbi, & à quo ordines Ecclesiasticos acceperit, quisque cum in ea pastoralis cura constituerit, & alia huiusmodi: quorum singulorum documenta disquirebat, vt & libros omnes ad sacra ministeria necessarios, & omnium Parochianorum, & Sacramentis initiatorum, & non initiatorum matriculas, & foundationum, testamentorumque tabulas; sed speciali cura, an B. Pij V. nouum Breuiarium, & Missale suppeterent, quorum obseruantia ad minimos quosque ritus erat zelantissimus: synodaliū quoque constitutionum acta, & catechismus, aliaque monumenta doctrinae, & regiminis animarum in eisdem edita: nec quidquam se latere permittebat. Domum etiam oculis perlustrabat; siquid sacris regulis aduersum, siquid inordinatum, vel sacerdotis domum non decens esset, vel debitum desideraretur. Interrogabat præterea, quæ templa, sacella, vel alia pia loca in parochia haberentur: & minima quæque seu in oppido, seu alibi, quantumuis procul, adibat, eademque ratione præfens cognoscebat; sed singulari diligentia, infirmorum & pauperum Indorum Xenodochia.

Mox amoto parochio, ad Concilij Prouincialis præscriptum, Indis per destinatas horas libertas erat accedendi: quos ipse vt filios excipiebat, querelas suas, aut grauamina denunciante benignè, & patienter audiebat, iuxta Ediçti visitationis puncta, de publicis defectibus interrogabat, &

consolabatur omnes, non verbis tantum, sed efficacibus malorum remedijs: atque egentiores nummis, & alijs muneribus.

In adhibendo rebus opportuna remedia, initium à domo Dei sumere consuevit. Et conuocatis Parochiæ, aliorumque piorum locorum præfectis, Indorum primoribus, & Regijs districtuum Præsidentibus, quibus prouisio multarum rerum, per ipsorum Regum edicta incumberebat, quæ ad fidem facilius, feliciusque propagandam, et commodiorem doctrinæ, et Sacramentorum administrationem necessaria forent. Horum vnumquemque sui muneris admonebat, et, vt templis imprimis, sacellis, et Xenodochijs, vel veteribus restaurandis, vel nouis erigendis, omnique ornatu, et necessaria suppellectili apparandis, citò, et solertèr insisterent, et de necessarijs medijs cum ipsis deliberabat. Quæcumque festinato opere statim fieri poterant, in aliud tempus differri non sinebat: instabat ipse operi, et populum ad admo- uendas manus, et lacertos exerendos hortabatur: opus Dei haud negligenter faciendum inculcans, agendique operis modum, et formam præscribens. Nèc nisi absolutum illud, et reliqua ritè disposita suis oculis cerneret, abire loco volebat. Vbi verò populi, vel Presbyteri paupertas postulabat, pecunias ipse suas, et propriam suppellectilem, tam sacram, quam domesticam conferebat in res Ecclesiæ necessarias, vel ex arario communi fabricarum

rum, & pijs testamentis, quæ debebantur, conferri curabat.

Regios ministros hortabatur, suoque iure requirebat, ut Indos per camporum tuguria, per obstrusa saltuum, & montium cauernas dispersos in oppida & pagos cogerent, nec semel congregatos assignatum habitationi locum deferere, vel destruere sinerent: quo facilius, commodiusque doctrina, & Sacramenta collectis ministrari possent; eorumque feritas ciuili cohabitatione, & humana consuetudine, ut feræ domi educatæ, mitesceret, & cessarent antiquæ superstitionis reliquæ, & usus uitæ Idololatriæ; quæ in desertis illis locis, & recessibus, ut occultius, ita licentiosius exercebant. Inter ipsas quoque Colonias complanarent vias mutuo commercio, consuetudini, accessuique necessarias: intercurrentesque torrentes, & flumina pontibus sterni curarent, ut plurium pagorum populi ad parochialem Ecclesiam tuto concurrere possent; & sacerdos vicissim, ad singulos visitandos, & Sacramenta ministranda peruadere. Reperiebat enim in cognitione Prouinciæ, multos in montium abruptis præcipitijs, & rapidis fluminum vadis, & repentinis torrentibus periuisse; cæteros autem periculorum certitudine, quæ ipse frequentè experientia didicit, ab Ecclesiæ accessu, & Sacramentis, tam querendis, quam conferendis deterreri, per quod non pauci absque sacramenta-

li procuratione & salutaribus monitis moriebantur.

Cum verò in re tanti momenti, ac tùm sacræ, cùm ciuili Reipublicæ necessaria; ministros incurios, vel refractarios cognosceret, eos ad Proregem deferbat, & nouis mandatis ad officium cogi curabat. Vbi pagorum distantia, vel maior Christianorum numerus esset, quam quibus queat sacerdos vnus sufficere, tunc alios vni iungebat, vel nouas parochias, diuisis populis instituebat, noua templa construere, necessarijs omnibus instrui, propriique Rectoris curæ committi faciebat. Vbi sacerdotes erant, etsi minus docti, vel in linguis gentium non satis versati, sed seduli tamen & exemplares, horum ignorantiam subleuabat vocabularijs linguarum, & libris ritualibus, casuumque conscientiarum, & paratarum concionum, & Catechismi; tam Hispanico, quàm Indo sermone conscriptis: quos ad hunc finem egentibus gratis donandos, magno numero circumferebat. Interea verò dùm discerent, adiunctis doctioribus, & linguarum peritis iuuabat, qui doctrinam, & Pœnitentiæ Sacramentum Indis administrarent: detractis horum stipendijs ex emolumentis Parochorum: quod istis proficiendi stimulum addebat. Parique ratione in locis operarijs à parochia remotis, in quibus notabilis populi multitudo commorabatur, proprium sacerdotem instituebat, qui parochialia

mu-

munia apificibus præstaret. His verò sacrorum ministris sic prouidebat; vt, absque prædiorum vsu, mercimonijs, vel vllis artibus lucratiuis, aut Indorum grauamine, satis honestè viuerent.

CAP V T XXVIII.

Cognoscendorum criminum ratio, & in plectendis clementia. Sacerdotum salutis, honorisq; cura.

IN cognoscendis criminibus, quamuis alioquin diuini honoris ardore succensus, quidquid Deum offendere posset, magnoperè detestaretur; ea tamen charitate, qua homines propter Deum diligebat, omnium æstimationi, & famæ conseruandæ semper consuluit; nec vllius vituperationem, delictum, vel defectum, quantumuis exiguum, extra iudicium sibi manifestari voluit, aut etiã leui murmure detegi passus est. In iudicio verò nihil alieni criminis libentè, vel temerè credere; sed ea potiùs innocentia, & animi candore, diuinique honoris zelo, quo ipse pollebat, cæteros præstare sibi persuasus, omnes ad se delatos defendere, & accusationum initia his atque similibus verbis intercipere. Heu me peccatorem! quem tu accusas, vir bonus est; caue, vt comprobare possis, quæ in illum exponis: sed considera virum bonum, honestum, & venerandum esse: quantumque

que scelus sit, huiusmodi hominum famæ detrahere: & quæ mala de illis dicuntur, creditu difficilia sunt: & qui dicunt quam faciles condemnari calumniæ. Quod si reipsa in te peccauerit, non nocendi voluntate fecit: vel si sic, non tibi, sed alium putans: vel si tibi, dimitte illi, ut velis Deum tua tibi peccata dimittere. Atque hac ratione lites innumeras, quæ in densam discordiarum segetem gliscere possent, non rarò in herba præscindebat, pacemque & amicitiam inter amarè discordes conciliabat.

Iuat rem paucis, inter plurima, quæ fuerunt, paradigmatis explicare. Clericus quispiam choralis, in area templi globis cum aliquo ludebat; orta-que inter ipsos contentione victoriæ, alter alterius caput iactu globi vulneravit. Saucius illicò ad Archiepiscopum currit, sociumque criminis inculcavit. At servus Dei, serio ioco litem dirèmit: caue, inquiens, ne volucer aliquis lapidem rostro ferens eum in tuum caput ex aëre dimiserit, hac parabola significans, mala verba, quæ, ut sit, læsus volatili lingua ex ore fortassis in alterum protulerit, capiti suo vulnus inflixisse. At, inquit, siavis errore factum fuisset, quid superesset remedij præter patientiam? id ipsum tu nunc adhibe, & æque citò sanaberis: parce fratri, ut Deus parcat tibi, sicque tota lis inter adolescentes decisa fuit, ipsique in pristinam amicitiam coniuncti.

Sed multis ponderibus gravior est, quod Ycæ
acci-

accidit , cùm ^r Beatus Thuribius eam ciuitatem
uisitabat . Insolens quispiam , & impatiens iustitię,
cùm præterita crimina emendare debuisset , nouo
scelere se uenia indignum reddidit . Nam Archie-
piscopalis fisci ministrum , aliquid sui muneris exer-
centem , ducto cultro , in facie signauit . Iste querulus
ad Archiepiscopũ uolat , acceptam iniuriam , nõ tam
sibi , quàm ipsi Archiepiscopo , & publicę iustitię , ei-
que sacrę , cum ingenti offensa Dei , & populi scan-
dalo , per intollerabilem audaciã , & insolentiam
illatam fuisse representans : quo tantum scelus gra-
uissima ultione plecteretur . Sed longè alius erat
animus pacifici , & misericordis Mogroueji : nam
ijsdem argumentis per quę alius factum aggraua-
bat , ille excusabat authorem . Etenim tam atrox
facinus , à Fulano alioquin honesto patratum fuisse ,
persuadere sibi non poterat . Proindè solari offen-
sum , sed rogare , ut benè videat , an Fulanus , vel
fortè alius manum ei iniecerit . Assueranti Fula-
num fuisse : sed fortè , inquit , vel te nõn dignouit ,
ut alium putans , te percussisset , vel certè prouoca-
tus , aut vehementi passione , à mente abreptus fe-
cit : propterea nunc turbato parcendum esse , qui in
se reuersus ipse factum ultro emendabit . Fiscali
interim suadere , ut sui offensam illi ignosceret , eo-
que animo remitteret , quo peccata sua , per supre-
mi Iudicis fiscum , sibi remitti cuperet . Idque pro
sua reuerentia obtinuit Thuribius , & lis , quę agi-
tata conflaret incendium , in fumo suo quietè con-
sopita fuit .

In

In hoc reconciliationum genere, gratia, & felicitas Thuribij celebris erat ex facto quod sequitur. Duo viri sanguine Nobiles, & publicis muneribus conspicui, in ipsa Limani Proregis aula rixati, alter alterum lingua, & hic ita prouocatus, illum vicissim baculo grauitur offendit. Vterque in carcerem coniectus, & examinata causa, qui baculo in alterius ignominiam usus est, & abusus aula Regia, per Iudicum sententiam, capitis damnatus est, quanquam aliàs Archithalassi titulo insignis: liberandus tamen, si percussus, à iustitiæ criminalis rigore prouocando desistere, & offensam reo condonare vellet; sed inexorabilis fuit. Indoluit vniuersa Ciuitas Regum, Regium ministrum, & virum nobilem de Repub. benemeritum, verborum contumelia lassescitum, quod honorem suum, etsi imprudenter, facto vindicauerit, tam ignominiosa morte fortè vitam finire. Intercedebant, hortabantur, orabant Regni Procures, Urbisque Primores viri, & matronæ, Regij ministri, Religiosorum Ordinum professores autoritate, doctrina, & pietate præcipui: sed nemo persuadebat, nemo omnium exorabat. Mirabantur omnes hominem, ceteroquin vrbicum, noua metamorphosi in Peruanum pacum, iactu baculi transformatum fuisse, cuius bestię pertinacissimam duritiem alibi descripsimus. Res iam desperata visa fuit, aderatque non dies tantum, sed & ipsa hora, qua Archithalassus ex carcere in theatrum in foro paratum educendus

duſ erat, & liſtoris manu per capitis abſciſſionem necandus.

Ea de re monitus Beatus Antifteſ Thuribius, vocata familia, & populi multitudine, qui lugubre ſpectaculum in foro præſtolabantur, ſupatus ad carcerem pedes per forum properat, & hominē ſolita ſuauiſſime primū adoritur; vt pro chriſtiana charitate remittat iniuriam: nolentem perindē, viuis rationibus vrget. Sed nihil efficiens, tandem arrepta manu Crucifixi Ieſu efficit, & flexis in terra genibus hominem iterū, iterūque rogat, vt pro Chriſti cunctorum ludicis, & Redemptoris reuerentia, qui ex ipſa cruce patrem pro crucifixoribus orauit, proque ſuorum ipſius viri peccatorum ſperanda venia, & pro tollendo populorum ſcandalo, virum illuſtrem, cunctiſque gratum, etſi pro humana fragilitate, verborum iniuria laceſſitus peccauerit, perire non velit. Tanta humilitate, tantoque charitatis ardore ſtagitauit, vt adſtantium obortis lachrymis, & ſoluta tam duri peccatoris glacie, reo veniam impetrauerit; eodemque facto, alterum à corporis, alterum ab animæ morte totius populi exultante lætitia, applauſu, & acclamatione liberauit. Mox ad Proregem pergit, veniam reo datam narrat, ſuadetque, & perſuadet, vt vtrumque moderata pœna correptum, è carceribus educum, libertati reſtitueret. Et hæc quidem Thuribius in priuatis hominum contentionibus.

E c

Quæ

Quæ verò peccata in Catholicam fidem, abūsum Sacramentorum, Ecclesiæ iurisdictionem impingebant, vel alijs præbebant occasionem peccandi, eorum accusationem, non nisi per scriptum excipere voluit, & in eis iudicandis, plectendisque, eandem zeli iustitiæ, & charitatis rationem sequutus est, quam in Granatensi Sacræ Inquisitionis tribunali ipsum seruasse diximus. Cuius charitatis, & compassiui doloris paradigma, quod Limæ contigit, non importunè hùc inferendum duxi. Erat in Sancti Officij carceribus quidam, olìm religiosæ vitæ falsus professor, proptèr hæresim, quam, suadente diabolo, retractare nolebat, seculari foro tradendus. Eum consuetis ritibus, Presbyterij gradu priuandi munus ad Thuribiũ, vt Pontificem pertinebat. Aderant sub vesperum in Sacra Curia, fidei censores: ac degradandi rei mox futuri Iudices, conuenerantq; Prorex, & Procerum laicorum plures. Dùmque horam expectarent, refectiuncula ipsis, honoris causa, proposita fuit, ad quam aduenturum etiam Archiepiscopum cupiebant, & præstolabantur: sed appulsus ille, vt repentina necessitate non coactus, consuevit mitræ munia, quacumque dici hora, ieiunus exercere, exorari non potuit, vt ingrederetur triclinium, sed officij sui tempus in inferiori atrio expectabat. Non multum temporis edulijs indultum: cui enim rem tam lugubrem cogitanti placeret epulum ferale? Ad tribunal ventum est, vbi Archiepiscopus pro sua reuerentia

confedit, pronunciataque in reum, iam prius decreta sententia, moestus surrexit, & Pontificio apparatu ornatus, munus degradationis aggressus, & usque ad noctis medium profecutus est. Sed nunc sancti viri viscera, tanquam in speculo conspici poterant in profluvio lachrymarum, quas toto illo tempore charitatiuæ commiserationis affectus exprimebat; dum verè miserendi hominis vitæ, famæ, & perpetuæ felicitatis damna, ipsis, eum execrantis cæremoniæ verbis, & actionibus representata meditaretur. Indè domum redux, quantum ab hesternâ die nullo corporis cibo, vel potu refectus, præ animi mœrore nihil gustare voluit, sed nocturnum diuinæ laudis pensum, solita pietate soluendo animum statim intendit.

Alioquin, dum quisquàm, vel sacri huius, vel alterius Regij tribunalis sententia, ad mortem, vel tormenta damnatus, per forum transiturus, aut in eo plectendus esset, Palatij sui fenestras occludi curabat, & domesticos precibus, pro eorum animabus intendere; impatiens prospectus vllius humanæ miserix, vel calamitatis, cui remedium adferre non posset. Cæterùm in alijs quæ ad Archiepiscopale forum pertinebant, per summam qua pollebat prudentiam, discretionemque conditionis personarum, alias, Indis, aliàs Hispanis pœnas infligebat. Cùm enim illi plerumque pauperes essent; sed præcipuè, quoniam adhuc tùm in fide infirmi, spiritualium pœnarum vim non satis perpen-

dere scirent, corporalibus tantum ipsos plectebat; sed ne vlla eis Ecclesiasticorum Iudicum avaritiæ suspicio incideret, vel sacram disciplinam, lucri causa constitui; quo eam vel contemnere, vel minoris æstimare possent: quemadmodum in Sacramentorum administratione nullam pecuniam, vel aliam rem pecunia appretiandam, ab ipsis recipi voluit; sic eorum crimina nulla pecuniaria multa, sed corporalibus poenis vindicari sinebat. Eademque ruditatis ipsorum causa, eos ad ferendum testimonium proposito iuramento vocari, vel admitti non patiebatur, nisi cum res aliter decidi non posset: sed nec tunc quidem nisi prius fortiter ipsis inculcato, quantum erga homines crimen, & aduersus Deum sacrilegium in periurio consistat.

Hispanos autem, quod in fide firmi, & doctrinæ, vsuique Ecclesiasticæ districtiōis assueti essent, tunc Canonum spiritualibus poenis, tunc pecuniarum taxatione plectebat: ea tamen cautela, ut nè spirituales poenæ temerè intentarentur; excommunicationis præsertim, quæ grauissima est, fulminandæ rationem, ex norma Concilij Trid. Synodali edicto præscripsit, quam nè ipsis Episcopis, nè eorum vllis ministris transgredi liceret, vel impunè permitteretur. Multas autem pecuniarias, quæ legibus taxatæ non essent, suo, Iudicumque arbitrio, pia, & prudenti ratione imponendas committebat; ita tamen, ut, nè vel minima earum pars ipsis obueniret. Omnem enim earum dis-

pen-

penſationem ſibi ipſi reſeruabat , vt in vſus purè putè pios tanquàm pretia peccatorum , ſoli Deo debita impenderentur . Ordinaria mulctarum diſtributio illi fuit, vt media pars illicò deſtinaretur pio vſui cuiuſpiam Cœnobij , Xenodochij , Eccleſiæ , vel egenis puellis benè locandis ; & altera media ſeruaretur ipſius diſpoſitione in ſimilem vſum , vel aliud pium opus , cùm opportunum foret , confeſſenda . Nèc obolum vnquàm in ſuam , vel domeſticorum vtilitatem conuertiffe deprehenſus eſt : ſæpè tamèn pronuntiata ſententia , ipſi criminum rei , allegata , vel propria , vel propinquorum paupertate , ſupplices orabant , vt impoſitam ſummam illis ſubleuandis , tanquàm eleemoſynam , pro Dei amore condonare velit . Quorum indigentiam , vbi Thuribius cognosceret , nunquàm negauit poſtulata ; quìn diuini amoris , & eleemoſynarum nominibus concitatus, omnia lætus, & lubens concedebat . Cuius generis pauca , quæ ſubijcimus exempla, ampliffimum cæterorum argumentũ exhibent .

In oppido Laymebamba , Prouinciæ Chachapayæ , parochum ducentorum pondo reum cenſuit Archiepiſcopus , nèc à lata ſententia ſibi recedendum eſſe . Tùm preſbyter ſcire ſe Pontificem ꝑ cam pecuniam pauperibus largiturum , ſibi verò patrem eſſe ; Ioannem Baptiſtam , cognomento Nanum , paupertate preſſum ; cui hac occaſione vt ſuccurreret Archiepiſcopus , orauit ; Placuit Thuribio charitas preſbyteri in ſuum patrem , nèc diſpli-

plicuit prompta occasio eleemôsinæ, ac totam pecuniam Ioanni Baptistæ numerari fecit. E seculi hominibus, Didacum Fernandez Viceprætorem Caxatambensem cōdemnavit ducentorū pondo illius nummi, quem *peso ensayado* vocant: & reus, nescio ad quem appellavit à sententia. Sed post annos duodecim, tanquàm ignotus, & aliud agens, accessit Archiepiscopum. At firmissimam Thuribij memoriam, temporis diuturnitate fallere non valuit. Tùm enim Archiepiscopalis authoritatis irreuerentiam, & contemptum Ecclesiastici Iuris, in astuto homine ferre non volens, Fiscali suo iussit, vt Didacum sibi satis notum, vel iniunctam peccati pœnam soluere, vel appellationis beneficij documenta proferre cogeret; Ac etsi Didacus pauperiem prætexeret, nè se prosecutum appellationem affirmaret; pecuniam tamen fisco numerare oportuit. Verùm Thuribius mox totam, ea conditione restituit, vt in locandarum filiarum, quas Didacus domi habuit, dotem cederet. At nè templa, quibus Beatus Thuribius eam summam ab initio destinarat, inde paterentur, tantundem ex proprijs pecunijs ad ea mitti curavit; Quot in vna actione virtutum exempla? Iustitiæ rigori satisfactum, sed sequenti misericordia mitigato: Pontificiæ dignitatis authoritas, & Canonum districtio vindicata, puellarum adiuta pudicitia, seruata fidelitèr prima pecuniæ donatio, Ecclesiarum necessitati prouisum est, & peccator ad pœnitentiam fortitèr suauiterque beneficio perductus.

Alius

Alius Clericorum attulit summam pecuniæ, quam Thuribius ipsi in delicti pœnam iniunxit. Sed subiunxit presbyter, eam se summam congestisse in subsidium duarum sororum, quas innuptas, & parentibus orbatas Ponferradæ in Gallicia habuit. Tùm pius Thuribius, vocato Vincentio Roderiquez, quem eleemosynis distribuendis præfecit, statim iussit, vt illam pecuniam ad Clerici sorores mitteret. Quod cùm fidelitè factum esset, pauperes puellæ quobus Ponferradæ Prætoribus, ea dote matrimonio coniunctæ fuerunt: vt certis documentis, & gratiarum actionibus, ex Hispania ad Archiepiscopum missis, postea constitit.

Sacerdotum salutis, & honoris quam curam haberet Mogrouejus, clarè demonstrant exempla quæ sequuntur. Vnus ex parochis fuit, asper, & duræ ceruicis homo, Indorum oppressione, quos auaritiæ suæ seruire crudelitè cogebat, alijsque criminibus irretitus. Hunc cùm Sanctus Antistes, nec paternis monitis, nec legum distractionis comminationibus flectere posset; sed potiùs inflicta pecuniæ malè acquisitæ pœna insaniret, non potestatis armis, sed charitatis artibus vsus, manu placidè apprehensum, in secretiùs cubiculum introduxit, proprias scapulas denudauit, flagellum strinxit, & genibus ad Crucifixi pedes positus, (quod S. Thomam Villanouanum aliquando fecisse legimus) duritè se cedere, precibus, lachrymis, & sanguine diuinum Numen sibi ipsi, & perduto homini

mini placare . En , inquiens ; Domine , mea peccata merentur , vt ouis ista mihi commissâ pereat , sed misericordiam tuam vtrique imploro . Nèc destitit , dùm stupefactus primùm peccator , deindè compunctus , Sanctum Patrem gembundus , & lachrymans oraret , vt innocenti suo sanguini parceret , flagrumque sibi tradere vellet , qui peccatis suis ea , & maiora meritis esset , quorum eum tunc amarè pœniteret . Tùm lætus Thuribius ea mutatione dextræ excelsi , pœnitentem hac mansueta monitione dimisit : Frater , in quo statu sis , vide : vita tua , & mores procul distant ab instituto Sacerdotis , Deum grauiter offendis , & populo quem ædificare debueras , scandalum præbes . Hæc ego , qui Pater , & Pastor tuus sum , meis peccatis attribuo , & idèd hanc de me pœnam exigo . Tu vade , & morum emendatione his me supplicijs liberabis : sic factum , vt obstinatissimus peccator , ardore charitatis pij Patris , in lachrymas pœnitentiæ colliquerit , & perdita ouis , boni pastoris humeris reducta vitam deinceps honestè duxisset .

Obtinuit etiam hac ratione Thuribius , vt Parochus ille , qui , si publica punitione cogeretur , populo deinceps irreuerentiæ & contemptui foret , nunc potiùs vltronea emendatione , & bono in posterum exemplo , ex ipsa oppositione præteritæ , & præsentis vitæ , magis elucesceret , maiorique veneratione apud populum haberetur ; quemadmodum gaudium erit in cœlo super vno peccato-

re poenitentiam agente, quam super nonaginta nouem iustis, qui non egent poenitentia. Vt enim nouerat sapiens Archiepiscopus, quantæ utilitatis in populo esset fama, reuerentia, & amor sacerdotis; quo eius doctrina acceptior esset, & cætera sacra ministeria maiori pietate, & fructu susciperentur; sic, Deum in Aarone monendo secutus, toto gubernij sui tempore, sacerdotum æstimationis, honorisque zelantissimus extitit. Propterea hunc scopum, & sanctiendarum legum finem grauissimis verbis proponebat, quoties in synodis, quiduis de Clericorum vita & honestate decerneret.

Luc. 18.

Num. 16. &
28.

Ipse singulos reuerentè tractabat, & quos exempla virtutum, & pietatis populo præbere sciebat, eos omni honore, & fauore prosequabatur, & ex animo diligebat: quos secus, magna discretione, & ipsorum famæ cura corrigebat, nec eorum quempiam coràm laicis hominibus corripiendum sibi censebat, vel acriùs, aut imperiosius, quam culpæ grauitas commeruisset. Hinc in Concilio Prouinciali, per sedem Apostolicam approbato cauit, ne libellus aduersus Clericum datus admittatur, sinè subscripto nomine accusatoris; neque sic quidem visitatores ab Antistitibus destinandi, processus circa grauiora parochorum crimina per definitiuam sententiàm concluderent; sed cæterùm terminatos ad ordinarium transmitterent, adhibito suo ipsorum de vnaquaque causa iudicio, vt Episcopus ipse finalem sententiàm ferat: nec ipse vllum

è Parochia detrudat, quamvis multæ & graves querelæ deferantur, nisi oculato examine discussa causa in eodem loco, in quo reum deliquisse diceretur. Et quia notauit nonnunquam causis indecis, personas Ecclesiasticas per solam accusationem diffamari, in Synodo septima Diocesana constituit, ne quisquam tam facile leuiterque audeat personas ecclesiasticas criminari, vel diffamare sacerdotes; ut inde in posterum Ecclesiastici Iudices non admittant eiusmodi accusationes, nisi prius deposita sit ea pecuniæ quantitas, ad quam accusatores de iure se per fideiussores obligabunt, cui constitutioni nos in Lima limata non inutilem notam adhibuimus.

Huc spectat res digna relatu: Laicus quidam, sacerdotis delictum ad Thuribium detulit, per quod iste Deum imprimis & accusatorem grauiter offende-
 bat, & minimè tolerandum scandalum præbuit populo. Tùm Sanctus Antistes ne tantum crimen inultum relinqueret, & simul, ne Sacerdotis æstimatio læderetur, accusanti primùm respondit, non facile credi posse, ut vir ecclesiasticus, & sacerdos, animarum Curator tale quid commississet. Quo responso res tùm suspicioni magis, quàm agnitæ veritati tributa fuit. Verùm Archiepiscopus, aliquot post dies, inde procul absens, presbyterum, nulla indicta causa, per litteras ad se vocauit; nec accedentem vlllo verbo, vel signo indignationis excepit, sed apud se honestè retinuit per vnum annum,

nūm, absque vllō alio beneficio, vel manifesta priuatione prioris, vbi vel religiosissimè viuere, vel iustitiæ rigorem experiri oportebat: Tūm verò cessante admiratione, & memoria præteritorū, inter se & ipsum, grauiter eum obiurgauit, & poenitentem, emendatumque alio beneficio donauit, nec in loco delicti vnquam amplius comparare voluit. Sicque peccati & scandali occasio, saluo sacerdotis honore, sublata fuit.

Dūm Chinchatochæ, Taramæque Prouincias visitare, inuenit presbyterum doctrinalem, quem re probè cognita, suo beneficio, & animarum cura dimouendum omninò censuit. Sententia lata, & intimata reo, is ob emolumenti, vel honoris iacturam tanto furore exarsit, vt se in profluentem præcipitare statuerit. Thuribius periculum doctus, considerans se miserum hominem, & si alioquin iure merito; non tamen ad corporis animæque interitum castigare voluisse, desperantem presbyterum ad se vocauit, & rebus, quàm optimè poterat, aliter dispositis, ipsum pro solita sua clementia loco restituit. Nec vllus vnquam ab ipso damnatus est, qui misericordiam, promissa emendatione petens, vel integram veniam, vel aliquam poenæ moderationem non impetrasset.

CAPVT XXIX.

*Thuribius nummorum indiligens. Munerum
accipiendorum inimicus.*

TAm ignarus nummorum erat Mogroueius ,
vt nullum ex imagine vel notis dignosceret ,
nec eorum calculos , quia non consuevit , vltra de-
cimum numerum ducere sciebat , sed sola mole
summam æstimabat ; vnde quandoque factum , vt
legum transgressores vltra quàm sciens vellet , pec-
unijs mulctarit ; sed conspecta mole , mitigabat
sententiam . Aliquandò Clericum , fortè non tan-
tæ culpæ reum , mille pondo pœnæ subiecit ; iste
pecuniam in sacco tulit , & coram Archiepiscopo
ciecit in mensam . At Thuribius montem argen-
teum admiratus , quid hoc sibi velit , interrogat :
& respondente sacerdote , hanc esse pecuniæ sum-
mam , cuius ipsum nuper mulctasset , vir sanctus
separato pugno nummorum : Non , non , inquit ,
ego te tanti damnare non volebam , hoc solum suf-
ficit , reliquum egenis parentibus iuuandis tibi tol-
le . Alius paritèr quadringentorum nummorum
indictam sibi pœnam in mensam exposuit , & Thu-
ribius , Deus me iuuet , inquit , tanti nè tuam cul-
pam censui , & excerptis paucis aliquot nummis ,
reliquos referri iussit ; affirmans , non putasse se ,
tantum cumulum fore . Emolumenta Chirogra-
phi ,

phi, et si iure debita, nunquam accipiebat, præterquam cum censurarum instrumentis subscriberet; fortassis, ut eo rariùs peterentur. Quidquid inde veniebat, in cistula seruabat, tot Millas, pro purgantium animarum requie fieri curaturus.

Nec obolum ipse in pera portabat, nec præterea nummum, vel aliam eiusmodi rem pretiosam in scrinijs repositam vnquam seruauit. Cum cæteris officij sui tabulis manum adhibebat, antè proprii nominis characteres scribebat. *Gratis*. Quæ demùm iustitiæ ministris in re iudiciaria seruanda, in Synodalibus Constitutionibus præscripsit, eadem ipse vbiuis exactissimè seruabat. Horum vnum erat, in quo noster Archiepiscopus, Beatus Thuribius Sanctissimè supersticiosus fuit. In Concilio Prouinciali per sedem Apostolicam approbato, visitatoribus inhiuit, ne munera quæcumque aut commodi aliquid, præter ea, quæ sunt à iure permilla, neque visitator ipse recipiat, neque suos recipere permittat. In cuius obseruantia, etiam in rebus minimis, ut in omni alia virtute Archiepiscopus ipse exemplo præiuit. Considerabat enim vir sanctus huius legis latorem se esse, & ut Antistitem, sic alijs datum obseruantia speculum: à cuius minima quauis libertate, maioris licentiæ, in rebus grauioribus, ansam alij facillimè arripiunt. Quapropter omnem muneris, vel accepti commodi speciem, & nomen ipsum axhorrebat: sed res factis comprobanda est.

Dùm

Dùm Thuribius Limæ moraretur; in vrbis Ecclesijs lustrandis occupatus, Ludouicus Velasquez Prorex, Regiæ Pæfecturæ Proceres solemni die, ad conuiuium vocauit. Archiepiscopi dignitatem, & Sanctimoniam veneratus, missus opiparos quinque solemni ritu, & aulicorum, satellitumque comitatu è mensa, suo illi nomine ferri iussit. Sed Thuribius remittere voluit, quòd visitationem tùm exerceret, donec soror Grimanesa, & Doctor Michael de Salinas, ipsius vicarius generalis persuasissent, Proregem confusum, iustèque offensum iri: nec ipsius tam solemnem humanitatem, sine populi scandalo reiici posse. Nèc tùm etiàm sinè duplici lege donum acceptare consensit: altera, vt ipse, nequidem extremis labris, quidquam indè degustaret; altera verò, vt Grimanesa sequenti die tantundem Proregi mitteret; & vtrumque obseruatum est, cum Proregis erga viri Sanctitatem summa reuerentia.

Eiusdem sanctitatis fama permotus alius quidam purpuratus Præsul, Thuribio misit Breuiarium, & globulos Marianos, magnis indulgentiarum benedictionibus imbutos. Sed non priùs admittere voluit, quam viri graues; & docti censuissent, ea præter omnem conscientiæ scrupulum accipi posse; quòd, qui misit, nulla re ab ipsius potestate penderet. Vicarius generalis Ordinis Prædicatorum in Peruuia, misit illi fiscellam duodecim pulchris pomis magis ornatam, quam onustam,

tam, eleuauit ille folia, & vnum pomum digitis acceptum adstantibus monſtrauit; coque in ſuum locum reposito, dixit latori, vt ſuo nomine gratias Patri referret, renunciaretque ſe ſanum eſſe; adeoque poma ægris in cœnobio religioſis magis vſui fore, ſicque omnia remiſit: ſi vel vnum miſiſſet fortassis, idem facturus. Nam quidam Cathedralis Eccleſiæ Præbendarius, præcox pirum, tempore, quo talis fructus nundùm alijs ſuppeteret, tanquàm rem raram illi miſit. Thuribius per ſororem oblatum leuitèr olfecit, neque guſtare volens, eidem reſtituit: in his minimis tam rigidæ abſtinentiæ, & mortificationis ſenſuum, quàm conſcientiæ, à muneribus mundiffimæ documenta præbens. Sed maiora exempla in rebus minoribus iam ſequètur:

Extrà Limam, in ciuitate Legione Guanucana, nobilis, & locuples Eques, Antonius Garayus, ſola fama ſanctitatis Thuribij, ergà eum ardentèr affectus, vltimæ voluntatis teſtamento legauit ipſi crucem auream, ſmaragdiniſ lapidibus ornatam, & melioris notæ lapillum bezaarium. Thuribius poſtea Legionem acceſſit, viſitationis opera proſequutus, & Antonij filij, defuncti patris voluntatem fidelitèr exequentes, donum illi obtulerunt, ſed tunc fruſtrà. Non Thuribius, ſe quidquam inter viſitandum prouinciã accipere poſſe, nec velle Canonum pœnas incurrere, reſpondit; bonam tamen Antonij defuncti patris voluntatem precibus ad Deum ſundendis repenſurum. Iterùm

tamen , in prouincia Chinchacochana , extrâ Guanucum , illum aggressi sunt , suadere conati , nulum conscientiæ detrimentum esse , neque Canonum vetationem , si religiosum munus acciperet , ab homine non priùs noto , iam vita defuncto , & qui nihil amplius prætereundum posset , præter animi beneuolentiam , & libera precum suffragia ; nec uiuum patrem ; neque se filios aliud uoluisse : posse præsertim accipi , cum Ciuitatis , & Prouinciæ Guanucanæ lustrationem iam absoluisset . Sed surdo caneant : quod cum aduertissent illi , relictis in mensa cruce , & bezaaro , abierunt . Quæ res Beati Præfulis animum ita turbauit , ut quiescere non potuerit , dum casu Limam ad doctos delato , responsum accepit , nihil quod ipsius conscientiam onerare posset , pensatis rei circumstantijs , remanere .

Quoties in arduis illis , discriminosisque , quæ retulimus , itineribus deficienti , soror ex urbe quidpiam illi mittebat , non acceptabat omnino , nisi per litteras certior fiebat , eam rem proprijs ipsius pecunijs comparatam fuisse : nè repetam , quod antè dixi , propter platani Indici agrestem racemum , ex arbore Syluestri decerptum , quo ille solo post diurni itineris inediam , tota nocte , ad fluminis ripam sub Dio in terra decubiturus cœnauit , duos nummos reales in arbore reliquisse , nè tantillum damni Domino nemoris , si quem forte habuit , intulisse videretur .

Sed maius in re minima est , quod sequenti mane

ne fecit . Inualeſcente diluuiſo , flumen eo loci per-
uadari non potuit ; quapropter , vt tranſitus alibi
quæreretur , neceſſe fuit , aliquot horas per arduum
montem pedestri itinere progredi . At ſanctus ſe-
nex baculum non habuit , cui per lubricum cliuum
inniteretur . Petijt ſacellanus ab obuio Indo ſcipro-
nem , quem manu geſtabat , deditque Indus animo
minùs lubenti . Quamobrèm Thuribius eū accipere
noluit , donèc pro baculo traderentur Indo quatuor
reales argenti , ne commodi quidquam gratis acci-
peret .

Alibi præmiſſa tota ſupellectili , ipſe cum pau-
cis comitibus ad repentini torrentis ripam , ſine tec-
to pernoctare coactus eſt , vbi magiſter vicinæ fa-
bricæ valli , ſeu terrei muri Paucartambæ ſtragula
quædam accommodauit , quibus famuli ab aëris
clem : nt ia tegerentur . Sed manè Thuribius loco
pedem efferre non voluit , niſi ſtragulorum uſus præ-
tio quod ipſe imperauerat , perſoluto .

Nobilis fœmina , vxor Prætoris Ingaij , miſit
Archiepiſcopo quatuor magna vaſa plena bellarijs ;
ſed ipſe ſtatim cum gratiarum actione remiſit , cum
ea ratione repudij , quòd nihil ab vllò inter viſitan-
dum recipere , vel poſſit , vel ſoleat .

In pago Chiucca , Thuribij , & itineris comitum
corpora refocillanda erant , eratque in comitatu vir
grauis , Ordinis Minorum , Franciſcus Madriten-
ſis , qui in phiala criſtallina , non ignobile vinum
obtulit Archiepiſcopo . Tunc Thuribius colorem

fortassis admiratus, conceptaque suspitione muneris, vnde vinum, & vnde in deserto phiala veniret? interrogat, & respondente religioso, vinum sibi in scortea fuisse, villicum autem accommodasse vitrum: cauendum dixit, quod Synodi constituta vetant, ne nobis commodum alieno incommodo gratis accipiamus, iussitque pecuniam pro phialæ usu retribui. Villicus iniuriam sibi ratus, quòd pro re minima vsuram ab honestis viris velle crederetur, pecuniam cum execratione repulit, iureiurando affirmans se nihil accepturum. At indignantem accessit Thuribius, & nè Dei nomen in vanum vsurpet, humiliter rogat; nec existimet commodati pretium, ob vllam hospitalitatis ipsius dubitationem oblatam esse, sed, vt suæ ipsius Archiepiscopi conscientiae satisfiat, cui nimirum visitanti Diocesim, nihil commodi gratis accipere liceat, quod legibus constitutum non sit. Nèc desistit, dum rusticus oblatum nummum accepit.

Tob. 2.

Si quando domui eius, esculentum quoduis munusculum illatum sciret, etiam extrà tempus visitationis, per octo indè dies nihil illius generis ad mensam admittere volebat, nè muneris speciem, aut suspicionem haberet: in ea re tam cautus, quàm S. Tobias in restituendo hædo, ne fortè furtius esset: vt qui perpetuam Beati Præfulis consuetudinem habuerant, sanctè affirmant, ipsum, ex quo primùm, Granatæ Censoris fidei munus iniuit, vsque ad extremum vitæ halitum, nec vnum pomum

munum quidem, aut aliud quiddam quod gratuiti muneris speciem haberet, gratis acceptasse.

Nec ab ijs tantum cauebat irreprehensibilis, integerrimusque Præsul Mogrouejus, quæ Theologi nostri munera manus vocant, sed ab ijs etiam æquè religiosè, quæ linguæ, & obsequij. Nam, ut vel præstiti, vel præstandi sibi, suisve obsequij, vel vllius quantumvis potentis viri, aut sibi aliquin vel sanguine iuncti precibus, aut officiosa commendatione, Sacramentum, Ecclesiasticum beneficium, vel Ecclesiastici iuris dicundi potestatem, Notarij, vel Fiscalis Officium, aut vllam rem sacram alicui, præter iustitiam, & merita personæ, qualitatesque iuri consentaneas, conferret; vel simoniæ, vel sacrilegio, vel personarum acceptionis criminis tribuebat, non minus, quàm si eadem pecunia vendidisset.

CAPV T XXX.

Ordines, & Ecclesiastica beneficia conferendi, aliaque mitra munia exercendi ratio.

Ordinis, & Confirmationis Sacramenta celebraturus, initiandorum quemlibet interrogabat primum, cuius esset? cumque suæ Diocesis non esse sciret, ad proprios Episcopos eos remittebat, nè falcem in alienam messem mittere sibi videretur &, ut ipsis Episcopis, idem inter se fa-

ciendi, & Concil. Trid. Decreta religiosè obseruandi exemplum præberet. Cùm suos esse cognosceret, per omnes iuris, & Romani Pontificalis regulas, absque vlllo humano respectu, cunctos districtè examinabat, & pro iuniorum ordinandorum in litteris profectu, & vltiùs proficiendi spe, disquirenda, ipse libellum è sinu porrigebat, vndè eos latinè legere, lectaque vernacula reddere iubebat, magnaque mansuetudine, & patientia, errantes, vel in minimis ad omissa redire, erroremque dediscere faciebat. Qui ritè dispositi, idoneique videbantur, animabat, & admittebat quidem; sed duos gradus, etiam ex minoribus, eidem vno die non conferebat, sed singulos singulis Dominicis, aut festiuis diebus: allegans, seipsum, quamuis ætate maturum, & electum, Archiepiscopum, non ausum fuisse, quatuor minores ab Archiepiscopo Granatensi eodem die sibi oblatos simul suscipere, nè sacri Canones absque iusta causa violarentur: proptereà nihil se alijs in hac re facere, quod sibi fieri non vellet.

Maiorum autem Ordinum interstitia per Sacros Canones constituta, non absque graui causa, rigidè discussa, vnquam relaxare voluit: præterquam regularis vitæ professoribus, cùm eorum legitimi superiores per dimissoriales litteras id ipsum rogabant, quòd sciret eos ferè quotidie susceptorum Ordinum actiones exercere, reliquaque media doctrinæ, & pietatis profectus, quem Sacri Canones

requirunt, in cœnobijs, & seniorum conuictu frequentiora habere. Cæterùm in huius Sacramenti collatione tantus erat exactor eorum, quæ Ecclesiastica regula præscribit, vt nulla vis potentiorum interpellantium, nullum vinculum amicitiae, vel consanguinitatis, nulla tam feruens commendatio sufficeret, ad ipsius religionem, constantiamque labefactandam, in ijs quæ per canones, rectam rationem, vel Summorum Pontificum rescripta sibi non licere censebat: nimirùm per antiquam, ubique vtilem, & irrefragabilem suam regulam omnibus suauissimè satisfaciens; nempè factum iri, quidquid cum conscientiarum securitate, diuinique cultus dignitate conueniat. Quis enim vltrà hos terminos cum honestate postulare posset.

Testis ocularis in hoc genere profert exemplum duorum, qui aded cæteroquin conspicui fuerunt, vt ille nominibus eorum, honoris cauendi causa, se pepercisse dicat. Illos enim Thuribius, quamquam aliunde idoneos; quòd tamen moribus solutiores haberentur, sacerdotali dignitate nunquam cohonestare voluit, nè malis ipsorum exemplis dignitas ipsa dehonestaretur. Et verò nonnumquam Ordines etiam dignis conferre differebat, vt eorum importunitatem effugeret, qui pro minus dignis postulabant; quo & conscientiae suæ, & indignorum honori iuxta consulebat, & honesta excusatione auerteat indiscretas iniustasque interpellantium rogationes.

Erat

Erat in Beato viro iudicium perspicacissimum ac donum discretionis spirituum, per quod hominum ingenia, meritaque discernebat: quod ipsi in distribuendis sacerdotalibus beneficijs, & suæ curiæ officijs, familiarumque munijs vtilissimum fuit: quoque feliciter successit, vt optimos quosque in illis collocasset, non spiritualia tantum, sed ipsa quoque temporalia absque omni suo lucro, vel animi mundana satisfactione gratis confrendo: additis etiam iustis emolumentis, per quæ ipsi vitam, & cuiusque statum tam honestè tolerarent, vt nemini, præter ius, & fas, graues esse cogerentur, vel se in hoc excusare possent. Sola merita personarum, & ad præstanda officij cuiusque munera, idoneitatem, integritatemque respiciebat: ætatem, doctrinam, prudentiam, pietatem, fidem, eamque morum compositionem ad regendum requirebat, qua cæteris exemplo præire possent. Omniaque hæc, summa solertia, priùs discutebat, quam quemquam elegisset. Nèc, his qualitatibus ritè cognitis, per vltos modos, aut media diuertere poterat, quin optimos minùs bonis anteponeret. Et sanè illi, quos toto tempore sui Pontificatus adhibuit, eiusmodi fuerunt, vt communi omnium æstimatione, & applausu, illis partibus conspicui, tantoque Præfule dignissimi administri haberentur, & maioribus muneribus idonei: & re ipsa plerique vel Episcopalibus infulis, vel supparibus honestatibus donati fuerunt.

Quos

Quos ad Sacramentorum, doctrinæque, & animarum curæ ministeria sumebat, non secreta tantum inquisitione, sed publica quoque probatione, per concursum, & oppositionem, præsentibus, rigidèque discutientibus & diiudicantibus doctissimis, probatissimisque viris, cognoscere voluit. Et nè meliores, qui plerumquè per modestiam, qua pollent, nihil impertinentius ambire solent, hac ipsa causa laterent, vel ambitiosi homines loca bonis debita surriperent, minaci decreto synodi, Vicarijs foraneis præcipit, vt sui cuiusque districtus, Clericorum bonæ vitæ, famæ, & literaturæ notitiam, per singulos annos ad ipsum secretò mittant: vt & aliorum qui publicis præsertim peccatis, & scandalis indulgerent.

Cùm in aliquo bonitas & disciplina, cum scientia mediocri; in alio verò scientia sine ijs dotibus præstaret, bonum, disciplinatumque docto, dissolutò præferebat; affirmans, vt quemadmodum scientia sinè disciplina præstans, malo suo exemplo, quidquid docet, destruit: sic boni viri, etsi minùs eruditi, bonum exemplum, & piam sedulitatem, tanto ampliùs ad ædificationem valere, quantum præstant scientiæ, pietas, & præceptis exempla, morumque innocentia, & bonitas, ad obtinendum sibi, subiectoque populo auxilia diuina, & fructus spiritus. Nam inflata, garrulaque doctrina, vt semen in aridam petram proiectum arefcit, si pie-

si pietatis rore non irrigatur; pietas autem ad omnia utilis est. Eaque fuit sententia Thuribij.

Quanquàm autem à conferendis sacris Ordinibus, ideò quandoque abstinebat, quòd, non nisi doctrina, morumque maturitate probatissimis viris eos conferri debere censeret, In alijs tamen Pontificalis mitræ functionibus, pro omni occasione frequentissimus, & sedulus erat, tùm ob Ecclesiarum & populi necessitates, tùm vt Indi paritèr, & Hispani sacris, & mysticis Ecclesiæ Romanæ ritibus assuescerent, in eorumque maiestate, pijsissimisque sensibus edificarentur: quos ipse; quoties operandum fuit, graui sermone, & vtriusque gentis idiomate vernaculo, explicabat, & statim oculis exhibebat. Exhibebat autem tanta reuerentia, & pietate attentionis, tanta modestia & grauitate actionis, tanto seruire deuotionis, ac diligentia, vt alij cum in hoc opere alijsque muneribus Pontificijs S. Petro Apostolo, alij S. Ambrosio, alijsque sanctissimo huius in Ecclesia Mediolanensi successori, Carolo Boromeo comparare non vererentur.

Quanquam enim Thuribius in communi conuersatione vrbanus, comis, & humillimus esset; Pontificalibus tamen insignibus ornatus, siuè in eiusdem dignitatis proprijs actionibus, siue diuinis officijs in choro, vel sacris supplicationibus in foro occupatus, autoritatè suam magna grauitate apud homines, mira que apud Deum animi summissio-

ne;

ne ; spectata modestia , membrorumque compositione , & omnium actionum , gestuumque disciplina sustinebat . Nihil, turgidum aut inane, nihil elatum aut vile, temerarium & leue nihil in sacra pompa præ se ferebat . Indè factum, vt spectatores, ijque graues viri dicere solerent, se nunquàm vidisse Pontificem, qui tùm dignitatem suam, tùm sanctitatem rituum plenius , pulchriùsque representaret : aut ijs etiam , qui eius verba vel non audirent , vel non intelligerent , per mutam ipsam actionem efficacius prædicaret , & aspicientium animos ad attentionem attraheret , & præcordia ad pietatem commoueret .

Cùmque non rarò eueniat , vt , vel sese compri-
mentis populi tumultus , clamoresque, etiam sacrorum ministros distrahant ; vel simplicium rudibus responsis , aut sinistris actionibus ad risum concitentur : Thuribus tamen , nec oculos ab ijs quæ agebat , nec aures ad rumores arrigere , nec vilo quantumlibet ridiculo verbo , vel facto moueri , vel iocosum , aut vanum verbum proferre , multo minùs inter sacra ridere , vel indignari visus est ; tanquàm in Deum totus absorptus nihil eorum , quæ fiebant , vel vidisset , vel audisset : sed solum Deum præ oculis habere , sacra actionis perfectioni intendere , & eius mysteria profundè meditari . Simplicium , & rudium , qui accedebant , errorum correctionem , & directionem ignorantia , probatissimis quos adhibebat ministris relinquere : qui & ipsi Sancti Antistitis pia seueritate coerciti ,

ad parem sacrorum reuerentiam componebantur.

In ritualibus Ecclesiæ Romanæ libris, Missali, Breuiario, & Pontificali, præsertim a B. Pio V. Pont. tunc recentè euulgatis, adeò versatus erat, vt nihil vnquàm eorum, quæ præscribunt, verbo, vel actione transgredi, vel omittere, aut in aliquo cespitare visus sit. Eorumque sedulam obseruantiam à Clericis omnibus districtè requirebat, omni veteri abusu, & antiqua consuetudine prorsus eliminata.

C A P V T XXXI.

Alij Pontificij labores, absque ullo temporali emolumento.

HAc ratione Sanctus noster Archiepiscopus Mogronejus Pontificalia munia, per totam suam, tunc amplissimam Diocesim, inter tot itinerum, aliorumque laborum, & periculorum incommoda, incessantè, indefessèque exercebat. Præter numerosam vtriusque Cleri Sacerdotum, Clericorumque multitudinem, quatuor Pontifices consecrauit, Alphonsum à Bonilla Mexicanorum Archiepiscopus; Bartolomeum Martinezium Episcopum Panamensem, postea S. Fidei noui regni Granatensis Metropolitam: Ioannem à Rocca Episcopum Popayanum: & Fr. Reginaldum à Lis-

Lissaraga, Ecclesiæ Imperialis in Regno Chilensi Episcopum. Multas etiam Ecclesias, & sacella: sed nominatim (quarum consecrationi author nos-ter interfuit) parochiales oppidorum Aturgaij, Sancti Ludouici Macatensis, Sanctanensem, Pal-lascanam, & Pamposensem apud Choncucho. Præterea portatiles aras numero sexies mille maio-ri, sacra vasa, vestimenta, campanæ, cruces, ima-gines, aliaque Ecclesiarum ornamenta, & omni-gena sacra supellex ab ipso benedicta, sic supera-uit numerum, vt nemo illum inierit. Sacrum ole-um, & chrisma consecrare quotannis, in vrbe, vel ruri nunquam omisit, præterquam eo die cœnæ Domini, quo sacrandus ipse ad cœlitum sedes, cor-pore mortalibus relicto, euectus est. Mortis tamen diu antè præsciis, illius diei sacras functiones Qui-teni Episcopo commendauit.

Sed ipse Archiepiscopus, quoties id consecrabat, reliquas Sanctissimæ diei cæremonias non ommit-tebat. Diuinis Officijs in templo summa cura, & pietate interesse, summum sacrum ipse cantare; Sanctissimum Corpus Christi Romano ritu, Sacer-dotibus ad custodiam, & cultum adhibitis, popu-lorum venerationi in sepulchro, seu ara ad id or-nata deponere, excubare ipse, duodecim pauperi-bus tot indumenta donare, lautam mensam appo-nere, & ipse ieiunus humiliter ipsis ministrare. In templo deindè super eodem tabulato, in quo Chris-ma consecerat, singulorum pedes flexis coram ge-

nibus ablucere, & tanquàm Christi membra suauiter osculari, manusque argenteis, vel aureis muneribus ditare. Hoc verò humilitatis charitatisque exercitium preueniebat per se, vel per alium, qui eius arcana mysteria, Christi exemplo illustria, pro concione explicabat. Ea denique cuncta obseruabat, quæ prius in Ecclesiæ Limensis Regula consueti, huius diei solemnitati præscripsit.

Omnium huiusmodi functionum Thuribio frequentissima, & penè perpetua fuit, ministratio Sacramenti Confirmationis, antè ipsum in Peruvia adeò neglecta, vt non rari reperirentur decrepiti senes iam olim baptizati, qui Sacramento Chrismatitis nunquàm in fide confirmati fuerunt. Pro varijs temporum differentijs, alij pauciora, alij plura centena millia baptizatorum Sacro Chrismate per Thuribium inunctorum fuisse referunt. Ipse sanè ad Rom. Pontificem scribens, plures quàm sexcenta millia numerat: sed hoc multis annis antequam obierit, vt non sine causa & ratione, alij octingenta millia: certe Gabriel de Zarate, vir Illustris, ordinis Prædicatorum, Episcopus Guamanganus, in actis Canonizationis Mogroueji interrogatus, censuerit numerum à Thuribio Archiepiscopo per manus impositionem confirmatorum, faciliè superasse decies centena millia, seu vnum, vt vocant, millionem. Et Doctor Ioannes Lopez Bejaranus, eum numerum superasse affirmat; eaque ratione confirmat, quòd in solis illis regionibus à Thuribio
lus-

lustratis , quas nullus Episcopus ante ipsum viderat , fuerint vno millione plures Indi , quorum neminem non vnctum sacro Chrismate reliquerat .

In eo numero eminentem locum adepta est , corporis , & animę candore liliata Rosa illa Limensis , cuius pudicitię candorem , & purpureas spinas , præuidens Mogrouejus , Rosę nomen illi imposuit , de quo quispiam cecinit .

*Litem auia , & mater renouant , qui virgo vocetur :
Thuribius scindit : iure puella Rosa est .*

Conferendi autem hoc Sacramentum ratio fuit , vt primùm in tanta initiandorum multitudine non permiserit , vt vnus patrinus vltra quinque confirmandos ad Sacramentum leuaret ; isque singulorum capita manu fortiter premeret , fortassis , vt meliùs recordarentur . Cætera verò omnia ad Romani Pontificalis amussim perficiebat .

Inaudiuit Indorum aliquos , quòd olim viderint ministros cuiusdam Episcopi , strophiola , seu fascias , quibus vnctorum frontes obligantur , & cæreas candelas ab initiandis exigere , eaque , re facta peracta , ad seipsos colligere , à Sacramento suscipiendo propterea deterreri ; nè scilicet inopes ipsi talia sibi comparare cogerentur . Quapropter Beatus Thuribius , quemadmodum priùs in prouinciali synodo decreuit , vt Episcopi ipsi confirmandis Indis , cereos , & lintea ministrarent , hoc decre-

decretum, quocumque ipse confirmatum veniebat, voce præconis publicari curabat: & circumferebat magnum cereorum pondus, & candidæ telæ multas mensuras; ijsque consumptis, tantundem Lima toties, quoties adsciscebatur.

Si quis Indus fasciam, vel candelam adferret; ea domum iterum referre iuebatur. Quæ verò ab Hispanis dabantur, ipsorum prius petita venia, vel Indis donabat Archiepiscopus, vel relinquebat templis, in quibus actio sacra celebrabatur. His largitionibus, & expensis comparatarum, contributorumque candelarum, ac telæ aliquot millia pondo deciderunt compendio Thuribij: & in quibus alij quandoque ditantur, ille depauperabatur: Eoque aliquando deductus est, ut dum Limana prouisio tempestiuè non adueniret, multos eadem candela confirmari oportuerit, & eius sacellani visi sint fascias ad fluuium lauare, ut pluribus confirmandis per vices suppeterent. Id tamen maluit zelantissimus Antistes, quam ut vnus Indus Sacramento careret, vel, ut in Sacramenti ministerio, etiam pusilli, aliqua lucri specie scandalizari possent.

Immo verò cum Indi, seu Hispani in vlla Pontificali actione quidquam, vel pecuniæ, vel alterius rei, etiam honoris, & humanitatis nomine offerrent, ille nunquam acceptauit: quin potius, cum aliqui vel ignorantia moris ipsius, vel affectu amoris, & reuerentiæ, aliquantum in offerendo im-
por-

portuni viderentur; edicto publico vetuit; ne quis sibi ampliùs in ijs functionibus audeat, quidquam offerre. Et quidem ab Episcopis, quos consecrauit, tantum abfuit, vt acciperet dona, vt nè prandere quidem cum ipsorum vllo, etiam in domibus religiosiis voluerit, præter vnum, cui instantissimè oranti respondit, se consensurum, modo domi suæ in Archiepiscopali palatio Episcopus prandere vellet; quo ad ipsum ampliùs honorandum, Thuri-
buis etiàm Cathedralis Ecclesiæ Canonicos tùm ad mensam conuocauit, & suis proprijs sumptibus lautè excepit. Nèc aliam, vel datì, vel accepti publici conuiuij mentionem in tota ipsius vita reperio.

Vt ad Confirmationem redeamus, in eo opere adeò deuotus, diligensque fuit, vt aliquandò è templo domum tanquàm pransurus reuertens, in cubiculum, vt aliud acturus, secederet, ac dùm cæteri pranderent, nè ipse populum in crastinum detineret, vel non ieiunus à prandio, sacræ huic rei operaretur, ad Ecclesiam cum vno solo, reliquis intcijs, rediret, & vsque ad occasum solis, illis à prandio sequentibus, non rarò continuaret ministerium. Cùmque nemo se ampliùs confirmandum offerret, publicè, priuatimque inquirebat, nùm in tota paræcia quisquam initiandus superesset. Et si vel distantia loci, vel accedendi periculo, seu difficultate, vel morbo, vel alia quauis causa, quenquam impeditum resciret, etsi vel vnicus esset,
con-

contempta omni difficultate, & periculo, eum è vestigio, & ieiunus adibat, & examinatum, instructumque confirmabat. Cuius Pastoralis Beati viri sollicitudinis, cùm multa iam exempla inter eius labores dederimus, reliquis superfedere visum, nè lectori tedium sui multitudine pariant.

C A P V T XXXII.

Beati Thuribij in Indos paterna charitas. Reddita illis quies, & christiana libertas;

QVo tempore Beatus Thuribius Limanum Pontificium adiuit, miserrima fuit Peruuianorum indigenarum conditio; eoque tùm deuenit malum, vt maxima pars Indorum varijs calamitatibus consumpta penitus fuerit, & vix tertia circiter gentis prius infinitæ superesset, eaque eisdem calamitatibus afflictissima: Vnde fiebat, vt multi desertis pagis, oppidisque, & quod lamentabilius, neglecta, quam olim deuoto animo suscipiebant, religione Christiana, ad nemora, montes, & valles, confugerent, sparsimque in tugurijs, & specubus absconditi, belluinam propemodùm vitam viuentes, ad pristinae superstitionis ritus, maiori securitate reuertebantur.

Alij tanquàm cæterorum speculatores, arreptis armis, fluminum ripas, inaccessas valles, & montium cacumina turmatim occupabant; prædis, & ho-

homicidijs intenti. Nec religiosorum hominum quenquam, quantumvis ipsis venerabilem, dilectumque audire volebant, qui de reditu ad Sacramentorum, doctrinæ uè usum, aut cultiora loca, vel advenarum consortium verba faceret. Aded ingeneratum erat ipsorum animis propriæ vitæ tedium, & ex paucorum opprimentium iniquitate, odium vniuersæ gentis, & Christianæ religionis contemptus. Nam quod neophiti essent, & parùm in arcana fidei doctrina versati, cum quod credebant non viderent, fortiùs eos mouebant quibus premebantur grauiùs. Vt non sine causa Christus Dominus noster mali exempli scelus graui maledicto mulcasset, vñ homini illi per quem scandalum venit.

Desolabatur terra, nèc vllus erat in remanentibus agrorum cultus, vel industriæ aut laboris fructus, qui in priuatorum, prauorumque hominum compendium, non inferretur. Iusta Regum vectigalia, & Sacra Templorum iura, cultus terræ neglectu, & varijs inferiorum præfectorum dolis, & violentia defraudabantur. Et quod grauius est multigena in Deum scelera, ab asilictis pariter, & affligentibus patrabantur. Quæ, & regijs edictis, & Archiepiscopi Thuribij constitutionibus, (et si his moderatiùs) fasus explicantur.

Frequentes enim, & graues de his malis querelæ, eæque perpetuæ ab initio expugnationis eorum regnorum deferebantur ad Romanum Pontificem,

Limæ Limacæ
pag. 338.

& catholicos Reges per Seruos Dei, & salutis animarum Zelatores, quibus id, ipsorum Regum præceptis incumbere. Atque Paulus III. Pontifex anno 1537. per Apostolicam constitutionem, quam nos alibi descripsimus: & omnes successiuè Catholici Castellæ Reges perpetuis, suis, & Peruianorum Proregum edictis, ac Madritensis, Limanique regionum Senatum consultis damnabant, & grauissimarum pœnarum comminatione prohibebant excessus; vt. miserorum, conseruationi, quieti, & personarum, rerumque indemnitati, & christianæ libertati satis prospectum videretur.

Nihilominus, vel bellici furoris iniuria, vel ministrorum, ad quos mandata mittebantur, negligentia, vel supprimentium, & opprimentium contumacia, nihil proficiebant edicta. Vt Philippus II. Rex in litteris ad Thuriibium, amaro corde deplorat, & grauissimè queritur, datis Vlisiponæ: 27. Martij 1582. non integro anno postquam Archiepiscopus Limam intrauerat, obstricta ipsius candida conscientia, vt apud regios ministros quolibet, quorum interesset malis prospicere, prouinciarum Rectores, & iustitiæ præfectos, quibus Rex eadem etiam tum præceperat, suæ Maiestatis nomine, & autoritate, sollicitè, instanterque ageret, & regia sua, & præcessorum Regum imperia, circa Indorum indemnitem tutelamque, executionem, & integros effectus obtinerent: Serio: etiam iniungens, vt eandem regiam Maiestatem de profectu de-

defectuque ; ea qua Thuribius pollebat animi sinceritate , zeloque , certiozem facere .

Verùm Beatus Thuribius, qui eo vel maximè Archiepiscopatum suscipere persuasus est, vt Indorum calamitates, pecunia sua, & Archiepiscopali auctoritate subleuare posset, nullis eiusmodi stimulis opus habuit vltra propriam pietatem, iustitiæ zelum, & pastoralem paternamque Indorum diligentiam, vt omnia afflictissimæ gentis conseruationi & solatio necessaria, & opportuna prouideret. Nèc postremus visitationum eius fructus, aut cura fuit, vt ipsorum conditionem perdisceret, propriisque cerneret oculis, & auribus exciperet, eorumque, vt ipse loquitur, spiritualibus, corporalibus, ac temporalibus damnis efficacia remedia poneret. Sed malorum authores excusabant seipsos, quòd Indi Barbari, atque adeò non tantum ciuilis disciplinæ, sed & christianæ doctrinæ inepti, & incapaces essent, ac propterea, non vt liberos homines, sed vt mancipia, & ferè tanquam iumenta tractari deberent.

Poterat hoc equidem error intellectus esse : & inde, saltem ab initio, prouenire ; quod alteri alteros, nec lingua, nec moribus caperent ; atque adeò, quod Paulus Apostolus aduertit : si nesciero virtutem vocis, Ero, & cui loquor, Barbarus, & qui loquitur, mihi, barbarus. Nèc est quod animorum auersionem prouocet magis, quàm disparitas morum. At huic excusationi fortiter obstitit,

1-Cor. 14.

tum Pauli Pontificis declaratoria, & præceptoria constitutio, tum Regum, Senatumque decreta, tum rerum magistra, impalliabilis experientia, per quam constabat, Indos etiam infimi ordinis, & capescendo doctrinam, & quam non prius audierant, linguam, ingeniosos esse, & manuum artibus elegantes, & in omnibus, quæ oppressores imperabant, operibus accuratos; testimonium etiam perhibentibus, & perpetuo patrocínio clamantibus religiosi viris, qui & pueros in scholis, & prouectos in templis exercebant; nec ullam esse ciuilem disciplinam, quam instructione, & vsu non assequerentur; Si quietè, ciuilerque viuere permissum esset.

1. Tim. 6.

Hæc solerti inquisitione altius fodiens, palam detexit Archiepiscopus Mogroueius, & certum hic reperit, quod scriptum est, & Paulus Pontifex verbo tetigit; quia radix omnium malorum est cupiditas, seu sacra illa, ut poetæ placuit, aut veriùs execrabilis auri fames. Hæc enim lapis offensio- nis, & petra scandali fuit: dum Indorum proximi dominatores aliqui, non facultates tantum subditorum, sed & laborem omnem, omnemque industriam, & ipsa corpora in sua lucra conuerterent, absque vlla cura, quin potiùs cum patenti impedimento salutis animarum, & enormi damno sacræ, ciuilibque republicæ. Hinc enim exacerbati Indorum animi, & inter vtramque gentem contemptus, mutuum odium, & abominatio: dum Indi ex moribus

ribus paucorum , quos solos nouerant , vniuersum aduenarum nomen iudicarent , & christianam religionem despicerent , quæ , vt ipsi falsò conceperant , tales mores per mittebat .

In his verò maximè deprehensi sunt pauci quidam eorum , quos commendatores Indorum vocant . Sed inter presbiteros , etiam non defuerunt aliqui , qui in eiusmodi miserandorum oppressione cum seculi hominibus concertabant : Cuncta , tum in Hispania , tum Limæ Thuribius inaudiebat ; præsertim in visitatione Diœcesis , vbi solertè inuestigabat , certioribusque documentis , & clara rerum experientia , percalluit vniuersa . Et , qua pollebat prudentia , & animi moderatione , conseruabat omnia in corde suo , & remedia sedulò meditabatur . Sed ne ex animi impetu quidquam innouare videretur , quo magis irritantur transgressores , quàm emandantur excessus ; cùm reperisset clericorum , aliorumque auaritiam , in priorum agrorum , & vinearum cultu , in alendis , augendisque armentis , & gregibus , vel onerarijs iumentis : & , quod in clericis turpiùs videbatur , in mechanicarum artium lucratiuis opificijs , & negotiationibus exerceri : in quibus Indos magis , quàm in animarum cura angariabant : vt a clericis initium fumeret voluit , vt iidem ipsi malorum authores , sui ipsorum iudices , & aduersarum legum latores essent , vt quas ipsi constituerent , nulla iusta ratione deinceps reprehendere possent .

Per-

Perspicuus ergo prudentissimus præsul Thuri-
 bius, omnem operam, industriamque perditam
 iri, si securis ad hanc radicem non apponeretur.
 Cum per decem tum menses, et exceperet quære-
 las, et remedium animo conceperet, coacta prima
 dicecesana Synodo, in Vrbe Lima, decima die
 Mensis Martij anno 1582. decimo septimo die,
 priusquam Philippi Regis litteræ scriptæ fuissent,
 inter alia, quæ pro cultu diuino, pro reformatione
 cleri, et fidei propagatione constituit; etiam pro
 Indorum quiete et libertate decreuit, præcepitque
 communi Synodaliū omnium voluntate; vt cle-
 rici, qui in Indorum doctrinis fuerint, prædia, mer-
 cimonias, aut negotiationes, siue in vineis, siue in
 segetibus, vel armentis, aut alijs rebus, nec per se
 nec per interpositas personas exerceant, sub pæna
 amissionis, tam fundi, quam fructus: Neque cle-
 ricus ullus, cuiuscumque qualitatis, vel conditio-
 nis fuerit, habeat artium opificia, sub pæna amif-
 sionis instrumentorum, et operum, pannique, et
 lanæ, quæ in eis opificinis reperirentur, vel quæ
 per possessorem venderentur, intra triennium ab
 ipso Archiepiscopo designandum. Itemque ne
 clericus quisquam Urbis, aut agri, in sacris consti-
 tutus cuiuscumque status, vel conditionis existat,
 habeat Aethyopes, seu Nigros aut Nigras, ad
 lucrandum pecunias, sub pæna perdendi omne id,
 quod eiusmodi Nigri lucraturi erant, et insuper
 quinquaginta argenteos, quos pesos vacant, pro
 quo-

quolibet Nigro, vel Nigra, quos ad id genus lucri habuerit.

Quinto mense post hanc Synodum, coire cepit primum concilium prouinciale Limanum. Et quia Thuribius didicit, non in sua tantum Archidiecepsi, sed in suffraganeis etiam serpere hæc mala; remedium in sua diecesi iam positum, patribus in concilio proposuit: atque adeo cunctis placuit, ac necessarium omnino visum est; vt ultra temporales poenas, etiam excommunicationis sententiam ipso facto incurrendam, transgressuris, per vniuersam prouinciã, clericis adiunxerint: & quæstus ipsius actus, & modos singulariùs expresserint: statuentes insuper, vt, si clericorum quispiam, percutiendo, maledicendo, aut aliàs, quoquomodo, Indum aliquem læderet, is seueræ inquisitioni, & vindictæ subiaceat. Clericos perinde proprii saltem districtus, pluribus dicecesanarum Synodorum decretis, eodemum adduxit Beatus Thuribius, vt nec animalia alere possent ultra certum numerum, qui necessariæ ipsorum equitationi, & carnibus propriæ mensæ suppeditandis sufficere videbatur; nec vllam prorsus mercaturam, vel negotiationem cum Indis, vel cum alijs etiam per Indos tractarent. Et si quid ab eis emere necessum foret, iustum, integrumque pretium illicò persoluerent.

Sed quoniam longè grauiora, & perpetua detrimenta, innocenti, & imbecillo indorum populo, ab oppidorum præfectis inferebantur; quæ etiam ani-

animarum saluti , & catholicæ fidei progressibus , eo perniciosius afficiebant , quo illis tanquam iustitiæ ministris , & potestatem habentibus nemo resistere non timebat . Prouinciæ sacri præfules , in consilio prouinciali Limano in Spiritu Sancto congregati , graui imprimis & pia hortatione, Indorum mansuetudinem , perpetuum seruiendi laborem , naturalem obedientiam , & subiectionem adeò commendarunt , vt quosuis homines quantumuis feros mouere iure possit ; vt eos defendendos potius arbitrentur , quàm improborum prædam esse paterentur , ac propterea orant in Christo , & admonuerunt omnes Magistratus , & Principes , vt ijs benignos se præbeant ; Suorum ministrorum , cum opus esset , insolentiam refrænent , Indosque catholicæ Maiestatis fidei commissos , & subditos , liberos certè non seruos agnoscant .

Quia tamen Thuribius eiusmodi monita , vel minùs curari , vel à ministris non obseruari cerne-
ret , eosdem per alia diocesinarum Synodorum decreta , nouis hortatibus iustisque minis compescuit , & excéssuum iudices , vindicesque constituit , in locis ipsis vbique præfentes , Vicarios suos foraneos , iudicesque ecclesiasticos , & populorum parrochos , delegata illis , & eorum singulis , omni potestate sua , ad procedendum ex iuris norma , & omni rigore , contra seculares transgressores , vsq; ad censuras Ecclesiasticas , earumque incurfus legitimam declarationem , reseruata sibi deinceps earum abso-

absolutione. Eisdem vicarijs, iudicibus, & parochis in virtute obedientiæ, & sub pœna pecuniaria, & officiorum, parochiarumq; priuationis, præcipiendo, vt omnia seriò, & fideliter exequantur. Nè verò hi ipsi vlla ratione negligentes forent, præcepit etiam suis per diœcesim visitatoribus, vt peculiarem curam gerant eos in hoc onerandi. Quod & ipse in perpetuis fermè visitationibus discurrens indispensabiliter faciebat.

Hoc ergo nunquàm satis laudato Thuribij Archiepiscopi studio, Sanctissimoque inuento, & efficacissimo, vniceque necessario malorum remedio factum est, vt hydra illa avaritiæ, in sacræ pariter, & ciuilis reipublicæ exterminium nata, vnico hoc ictu, in imo collo percussa, omnia simul capita decussisset. Et quantum ad clerum attinet omninò perierit: & quoad seculares, illa saltem Indorum scandala, & ingentia vtriusque reipublicæ detrimenta sublata sint. Legumque Thuribianarum acri, & instantissima executione, transgressores ad frugem reducti, & pauci, qui supererant Indi, tam profugorum reductione, quàm disperforum adductione, & quieti ciuilique prœlium educatione multiplicati sint: quo & oppida plura, & frequentior vberimæ glebæ cultus, & ciuiliū artium omnium vsus maior; vnde clericorum census in immensum creuerunt, per honesta, & legitima lucra, vltra id, quod isti, turpi et intolerando avaritiæ questu ante percipiebant, cum summa Dei et hominum offen-

tione. Et vatinianum Indorum odium in Hispanicum & Christianum omne nomen, in iucundam familiaritatem, ciuile commercium, fraternam charitatem & amicitiam; & abominatio, in mutuum solatium conuersa sint. Ac demum quod caput est libero doctrinæ, & Sacramentorum vsu, diuinarumque, & humanarum legum obseruantia, ex Indis & Hispanis factum est vnum ouile sub vno Thuribio, & successore, quocumque Præfule pastore, & sub vno Rege populus vnus, vtriusque deinceps timore, & amore filiali affectus.

C A P V T XXXIII.

Alia Indorum amota molestia. Alia eisdem collata beneficia.

INter Indorum grauamina, alijs non minus molestum fuit, quod cum illi pro sua pietate, ex ipsa rerum penuria, quam patiebantur, liberas pecuniarum collectas facerent, & alia bona sua, vel dono, vel testamento tribuerent; vt ipsorum ecclesijs, sacellis, xenodochijs, alijsque pijs operibus, & pauperum Indorum subsidijs inseruirent: dum tamen hæc in potentiorum, seu generalium depositariorum manus venissent, isti tùm ea, tùm communiatum aliorum Indorum census detinentes, in propria lucra conuerterent, negato cuilibet, cum summæ principalis, tùm fructuum inde pro-

ue-

uenientium omni ratiocinio, quod propria potentia iniuste sibi vindicabant. Verum Beatus Thurbius, qui nihil sui muneris negligebat, & omnia eius officia sic prestabat, vt singulis singulariter intentus videretur, inuestigabat, inquirebatq; singula, eaque præcipue, quæ ad ecclesiarum iura, Indorumque libertatem, & solamina conferebant, singulisque meditabatur, & constituerebat optima & amplissima remedia. Vt huic ergo, grandi sanè malo mederetur, Synodali decreto cauit; vt ipsius per prouinciam visitatores, iuxta Sacri Concilij Tridentini Sancita, cunctorum rationes exigenter compellerentque reddi: atque, vt res ipsæ & pecuniæ, & vtrarumque fructus omnes in eos vsus conuerti curarent, ad quos per donatores, & contribuentium liberas voluntates destinata fuerunt.

Erant etiàm presbiterorum aliqui, qui decedentium Indorum bona sibi vsurpabant, eo saltem pretextu, vt quintam eorum partem, pro defunctorum æterna requie distribuerent. Sed Sanctus Antistes, concilij, suæque autoritate declarauit, non ad Sacerdotes, sed ad ipsorum decedentium liberam dispositionem, vel ad hæredes ab intestato succedentes pertinere, quid, & quantum pro animarum suffragijs pendendum foret, decernere. Atque adeò districte prohibuit, nè parochi, etiam eo pietatis obtentu, partem aliquam bonorum eiusmodi vsurpare sibi præsumant.

Id quoque seu lege, seu consuetudine inuāluit,

vt Indorum personæ per distributiones, quas *mitas* vocant, ad seruiendum, pro tali, totve diebus, in obsequijs commendatariorum; vel secularium communitatum, aut, etiã ecclesiarum, aut cœnobiorum Hispaniorum destinari deberent: quod ex veteri ipsorum Indorum inter se vsu dimanasse mecum fortassis opinabitur, qui ipsorum priscos agriculturæ ritus apud Garcilassum legerit. At quoniam huiusmodi mitarum conductores, vt Indos certa hora, locoque collectos, inuenirent, illas faciebant diebus horisque doctrinæ, & festiuis, cùm Indorum populus è templis exibat; vel cùm eidem doctrinæ, diuinisque officijs, & Missis intererant: quo fiebat, vt Indi sibi cauentes, non solum, non frequentarent Ecclesias; Sed non pauci etiam desertæ loca peterent, in quibus quandòque per vnum, aut plures annos, sine sacris morabantur, & moriebantur sine Sacramentis.

Vigilantissimus eradicandis malorum causis. Thuribius, vt tanto salutis animarum periculo prouideret, districtè præcepit, ne eiusmodi mitæ, seu personarum distributiones, in populi ad ecclesias concursu, nec festiuis diebus vllatenus fierent. Sed et adeò perspicax erat hic oculatissimus Præsul, in indagando modos reducendi in plenam et absolutam fidelium subditorum libertatem, suæ gregis Indos, vt etiam sancierit: nè doctrinarum parochi, vel magistri scholarum, Indorum filios, in suo seruitio, vel momentum detinerent; sed finita doctrina,

na, seu lectione, domum illicò dimitterent; vt parentibus inferuire possent: præcipiens omnibus id genus paruulorum præfectis, vt potius ipsi inculcare studeant, eos diuino præcepto obstrictos esse, parentibus suis quemlibet, obedientiam, reuerentiam, et auxilium exhibere.

Nonnulli etiam AEthyopum, seu Nigrorum seruorum Domini, tum contrahere matrimonia, tum contractis vti, eisdem non permittebant. Alij vxores maritis auferebant, quòd alibi, quàm vbi mariti domicilium haberent, natæ fuissent; atque adeò in locis natalitijs habitare, et seruire deberent. Sed hæc fieri seuerè Thuribius prohibuit; quòd naturalis matrimonij lex, per humanæ potentiae legem seruitutis abrogari non debeat; et multo magis inter liberos, cum quos Deus coniunxit, homo separare non possit.

Marc. 10.

His modis et medijs reddita Indorum populis, tanquàm fidelibus Catholicorum Regum subditis, Christi que Redemptoris, ac suis Archiepiscopi ouibus, suæque curæ per Christum commissis, Christiana libertate, rerumque et personarum securitate restituta; Non repeto quæ ante dixi, quantis laboribus, et præsentibus vitæ periculis, ipse se obijciebat venenatis profugum telis, et acutissimis clauis, quos *machanas* vocant, vt ipsos ad derelicta loca reduceret, aliosque dispersos, in pagos et oppida colligeret; vt ciuile commercium, et hominum rerumque cultum inirent, maiori que suo, et

mi-

ministrorum commodo doctrinam & Sacramenta Saluti necessaria, in omni occasione præstò semper in promptu haberent. Nec dico, quanto studio, & solitudine apud Reges, eorumque ministros agendum ipsi fuerit, ut omnia ad optatum exitum perducta, perpetua, firma, & inuiolata permanerent.

Nec sanè mirum fuit, si Reges, ut iusti & catholici Principes, sanctissimis ipsius institutis, ipsis quoque utilissimis fauissent, cum ceteratissimi Barbarorum animi ad ipsius conspectum emolirentur, & mitescerent; dum corporeis oculis conspicerent Dei, & ipsorum charitate micantem eius vultum, tanquam vultum Angeli stantis inter ipsos; seseque, sua arma, uxores, filios, & fortunas, ipsius arbitrio, et protectioni submitterent, committerentque certò agnitæ pastoralis, et paternæ ipsius curæ; non aliter, quam Christo, quem imitabatur, Apostoli seipsos, cum vel verbo vocabantur: Veni, sequere me. Erant enim hæc ipsius filij Dei, et Redemptoris nostri generis, opera; qui in Euangelio promisit sectatores suos facturos miracula, quæ ipse faciebat, et maiora horum facturos. Et verè Thuribius ita existimabat, qui nihil unquam suis, vel studijs, vel meritis attribuebat, Deum semper et iubentem, et perficientem præ oculis habens, et S. Augustini iacula in cælum vibrare solitus: Domine, iube quod vis, et da quod iubes.

Matth. 19.

. Ioan. 14.

Ve-

Verùm cum hæc omnia, & alia quæcumque id genus pastoralis curæ, & vigilantie suæ Archiepiscopalis oneris debita reputaret, atque ad eò ad conscientiam exonerandam omninò necessaria. Sed ardentiſſimæ ipsius charitati hæudquaquam ſufficere viſa ſunt. Neque enim paſtorali officio ſuo ſatiſfactum exiſtimabat, quòd oues a lupis deſendiſſet, & ab omni aduerſo incurſu ſecuros conſeruafſet, niſi corporibus animabusque paſcendis prouideret. Conſiderans ergo, ad quantam egeſtatem Indiæ ſuæ meridionalis indigenæ reducti fuiſſent; vt ei malò mederetur, non modo ſuſſiſſimis propriæ pecuniæ largitionibus, de quibus alibi nobis mox agendum erit, id effecit; Sed & parochos vniuerſos obſtrictos eſſe voluit, vt ſingulis diebus Dominicis, & feſtiuis pro pauperibus Indis, ipſorum curæ paſtoralis, eleemoſynas petant, & collectas eiſdem diſtribuant; præſentibus ipſorum Indorum Caciquis & primarijs viris. Quod vt fidelitè præſtitum conſtaret; ſtatuit etiam, vt acceptæ, & elargitæ pecuniæ, dies menſis, & annus, in peculiari libro ad id ſeruando fidelitè deſcriberentur, prænam tranſgreſſoribus comminatus.

Hinc etiam iura ſibi ipſi, alijsque Præſulibus, & Sacramentorum, iuſtitieque miniſtris, ex diuinis legibus Eccleſiæque vniuerſalis iuſta conſuetudine cæteroquè debita, vt qui altari deſeruiunt; cum altari participant, & iuxta S. Pauli ſententiã; qui ſeminant ſpiritualia, temporalia ſuæ ſuſtentationis congrua

2^a Cor. 9.

grua metant, Indorum paupertati & fidei nondum firmæ condonauit. Etenim oûm adhuc neophyti, in Dei atque Ecclesiæ legibus rudes, ac debiles essent; nè minima eos suspicio, tanquàm paruulos, conturbaret, quòd eiusmodi sacra ministeria, temporalis lucri potius, quàm ipsorum æternæ salutis causa præstarentur: Statuit imprimis per communem aliorum Antistitum, presbiterorumque consensum, vt in Sacramento Confirmationis Indis conferendo, nulla ratione quidquam pecuniæ, vel argenti ab eis petatur, aut vt offerant inducantur. Quin etiam, qui præ inopia, candelas, aut vngendorum capitum linea ligamina adferre non possent, ea ipsi ab Episcopis benignè conferantur: atque à presbiteris in matrimonio & baptisinate celebrandis arrhæ, vella, capuciola; & si quid amplius eiusmodi. Quæ quàm seuerè seruauerit ipse Thuribius, quantaque rei suæ familiaris diminutione, iam ante fusiùs narrauimus:

Vniuersim deindè, per authoritatem Concilij suamque, sub quadruplici restitutionis mulctâ, in ipsos Indos faciendæ interdixit, ne pro vllò Sacramentorum vsu, vel Sacramentalium administratione, neque pro sepulturæ cuiusuis apertione Sacerdotes ab eisdem Indis quidquam exigere, vel accipere possint: declarans, nullam consuetudinem contrariam, tanquàm laudabilem, allegari posse, quæ potius, inquit, abusus nuncupari debet, considerata, vt ego ex ipsis decretis colligo,

In-

Indorum conditione. Quæ tam moderatè præscribunt, vt eos Indos excipiant, qui inter Hispanos. seu in Hispanorum Ciuitatibus, oppidisque habitant; quique in fide instructiores sunt, & Hispanorum vsum affectant: quibus proinde laudabiles eorum consuetudines, in sepulturis, & alijs sequi liberum relinquunt. Sed neque ad oblationes faciendas, in Missa, vel aliàs, Indos cogi, districtè prohibuit; quò potius fieret, vt, si quis offerre vellet, intelligat, id quidem pium & meritorium esse, sed tamen prorsus liberum, vel facere, vel non facere.

CAPVT XXXIV.

Alia multa Indorum solatio, & reipublicæ commodo constituta.

EXactiones ministrorum iustitiæ, Indorum gentis inopiæ graues esse perpendens, constituit primùm, vt Iudices & Notarij non accipiant ab Indis ea emolumenta, quæ ab alijs iure accipere solent, pro vlla re quam pro ipsis expediant, siue prouisiones sint, siue legum dispensationes, vel tituli, seu patentes litteræ fiscalium, aut aliud quodcumque, sub pœna duplicis, eisdem Indis refundendi, alijsque pœnis arbitrio ipsius Archiepiscopi referuatis. Sed cum istam constitutionem ab aliquibus parum attendi, certè non obseruari cognouisset,

uisset, eam iterum renouauit, adiuncto præcepto, vt sine vlla excusatione, vel penarum remissione, vsque ad officiorum priuationem: visitatorum diligentia serio commendans, ne transgressores tegantur silentio, vt pænæ re ipsa exigi, ac delinquentes amendari possent.

Quia verò ipsi etiam Indi, vt fragiles, & Christianis legibus non satis assueti, delinquere quandoque oportebat, ac proinde, vt rudes, & virtutis amore minus imbuti, pænarum saltem timore in obsequio legum contineri debebant: ne tamen impetuoso zelo in ipsos sæuiretur, vel ipsi, aut odio gentis, aut appetitu vindictæ, se plecti putarent, Thuribius. punitionibus modum posuit. Et primum equidem: quoniam spiritualium pænarum, & Ecclesiasticæ censuræ vim, atque grauitatem nondum satis percipiebant, ne eo pronius, aut minus cautè irruerent in crimina ad forum Ecclesiasticum pertinentia, voluit omnino prudentissimus pastor, vt ea non spiritualibus, sed corporalibus pænis (quales animalis homo sensibilius percipit) castigarentur. Cum, vt scitè loquitur, paternomais affectu, quàm iudicij seueritate corrigendi sint, & spiritualis illa censura intentata, proficere parùm posset, nocere multùm.

Ipsas quoque corporales pænas per Sacerdotes, vel vllas personas Ecclesiasticas infligi prorsus vult, vel cædi Indos, quantumuis delinquentes: sed id per Fiscales, aut alios deputatos ministros fieri

fieri faciant. Nec præter vicarios, & Iudices Ecclesiasticos ullus parrochorum supplicium sumat de Indis sibi subiectis, nisi a diæcesano suo habeat præscriptam legem, quam in eiusmodi correctionibus seruare debeat: quamque, si excesserint, atque iræ suæ indulserint, Episcoporum, & visitorum conscientias oneravit, vt huiusmodi excessum vindicent. Post hæc autem, vt eas leges habeant parochi, iterùm declarauit aliquos idololatricæ, & aliorum criminum casus, in quibus parochi, modo ibidem præscripto, aduersus deprehensos procedere possint. Certas etiam pœnas vnicuique crimini indixit.

Visitatores demùm, & parochos obstrictos voluit, ad declarandum Indis cuncta, quæ in ipsorum fauorem, vel eatenus constituta fuerunt, vel in posterum constituerentur; vt Indi ipsi intelligant, Sanctum esse, vt in nulla re molestantur. Cautum æque vt iidem parochi Archiepiscopum de harum legum neglectu, & obseruantia moneant; vt ipse Proregem, & cum opus esset, Regem etiam commonere posset, vt remedium integrum apponatur: super quæ, inquit, oneratur nostra conscientia, vt apparet ex schedula D.N. Regis.

Vt verò distantia illa conuersationis, & mutua vtriusque gentis animorum alienatio, quam linguarum, & morum diuersitas nutriebat, radicitus extirpetur, & constituatur mutua charitas, christianum commercium, familiaris conuersatio, ad

omnem rempublicam conseruandam imprimis necessaria; propria sua, & Concilij Prouincialis auctoritate eis ferè commendauit . vt Indicorum puerorum scholas per singulas parochias habere studeant, quas si per se regere non possint, saltem per cunctos ad id magistros faciant quibus e communi ærario stipendia præberentur: qui ex catechismo in Concilio edito, legere doceant, eumque, & alios libellos, eiusdem Concilij auctoritate publicatos, pauperibus, iisdem publicis expensis procurent: cum hoc in commune bonum sancitur. vtque eos legere, scribere, atque præcipuè, vt idiomahispanicum intelligere, et pronunciare confuescant, in eodemque Christianam doctrinam recitare, & capere. Idque accuratè cauit, ne scholarum occasione, vel parochi, vel præceptores, paruulorum seruitijs, vel opera ad suam vtilitatem abutantur, neuè pabulatum, lignatumue mittant. Sacerdotum in hac re conscientias, etiam restitutionis ligamine obstringens ..

Quoniam autem Indorum plebem, ad hispanicam linguam addiscendam cogere, durum, & impossibile videbatur; statuit vt in Academia, & Ecclesia cathedrali Limensi, seu Ciuitatis Regum Indicæ linguæ lector haberetur, & quicumque clericali ordine initiandi, & Sacerdotes in vrbe degentes, ad eam addiscendam compellerentur, iuxta Concilij prouincialis decretum, & Regiæ Maiestatis edictum; vt Indorum Sacerdotes sciant administrare-

nistrare Sacramenta, ac doctrinam, catechismum, & verbi Dei prædicationem exercere, officioque suo per omnia fungi valeant per linguam populis communem; iuris rigore aduersus negligentes obseruato.

Quod vero ad morum consonantiam attinet, non parochis tantum, sed omnibus etiam, ad quos Indorum cura spectat, enixè commendatum voluit, vt agrestibus illi suis, & ferinis moribus depositis, humanis & politicis assuecant: templa non sordidi, & incompoti, sed loti, pexi: mundique frequentent, & femine, iuxta Pauli Apostoli institutum, velatis capitibus: vt domi mensas cibo, lectos somno capiando adhibeant. Atque, vt ipsorum domus non casae pecudum, sed hominum habitationes, ordine, munditia, decore præferant: et quæ cætera sunt alia huiusmodi. Quæ sanè pro solita sua moderatione, inquit, non violento, et molesto imperio, sed paterna potiùs cura, et grauitate agantur.

Sed et vicissim, quoniam Indorum Nationem externis cæremonijs, ac diuini cultus splendore, ad summi Dei cognitionem, et venerationem, supra modum allici compertum est, Episcopis, et suo modo parochis constituit: vt quidquid ad diuinum cultum pertinet, diligenter, et quantum fieri possit, decorè, perageretur: cantores etiam, et instrumenta musica, in ijs locis adhiberent, in quibus ad Dei gloriam, et spirituale animarum iuuamen oportet.

portunum existimarent. Vt demùm his moribus faciliùs inbuerentur Indi, et ciuili eorum cohabitatio, et præsens promptaque gubernatio, et auxilia vicinij, mutuęque charitatis, tùm inter se, tùm cum Hispanis stabilia firmaque perdurarent: imposuit parochis, ne vllatenus permitterent Indis, vt stationes, et oppida semel ipsis assignata vnquam ampliùs vel destruere, vel deferere: quin potiùs promouere habitationis loca, et in eisdem persistere compellerent; inuocato, cum opus esset, etiam brachij secularis auxilio; ad quod porrigendum, vt locorum prefectos, etiam per censuras, aliaque iuris remedia cogere possent, suas vices, et omnem necessariam potestatem parochis commisit et concessit.

Aduertens etiam prudenter, quantum conciliet proni inter homines affectus nominum similitudo, sanciuit; vt Indi omnes Christiani, non gentilitatis suę, sed quibus Christiani nostri assuescunt nominibus vocarentur, quanquam & alię causę ad hoc ipsum commouissent. Perspiciens etiam opinionem illam Hispanorum, de Indorum barbarie, tantoperè nocuisse christianę charitati, & vtriusque gentis in vnum ouile, vnumque populum coniunctioni; vt aliqui Sacerdotum alioquin boni, sed ea existimatione imbuti, præpostero zelo, omnibus catholicę fidei professoribus communia Sacramenta Sacri viatici, & extremę unctionis Indis etiam appetentibus, tanquam stupidis,

&

& incapacibus denegarent: per quod ita concitati sunt illi, ut se usque adeo contemni videntes, sui etiam contemptoris vicissim contemnerent, eosque per quos non libertate solum, cum temporalibus bonis, sed & natura quodammodo humana, & communi diuinæ gratiæ dono simul priuabantur, communibus quoque obsequijs, quousque poterant, & ipsa sui societate destituerent.

Thuribius, ergo vigilantissimus utrorumque pastor, utriusque reipub. ex animo procurator, affectuosissimus Indorum pater, eorumque utriusque boni zelantissimus, huiusmodi Sacerdotes non raro acriter obiurabat; ut inscitia linguæ inhabiles, vel pastoralis operis ignauia torpentes. Et quos tales comperiebat proprijs ipsorum sumptibus, ijs adiungebat alios linguæ peritiores, & opere strenuos; nec prius amouebat, quam illi ad frugem reuertebantur. Cunctos hortabatur, ut Indos, cum natura, & fide, Sacramentorum capaces sint, frequenti & sedula instructione, doctrinâ, & moribus, capaciores redderent: hoc ipsorum officij esse, certoque sciant rationem à se districto iudici, & hominum Redemptori reddendam esse. Christum Ie-

Luc. 14.

Sacer-

Matth. 9.

Matth. 11.

Sacerdotibus ergo per hæc & similia monita concitatis, *Thuribius* in suis Synodis sæpè grauiterque præcepit, nè Sacramenta cunctis fidelibus communia, credentibus etiam Indis subtraherent, vt qui eandem cum cæteris in Christo vitam viuerent, eodem Christi pane pascerentur: Sanis Medico opus non esse, sed malè habentibus, Christo vocante: venite ad me omnes, qui laboratis, & onerati estis, & ego reficiam vos, præsertim in mortis periculo, vbi extrema necessitas est. Proindè, vt etiam publico supplicio plectendos, Christi exemplo, pridie, quàm paterentur Sacra communione reficerent, & cæteros saltem tempore paschali: ne Sacerdotes ipsi diuinorum, ecclesiæque præceptorum, & spiritalis detrimenti, suis ouibus illati, rei deprehendi possint, & luant.

CAP V T XXXV.

Beati Thuribij in egenos larga manus: & singularis elargiendi modus.

Q Vanquàm ex ijs, quæ per totam hanc historiam vitæ, & virtutum Beatissimi Præfulis, *Thuribij Alfonsi Mogroueji*, & si non pro rei dignitate, vel tanti viri meritis, certè pro exiguitate facultatis nostræ narrauimus, satis demonstrata sit multiplex, magna, & heroica virtus, qua diuina bonitas, ipsum per omnem vitæ ætatem gradumque

que exornauit: sed proprium locum, & singularem tractationem, supremo suo iure postulat charitas, quæ princeps est virtus, & vinculum christianæ perfectionis: per quod cum Deo nostræ conditionis ultimo fine, inseparabili nexu, & sempiterna coniunctione vnimur, & quodammodo Deificamur, vt filij Dei nominemur & simus. Cùm ex aduerso, sine sola virtute charitatis, omnis noster actus, omnisque affectus, quantumuis alioquin rectus, & laude dignus, non vera virtus, vt ad animæ salutem, & æternæ felicitatis meritum esse oportet, sed mera vanitas, & proprii sensus complacentia est: charitatem autem non habeam, nihil sum, 1. Cor. 13. nihil mihi prodest. Et vt ampliorem Apostoli sententiam verbo complectar, quidquid fecerit, quidquid passus fuerit homo, oleum, quod aiunt, et operam perdit, si ob Dei amorem, et hominum propter Deum charitatem non agat, et patiatur. In his enim duobus tota lex pendet, et prophetæ: Diliges Dominum Deum tuum ex toto corde tuo, et ex omnibus viribus tuis, et proximum tuum sicut te ipsum. Matth. 22.

Vterque hic aureus amor, quàm sincerus, et purus ab omni affectu proprii commodi, in candida Thuribij Mogrouciji anima fuerit: quàm fortis, vt mors, in Deum, atque homines eius dilectio, manifestum faciunt ea, quæ ipsum pro Dei propaganda fide, veraque cognitione hominibus ingerenda, pro eius puro, feruentique cultu et honore

amplificando, pro legum eius exacta custodia per-
petrasse, pro animarum sibi commissarum salute,
& corporum commoditatibus, & animorum tran-
quillitate subiisse labores, commodi sui & incolumi-
tatis tulisse dispendia, & incurrisse vitæ pericula,
iam ante narrauimus; idque purè putè pro illius in-
censo amore, qui cùm Deus immortalis esset, &
nullius egens, sed infinita sua in mortales bonitate
abundans, animam suam pro captiui generis nos-
tri redemptione, per humanæ carnis miserias, &
acerbissimam passionem, & quanquàm Dominus
gloriæ, per mortem ignominiosam tradere non
dubitauit.

Thuribius etenim, vt temporariam remunera-
tionem ex vilo suo opere præstolaretur, nullum, vel
susplicandi locum reliquit, dùm illis tantummodo
tribueret, qui retribuere non possent: nec ab illis
qui possent, ne minimum quidem muneris vn-
quàm acceperit, vel oblatum accipere voluerit.
Immò verò quod in hoc genere perfectum est, nec
ipsam æternæ felicitatis coronam aliter, vel expecta-
bat, vel cupiebat, quàm quòd gloriæ Dei id ma-
gis conducere, & voluntati placere, sibi persuade-
ret. Quæ tertia ipsi totius vitæ dirigendæ, degen-
dæque regula adhuc puero concepta fuit, & con-
stantissimè deinceps obseruata; vt quæcumque ac-
turus, vel passurus esset, ea prorsus postquàm dece-
rent, & alleuiandæ conscientiæ conducere, in
Dei denique gloriam cederent vniuersa.

Cha-

Charitatis autem ipsius erga homines, præter ea quæ diximus, opera, mira erat erga inopes beneficentia, cuius largitas, cum, quo magis ab extrema ipsorum necessitatis vinculo libera est, eo maiori largitoris liberalitate facta censeatur; ut hoc qualecumque laudis, aut vanæ gloriæ periculi genus effugeret seruus Dei Mogrouëjus cunctas largitiones suas, & liberas eleemosynas ad arctæ obligationis vincula restringebat, tum pro insigni humilitate sua, tum, ut verus Christi seruus, & Evangelij sectator obseruantissimus, illud Christi consilium abundantè amplexus: Cum feceritis omnia quæ præcepta sunt vobis, dicite: serui inutiles sumus: quod debuimus facere, fecimus. Sic sanè Thuribius non solum, cum ea faciebat, quæ debebat, sed & quæ liberè volebat, exercebat liberalitè. Formabat sibi præcepta, vbi vix erant consilia; atque, ne quidquam gloriæ, vel æstimationis ipsius liberalitati tribueretur, etiam vbi erat amplissima, per ingeniosam charitatis logicam inueniebat argumenta, per quæ sibi ad cauendam hinc elationem, & indè scrupulum prodigalitatis; & fortè alijs ad præueniendum sui apud ipsos æstimationem, aut laudes, persuaderet, largitiones suas, non vltronæ liberalitatis, aut improvidæ profusionis opera, sed iustitiæ debita, & restitutionis oneri obnoxia fuisse.

Nam quoties egentes Indi occurrebant, dicere consuevit: ò nude, tu me vestis: ò famalice, tu

M m 2

me

me fatias : ò pauper tu me ditas . Subintelligens nimirum , se propria Peruuianorum bona possidere : Quanquam , qui plus omnibus laborabat , seminando spiritualia ; iustissimè posset ab eis metere temporalia . Sed ipse alienæ necessitatis regulam , proprio Iuri præferebat , ne nimirum iustus sibi videretur . Quoties Hispanorum , qui Peruiam expugnarunt , filios aut , nepotes necessitate premi percipiebat : hi , aiebat , hæc nobis ocia fecerunt , & quibus gaudemus bona , Patrum , auorumque suorum sanguine compararunt : si non totum possumus , saltem pars aliqua illis restituenda est . Cæteros pauperes , Ecclesiasticarum obuentionum , quæ honestè sustentationi suæ superessent , iustos , heredes , dominosque appellabat ; se verò administratorem , & œconomum , à patre ipsorum : Deo illis constitutum ; qui quod cuique opus esset , singulis fideliter dispensare tenebatur , vt , exoneraret conscientiam , ac Deo Patri omnium , rerumque , ac personam supremo Domino condignum obsequium , honoremque exhiberet .

His maximis , tum iugi meditatione , tum verbis assuetus . Beatus vir , non solum ipse quidquid habere potuit dispersit , dedit pauperibus , sed & alios documentis , exemplisque suis ad similia facienda concitabat : qui ipsi , inter alios sublimes fines , quibus opera sua , magno , & multiplici meritum thesauro cumulabat , semper propositus fuit , vt propria ipsius verba . ad Clementem VIII.

Ron-

Pontificem scripta testantur, quę huiusmodi sunt. De meis redditibus, ab eo die, quo hunc Archiepiscopatum iniui, vsque modo ab anno octuagesimo primo, vsquę ad nonagesimum sextum, in elemosynas dispensati sunt centies quadrageties, ter mille, trecenti quadraginta quatuor pessi nummi, & regales quatuor, pręter alia quę distributa sunt. At soli Deo reddendę sunt grates, propter quem ista fiunt, ad ędificationem proximorum, procurando, vt bono exemplo, ad similia facienda animentur. Nec mirandum, quod diximus, Thurbium dedisse quantum habere potuit: cū, benedicente Deo, plusquā alijs sumptibus superesse censeretur, erogasse, collatis, non semel, dati, acceptique calculis, tam Granatę, quā Linę, liquida compertum esset.

Sic autem dabat, vt cū Sancto Iob dicere Iob. 1. possent: Si negaui quod volebant pauperibus, aut oculos viduę expectare feci, si comedi buccellam meam solus, aut non comedit pupillus ex ea; quia ab infantia creuit mecum miseratio, & de ventre matris meę egressa est mecum. Sed in eo Iobum superauit Thurbius, vt, si quando necessitas cogeret ministros ad elemosynas ab ipso, quauis magna summa, imperatos in diem, vel noctem differendas, tū ipse duplum dari iuberet; vt frequenter visum sit, eandem stipem, propter aliquot horarum repetitam dilationem, in quintuplum aut decuplum ab ipso auctam fuisse; sanę pro centum red-

reddita mille, ac si ista multiplicatio iusti fœnoris
 cuiusmodi dilationis iure deberetur. Sciebat enim
 quòd spes quę differtur affligit animam, nec ino-
 pię, promissis, sed presenti pręstato subueniri: Hi-
 larem, aiebat, datorem diligit Deus. Atque hæc
 miseratio in Thuribio puero emicuit, cum adole-
 scente conualefcebat, in iuvene robusta, in viro
 perfecta fuit, & à se se, quòd rarum, nunquàm re-
 cessit.

Quamdù in potestate fuit, præter ipsum, qui de
 proprijs vestibus, & Archiepiscopalis aulę parie-
 tes, & cubiculum, lectumque suum omni commo-
 do, & ornamento denudabat, domumque uni-
 uersam omni pretioso suppellectili per pia furta
 clanculùm dispoliabat, vt pauperibus, solo Deo
 teste, prouideret. Habebat insuper pijs largitioni-
 bus præfectos alios tres, diuersi in hoc genere mu-
 neris, & curę viros præstantis prudentię, & pieta-
 tis, quorum nemo sciebat, quid per alium erogare-
 tur, nisi quando pecunia per alterum alteri, iussu
 præsulis dari debebat. Hi erant in primis Francis-
 cus Quiñionius, supremus totius domus, & Ar-
 chiepiscopaliū prouentuum præfectus, quem
 Maiorem domus vocant, de cuius integritate, &
 fide administrationis, iam antè locuti sumus: qui-
 que maiores pecunię summas à creditoribus exige-
 re, & alijs numerare debebat; ac per se ipsum eas
 eleemosynas porrigere, quæ occultè dabantur no-
 bilibus, ampliorisque qualitatis, sed innopię vulgò
 incognitę viris.

Al-

Alter erat Ioannes a Rocca, Limensis Ecclesiæ cathedralis. Canonicus, & Archiepiscopi Confessarius. Qui cum ipse in utroque munere per annos duodeuiginti, magna sui laude seruisset, ad Episcopatum Papayanum pro meritis assumptus, cum sanctitatis opinione vitam finiuit. Huic ad eam Ecclesiam abeunti, in eisdem officijs apud Archiepiscopum successit eiusdem nepos, alius Ioannes a Rocca, præcipuus primùm in eadem Ecclesia Limensi parochus, mox pariter Canonicus, ac demùm Archidiaconus, vir prudentiæ spectabilis, & reliquarum virtutum cultu, patruo non absimilis.

Tertius fuit, secretis, præsertim, occultisque Thuribij largitionibus præfectus, quæ verecundis, pariter, honestisque familijs, sed inferioris gradus, & qualitatibus, quam quibus Quinõinis frequentis conuersationis, & familiaritatis cuiusdam titulo, sine suspitione egestatis, providebat, Vincentius Rodriguez vir, etsi secularis, sed probatissimæ fidei, & vitæ exemplaris, suoptèque ingenio in eiusmodi pietatis opera æque pronus & promptus; quem non nemo scribit etiam aliquando in maioris aulæ rectoris officio ministrasse Mogrouejo, tùm fortè, dùm Franciscus Quinõinio in Chilensis regni gubernio detentus absens Lima fuit. Veniebat Vincentius per singulas septimanas cum equis, onerarijs, & euehebat à Quinõinio onera, panni, telæ, leguminum, farinæ, & cocti panis, carniū, candela-

delarum, aliarumque rerum domestico vsui paratarum; quæ deinde, cum certa portione nummorum, distribuebat ipse, prout sciebat; personis, & familijs, quas per pudorem à manifesta mendicatione detineri disciebat. Atque hi quidem in vrbe verùm dùm extrà versabatur, alios deputabat huic muneri, ex quibus nominatos inuenio doctore Pasqualem Paroches, de quo postea, Bernardum de Alcocer, itinerum comitem, virum industrium, & in ea verecundorum pauperum cura fidum Achatem.

Ceteris autem, præterquàm Quinõnio, per Beatum Antistitem specialitèr incumbibat, vt verecundos, adeòque, eo magis molesta, quo magis incognita paupertate pressos homines, solertèr, & secretò exquirerent, & in album redactos ad ipsum referrent. Quorum alijs in annum, alijs in mensem, alijs in octiduum, alijs dietim, pro ratione necessitatis cuiusque, summo secreto, & sæpè tacito mittentis nomine dare oportebat, quod ille semel præscripsit, seu præsens ipse in vrbe, seu absens foret. Omnibus autem iubendo, inuigilando, concitando, supplendoque, verbo præerat, & exemplo præibat ipse Sanctus Præsul. Et quamquàm in cunctis Apostolici pastoris officijs perpetuò sollicitus; in hac tamen egenorum cura supra multos ardentissimus erat. Considerabat enim in eis, qui perfecti non sunt, nec plenum sensuum suorum dominium adepti, dum corporis vires inedia languis-

guescunt, spiritum non posse suis muneribus liberè fungi, & animum necessariorum rerum sollicitudinibus afflictum, à diuinis plurimùm distrahi: vt fileam, in quanta scelera homines per egestatem cogantur. Quæ mala, vt vigilantissimus pastor Thurius præpediret, ouesque suas ad meliora prouheret, curabat priùs quod animale, deindè quod spirituale; adeoque nulli quidquam tolerandæ vitæ, vel animi tranquillitati necessarium deesse patiebatur. Neque quantum ipse per suas opes posset, sed quanta ope pauperes indigerent, perpendebat.

Ardebat enim in fornace puri pectoris ipsius amor Dei, qui nullo pondere pendi, nullo numero comprehendi potest. Atque hic illi charitatis in homines pondus, & mensura fuit. Urgebat eum fides, & filialis timor minacis moniti S. Ioannis Evangelistæ, Limensis Ecclesiæ tutelaris magistri: Qui habuerit substantiam huius mundi, & viderit fratrem suum necessitatem habere, & clauferit viscera sua ab eo, quomodo charitas Dei manet in eo? & iterum: Et hæc mandatum habemus a Deo, vt qui diligit Deum, diligat etiam fratrem suum. Thurius ergò, quia diligebat Deum, diligebat & homines, quos Deus ad imaginem, & similitudinem suam creauit. Nam vt idem Apostolus Ioannes ait: Omnis qui diligit eum qui genuit, diligit eum qui natus est ex eo. Et, si quis dixerit quoniam diligo Deum, & fratrem suum oderit, mendax est.

1. Ioan. 3.

Ibid. 4.

Ibid. 5.

1. Ioan. 4.

Firmabat animum B. Thuribij certa spes, & infallibilis fiducia prouidentiae diuinæ; per quam ardua quæque, laboriosa, descriminosa, vel humanæ prudentiæ impossibilia, pro Dei honore, pro conscientiae suæ securitate, proximorum salute, & sui muneris complemento, spe gaudens, lætus & securus nunquam refugiebat.

Aliquoties à suis monitus, modum eleemosynis imponendum esse, aut ipsi sanè breuè mendicandum fore: cæteris expensis, inquebat, modum imponite, vt vobis benè videbitur; ijs verò quæ ad pietatem pertinent, nullum. Ille pro his providebit qui prohibuit, ne de castino solliciti simus.

Matth. 6. p.
54.

Iacta curam tuam in Dominum, & ipse te eruet. Nec Mogrouejo effusionem pecuniæ fortiùs persuadere poterant, quàm quo illum debortari conabantur, per mentionem securitatis propriæ paupertatis ipsius, quam cupiebat, sibi que iuueni desponsauit, & in rerum usu nunquam deseruit, vt certum pignus æternæ felicitatis. Beati enim pauperes spiritu quoniam ipsorum est regnum Cælorum.

Matth. 5.

Resp. 2. 1.
Noctur.

Gravis Thuribio fuit cuiusvis rei possessio, quæ alium indigere perciperet: vt: verè de ipso dicere possimus, quæ de Seraphico Patre nostro Francisco, in eius officio cantantur: In Dei feruens opere, statim vt sua vendidit, pauperibus impendere pecuniam intendit, quæ graui suo pondere cor liberum offendit. Hæc præmittere visum est, tùm Beati præfatis cotemptus mundi, & beneficentiæ affectibus.

bus explicandis necessaria, tum aliorum ædificationi non inutilia. Nunc ad effectus transeundum, & res exemplis declaranda est, quæ rem gestam certius demonstrant, & ad imitandum efficacius mouere solent.

CAPVT XXXVI.

*Beati Thuribij pie liberalitatis selecta
quadam exempla.*

TAmetsi horum complura opportunis locis exposuerimus; plura tamen hic referenda supersunt. Sed, & multa, & fortassis maiora nos latent, eo quod Antistes noster conscientiae suae testimonio contentus, quaecumque poterat, & quantum poterat occultare soleret; neque in hoc genere vellet, ut sciret sinistra eius, quid faceret dextra eius. Non importunum tamen erit, ea, quæ leuius antè delibauimus, hic inter cætera clariùs explicare: vel quæ alibi satis enodata sunt, hic etiam reficandæ memoriæ causa, obiter meminisse. Transco igitur nouennis pueri Thuribij erga pauperem fœminam teneram commiserationis opus, cum iustitiæ pariter & feruentissimi zeli diuini honoris exemplis coniunctum, quæ inter eius ætatis ipsius acta narraui: ut etiam ipsius pueri consuetudinem, proprios cibos, ori suo substractos, egentibus, coëuis, vel alijs

pauperibus elargiendi, quod tota vita deinceps
constanter seruauit.

Non repeto quid Valisoleti adolescens; quan-
quàm eo loci, eaque ætate, gloriosum Eleemosi-
narij antonomasticum nomen, & commertuisse, &
publica fama obtinuisset primùm dicatur. Quid
Salmanticæ iuuenis, quid Granatæ vitæ, in hoc ge-
nere præstitisse fertur. Neque, quas ipse prius dixi,
vel clementes multarum condonationes, vel mi-
sericordes, salua semper iustitia, earundem resti-
tutiones egentibus delinquentium propinquis fac-
tas; non Pontificiarum functionum emolumenta,
quæ accipere nunquam voluit, nec per suos tangi
permisit. Nec est qui posset earum rationes inire,
quæ vniuersa ex proprijs facultatibus in iisdem func-
tionibus exercendis insumpsit: ac multo minùs, ad
calculum conferre, quantum in perpetua lustra-
tione prouinciæ, erigendis, instaurandis, ador-
nandis ecclesijs, & xenodochijs, in subleuandis
miserorum calamitatibus, in conciliandis barba-
rorum animis, in omnibus populorum necessitati-
bus subueniendo, non solum paratæ pecuniæ, sed
& omnigenæ, ditiorisque propriæ suppellectilis fu-
sissimè dispergebat.

Id certum, nunquàm cum afflictissimos Indos,
ad grauamina sua in actu visitationis exponenda
admisisse, quin, præterquàm; quod singulos sua-
uissimis, & sanctissimis monitis recreasset, eisdem
aliquo, vel pecuniario, vel, pro personarum qua-
lita-

litate , honorario munere donauisset : vt nec vnamquam ex vrbe in prouinciam profectum fuisse , sine graui nummorum pondere , & nobili ditique suppellectili mensæ & cubiculi ; specie quidem sumptus itineris , & Archiepiscopalis dignitatis decorem sustinendi , sed vero animo cuncta in pios vsus largiendi : præter varij generis munera genti grata , & ceram , telamque in vsum administrandi Sacramentum confirmationis , quæ omnia sæpe ex vrbe repetita , citò diffhebant , nouis indè rebus toties ascitis ; Sic tamen semper in urbem ipse redibat , ac si relictis spolijs , latronum manus effugisset , omni pecunia , omni que suppellectili dispoliatus , præeunte cruce lignea , loco argenteæ , quam non semel pauperibus ecclesijs donauisse constat : inde depauperatus , vnde plures alij ditescere consueverunt .

Eo verò , quoties in Urbem regressus Thuri-
bius , nihilo minùs erga pauperes personas , & pia
loca liberalis erat . Prima namque cura fuit , pauperum catalogos reuifere , rescireque , num elemosynæ certis personis , & locis in annum , mensem , aut aliud certum tempus ab ipso constitutæ , fideliter ministratæ fuerint , vel earum dispensatio vnquam protelata ; vt si quidquam defuisset , id integrum , cum fœnore redderetur : Reliqui autem pauperes , post prolixam sui pastoris , & prouisoris absentiam , noui subsidij firma spe erecti , turmatim accurrebant , quorum tanta nonnunquam ad ædes Thurbij fiebat ,

bat, concursus, vt ipsi Archiepiscopo aditus obstrueretur. Et à Beato Patre donabantur omnes, qui nulli vnquam petenti pro Dei amore negare sciebat. Hic, vt viuere posset; iste, vt se vestire; ille, vt agellum colere; alius, vt resarsire domum; alius, vt soluere debita; alius, vt filiam collocare: ita singulusquisque suam exponebat necessitatem, ac Thuribius dari cunctis iubebat, vel dabat ipse quidquid proximè ad manus erat. Nec frequentior in eius aula occupatio fuit, aut ipsi magis curæ, quam, vt omnibus porrigeretur, non rarò plusquàm petebant; sed nunquam minus: non aliter, quàm si Peruuianam classem auro-onustam in Urbem retulisset.

Poterat equidem Thuribius Mogroueius dicere: Quæ debuimus facere, hæc fecimus, si vniuersam Ecclesiarum pecuniam, iuxta sacros veterum patrum canones, in quatuor partes diuisisset, quarum vna Episcopi, alia ministrorum ecclesiæ honestæ sustentationi, tertia ecclesiarum fabricis, & ornamentis, quarta pauperibus cederet. Sed vtinam æque omnes de se dicere possent, quod ille exercebat, vt postquàm ecclesiarum fabricis, animarum curatoribus, immò & pauperibus, per publicas leges, & earundem exactam obseruantiam abundè consulisset; eam nihilominus portionem, quæ ipsius, vt vocant, mensam propriè contingebat, per summam frugalitatem restrictam, eisque, quæ alij quipiam sibi necessaria existimant, suo ipsi-

us vsui subtractis, in quatuor illos communes, vsus largiter omnia dispensaret. Sed nunc, vt reliqua prosequar, ipsum ordinem, & sensum sequar per quę in legitimis actis, publica authorithate Romę impressis exempla referuntur, testibus plerumque oculatis, vel ipsis largitionum ministris, viris ecclesiasticis, partim in dignitatibus constitutis, omnibus doctrina & pietate conspicuis; quo & res certiùs constare possint, & explorandi cupido faciliùs occurrant, incipiendo ab eisdem editi instrumenti pagina 193. num. 45.

Lustrabat Archiepiscopus Thuribius, algidos Montes, in quorum aliqua domuncula laborabat mulier partui vicina, quam ille, vt vbique infirmos, pro sua pietate inuisere voluit. Et cum pauperem obseruasset, pallium Hispanici nobilis panni, quo ipse se ab aëris inclementia tuebatur, illicò depositum fœminę porrexit, vt nascituro infanti pannulos indè pararet: Monente Francisco Contrerio tunc præsentē, & facti postmodum promulgatore, non illo Salmanticensi quondam Thuribij sodale, sed eiusdem nominis alio Societatis Iesu viro graui, & Limensis Collegij S. Pauli Rectore, factum præfulis minime necessitarium fuisse; cum Peruanę matres, a partu statim seipsas, & infantes suos in gelidis riuis, vel ripis fluminum, absque omni detrimento, & periculo lauare solerent: respondit pius pastor, o me peccatorem! pauper est: quasi hunc solùm titulum paupertatis, etsi non aded prementis,

mentis sufficere cenferet, vt ipse se necessaria veste nudatum ingentis frigoris discrimini exponere deberet, seque deglubere pastorem, vt foueret ouiculam.

Sacerdos quidam egenus Beatum Thuribium noctu verecundus conueniens, suam illi pauperiem exposuit. Sed ille cum nihil ad manum vicinius videret peluuiο argenteo lauandis manibus pręparato: Frater, inquit, hoc accipe, & veste tectum clam auferto; ne quis videat: sequenti verò die, quærenti familiæ surreptum argentum, aiebat, non furto sublatum esse, ac fote pariturum. Paulò pòst intellexit presbiterum ducentis argenti pondo vas oppignorasse, tùm ipse data pecunia redemptum clam recepit, & palàm protulit, dicens: En peluuium, quod perditum dixistis, accipite, reponite, & nolite iudicare quenquam. Duo illi, vt semel dicam, in more fuerunt, res hoc modo donatas abscondi iubere: non quòd timeret, sua dona per domesticos intercipi; Sed quia solum Deum, & pauperum sinus pietatis suę testes volebat: deinde quæsitas, non dicere datas esse, sed non perditas, & opportuniùs fortè inueniendas; iubere proinde, ne soror de illis sollicita, pueris vel domesticis famulis molesta esset. Vnde illa fratris morem toties experta quiescebat, certò supponens, res istas ab ipso donatas esse.

Erat Limæ vir pius Vincentius Rodriguez, qui propria charitate motus, Vrbis plateas circuendo,

sti-

stipem pro verecundis pauperibus corrogabat. Hunc aliquando videns è fenestra Thuribius ad se vocauit, & sciscitatus, vt se pauperum prouiso haberet? respondenti, quàmuis diuina prouidentia non deesset, multos tamèn, & graui necessitate constrictos esse eiusmodi pauperes, qui honesta opinione perire mallent, quàm inopiam suam palàm prodere: Vade, inquit, ad Sororem Grimanefam, & meo nomine dic, vt elemosynam tibi det. Ipse interim ad fenestram perstitit, dùm exeuntem Vincentium videret, cogniturus an, & quantum accepisset. Quod cùm resciret; adedò parum, inquit, mea soror largita est? & forte tunc transeuntem AEthiopem seruum suum, pro stipē Vincentio consignauit, ac traddidit; quem postea Grimanefa quingentis argenti pondo redemit, quæ priùs octo communium regalium nummo, Thuribij fratris mandato se expedire voluit.

Is ipse Vincentius Rodríguez, Secretarum B. Thuribij largitionum comes, alio tempore subsidium petijt pro collocandis puellis Xenodochij charitatis Limani, iussitque Archiepiscopus centum pesos per Franciscum Quinõnium numerari. At quùm donum in crastinum differri sciret, præcepit illicò dari ducentos, quos cùm non statim dari cognouisset, quadringentos imperauit. Verùm Vincentius, ne nimis importunus nobili & optimo Quinõnio esset, quem sciebat non auferre, sed necessitate coactum differre in vnum tantum

diem pauperibus donum; se apud præfulem, ne toties rediret excusavit, subiungens, Franciscum pecunias ipsi crastino certissime missurum. At, inquit Thuribius, ego volo, ut quingentos confestim referas, & apprehensa manu Vincentij, mecum perge, pecunia mea in pauperum usus extra domum esse non debet. Cumque per aulam transiens vidisset duos seruos: Aethyopes, qui aulea parietibus deponebant, proximum interrogavit, cuius esset? Audiens autem Quirionij seruum esse, tunc ad alterum; & tu cuius? cumque suum esse didicisset, ait: cum ergo meus sis, descende, ipsumque Vincentio donavit; cui etiam postridie quingentos quoque nummos misit. Atque sic centum nummi, intra viginti quatuor horas, ex creuerant in mille.

Aliquando vesperi allato lumine, seruus Dei Thuribius in aula sua solus ambulabat, cum ingressus ignotus homo stipem rogans, nec expectans responsum, duas candelas accensas argenteis candelabris eximens, Thuribio tenendas tradidit, candelabra abripuit, & abiit. Thuribius autem cebaceas candelas ambabus manibus humiliter accepit, ac tamdiu patienter tulit, donec hominem procul episcopio, & molestia periculo abesse iudicasset: tunc primum ephabos vocauit, & afferre candelabra iussit. Sors tulit, ut Franciscus Quirionius ex aula primus introisset; & admiratione spectaculi commotus: sic, domine, inquit, quidquid habes, tibi auferent, & Thuribius illi; Me peccatorem!

torem ! me peccatorem ! pauperes sunt, sunt pauperes. Hic fortè, vt. aliàs frequenter; Sanctorum exempla commemorans, clamidem S. Martini vel, argenteam paropsidem S. Gregorij, aut quid simile.

Iacuit Limæ ad mortis limen infirmus Doctor Delgadus, Rector Ecclesiæ parochialis S. Sebastiani. Misit Archiepiscopus qui illum suo nomine visitaret, relaturus, quam rem ab ipso maximè cuperet. Relatum est agrum Delgadum à Medicis derelictum, in Dei manibus esse, nec alia de re sollicitum, quàm quòd ducentarum circiter Missarum stipendia nuper accipisset, quæ præinopia tùm reddere non posset, nec Missas, morbo, ac morte iam instante præuentus facere: eas proindè Archiepiscopi pietati celebrandas commendare. Thuribius accepto nuncio; Videamus, ait, (sic ioco loquens), an fiscus noster quidpiam iuuare possit: innuebat loculum, in quem censurarum chirographi obuentiones, quas ante meminimus, pro curandis defunctorum suffragijs iniiciebat. Cùm non amplius viginti vel, summum, triginta pondo continere, crederet, aperta cistula reperta sunt ultra ducenta, quot iusto Sacrificiorum numero sufficebant; & omnibus in plures Urbis ecclesias illicò distributis, Missas omnes eodem die celebrari fecit. Quod cùm æger Delgadus intellexisset, actis Deo, & seruo eius Mogrouejo debitis gratijs, post duas inde horas animam Redemptori suo placide reddidit. Nec

desuerant qui opinantur per Thuribij merita auctum in arcula, illius inanibus, numerum pecuniæ: qui quinque millia hominum, quinque panibus in deserto paut. Sed Thuribius ipse consueta animi demissione: Me peccatorem! quàm bonus vir est. Doctor Delgadus.

C A P V T XXXVI.

Continuantur largitionum exempla.

TRUXILLO. Limam à provincie cognitione rediens Beatus Antistes, dum pro more solus, longo spatio, comites antecederet, in mulo suo, incedens, itineraria veste clericali indutus, obuium habuit aduenam ex Hispania virum, rudi equo, & ruralibus clitellis insidentem, qui Thuribio male valere videbatur. Quapropter, pietate sua commotus, optimo mulo desiliens, iussit hominem in meliori ephipio iumentoque commodius equitare, & equum suum clitellarem, quo vexabatur magis, quam veheretur, cum illo sibi commutare. Tum *chapaton* (sic enim eiusmodi novos aduenas in Peruvia vocant.) incognito Archiepiscopo gratias agens, mulum eius cum phaleris acceptans, iter suum per aliam viam profecutus est. Thuribius autem in clitellis tardoque equo viam suam patienter carpebat, dum comites cum assecuti, & metamorphosim admirati, melius illi prouiderunt.

Li-

Licentiatò Molinæ, prouisorì Xenodochij Eimani S. Andree, quod Hispanorum in ea Vrbe præcipuum est, subsidium ab Archiepiscopo petenti, ducenta pondo numerari iussit; & præstolatus responsum, cum solutionem perindinari sciuisset, feruum ipse AEthyopem pretij quingentorum tradidit, quem identidem cohortatus est, vt sedulò & ex animo ægrotis inferuaret.

Eidem Molinæ aliàs quinquaginta pondo dari iussa, sed in crastinum per ministros dilata, optimo, vt censcatur totius regni, & vnico suo equo, è stabulo Archiepiscopali statim extracto, iussloque suis phaleris sterni, sine mora dato, cum fænore compensauit.

Eidem alia vice ad vsum valetudinarij quingenta pondo denari præcepit, sed pari causa procrastinata, Thuribius ipse confestim persoluit, dato alio eius valoris AEthyope feruo suo.

Alio quoque tempore in eundem vsum imperata notabili summa, sed similiter dilata, aulae suæ peritromata, & pretiosos tapetes è vestigio depōni, & ad Xenodochium cum eodem Molina euicifecit; quæ, vt alia sæpè, iusslo pretio pecuniarum deindè redemit Quisitionius. Id enim constanter pro feruenti suæ charitatis ardore consuevit Morgrouejus, vt eleemosynam nec perindinari virquam, nec imperatam diminui pateretur. Atque adeò quotiès expectabat responsum, inquietus, & sollicitus speculator, ad fenestram vigilabat, dùm quæf-

quæstores domo exeuntes videret, & ab ipsis cognosceret, an, quod ipse iubebat, accepissent; alioquin dabat maiora propriæ suppellestilis cime-
lia, vel imperatam prius pecuniam duplicabat. Grimanesa verò soror, vel Quisitionius optimus eius coniux, non odio pauperum, vel pecuniarum cupidine iussa differebant, sed quia non poterant ad tam magna, tam crebra, & inopinata pecuniarum pondera numeranda semper prompti esse. Pecunia enim Ecclesiæ Limensis vniuersa, ex ipsius Thuribij Archiepiscopi Synodalibus institutis, in arca trium clauium custodiebatur, quas tres diuersæ personæ seruabant, quæ conuenire debebant, quoties eis eximēda foret: nec dispensari ijs poterat, quibus obueniebat, nisi per manus æconomi generalis Ecclesiæ, & inspectis, conscriptisque rationibus: quæ omni hora, vel die fieri non poterant. Vt, quæ ad præfulem pertinebant semper in promptu forent: quanquàm ipse subinde diceret, pecuniam suam ad eleemosynarum vsum, nunquàm extra domum esse debere.

Accessit aliquando verecundus Hispanus quispiam, de filiarum Virginum inopia conquestus, quas inops ipse domi habebat. Compassus Thuribius & S. Nicolai Mirensis Episcopi factum recollens, iussit, vt pater puëllarum nocturno tempore sub Archiepiscopalis palatii fenestra se sisteret. Espectabat B. Antistes diu, & frequenter per fenestram prospiciens, & musitans; vtrum Fulanus ad-
esset,

esset, tandem aliquando sistentem se virum ditauit, è fenestra demissis tot argenti cælati partibus; quoad maius habere poterat: candelas affixit parieti proiectisque candelabris, innuit homini, uti, nè detegeretur, confestim abiret. Abijt ille cum spolijs, ac Beatus Thuribius rerum suarum pius latro, vocatis famulis deesse candelabra significauit. Respondentibus autem ea se iam ante tulisse, ille, non esse dicebat, adferri iubens, & candelas in eis collocari. Intellecti tandem, non verba, sed veteres viri Dei mores, & allata sine morâ quæ petit alia candelabra. In quo facto Thuribius, a Nicolao, eo solo distabat, quod alter introsum per fenestras, alter extorsum proiciebat opes, ut virginum animæ corporumque honestatē seruaret vterque.

Beato Thuribio inter prandendum nihil iucundius accidere potuit, quàm, ut mensam suam pauperibus, præsertim Indis, septam quotidie cerneret. Seù Limæ seù foris, patulis semper valuis prandeat, nec accessum cuiquam prohiberi patiebatur. Dùm in prouincia esset, loci parochio, & populi fiscali, ea per ipsum cura fuit, ut inopes ad prandij horam conuocarent; quibus vel circumstantibus, vel crebrò secum sedere coactis, fercula sibi parata, proprijs manibus ministrabat. Potum è proprio sypho hauriendum, & cibum cum argenteis orbibus, lancibusque porrigebat. In Vrbe accidit, ut allato in argentea paropside cibario bene

nè condito, circumductis oculis pauperem Indum humi sedentem vidisset: & is mihi oppidò, ait, æger apparet, hoc ipsi ferte, vt refocilletur. Tum Indus absumpto cibo, argenteum vas in sinum condidit: Mox deesse animaduersum famuli auferre, Indus, vt domini donum, retinere contendunt; sed pugnis, & probris reddere coactus est. Thuribius, quis ibi trepitus fieret interrogās, ac tam amans charitatis, & pacis, quàm impatiens alienæ, pauperum imprimis, molestiæ, clementissimus iudex contra se suosque prolata sententia, litem diremit, furtum condonauit: dimistite, inquit, pauperem & argentum illi restituite, quod charo plagarum, probrorumque pretio, nostræque donationis iure suum fecerat, pauper est; & ita fieri oportuit exemplo paropsidis argenteæ S. Gregorij.

Limensium carcerum œconomo eleemosynam pro conclusis petenti, quia pecunia præstò non erat, malunium argenteum, ne rem diuini amoris nomine postolatam differet, ex abaco statim tradidit. Carceratis autem alias eleemosynas aliquot nummorum pondo incertos dies destinatas dabat, vt & alijs pijs locis, & multis familijs, quas integras clanculum sustentabat. Et Xenodochio charitatis, cuius in apparatu Limæ Limatæ, inter alia illius vrbs pia loca, mentionem fecimus, bis mille pundo in singulos annos dabat, pro vetularum ægrarum sustentatione, ac dote puellarum quæ illis ad tempus obsequabantur.

In oppido S. Iacobi Lunaguanensi, Limanæ diœcesis, dùm Thuribius in cubiculo solus esset, intrauit Indus expositurus controuersiam, quæ ipsum inter, & loci presbiterum versabatur. Facta verò mentione duodecim regaliū nummorum quos parochus ipsi debebat; hoc interpretatus Archiepiscopus verecundam, & modestam paupertatis insinuationem, cùm nihil commodiùs adesset, superpelliceum, quo in actu visitationis indutus erat, festinanter deposuit, & Indo etiam nolenti & affirmanti, negotium suum aliud esse, seriò & clanculùm obtyudebat.

In suo Palatio Limensi, nobilis matrona, sed inops quæstæ est apud eum de filiæ suæ virginis egestate, cùm adessent tùm alij, (nam nunquàm cum fæminis solus loquebatur) illis non aduertentibus, iussit mulieri, vt in platea sub fenestra paululùm expectaret. Dilapsis inde famulis, ille statim argentea vasa, manibus lauandis præparata, per fenestram, secretiori quo poterat modo, ad matronam dimisit. Quo factò, generosæ matronæ tùm inopiæ, tùm æstimationi simul consuluit.

Alia mater petijt subsidium ad filiam nuptui tradendam, cui Thuribius nobilem gemmam, multo argento ornatam dedit. Quod cùm rescisset aulæ præfectus Quinõnius, integro pretio mulieri nummato, clenodium Archiepiscopi ædibus restituit.

Alteri verò fæminæ ad similem vsum petenti,

P p

cùm

eum Thuribius uisitaret locum diœcesis dictum Guacrechuco, prouinciæ Guamaliensis, dedit argenteum vas magni ponderis, quod in cubiculi mensa reperit. Cumque per famulos postea quaereretur, iussit ne solliciti sint; quippè vas illi restitutum esse, ad quem proprio iure pertinebat. Undè perceperunt, ipsum pro more id alicui pauperi donauisse. Valebant autem huiusmodi vasa aliqua ducentos, alia trecentos, aut plures nummos, quos pesos, aut patacones vocant.

Lima in plateam per fenestram prospiciens, transeuntem vidit sacerdotem lacera toga vestitum, eumque ad se intrò vocauit: intellectoque vestis indecentiam, à presbiteri paupertate prouenire, cui nec alia toga, neque qua eam compararet pecunia suppetere: tùm statim feruus Dei, Sacerdotum decoris zelantissimus, togam qua ipse indutus erat, sacerdoti dedit, & se festinanter abripere iussit; contentus interim ipse Archiepiscopus, supra thoracem & femoralia, linostino superpelliceo, dùm fortè accedens familiarium aliquis, rem notam admiratus, aliam ipsi togam attulit.

Thuribius aliquando perlustrans prouinciam, in familia habuit Doctorem Pasqualem Peroches, postea Decanum ecclesiæ Metropolitanæ Platenfis. Occurrit alicubi pauper, ut inopiæ solatium acciperet. Iussitque Perochio Thuribius, ut centum nummos pesos illi daret. Sed respondenti, sufficere duodecim, Archiepiscopus ducentos dari

vol-

voluit: persistente Perochio, trecentos inquam, illi munerato, adhuc affirmanti id nimium esse, securus Dei quadringentos illicò dari præcepit, & obedire oportuit. Abeunte paupere cum integra summa, vocatum ad se Pasqualem Thuribius acriter increpauit, adiungens, nihil in eleemosynæ largitione discutiendum esse, nec discernendas pauperum personas, sed respiciendum Deum, propter quem omnes petunt. Quo victus ædificatusque Perochius hoc Thuribij factum, dictumque, in ipsius laudem, & aliorum ædificationem postea narra-
bat.

Truxilli, in domo Iuliani à Turre, tunc Limensis Archiepiscopi in eodem oppido Vicarij, & post Ecclesiæ Truxillanæ, in cathedralem erectæ Decani, Thuribio se stitit egena mulier eleemosynam ab eo petens, ac ille statim tradidit argentea vasa, ex quibus eodem tempore manus lauabat. Quod cum Iulianus nouisset, vtrumque vas à femina iusto signatæ pecuniæ pretio redemit, & Archiepiscopali abaco restituit: quod sæpè aliàs contigisse repetitæ testium depositiones commemorant.

In vrbe Lima, cum alia femina inopiæ sua opem oraret, Thuribius præsentem suum Secretarium interrogauit, num nummos haberet, quos petenti feminæ dare posset; eoque negante, Archiepiscopus ipse femoraliperæ suæ manum iniecit, cui nullum obulum pecuniarum vnquam intulit. Inuenit tamen tunc nummos, & se primùm, præ

admiratione signo crucis muniens, deinde pecuniam extraxit, & mulieri porrexit. Quod & mulier ipsa, & Secretarius miraculo factum crediderunt, & pro miraculo deinceps narrabant, & ipsius Beati præfulis admiratio non leuiter confirmat.

E Palatio suo Limano-exeunti Beato Thuribio occurrerunt in foro duo patres Ordinis Prædicatorum, petentes eleemosynam pro canonizatione B. Hyacinti. vel B. Raymundi Peñafortensis, quos ipse ad sororem Grimanesam remisit, quod petebant suo nomine accepturos. Dedit illa quatuor pesos nummos. At ad cænobium redeuntes religiosos, è curru vidit Thuribius, & vocatos interrogauit, quantum acceperant? his verò cum gratiarum actione referentibus, ille circumspiciens vidit Nigrum pedisequum suum, & hunc, inquit, accipite, haud dubie secum reputans dignum esse, vt illi in cælis gloriosi terrènos seruos habeant, qui in terris positi Deo fideliter seruierunt. Ac renuentes religiosos seruum accipere coëgit, iubens, vt crastino cum tabellione redirent, instrumentum donationis accepturi.

Alibi apud eum quæsta est mulier quædam, filiam suam sexennem non frequentare sacra, quod decenti vestimento careret. Tùm ille editis intimi doloris indicijs, videns armarium ad prandium fortassis ornatum, iussit inde adferri ingentem lancem argenteam auro oblinitam, & suis insignibus insculptam, tanti ponderis, vt porrectam vix vna manu

manu sustentare potuerit , & interrogata fœmina , an ea subleuendæ necessitati sufficeret , pateram annuenti tradidit , ac tacitam abire iussit :

Antiquum & solemne fuit Archiepiscopo Mougouejo , vt cùm prouinciam peragrando , oppidum , pagumue ingrederetur , post adoratum in templo Deum , vocatis ad se Fiscali populi , & præfecto Hospitalis , infirmos visere , eisdemque , & obuijs tùm vbique pauperibus pecunias larga manu porrigere , in quem vsum nummorum saculum cùm ipso portabat Alcozerius ruralium largitionum comes , vel parochus loci , aut alius quilibet ex familia . Nec obulos , aut communes regales nummos , sed plura , & sæpe multa pondo donabat : ex quo facile censei possit quàm plurima millia , per sexdecim , vel octodecim perpetuæ circuitionis annos in pauperes dispensasset : Cùm interea semper etiam foris cucurrisset maiorum largitionum quotidianus vsus , nec vrbanæ propter ipsius absentiam vnquàm intermissæ fuerint . Inter quas fuit annuum pallium elaborati serici , in singula templa , in quibus die cænæ Domini , Christi sepulchrum exhibebatur . Nescio num altaris antependium , an pluuiæ Sacerdotis ferentis Sanctissimum Sacramentum , aut quæ alia sacra vestis . Hispani & Itali *manto* vocant :

CAPVT XXXVIII.

Alia id genus plura .

Absente Lima per prouinciam Archiepiscopo , contagiosus morbus in vrbe grassari cæpit , quo plurimi passim peribant : Et præter populum in proprijs edibus vbique laborantem , publica omnia loca charitatis eructabant morbidis , & quotidie morientibus . In prouincia distentus ille , ciuium tamen curam sic egit , vt animarum sollicitudine Sacerdotibus , & religiosiis viris seriò commendata , corporum curandorum , ac imprimis egenorum , in se vnum susceperit . Scripsit enim Francisco Quiñonio , vt quidquid esset Archiepiscopatum prouentuum , id totum in ægrotantium solamen insumeret , nec ulli domesticæ suppellectilis parti parceret : quæ si non satis forent , omnem quam posset pecuniam assumeret mutuo : se quippè à diuina prouidentia id vitæ tempus fidenter expectare , vt omnia persolvere posset . Ipse interim ardentissimis precibus , & consuetarum carnis afflictionū holocaustis diuinum placabat numen , quo miserente , plaga citò cessauit . Multa interim millia nummum insumpta sunt , quorum rationes optimus , & suauissimus Quiñonius postmodum in ratiocinio reddidit , ostenso Prasulis mandato , & fidei eius executione .

Ha-

Habuit Beatus Thuribius cyphum aureum valoris pondo septingentorum, ex Hispania allatum, patris hæreditarium munus, ac propterea charissimum. Hunc aliquando in itinere perdidit custos Marcus Garcias, qui publicum testimonium facto perhibet. Et nè paterni amoris monumenti damnum dolorem domino ferret, fidus famulus per eandem viam retrogradus, & solus incedens, tota nocte desideratus est, non absque labore, & gravi periculo vitæ suæ. Thuribius autem, re cognita, ad eò de iuuenis saluo reditu sollicitus erat, vt cyphi damnum nihili penderet; quin potius, Marcum sequenti die redeuntem lætus excepit, & cyphum, quod hominis vitæ periculo repertus esset, Thuribius amplius possidere non voluit, sed Deo, qui Marcum seruauit, lubens obtulit, tradiditque Didaco de Auila parrocho loci Chancay, vbi tunc erat; vt eo vendito Ecclesiæ suæ pauperi ornamenta expretio compararet: Regis Dauid exemplum secutus, qui aquam cisternæ quæ erat in Bethelchem, antè desideratissimam, allatam tamen bibere non voluit, sed libauit eam Domino, quod fortium virorum vitæ periculo allata fuisset, dicens: Propitius sit mihi Dominus, ne faciam hoc. Num sanguinem hominum istorum, qui profecti sunt, & animarum periculum bibam? Ita Thuribius non aquam, sed aurum contempsit, non fortium virorum, sed vnius imbecillis pueri sui periculum æstimauit. Quot in vno facto heroicæ virtutis insignia?

gnia ? paterni amoris affectum , & nobilis clenodij delectamentum in se compescuit , serui dominatum in filij dilectionem commutauit : aurum contempsit , eleemosynam sacerdoti , Dei templo decorem , posteris exemplum præbuit .

Franciscus Quinõnius Archiepiscopi Thuribij affinis , & Archiepiscopalis aulæ præfectus , reddituumque curator , Philippi Regis fauore , regni Chilensis gubernator , & generalis belli Dux constitutus fuit . Quam opportunissimam occasionem naçtus Beatus Antistes , qui dudum nouerat , Hispanos illius regni milites parùm tardèque remuneratos , pauperes , & nudos cum infidelibus barbaris , pro Rege , & religione , perpetuis valitationibus decertare , viginti millia nummùm pondo profecturo Quinõnio , fidissimo suæ pietatis ministro simul tradit , vt pannos aliaque subleuandæ militum inopiæ necessaria coëmeret , ipsisque pro præfenti cuiuslibet necessitate dispensaret . Cùm interim semper ipse Limæ & alibi , eorum vxores , & filios viduas , & pupillòs copiosè sustentare soleret , quos omnes in albo conscriptos habebat .

Adcò prudenter , & purè propter Deum , & conscientia , quod sibi obijciebat , vinculum , opes suas dispensabat Mogrouejus , vt nihil vnquam auræ mundanæ , nihil propinquorum affectui , nihil potentum adulationi indulgisse visus sit . Rogabat ipsum semel Ludouicus Velasco , meridionalis Americae Prorex , idque Regis nomine & ostenso

Catholicæ Maiestatis mandato ad se misso, vt vel mutuo, vel honorario dono concederet summam aliquam pecuniarum, ad sustinendos sumptus bel-
lorum, quæ aduersus infideles, & religionis, Ec-
clesiæque hostes fiebant. Thuribius affirmans pro-
uentus Archiepiscopales, non suos, sed pauperum
esse, non priùs consensit, quàm re cum viris scien-
tia, & pietate præstantibus deliberata, per ipsorum
suffragia cognouisset, se salua conscientia donum
dare posse. Tùm verò dedit circiter sex millia du-
catorum Castellæ, cuiuslibet vndecim & semirega-
lis communis argenti, seu quatuordecim millia
nummorum octo regalium, ministrorum conscien-
tias, inito pacto, eaque expressa conditione ligans,
vt integra summa in sacri belli vsum, contra fidei
hostes, & non in vllum alium, vel aliter infume-
retur.

Limæ, in festis Natalitijs Domini, Thuribius
nouam interulam à sorore confectam sibi induit,
cùm seruo Dei importunè, sibi opportunè venisset
pauper sacerdos, inopiam suam sic aggrauans, vt
etiam indusio in tanta festiuitate se carere diceret;
Tùm Thuribius: Itane pater, indusium non ha-
bes? expecta parumper. Et ingressus conclaue,
memor, Christum Deum eo die in fæno iacuisse,
se ipsum exiit, & interulam presbitero dedit, ipse
interim nullo vsus, & rem dissimulans, dum stato
tempore, aliud attulerunt. Tùm verò Grimanesa
alterum à pueris petens, nec accipiens, ipsa Præ-

sulem adiit, ab eoque intelligens, indusium pauperi datum esse, sororia fiducia fratrem increpauit, muliebri querela fortassis adiungens, sic perditam vestem ipsius manu consutam. Sed vir sanctus confidentiam charæ sororis patienter ferens, pia facetia litem diremit, respondens: mulierum esse, telam texere, & consuere; deterere verò, & consumere, ad viros pertinere.

Cum in oppido Santa anno 1596, visitationis munus exerceret, nobilis Hispana nomine Dorothea, vxor quondam Ioannis Chiaconi, exposuit multa se prole, & rei familiaris penuria constringi. Cui Beatus Thurius ex animo compassus, dari statim iussit ducentos nummos patacones, quos epheborum vnus, ad eleemosynas erogandas portabat, vt filias ambas decenter vestiret, ne præ verecundia sacris abstinere cogerentur. Duos autem Dorotheæ filios ad se ipsum assumpsit, & omni re necessaria sumptuque itineris instructos Limam præmisit, cum litteris ad prouisorem Seminarij Archiepiscopalis, vt vtrumque sibi susceperet, & inter alumnos ad virtutem educaret; & alijs commendatitijs ad Proregem, vt bonis adolescentibus, & bona domo natis fauere, & benefacere velit.

In parochia Aneajmana, vt cubiculum aduenienti Archiepiscopo pararetur, Inda mulier duos tapetes paracho accommodauit, qui ad portas & parietes appenderentur. Cumque, Domino Pal-

pam.

pam inde migraturo, serui propriam ipsius suppellectilem colligerent, aderant Indi duo Thuribij famulis ignoti, sed crediti curionis familiares, qui fœminæ strata deposuerunt, & abstulerant. Aueymam redeunte Archiepiscopo, accessit cum Inda Augustinus de Touar, Ordinis Prædicatorum, loci parochus de perditis Indæ tapetibus conquestus, & familiæ præfectum rogans, vt videat, an forte serui eos incautè sarcinis inuoluissent. Negante præfecto factum, & affirmante Domini sui seruos, ne paleam quidem alienam accipere vnquam ausos, aut eiusmodi criminis insimulatos fuisse: Sed oportere, vt Indi illi, vt putabat, ipsius parochi, tapetes abstulissent. Augustinus querelam ad Archiepiscopum detulit, qui vocato præfecto, pannos quæri iussit: nec enim iustum esse, vt quibus vsi sint, ipsorum occasione perderentur. Persistente præfecto, se iam operam adhibuisse, nec seruos ipsius, sed Indos illos, rem perditam abstulisse; Thuribius vocato puero, Castellani serici stratum è lecto suo fœminæ dari iussit, quale, cum nuper emeretur, alterum illi par Limæ venale reperiri non potuit. Ad quod indignante præfecto, Thuribius vocato puero culcitram quoque dari fecit: Et incusante præfecto, culcitram Indæ dari, quæ non nisi nuda humo cubare didicisset. Ille adhuc linteamina cum puluinis dedit. Quo viso, Touarius dixit mulierem non hæc sed tapetem suum quærere, indicare volens Archiepiscopum longe plus dare, quam illa prætendebat.

Ad quæ Thuribius : quod dedimus , inquit , iam datum est , nec repetere debemus . Sed stragulum ipsius quantum valere potuit ? audito sex tantum pesos valere , tantundem pecuniæ rebus antè datis addidit . Et Inda totum asportavit . Quo palam fecit Sanctus Præsul , quam parui pecuniam , vel commoditatem suam penderet , velleque ut nemo sui causa damnum pateretur , sed omnes lucrum referrent : nolle autem quenquam largitionibus suis modum ponere : obedire & obsequi ministros , non dominari debere .

Martinus de Aranciuia , Rector Ecclesiæ parochialis oppidi S. Mariæ de Parrilla , exposuit Archiepiscopo egestatem Ecclesiæ suæ ; maximè verò , quòd careret ferculo , in quo Sanctissimum Sacramentum , vel in processionibus ritu solemni circumferri , vel publico cultui in ara exponi posset ; atque adeò cessare hæc præcipua diuini cultus , & christianæ pietatis exercitia , Tum protinùs ille sex discos argenteos mensæ suæ dari iussit ; Sed quoniam armarij minister duas magnas lances in minores commutasset . Thuribius , eleemosynæ diminutionis impatiens , illas etiam , cum sex iam datis adiungi præcipit , adeoque Martinus octo pro sex reportavit , ex quibus corpori Christi ferculum vsui idoneum fieri curauit .

E Limensi sua domo exituro Antistiti paratus in implauio erat optimus mulus , pro domini dignitate phaleratus , cum se obtulisset pauper homo , stipè pro col.

collocanda filia exposcens. Ac Thuribius aliud tunc in promptu non habens, mulum repente, cum phaleris & freno, vt erat instratus, donauit.

In prouincia Moyabambæ appulit ad locum Indorum, qui quòd vel templum ædificare, vel Sacramentorum, aut Euangelij ministerium alere præ paupertate non possent, vtroque carebant. Thuribius animarum curam in longum differre non passus, non prius loco discessit, quam suis pecunijs, & familiarium vltroneis oblationibus, vaccinum armentum coëmerit, quod vnicum fundandæ dotis medium, regio suppiditabat, & sacerdoti tradidit, qui quotidiano sacrificio defunctorum animabus suffragaretur: atque interim, dum amplior fructus ex armento proueniret, omnia curionis officia desolato populo præstaret.

Domus hospitalis S. Andreæ, cuius antè meminimus, administratores extremam pauperum necessitatem exposuerunt. Cùmque Thuribius maiori summa succurrere cuperet; quia tamen, nummum in promptu esse, dubitabat, quinginta pondo numerari iussit. Sed cùm nec ista ministro suppetere, viros in sequentem diem redire iussit. Thuribius autem huiusmodi dilationum perpetuus exosor, mulum præsentis sui vsui in atrio stratum, omnia domus peristromata, quatuor calices argenteos cùm Vrceolis, & patellis, duos seruos nigros pedisequos suos, aliasque domesticas res, ad valorem sex millium pondo statim auferre fecit;

nec

nec eo minus quingentos pefos prius imperatos mifit. In omni alio mandato fuo executionis moram fuflinebat, fed eleemofynarum nunquam; fine damno fuo, & maiori pauperum emolumento.

Ex his, & alijs multis, quæ in actis Sanctitatis Mogroueji, & hiftorijs vitæ, & virtutum ipfius fparfim reperiuntur, facile coniectari poffumus, plurimas eius largitiones; in folius Dei, & pauperum peccatoribus latentes, nobis occultas fuiſſe. Cuius rei indicem exhibuit religioſus vir Ordinis Prædicatorum, Antonius filius Vincentij Rodriguez, qui ſe ſæpiſſimè, dùm in domo paterna ſecularem adhuc vitam ageret, ad patrem fuum, verecundorum, vt diximus, prouiſorem, multa cuſi, cælatique argenti pondera, & aliarum rerum domelticarum dona, ijsdem pauperibus, vel in propria ſpecie, vel in venditorum pretio distribuenda clàm a Thuribio ſub pallio retuliſſe, legitimo teſtimonio profeſſus eſt. Inter quæ aliquando erant lintea, & magni pretij lectiſterna lecti ipſius Archiepiſcopi Mogroueji.

Alij per ipſum hac ratione ſæpe data teſtantur, crucem peccoralem ſuam, tabulas pictas, & ſuæ bibliothecæ libros, mappas, tapetaque menſarum, & manutergia, ſericos genuſſectorij puluinos, equorum dorſalia. In ruralibus eccleſijs quidquid deeſſet è facelli ſui ſuppellectili ſacra ſuppeditabat, cruces, imagines, calices, caſulas, billinas togas,
&

& superpellicea, Vrceolos, & patinas argenteas, cætera omnia; ipse interim simplicibus humilibusque contentus, dum dignitatem decencia argentea, & serica totiès ex vrbe mitterentur, quæ non citiùs accipiebat, quam iterùm donabat, vt aliquando urbem ipsam Limensem, lignea cruce, in ligneo hastili, prælata, ingrediè rure redeundo visus est. In Xenodochijs & Nosocomijs, lodices, puluinos, lintea, culcitra, & stragula, atque adeò lectum integrum relinquebat, ipse semper humi cubans, & tota nocte in oratione peruigilans. Ea denique illi, dandi regula fuit, vt quacumque re alios indigere sciret, eam sibi superfluam crederet. Nulli vnquàm accessum occludi sinebat, nunquàm se à dando excusabat, nunquàm negauit peti- tum. In aliud tempus promittere, pauperibus iniuriosum, sibi verò dare, debitum suum reputabat. supplices omnes in visceribus charitatis lætus & hilaris excipiebat, cunctos consolatos, adiutosque dimittebat. Perditum denique censebat illum diem, quo manus pauperi non porrexisset. Ipse præter maiorum summarum numeratæ pecuniæ schedas, cum quibus ferè quotidie, vel pauperes ipsos, vel eorum quæstores, ad Franciscum Quinoniam illi- co expediendos remittebat.

Si quis modò hanc Sancti Præfulis largitatem, cum itinerum, & ædificiorum expensis, cum condigna domus, & honestissimæ, etsi nunquàm superflue, familiæ sustentatione, cum sibi detractis
alio-

alioquin iustis emolumentis, alijsque eius expensis comparauerit, facile percipiet, quàm non immeritò graues, & prouectæ virtutis, ætatisque personæ, in veritatis testimonium adductæ, omnes passim profiteantur, Mogrouejum Archiepiscopum maximam redituum suorum partem hac ratione modoque dispensasse, tanta profusione charitatis, vt si Grimancæ sororis, & coniugis eius Quñionij fides, integritas, prudentia, & prouidentia non adstitissent, minus idonei, vel aliter forsitan affecti eius ministri ad Archiepiscopum, familiamque sustentandos, iam dudum mendicare coacti fuissent. Sæpe mutabant claues, nè ad res domesticas facilis illi accessus esset: quæ ipsius vsui seruebant quantoties auferri curabant, nè Thuribij dono per alios clam auferrentur, & sumptus nihilominus necessarij eleemosynarum immensitati satis arctè in annum superesse solebant. Eamque de ipso communem omnium opinionem fuisse, vt si Archiepiscopales prouentus omnes ad ipsius manus peruenirent, nihil prius accepturum fore, quàm in pium aliquem, & pauperum vsum donauisset.

Nec mirum quod Sanctus Præsul, crescente prouentu ecclesiastico, cum Episcopalis misericordiæ vinculo, quod ipse sibi conscientie faciebat, pauperibus amplius prouidisset; Sed id in paucis reperitur, quod in liberiori conditione, & omni vinculo ecclesiasticæ substantiæ solutus, eundem semper pauperibus elargiendi modum obseruasset.

Nam

Nam quod antè diximus, etiam Granatæ ipsius eleemosynas prouisionum rationes excessisse constat; vt multi miraculo tribuerent, eum dare potuisse plusquàm humanitùs accepisset: In Peruiam deinde migraturus cum copiosa familia, multaue, ac diti supellectile, multas etiam pecunias ad itineris tam longinqui, molestique expensas habuisse, dubitari non potest. Et tamen Limam appulsus tam inops nummorum fuit, vt nauis, qua Panama Limam vectus est, naulam daturus, Archiepiscopalis aulæ ornamenta vendere cogeretur; vt existimari possit, antequàm nauem conscendisset, pauperibus & pijs locis, pro felici navigatione, multa distribuisse, & in ipso mari fortassis etiam in classe languentibus, & infirmis; atque appulsum per viam vsque Limam, ac in ipsa Vrbe, pauperiore tum statu constituta, quàm cum ipsam reliquisset Thuribius, omni se pecunia dispoliasse. Ac tamen tunc etiam in tanta penuria, supellectilem, eadem qua deinceps largitate, pauperibus cum pecunia clam, palamque dispargebat. Vnde factum est, vt in Peruvia, seu tota australi America rariùs alio nomine vocetur, quàm anthonomastico illo Eleemosynarij, patris pauperum; & S. Archiepiscopi: idque, vt Actorum phrasim vsurpem, apud omne genus hominum Ecclesiasticos, & seculares, honestos, prudentes, doctos, discretos, nobiles, plebeos, mares, & feminas, pueros, & senes, communi omnium vsu, & opinione, publi-

ca æstimatione, & fama, absque eo, quod quidquam vnquam auditum fuerit in contrarium.

C A P V T XXXIX.

*Archiepiscopi Mogroueji Sacrarum ædium,
substructiones ..*

OMnes Parochiales Ecclesias, quas in Indijs doctrinas vocant, eremitoria, sacella, & Xenodochia, quæ Thuribius noster magnis sumptibus reparauit, à fundamentis extruxit, consecrauit, exornauit, æneis campanis, sericis paramentis, & sacerdotalibus indumentis, pictis tabulis, crucibus, calicibus, thuribulis, reliquaque supellectili argentea, ritualibus, & doctrinalibus libris, ferreis forcipibus ad pinfendas hostias, alijsque omnibus necessarijs rebus instruxit; Erectas per prouinciam Confraternitates, quibus ipse salubres viuendi leges tradebat, ad calculum, quia difficile putatum, nemo hætenus adduxit. Plurima fuisse, omnes vno ore contestantur; Vt nec vllum, ferè locum in amplissima tunc prouincia fuisse, cui insigne aliquod eiusmodi beneficium non contulisset. Xenodochijs quoque proprios lectos vel integros, vel pro ratione necessitatis per partes donabat, reliquamque supellectilem, victum, & medicinas, quibus infirmos, vel pauperes egere sciebat, suis pecunijs comparabat.

Ha-

Habebat enim Limæ destinatos opifices, qui campanas, qui hostiarum conficiendarum instrumenta, qui sacras vestes, qui calices, cruces, pikes, thuribula, Urceolos, candelabra argentea, cæteraque omnia faciebant; & libris & picturis imprimendis pingendisque, vel coëmendis præfectos. Et cunctorum grauiâ pondera secum, prouinciam lustraturo, vehi curabat, ac pro locorum indigentia distribuebat, vel alijs visitatoribus à se missis tradebat, eorum sollicitudini seridè commendans, vt nulli loco quacumque earum rerum indigere non prouiderent. Habebat ipse in notis, & à se præceptis perceptisque litteris omnium instructiones, vt sicubi omisum aliquid foret, id ipse pro suo more multiplicatum daret. Omitto, quæ ante dixi, coadunatos Indorum per tuguria, cryptasque dispefforum populos, noua oppida fundata, pagosque constructos, apertas in desertis publicas vias, ciuili commercio necessarias, & pontes, quibus perniciofa transuadantibus flumina torrentesque sternebat.

Sacellum S. Thomæ Apostoli.

Sed peculiarem notam postulabat Beati Thuriij erga Apostolorum Christi monumenta pietas, quibus regij Prophetæ prædictio aplius declaratur: quòd in omnem terram exiuit sonus eorum, & in fines orbis terræ verba eorum. In Peruuia, Brasilia, Psal. 18.

Paraguayæ, & alijs forte regionibus Australis. Americæ reperiuntur indicia prædicatæ olim ibi Christianæ religionis, plurimis seculis ante Hispanorum accessum: quæ ex illarum gentium historijs, notauit Alfonsus de Ouaglie, Societatis Iesu, natus Chilensis, in sua illius regni historia, & multo copiosius collegit Antonius Calanchanus, Peruiensis, ordinis S. Augustini, in sua historia Peruiæ. Inter quæ non infimum est constans, & vetustissima traditio Gentilium; quod inter ipsos nouam religionem quondam docuerit S. Thomas Apostolus, cuius adhuc extant in eorum mentibus aliqua dogmata, & in varijs terræ locis, saxea monumenta.

Ex his vnum est in loco Peruiæ, quem Calinapum vocant, prouinciæ Chachapoyæ, ad orientalem partem Caxamarchæ, diocesis Limensis, ingens saxum, Sancti Apostoli iunctis plantis vtriusque pedis, genuum quoque, & Viatorij baculi vestigijs impressum: In quo nimirum, tanquam insuggesto, pedibus insistsens interdum prædicabat, & noctu genuflexus orabat, seposito ad latus baculo; quibus marmoris durities, ceræ molliem imitata, cedebat. Quo miraculo redarguebat rigorem barbarorum pectorum, quæ verbi Dei ancipiti gladio penetrari non poterant. Inuestigent alij quia via Thomas in Peruiam, seu nouum orbem, tunc cæteris gentibus incognitum, penetrare potuerit. Mihi satis est prophetam Habacuc ex Iudæa
in.

in Babilonem àb Angelo portatum, & reportatum fuisse, apprehensum capillo-capitis sui: & Petrum Christi virtute supra mare ambulasse, & Philippum ex AEgypti confinio in Azotum spiritu Dei deportatum fuisse: & Apostolos omnes, ex remotissimis orbis partibus, ad Virginis Deiparæ funus, momento temporis, conuenisse; vt credam potuisse Deum facere, vt Thomas etiam facili cursu Occidentales has, & Orientales Indias, in quibus martyrio coronatus est diuina potentia perlustret. Cætera eius Peruuiana vestigia, quæ ad præsens non pertinent, apud Chalanchanum, videntur non prosequor.

Quod Thuribij nostri est, sua singulari pietate antiquum Apostolicæ prædicationis monumentum, perpetuis generationum vocibus decantatum, adeo frequentibus alijs eiusdem Apostoli per eas regiones vestigijs comprobatum, vetusta gentium veneratione celebre, in propria ipsius diœcesi reperiuntur, & rite recognitum, vir ipse Apostolicus, flexis genibus, cum toto comitatu suo veneratus est, & osculis lachrymisque tenerrimè suauabatur. Atque vt commodiori peregrinorum concursu cõleretur, saxum inde ad vicinum Cauipali oppidum trahi cupiebat; Sed operis difficultate, & accolarum monitu factum est, vt ipsum in suo veteri loco, situque reliquisset. Dicebant enim, Calatupam quendam, à Rege quondam Guascare constitutum prouinciæ præfectum, id ipsum irritò conatu ten-

tentasse : nec enim ullis operis , machinis , aut molitionibus lapidem suo loco dimouere potuisse , idque virtuti tribuens , constituit , vt Indi , quouis oriente sole , sacrum monumentum eodem loco supplices venerarentur . At Archiepiscopus Thuriibus sanctiori instituto , Christianisque ritibus venerationem in Dei optimi Maximi cultum , & Sancti eius Apostoli Thomę memoriā frequentari iussit . Quod , vt commodius decentiusque fieret , sacram eadem super saxum extruxit , quam pij peregrini ampliori pietate subirent , & dūm precibus intenti essent , ab aëris incommodis se tutarentur .

Sacellum Beatissimę Virginis Copacauanae.

Est in Peruię prouincia Humasuya , crebris magnisque prodigijs celeberrima Dei Matris imago lignea , filium Iesum vlnis præferens , quam , à primo miraculorum , & perpetui cultus loco , B. Virginem a Copacauana vocant . Huius exemplar in tabula depictum seruabant Limeses , magnum quidem & pulchrum ; etsi , pro Indorum inopia , non satis honorificè habitum in ipsorum oppido suburbano *Cercado* , (quod nunc vrbs Linę pomœria contingit) in veteri , & agresti tugurio , seu eremitorio : Cum vna dierum elucescente , tectum , & parietes ædiculę destructa , ac dissipata visa sunt , & virginis Matris filijque icones cæli iniu-

iniurijs. expositæ. Cognitus impij facinoris. nocturnus author. ad supplicium quærebatur; cum interim, cætera serenum, vtraque effigies tanto sudore. repentè stillare cæperit, vt intra quatuor horas, quas. perdurauit. prodigium, duo calices sacri liquoris. reuerenter collecti fuerint, qui varijs deinde morbis præsentissima. medicina fuit.

Res ad Archiepiscopum Thuribium delata. est: qui cum sudoris miraculum, pro iuris. norma rite discussum, ordinaria potestate. sua. comprobasset, ad solitum orationis. studium. recurrens. præcepit, vt Sanctissimo Eucharistiæ Sacramento. in omnibus. Urbis. Ecclesijs. exposito, debitæ gratiæ. Dei. Matri. pro tanto beneficio rependerentur, & placetur offensum filij Numen; nè vnus peruersi hominis Sacrilègium. in. populum. vniuersum. redundaret; Sed sceleris reus si ita. Domino. placeret, capi, ac pro demeritis. plecti. posset.

Constituit. etiam. B. præsul. prouisorio suo, seu Vicario generali, vt, indicta publica supplicatione, Sacram. inaginem. ex. veteri. illo. dissipato. tugurio, solemn. pompa, in. Ecclesiam. cathedralem. transferret. Interea. verò, dum. iussa. Pontificis. ad. effectum. disponderentur, omnium. Ciuium. concursus, ad. sudoris. miraculum. conspiciendum. fiebat. Ducebantur. cæci, muti, manci, claudi, paralitici, varijsque. morbis, &. membrorum. affectibus. grauati, &. cuncti. per. Sacri. Sudoris. attractum, sensibus, mem-

membris , & valetudini restituti , repentē sanabantur .

Quod cū clarē vidisset homo Europæus , paralisi debilitatus , sed grauiori morbo Lutheranz hēreseos corruptissimus , inter Catholicos ad Virginis diuæ præsidium confugiens , concepto voto , si sanus euaderet , promittens , se crediturum , non quod aliqui incautē scripserunt , Mariam Virginem veram Dei Matrem esse ; (Id enim lutherani alijque Europæ moderni hēretici credunt) Sed , quod per summum errorem negant , sanctos , etiam Dei param , nostras preces audire , vel votis respondere posse . Nec citiūs pronunciauit , quā illicō corpore sanus , mentis quoque morbum , (vt integra sunt beneficia Dei) simul depulsum sensit , firmiter credens quidquid Romana catholica sentit , & credit Ecclesia , seque Sacre Limensis Inquisitionis tribunali sistens , clementer susceptus , & à pristina hēresi absolutus est . Tū iterū ex animo se se Virgini Deiparæ mancipium deuouit , & in eius sacra cede , dū deinceps vixit , fideliter inseruiuit .

Verū Thuribij in Mariam deuotio hic non stitit . Nam postquā sacra effigies in Ecclesia cathedrali collocata , & frequentiori fidelium concursu culta , multis magnisque miraculis cū ipso Copacauano prototypo concertare quodammodo videretur , Thuribius insignē sacellum , in eadem cathedrali

thedrali templo, à fundamentis extruxit, adeò amplum, vt Confirmationis, & Sacrorum Ordinum Sacramenta in eo deinceps conferre soleret, & miraculosam Virginis effigiem in eo honorificentius collocauit.

Quoniam autem tùm archetypa statua, Copacauana, tùm hoc eius depictum exemplar Limense ad Indorum nationem pertinebant, ideò Beatus præsul ampliori huius cultui consulens, Indorum sodalitium in suo metropolitano sacello instituit, quibus exercendi cultus, & piarum actionum normam ipse præscripsit, & Archiepiscopali auctoritate approbavit. Vt indè deinceps illud Sacellum Limense Virginis Copacauanæ præcipuum Urbis Sanctuarium extiterit, quamdiù postea vixit Thuribius, & populorum frequenti concursu, perpetuisque Mariæ apud Deum potentie miraculis illustri/ssimum. Nemo tamen ipso Beato viro in eo frequentior erat, aut in fundendis precibus diuturnior: qui nimirum crebrò plures horas orationi intentus in eo morabatur.

Verùm ipso in Cælum sublato, cathedralis Ecclesia noua forma à fundamentis restituenda fuit: & quoniam Thuribiani Sacelli situs nouæ fabricæ symetriæ impedimento fuit, ipsum demoliri oportuit. At ne Matris Dei cultus indè diminueretur, noua ædes eidem, Indorum sodalium sumptibus excitata est in suburbio S. Lazari, adiuncta domo habitationi Sacerdotis; qui, vt Vicarius parochi

Metropolitani, Ecclesiæ, & animarum curam gerit, & Missas in ea quotidie celebrat, omnia disponente Archiepiscopo Bartholomeo Lobo Guerrero.

Opere igitur ex omni parte absoluto, illa sodalitas Indorum, cum sacra effigie anno 1633. die 28. Decembris, illuc translata fuit, assistentibus Archiepiscopo Ferdinando Arias de Vgarte, & Prorege Comite Chinchonio: appensa in eodem Deiparæ templo sola B. Thuribij, vt primi fundatoris imago. Ciuitas autem Limensis perpetuis Deiparæ beneficijs grata, quæ etiam in hac noua æde non cessant, singulis annis, ipso die 28. Decembris, quo illa translatio facta fuit, & miraculosus ille sudor apparuit, cum solemnî supplicatione, ad suburbanum illud virginis Sacrum, magno concursu, & pietate procedit, ibidem feruenter assistit solemnî sacro, & prædicationi Verbi Dei; in qua Mariæ dignitas extollitur, nec Thuribij tacentur encomia; cuius pio studio, per misericordiæ Matrem, tantum suum bonum complaudens Vniuersa Ciuitas acceptum refert; Et sodalitij Confratres reliquo anno, iuxta leges a Thuribio acceptas, Deiparæ laudibus alijsque, pijs operibus deuotè insistent.

Canobiũ Virginum S. Clare, & Recluforium mulierum male nuptarum.

Beatus Thuribius Alfonsus Mogroueius, in ex-
ha-

haustæ suæ charitatis amplissimo sinu, omne genus hominum suæ curæ pastoralis commissorum amplectebatur; quibus pastorem, & Oeconomum se à Christo constitutum dicebat. Cumque perpetua in cunctos beneficentia, corporibus, animabus, fortunis, ea præstitisset, quæ hucusque narrauimus, peculiare nihilominus studium posuit in conseruanda fragilis fæminei sexus integra pudicitia. Puellas in egenorum parentum domibus alebat. Reclusis omnia necessaria larga manu tribuebat, visitabat frequenter, & verbi Dei pabulo Sanctissimisque documentis ad pietatem erudiebat, & in sanctimonix proposito fouebat, consolidabatque, ociosas virorum confabulationes saluberrimis legibus coercerebat. Et ipse, postlucanis horis, claustralium locorum muros circumeundo, pauco comitatu incognitus excubabat; Si omnia tempestiuè clausa, si cælestis sponsi laudibus intenta, si regularibus institutis, & synodalibus decretis conformia essent.

Intelligens autem periclitantium puellarum numerum adeò excreuisse, quòd vel parentibus orbæ, vel alioquì non satis custoditæ essent, vt sibi non suppeteret, quo cunctis consulere posset: aut si suppeteret, id præsentibus tantummodo vsui fore, non post ipsius mortem futuris. Nec paucas esse iuniores fæminas, quas malè nuptas vocant, quod vel iusto diuortio, vel cæteroquì necessaria, diuturnaue virorum absentia, ab ipsis separatæ, at-

que adeò maiori honestatis discrimini expositæ ; quo sui quodammodo iurîs , maiori libertate in proprijs domibus solitariam vitam degerent . Exco- gitabat vtrisque commune , perpetuòque duratu- rum remedium , per quod supremæ maiestatis læ- dendæ crimina præuenirentur . Idque fuit , vt que- madmodum priùs Limæ in Xenodochio charita- tis , ætate , & valetudine inutiles Vetulæ simul col- lectæ fuerunt , & pauperes puellæ constitutæ , quæ quùm ipsis ad tempus inseruirent , ex communi- bus hospitalis Elemosynis dotem pro labore acci- perent : quibus ipse Sanctus Antistes , præter cre- bra , largaque subsidia , quæ pro occurrentibus oc- casionibus in communem Xenodochij vsum con- ferebat , bis mille pondo nummos collocandis illis- puellis in singulos annos largiebatur . Ita etiam pro iuuenibus nuptis à coniugibus separatis claustrum- construeret , in quo etiam illæ Virgines procul pe- riculo custodirentur , donec nuptui tradi possent .

Erat tùm Limæ vir bonus , & locuples . Franciscus de Saldaña , qui , cùm Thuribij desiderium co- gnouisset , laudauit propositum , suasque faculta- tes , & personam operi promouendo obtulit , vt il- lis alleuiarentur sumptus ædificij , & persona reclu- sis fæminis extra claustrum semper seruiret , Erant autem opes quatuordecim circiter millia pondo . Hac re lætus Antistes , adiuncto propriorum num- mùm , non paruo numero , quæ sexaginta millia fuisse in monasterij tabulis reperitur , nouem im- pri-

primis vrbis domorum insulas, ad forum maximum coëmit, & in claustralem formam reduxit, ex ædificatoque templo, & claustro, cæterisque interioribus officinis muro cinctis, Deo sic disponente, incidit animo, magis expedire, vt nuptæ seorsim, virgines autem ab earum conuersatione seiunctæ cum sublimioris instituti ratione degerent. Igitur minorem operis partem nuptis recludendis accommodari fecit, in qua, tanquam in communi gynæceo, per grauem aliquam matronam regerentur. Maximam verò partem in cænobium Franciscanis Virginibus, sub S. Claræ regula, & Archiepiscopi regimine victuris, assentiente Saldaña conuertit.

Applicabat, præter proprias pecunias, huic operi Thuribius multas omnes, quas inter visitandum prouinciam, delinquentibus imponebat. Scripsit etiam Regi, qui & propositum summo opere laudauit, & Ludouico Velasco, Regio suæ in Peruvia Vicario iussit, vt terras ad victum, & mitatarum (sic Indorum distributiones vocant) sufficientes partes monialibus ad obsequia assignaret. Assignauit ille fundum annui redditus mille pond. & seruas plurimas. Applaudebant omnes tam vtili, tamque sancto instituto, vt quotidie confluerent multorum liberæ, & copiosæ oblationes, etiam Indorum, de quibus hæc ad Clement. VIII. Pontificem scripsit ipse Thuribius.

Multæ elemosynæ ab Hispanis, Indis, alijsque,
magno

magno charitatis ardore collatę sunt . Et ex Indis quidem circiter bis mille iumenta , magnum pondus argenti , pannorum , supellestilis , tritici , leguminum , pecudum ; vt ego obstupuerim , cū tam multi neophitorum tanto feruore me quęrerent ad eleemosynas contribuendas , dicentes quod vellent benefacere animabus suis : Quę si cuncta recensere vellem , tempus mihi non sufficeret , & scititas vestra miraretur , multasque Deo grates redderet , intelligens quanto animo , quā pronā , & promptā voluntate , & spiritus feruore suas offerrent eleemosynas isti Indi . opus Dei est hoc Monasterium , ex quo multa bona in rempub. deriuabit ; propterea ipse iuuat , & promouet . Animus meus est , vt ingreſſurę Moniales sint Franciscanę ; Ordinario subditę , iuxta foundationem , & fundatoris voluntatem . Hęc ad Pontificem solita sinceritate Thuribius .

Perfecto autem opere monasterij , & clausura nuptarum , anno Christi 1605 . die decima Septembris , publica solemnitate introductę sunt omnes , (de nuptis postea dicemus) Virgines verò ē celeberrimo cænobio Limeriſi Incarnationis , Ordinis S. Augustini , S. Clarę regulam deinceps profesturę quatuor , Iustina de Gueuara , cum nomine & officio Abbatissę , & alię tres ; & si non minoris meriti , sed non æquę authoritatis , Anna de Illeſcas , Barbara de la Vega , Elizabetha de la Fuente : quibus omnibus & singulis id encomij superabundat ,

dāt, vt ab Archiepiscopi Mogroueji prudentia, ex multis probatissimis electæ sunt, & ipsius zelo deinde satisfecerint, adiunctis duodecim Virginibus, Veterum nobilium expugnatorum Peruuia filibus, ex vniuersa Limensi prouincia selectis, quæ parentum dignitatis, propriæque virtutis titulo, absque alia dote susceptæ sunt.

Vt verò celebrior, sanctiorque esset ipsarum ingressus, & ascetica clausura, quæ eodem die consignata fuit; prælata est, atque in summa templi ara collocata, tanquam filij sui sponsarum & incomparabilis suæ Virginitatis æmularum patronæ, & protectricis, Beatissimæ Virginis, vt in Hispania vocant, penæ Franciæ imago, quæ in quodam eremitorio, seu solitaria ædícula prius populo Limensi valdè venerabilis fuit. Sic verò cuncta Beati Thuribij opera, benedicente Deo, prosperè procedebant, vt hoc Sacrarum Virginum cænobium tanto augmento creuerit, vt anno inde quinquagesimo, incohabitantium fæminarum numerus quingentesimum excesserit. Erant enim Virgines, quas veli nigri vocant, ducentæ quinquaginta, reliquæ nouitiæ, laicæ, oblatæ, & seruitrices. Annui prouentus erant duodecim millia pondo, nunc verò millia viginti quatuor superant, & incolarum numerus, quem alio opere recensuimus, sexcentæ nonaginta quinque.

Ludouicus Rodriguez de la Serna, Prætor Limensis, in hoc S. Clare templo quatuor sacellanos insti-

instituit, eorumque primicerio constituit annui census pondo sexcenta, reliquorum cuique quadringenta, & sacrarij præfecto centum, cum obligatione assistendi diuinis Officijs, quæ in hac Ecclesia tum diti splendidoque ædis apparatu, tum virginum vocali cantu, & fidium peritia, adeo solemmniter celebrantur; vt scriptores, qui sæpe experti sunt, Angelicum chorum præferre dicant, & singulare nomen inde obtinuisse. Incolarum innocentiam, & regularis disciplinæ profectusque studium tanti estimauit Beatus Thuribius, vt moriens constituerit, vt suum cor apud ipsas deponeretur, quod postea factum est, corde tanquam pretiosa gemma decenter cõdito in muro post altare maius: vbi a Iudicibus Apostolicis in causa canonizationis ritè recognitum, ac denuò repositum fuit, & magna cura seruatur, cum sequenti Epigrephi quam illi posuit Doctor Petrus Villagomezus, Archiepiscopus nuper Limanus.

C O R D I

*Illustrissimi, ac Reuerendissimi D. Thuribij Alphonsi
Mogroueji, inter Diuos merito adscribendi,
sepulto Lima in cenobio Sanctæ Clare.
Epitaphium.*

*Huic tradi iussit proprium Thuribius Vrne
Cor, donec (sicut spiritus) astra petat.*

San-

*Sanguine quem clarum genuit Maiorica, Villa,
 Vallisoleum nutriit, excoluit.
 Hinc à Salmantinis, qui dicuntur Oueti,
 Collegis rapitur, dignus honore togæ:
 Granatæ censor fidei, a Prudente Philippo
 Limanos populos, ut regat, eligitur.
 Commissam rexit blando moderamine sedem;
 Subiectis placidus, pauperibusque pius.
 Concilijs docuit Peruanos dogma salutis,
 Effectus speculum, normaque Pontificum.
 Fundauitque domum Pueris, quam sacra docendis
 Tridenti Synodus iusserat erigere.
 Hocque Monasterium struxit Monachasque Sacrauit
 Ut Domino fundant nocte, dieque Melos.*

Postquàm Sacræ Virgines in hoc cænobio aliquandiu vixerunt, censuerunt quieti suæ incommodum, & perfectioris, quam profitebantur, vitæ instituto minus decorum, corruptas feminas, & seculi negotijs, ac diuortij litibus implicatas, tam vicinas habere, angustarique spacium, in quo monasterium suum dilatare possent. Obtulerunt, se nuptiarum claustri pretium è monasterij redditibus persoluturas, quo alia domus procul inde nuptis ædificaretur. Res Beato Thuribio iusta & honesta visa est, placuitque in Monialibus zelus Virginitatis, & monasticæ quietis, statimque consensit, atque aliud reclusorium remotiori situ pro nuptis ædificauit, addito Sacello, & constituto Sacerdote, qui

curam eius ageret, & quotidiano sacro, reclusis inferuiet. Eoque traductæ sunt die vigesimo quarto Decembris, anno 1609. post Thuribij decessum quinto: & vetus ædificium, virginum cænobio adiunctum fuit. Thuribius denique vtrumque opus arte mirabili, glorioso diademate coronauit: nam postquam tanto studio, tantoque suo sumptu, & prosperitate successus, tantum bonum, vtrique reipub. præstitisset; qua tamèn pollebat profundissima humilitate, nihil in eo sibi tribui volebat, sed totum honorem foundationis in Franciscum Saldasum redundare. Sic enim in litteris, quas ante memorauimus, ad Clement. VIII. Pontificem scripsit.

Fundauit hoc monasterium bonus vir Franciscus de Saldaña, & omnes facultates suas dedit, quæ duodecim vel quatuordecim millia pondo valebant, seque absque salario, in vitam, eius obsequijs obtrinxit, affirmans se velle esse perpetuum. Mancipium cænobij, & si Sacerdos esset, in Sacellani officio tota vita gratis ministrare. Philippus Rex per me certior factus rescripsit, vt quemadmodum cupiebat, vt hoc opus in obsequium Dei, & reipub. vtilitatem cederet, ita suæ regis Maiestatis nomine gratias illi agerem, ipsumque iuuarem, omni que fauore prosequerer. Scripsitque suo Pro regi, vt fundos, & In dorum famulicium monasterio assignaret. Tanti fecit Thuribius pium affectum, donumque Saldañi, vt cum ipsum apud Regem.

gem & Pontificem celebraret, suam verò vel industriam, vel liberalitatem nec tantilli penderet, nec memoraretur, nec in tanto opere quidquam sibi tribueret: cum tamen, præter solertissimum studium, longè maiorem vim pecuniarum ex ipsius Archiepiscopi prouentu, quam ex Francisci, simul & reliquorum omnium donationibus collatam fuisse scribant alij.

Seminarium Archiepiscopale.

Quod ultimo loco referimus, non vltima Thuribio cura fuit, erectio Seminarij Archiepiscopalis: quod ipsius Pôtificiæ dignitatis maximè proprium fuit: Et in cuius erectione, cum non impari liberalitate, zelo, & animi moderatione concertabant, tum obedientiæ & patientiæ virtutes, tum Ecclesiastici iuris tuendi constantissima fortitudo, & prudentia. Imprimis enim cum Sancta Synodus Tridentina statuisset, vt singulæ Cathedrales, Metropolitanae, atque his maiores Ecclesiæ, pro modo facultatum, & diœcesis amplitudine, certum puerorum ipsius Ciuitatis, & diœcesis, vel eius Prouinciæ, si ibi non reperiantur, numerum, in Collegio, ad hoc propè ipsas, vel alio loco conuenienti, ab Episcopo eligendo, alere, & religiosè educare, & Ecclesiasticis disciplinis instruere tenerentur. Thuribius etiam si huius æcumenicæ synodi zelator obseruantissimus, quia cuncta sua ope-

Sess. 23. cap.
16.

ra iudicio, & ratione dirigebat, non temerè, sed per partes, & præuias dispositiones agendum censuit.

Cœc. 1. pron.
Ad. 2. cap.
44.

Statim igitur atque in prouinciā appulsus est, conuocauit Concilium Prouinciale, & communibus patrum suffragijs, qui in Seminariorum sumptus contribuere debebant, allegata prius Tridentinæ Synodi autoritate, in hanc formam decerni obtinuit: Atque illud maximè perspicuum est, nullam in hoc salutari instituto Ecclesiam perindè, vt hanc nostram Indianam, in qua nouæ plantæ Euangelicæ accuratè nutriendæ sunt, & ad propagandam Christi fidem instituendæ. Hæc Sancta Synodus officium suum agnoscens, Episcopos omnes, atque pastores, ex parte omnipotentis Dei obtestatur, atque eorum conscientias, quantum potest, onerat, vt in Ecclesijs suis quamprimùm Seminaria prædicta puerorum excitanda curent, omnibus impedimentis quacumque ratione postpositis. Verùm hæc tam solida propositi fundamenta Thuriij prudentiæ, & longanimitati non satis erant, vt rem aggrederetur, Dùm Concilium prouinciale Pontificijs, Regijsque rescriptis acceptum, & communitum cerneret. Aduertit enim oculatissimus præsul, taxationem contributionum, quas Concilium prouinciale iuxta Tridentini constitutionem decreuerat; non omnibus comprehensis æquè placuisse, ac propterea nihil violenter vel imperiosè tentare voluit. Erant autem tribuendi tres nummi

ex singulis centenis obuentionum cuiusque comprehensorum.

Acceptit autem post annos, vt ante diximus, octo Pontificiam Concilij Prouincialis approbationem, in cuius discussionis notis, quas nos, Madritensem editionem secuti, eidem Concilio, in Lima Limata subiunximus, hæc vltima est: Postremò, Actionis secundæ decretum vltimum de Collegio Seminario instituendo, & de contributione facienda, reclamante quoque appellatorum procuratore confirmatum est, propterea quòd Concilij Tridentini institutum nusquam æque necessarium sit, atque in nouis Indorum Ecclesijs, quæ ministrorum, & numero, & facultate magnopere indigent. Accessit Catholici Regis diploma, quo Proregi Peruuie cæterisque omnibus, & singulis suæ Maiestatis in ijs regionibus ministris præcepit, vt illius Limani Concilij Prouincialis decretis complendis, & executioni mandandis omnem nauarent operam, seu dent, at dari faciant omnem fauorem, & auxilium, quæ conueniant, & necessaria sint: & vt contra ipsum Prouinciale Concilium, vel vllam eius partem vllò modo non eant, vel transgrediantur.

Lima Limata
pag. 53.

Postquàm igitur suprema potestas Pontificia, omnia, & singula Concilij Prouincialis decreta, atque adeò specialitèr illud de Seminarij erectione, & contributionibus, non solum approbasset, sed etiam executioni, & effectui mandari præcepisset,

Thu.

Thuribius consummata hac autoritate fultus, vt nemo iam reclamare sine crimine posset, nihilque amplius cunctandum ratus, manum operi apposuit, electoque situ, domum in eo proprijs suis pecunijs emptam, interea, dum ex ipsius Seminarij prouentu plures adderentur, in Collegij formam redegit, triginta circiter Adolescentibus in eo statim collocatis, constitutoque Sacerdote Rectore, qui curam ipsorum regiminis ageret; atque imprimis inuigilaret, vt, iuxta Tridentini, & Prouincialis Conciliorum decreta, religiosè educarentur, & Ecclesiasticis disciplinis instituerentur.

Creuit viuente Thuribio numerus Alumnorum ad quadraginta, & præter habitaculum; quod proprijs impendijs comparauerat, quidquid ad eorum sustentationem ex taxata per prouincialem Synodum contributione non sufficiebat, ipse ex proprijs itidem adiunxit, vt integri annui prouentus essent millia pondo quatuordecim. Ex eo Alumnorum numero erant sex pueri chorales, quorum peculiarum curam agebat chori Cathedralis Ecclesiæ præfectus, qui cantum Ecclesiasticum, & sacros ritus docebat; ac ad hunc finem ipsi quoque locus in collegio datus est. Ex reliquis, quatuor per vices; singulis diebus festiuis in eadem Cathedrali Ecclesia solemnibus Officijs, & altaris ministerio seruire tenentur. Adolescentum omnium vestis est toga talaris, coloris fusci, & obella, seu stola quam in Hispanorum Collegijs Beccam vocant, & nos ali-

bi descripsimus, cerulea. Fundator ipse Collegio-
titulum indidit, tutelarîs sui nomen S. Thuribij;
cuius nominis Sancti tres antiqui in Hispania co-
luntur, Episcopus Astoricensis, Episcopus Palen-
tinus, & tertius, qui in Hispania S. Leonis. Magni
Romani Pontificis Notarius fuit; de quibus To-
mayus in Martyrologio Hispano. Sed eorum nu-
merum breui augendum expectamus conscribendo
B. Thuribio nostro nomine sanctitatis.

Cæterum hæc & reliqua ipsius instituta, magno
Limenfis Ecclesiæ fructu, adhuc in Collegio perdu-
rant, & florent; præterquàm quòd Beccarum, seu
scholarium eis insignitorum numerus, ad vigesi-
mum quartum deinde reductus fuerit, qui morum
disciplinam, & latinæ litteras, Indorumque linguas
ab ipso Collegij Rectore domi discunt; ritus autem
Ecclesiasticos à præfecto chori Cathedralis, cæteras
facultates in scholis Academiæ. Multique eorum
in vtraque republica præclari viri euadunt: in qui-
bus numeratur D. Bernardinus de Almanza, pri-
mum Archidiaconus Ecclesiæ Platenfis, in India,
mox in Hispania Logroniensis, ac Toletanus he-
reticæ prauitatis Inquisitor, deinde Archiepiscopus
S. Dominici in Hispaniola, ac demum noui regni
Granatensis, vbi obiit. Erat ipsum S. Thuribij
Collegium hoc limanum primum omnium, quæ ad
Concilij Tridentini normam in Indijs erecta sunt.
Quantas verò molestias, quanta virtute & laude sui
in eo fundando, pertulerit Mogrouejus, sequenti-
bus proferemus.

CA-

CAPVT XL.

B. Thuribius Sacerdotalis, Regijque iuris
 equus, & strenuus vindex.

Quanta Christianæ Reip. salus in Sacerdotalis, & Regiæ Monarchiæ ordine, & vnanimi consensione sita sit; vel breuissimus ille trium, quatuorue versiculorum psalmus centesimus trigessimus secundus nos docet, quem Regius psalter totius Israelis Imperium adeptus, ipsius populi felicitatem inde manentem, in Dei laudem referens, lætus cecinit.

Psalm. 133.

*Ecce quàm bonum, & quàm iucundum, habitare
 Fratres in vnum.*

*Sicut unguentum in capite, quod descendit
 In barbam, barbam Aaron.*

Quod descendit in oram vestimenti eius:

*Sicut iros Hermon, qui descendit in montem Sion.
 Quoniam illic mandauit Dominus benedictionem,
 Et vitam vsque in seculum.*

Quantum enim de duodecim tributum reductione sub vnus Regis potestatem, ad litteræ sensum scriptus sit; per allegoriam tamen, de vniuersæ Christianæ Reip. Monarchia intelligi debet; vt cuius partes, ordinem, vtilitatem, & iucunditatem,

ad

ad viuum exprimit. Caput enim Christus est: Aaronis barba, Sacerdotium: ora superior vestimenti, quæ collum cingit, & humeros contegit, regni corona est; cuius temporalis potestas munit Ecclesiam; & pondus authoritatis eius suis humeris sustentat: Vnguentum, gratia Dei, ex variorum charismatum aromatibus confectum, per quam & sanitas, & odor suauitatis, à Christo in Sacerdotem, indeque in Regem defluit, quandiu membra capiti, & sibi mutuò concordie charitate, & communicatis viribus, recto ordine cohærent. Tùm enim per ordinem, ex vno in alterum emanat vnguentum, & mandat Dominus benedictionem, & vitam vsque in Seculum. Vterque sua cuncta in pace possidet, & prosperatur: quo nihil vtilius, nihil honestius, nihil iucundius. Quod si turbetur ordo, si dissoluatur vnio, tunc pars abscedens rore benedictionis, & vitæ vigore destituitur, vt innumera historiarum, nostrique æui exempla manifestum faciunt, quæ prudenti lectori meditando relinquo. Nam, vt Iuo Carnotensis ait, Reges Pontificibus indigent pro æternis: Pontifices Regibus pro caducis, & temporalibus; Ita vt; quantum æterna præstant caducis, tantum Ecclesiastica potestas mundanam dominationem antecedit.

Thuribius ergo Mogrouejus, vtriusque reip. bono natus, iubente Christo, reddere, quæ sunt Cæsaris, Cæsari, & quæ sunt Dei Deo, diuina hac

Math. 22.

numismatis inscriptione discernebat imagines, hac bilance librabat amborum merita, & iusto pondere, quod suum erat, reddebat: vtrique. Pro munere Sacerdotij sui, res Dei sic prouehabat, strenuèquè propugnabat, vt eodem studio, eisdemque Sacrarum rerum dispositionibus, regia quoque vesticalia in immensum auxisset. Et quam prius timore coactam Rex vix habebat. Indorum obedientiam, etiam ex amore & conscientia liberam, promptamque illi subdidit, & regalia iura, quod ad eum pertinebat, integra, certa que esse fecit: vt de Peruuia regno per spirituale Thuribij gubernium dici possit, quod de Romano Imperio ex Apostolorum regimine dictum est; Minus esse quod bellicus labor illi subdidit; quàm quod pax Christiana, & Thuribiani Canones subiecerunt, eiusdemque B. Præfulis zelus, & prudentia conseruauerunt.

S. Leo Papa
Sera. in Na-
tal SS. Pet.
& Paul.

Act. 2. cap. 1.

Horum immobile fundamentum fuit, quod in primo Concilio prouinciali Thuribij, per sedem Apostolicam approbato, ipse decreuit. Vt eius canonicæ sanctiones seruentur, saluo in omnibus iure patronatus, per Sedem Apostolicam, Catholico, atque inuictissimo Regi Philippo, cæterisque Hispaniarum Regibus, concessio: quod, inquit, per omnia illa sum conseruatumque cupimus. Cuius constitutionis perpetuæ, & inuiolabili obseruantia, non solum per se studebat Thuribius, sed ministris quoque suis, & suffraganeis Episcopis.

can-

eandem instanter, serióque commendabat. Si in Regis obsequium conscribenda militia: si deducenda colonia; si in operas distribuenda mita: si census in singula capita colligendus: Si aliud quidpiam constituendum sit, ad quod populi totius numerus, nomina, & singulorum qualitates scitu necessaria forent; Thuribius id iam, Dei negotium agens, in promptum posuit; cum Synodalibus institutis decreuit, singulorum baptizatorum, Confirmatorum, & connubio iunctorum: Hispanorum, Indorum, aduenarum: Confessorum, & communicatorum: catechizandorum, vtriusque sexus paruulorum: mendicorum tam aduenarum quam natiuorum: Indorum omnium cuiusque paræciæ coniugatorum, liberorum, puerorum, puellarum, vetularum nomina, cognomina, patrias, parentes, ætates, patrinos, Sacramentorum ministros, ac testes ministerio præsentés: sigillatim notatis: qui omnium defuncti, qui supersites, quo loco, anno, & mensis die, quæ cuiusque conditio & status; quique Sacramentis idonei, qui tributis obnoxij, & qui secus, per singulos annos, à singulis parochis in albo conscribi, eorumque prothotypa apud parochos ipsos perpetua custodia diligenter seruari, cætypa verò, parochorum respectiue singraphis munita, sub grauium pænarum interminatione ad archiuum Limensis Ecclesiæ metropolitanæ mitti præcepit. Vnde semper in vrbe depromi possint. Quo nihil vtilius, aut sacræ reip. magis necessarium

esse, in ipsis Synodorum sanctionibus per grauiora verba & claras rationes demonstratum est: Quantum verò in politicam inde possit manare commodi, res ipsa manifestum facit: tantum enim in varijs multisque rerum dispositionibus, valet, ac si populum vniuersum præ oculis præsentem haberet.

Quandò Thuribius, vt sacrorum ministri Indos ad doctrinam, & Sacramentorum vsum, sublatis recidiuæ superstitionis opportunitatibus, collectos haberent, vagos exlegesque homines ex montium & sylvarum antris, magno suo labore, & vitæ periculis in oppida reducebat; eadem industria oppida ipsa, & regias præfecturas numero & incolarum frequentia multiplicabat: in quibus Barbari politicè viuere, præfectis obedire, & agros, alioquin desertos, colere, mutuumque commercium exercere cogerebantur, magno sui ipsorum, & regij prouentus incremento. Quando regia vectigalia, vsurpato quasi monopolio, defraudabant tum præbitorum aliqui, tum ipsi seculares oppidorum, districtuumque Præfecti, opificiorum omnium, mercimoniorumque lucra ad se ipsos trahentes: atque illi Ecclesiasticæ libertatis obtentu, ac isti iustitiæ ministrorum, vt erant, iniusta autoritate, vectigalium collectoribus nullam rationem reddere vellent. Thuribius, vt Dei causam ageret, quæ his rebus plurimum turbabatur, eiusmodi lucra per Ecclesiasticas censuras, & Synodorum constitutiones

nes vtrisque prohibuit, mercimonijs & opificijs
ipsis oppidanis liberè relictis; eadem opera populum
ipsum, iuxta Dei, Ecclesiæ, & Regum leges,
quieti & libertati restituit, & regium fiscum certum,
securumque reddidit: ac populos eidem subiectos,
sacerdotum studio, & spiritali animarum regimi-
ne in officio continebat.

Quandò ab Indis variorum liquorum vsum sus-
tulit, in quo priscos idololatriæ ritus miscebant;
eisque poti, & inebriati, arma, cum copiosa Chris-
tiani sanguinis effusione, in Hispanos conuerte-
bant; non integritati religionis tantum, sed & po-
litici status tranquillitati, & regis militiæ, ac rei-
pub. securitati consuluit. Vbi in Synodis diœce-
sanis decimarum partitiones exposuit, Regionum
iurium haudquaquam oblitus est: Quin etiam eas
perfoluendi debitum, vtilitatem, necessitatemque
declarans, regni leges, regia iura memorantes, sa-
ceris suis constitutionibus interseruit. Certè quanto
animo, & amore iusta Regis emolumenta in omni
occasione promouerit, vel ex Bullæ Cruciatæ, quam
vocant, inter Indos, Indiarumque Hispanos, per
ipsum maximè industriam progressionibus, palàm
est: ne repetam quantas Archiepiscopaliū pro-
uentuum summas, eleemosynarum nomine, in
Regios milites alendos vltro contulerit: vel quas,
ad fidei, & Christianorum defensionem rogatus
concesserit. Nec vnquàm auditus, aut visus est, re-
gijs prærogatiuis, vel iustis ministrorum eius man-
datis,

datiſ, verbo vel factò derogaffe; quin potiùs iniuſta ſubinde, magna patientia, & animi, verborumque moderatiõne viciffè: ſemperque tam clero cum eis pacem, & amicitiam collere, quàm populo debitam illis ſubiectionem & obedientiam præſtare: atque ipſis viciffim iuſtitiam & charitatem erga ſubditos perſuadere: & quantum ex paſtorali officio debuit, vtriſque præcepto & exemplo præire. Multa prætereo, pauca hæc, ſed præcipua, cæterorumque fundamenta ſufficere ratus; vt palàm fiat Beatum Archiepiſcopum, ità diuinis, & Eccleſiaſticis rebus per omnia prouidiſſe, vt polita iura, & Regis emolumenta promouiſſet magis, quam præpediſſe, vel conturbare vellet:

Quæ cum per litteras præſectorum, in alijs quibusdam rebus Thuribio minùs fauentium, & per publicam famam cognouiſſet Catholicus Rex Philippus, grati ſui, obſtrictique animi, & beneuolentiæ profeſſionem ad eum per litteras miſit; quas in rei veritatis, & narrationis noſtræ comprobationem attexendas cenſui ex Hiſpanico latinas.

Rex.

Admodum R. in Chriſto Pater, Archiepiſcope Ciuitatis Regum, in Prouincijs Peruiæ, Nobis à conſilijſ. Per litteras Marchioniſ Caſtetenſis intellexi, quanti momenti fuerint, conſilium, auxilium, & bona media veſtra, vt cum tanta concordia, amore, & fidelitate, ſuſcepta ſint conſulta, per quæ Nos, vt omninò neceſſarium fuit, habeamus,

mus, quo hæc regna defendere, & conseruare possumus. Nam, postquam patrimonium meum in Christianitatis defensionem impendi, & consumpsi, tanta me necessitas pressit. Et vtcumque hoc officij vestri proprium sit, & estimationi, quam de persona tua conceptam retineo, valde consentaneum; gratias habeo, huius beneficij memoriam in vestri fauorem retenturus; illasque repensurus, vbi vel honor vester, vel profectus id postulabit. Apud S. Laurentij, vndecimo. Augusti. 1593. *Ego Rex.*

ex mandato Domini N. Regis..

Ioannes de Ibarra.

Sic teste Cæsare; quæ sunt Cæsaris, Cæsari reddēbat Mogrouejus, consilio, auxilio, & bonis medijs, vt faceret, quod expediebat. Deo dignè seruiret, & exoneraret conscientiam; ac vt nemo eum in his arguere posset de peccato; quem, alioquin aduersarius, apud Regem laudat, ac talem opinionem de eo conceptam Rex ipse retinere sc, & rependendas gratias porro conseruatorum promittit, nec vnquam præstandis defuit.

Nunc verò, quæ Dei sunt, in maioribus ita satagebat Beatus hic Sacrorum Antistes, vt in minimis ea minimè negligeret: In quibus adedò religiosus fuit, vt inter graua dubia, quæ ad curiam Romanam soluenda detulit, ritualia hæc etiam proposuerit: An, dum *Gloria & Credo* in Missa cantantur, sedere, vel stare populus debeat? et: An verba

pro

pro Papa , Regibus , & regia prole , vt alicubi con-
suevit , nouissimæ Missarum collectæ iungi possint ?
minutioresque ritus , in nouis tunc B. Pij V. Pon-
tificis breuiario & Missali Romanis præscriptos ,
exactissimè obseruaret , & per alios obseruari face-
ret , atque in concilijs suis prouincialibus , etiam
Episcopis obseruandos constitueret . Abusus au-
tem sustulit , distriçtè prohibendo , nè Missalis liber
Proregi , Gubernatori , aut alteri cuius ad osculum
Euangelij præberetur , præterquàm Episcopo in sua
residentia . Quod & Regularium Ordinum superio-
res rogauit , vt in suis Ecclesijs obseruarent . Nè vel
eidem Proregi , vel alijs , in seculari gubernio con-
stitutis , osculum pacis , quod in Missa datur ; per
patenam calicis exhiberetur : vel ipsa pacis tabella
per ministros altaris in populum circumferretur ;
aut per personas Ordine sacro initiatas , cuiuscumq;
etiam dignitatis , fæminæ porrigatur . Nè in Sa-
crorum cinerum , palmarum , & similium distribu-
tione iidem Domini , vel alij laici , ecclesiasticis
personis præferantur . Nè ecclesiarum ornamenta ,
aut vllæ res sacræ alijs vsibus , quàm quibus con-
secratæ , vel destinatæ sint , prophanis præsertim ,
aut ludicris vllatenùs accommodarentur . Nèque
clericales , aut regulares vestes ; aut laruatæ perso-
næ in scenicis ludis vsurpentur , vel ipsæ personæ
Deo sacræ partem vllam in eis agere præsumant .
Sed & clericis , & religiosorum Ordinum decori con-
sulens , omninò vetuit , nè liberi Eremitæ , vllius eius-
modi

modi ordinis biretum , præsertim clericale , vel religiosum capitium vsurpent ; nigra quidem veste , & , si studio paupertatis velint , vili panno , & seculari pileo induti omnes incedant ; vt omnia honestè , & secundum cuiusque ordinem in illis fierent .

Vlteriùs : nè Prætores Indorum , vt Episcopi , cum sonitu campanarum , sacristanis , alijsque Ecclesiarum ministris , cum elata cruce , & ecclesiastico apparatu , obuiam prodeuntibus , in pagis vel oppidis exciperentur : Quod & regiæ leges , vt ecclesiasticam dignitatem non decens improbabant , ac Thuri-ribius parochos id permittentes , communione fidelium exclusos voluit . Tùm nè Sacræ Sacerdotum vestes , aut instrumenta sacrificij , nisi sub clauis custodia , de loco in locum per laicorum manus transferantur . Ecclesiarum quoque , in quibus Sanctissimum Eucharistiæ Sacramentum seruarietur , non portas tantùm , sed & fenestras seris & pefulis claudi voluit . Cæterùm omnes noctu occludi , nec lectisternia , vel seminarum , virorumuè vigilias , aut pernoctationes ; vel interdiu rerum temporarium ratiocinia , operarum distributiones , laboritia , merendas , aut vlla secularia negotia in illis tractarentur ; immo nec in cœmiterijs .

At nè pueri , vel alij laici promiscuè sacristiam , campanile , vel alia sacra loca ingredi , vel in eis morari , multo minùs loqui , aut confabulari sinantur . Legitur , dùm aliquando campanas male sonantes audiret , ascendisse ipse , & puero laico , quem pul-

sanctem reperit, dixisse: quo tu ausu munus hoc alienum usurpas? Vade, ad sacrorum præfectum, & meo nomine iube, ut vel ipse huc veniat, vel mittat clericum Ecclesiastico ordine initiatum, qui pro officio, trahat campanas: ac tunc ipse Archiepiscopus interim suis manibus traxisse, dum idoneus minister aduenisset. Sic Mogroneus personas, res, & loca Deo sacra, intuitu diuini honoris sacrosanctè tractari voluit, & efficiebat. Quæ nos in nostris ad Limæ Limatæ notis copiose docuimus, consona esse veteris Ecclesiæ legibus, Conciliorumque, & Pontificum sanctionibus: quorum prisco zelo sanctissimus hic Præsul ardere videbatur; Atque hæc, etsi magna, minora sunt.

Grauiores reperit corruptelas, per quas ecclesiasticam libertatem seculi homines nimium arctare conabantur, & iura Dei, humana præsumptione confundebant. Dum Regij locorum prætores, rerum ecclesiasticarum potestatem, easque iudicandi, disponendique auctoritatem, ultra Regis ipsius voluntatem, sibi usurparent. Clericorum criminales causas cognoscere, vel informationes desuper instituere: stipendia Sacerdotibus taxare, vel arbitrio suo iusta detinere: Eorum absentias, seu residentiam, vel doctrinæ defectus examinare: Res ipsorum sustentationi necessarias impedire: & ecclesiarum ministris in eorum ministerijs obistere: Sacerdotes, vel falsò, vel fraudolenter accusare: Ecclesiarum fabricas & ornamenta, patronatus, titu-

lo , contra Tridentinæ Synodi decreta *visitare* : Beneficiorum resignationes , è clericorum manibus suscipere , aliosque pro libitu substituere : Res vnus ecclesię , vel Xenodochij , in alterius vsum conuertere : Matrimonia seruorum impedire , & vxores prætextu iuris naturalis domicilij , à viris alibi habitantibus separare : Superstitionum , & idolatrię prauitatem sine Ecclesiastica censura plerere : & id genus alia , quę ad ecclesię spirituale forum pertinent . Sed Thuribius , Christi sponsę zelantissimus custos , videns cuncta hæc à canonico iure aliena esse , & Ecclesiasticę dignitati iniuriosa , seueris legibus , grauioribusque veterum canonum pœnis , & efficacibus executionum medijs cohibuit , et sustulit ; dùm nullas consuetudines , aduersus renouatas per ipsum veteres sanctiones , valere voluit : quas non consuetudines , sed abusus , et corruptelas esse declarauit , vetera iura reualidans , et quantum vfu , vel consuetudine caruissent , in vsum et consuetudinem reuocans , obseruarique iubens , et faciens .

CAPVT XLI.

*Beati Thuribij constantia , mansuetudo , & innicta
patientia aduersitatibus exercentur .*

Quoniam per ea quę huc vsque diximus ;
Beaus hic Antistes acceptus erat Deo , gratus

Eccl. 50.

gi, ecclesiæ honorificus, & populis proficiuus, ne-
 cesse fuit, vt tentatio probaret illum: permittente
 Deo, vt tam ipsius Ecclesiæ, quàm seculi homi-
 nes aliqui sanctissimis ipsius institutis aduersaren-
 tur. Quo fieret, vt absterfa rubigine, quam isti in-
 ducere conabantur, e fornace tentationis exiret au-
 rum omni defecato Peruviano purius: ac dissipatis
 nubibus, quas illi obducere tentauerunt. Simon
 Oniz, noster Thuribius, Sacerdos magnus: qui ia
 vita sua suffulfit domum, & in diebus suis corro-
 borauit templum, quasi sol refulgens, sic ille efful-
 sisset in templo Dei. Et iuxta nomen suum, quasi
 thus redolens in diebus æstatis: quasi ignis Dei ze-
 lo effulgens, & quasi thus ardens in igne diuini
 amoris. Hinc enim omnia ipsius opera, vt ex
 trunco stolones, quasi virgulæ fumi ex aromatibus
 myrrhæ penitentiae, ac thuris perpetuæ orationis,
 cæterarumque virtutum vniuersi pulueris pigmen-
 tarij procedebant: vt pueritiæ suæ virili proposito
 per omnem vitam constanter insistens, vsque ad
 extremum diem, Deo dignè seruasse probaretur.

Prima tribulatio, eaque triceps, Thuribio su-
 peruenit in celebratione primi sui Concilij pro-
 uincialis Limani. In quo primùm ecclesiæ be-
 neficiorum possessores, collegij Seminarij contribu-
 tionibus: & secundo loco clericorum non pauci, &
 oppidorum Prætores, lucratiuarum artium, &
 mercioniorum prohibitioni sibi factæ se adeò for-
 titer opposuerunt, vt ad regium in Hispania Indi-
 carum.

earum rerum Senatam, & ad sedem Apostolicam per procuratores, Madriti & Romæ diligenter agentes, prouocauerint. Sed vtrumque hoc caput sanctus præsul, per octo vel nouem annorum longanimum patientiam, & vtriusque decreti manifestam necessitatem euicit. Re etenim vtrobique diu multumque vintillata, repertum fuit, Concilij Tridentini constitutionem de Seminariorum erectione nullibi terrarum, quàm in Indijs tunc magis necessarium, & contributionem trium è singulis centenariis in Concilio Limano taxatam, satis moderatam fuisse; præsertim cum eiusmodi collegia ad auxilium beneficiatis ferendum, & ad Ecclesiarum, piorumque locorum, qui stipem conferre debebant, non vtilitatem tantum, sed euidentem, quoque necessitatem instituta fuissent.

Cohiberi verò parœciarum presbiteros, & locorum Prætores, à mercium, artiumque lucra sibi vsurpando, adedò necessarium fuit, vt Concilij patres constantissimè testarentur, si id non fieret, se in concilij celebratione, reliquaue reformationis industria oleum, & operam perdidisse: vtpotè monopolium illud, quod presbiteri, & prætores vsurpabant, fidei progressibus, & animarum curæ vehementer obstat; graua neophitorum scandala, & libertatis fortunarumque perniciem gignere: Sed & regio fisco nocentissimum esse, liquido comperum est. Qua propter Pontificis, & Regis iudicio, & voluntate, non solum decreta Thuribiani concilij,

cilij vniuersim; & quæ ad Seminarium, & prædicta lucra pertinebant, in specie comprobata fuerunt; Sed censuræ quoque excommunicationis aliæque poenæ, quas saltem aduersa pars sublata cupiebat, confirmatæ, & inuiolabili authoritate corroboratæ sunt: & vtriusque potestatis imperio, Thuribius quidquid in his rebus prudenter constituit, & patienter expectauit, pro sua suauitate, et reuerentia tandem consecutus est.

Tertia tentatio acerbissima in eodem Concilio fuscitata, maioris periculi fuit; in qua nimirum persona, et dignitas Archiepiscopi violentiæ discrimen subierunt: Nam, cum post publicam apertionem Concilij, et celebratam primam eius actionem, per annum deinceps integrum, quotidiani congressus fierent, in quibus à plerisque ecclesiarum, et ciuitatum procuratoribus, alijsque idoneis viris multi libelli inferebantur, quibus quisque exponerat, quæ ad morum reformationem, ac totius Prouinciæ, et regni Indici vtilitatem pertinere videbantur: grauesque difficultates, et controuersie matura tractatione, tam voce, quam scriptis complanatæ, compositæque fuerunt. Harum vna fuit cleri cuiusdam diocesis, cum suo proprio Episcopo; qui quanquam cæteroquin aliorum locupletissimus, clerum tamen ipsum, populumque varijs et insolitis impositionibus deglubere dicebatur. Supplicabat proinde clerus, vt molesta illa, et ipsorum iudicio iniusta grauamina tollerentur, quibus
et

et sibi intolerabile detrimentum inferri, et populo in scandalum ea vergere contendebat. Episcopus rem in Concilio iudicari voluit. Sed Archiepiscopus delicti gravitatem considerans, clerique indemnitate zelans, ac populi scandalum abominans: prudenter simul aduertit, accusati fiduciam in nummis, et conquisitis amicitijs collocatam fuisse, quæ non rarò peruertunt iudicium; ac proinde cupiebat, et in congressu obtinuit, vt causa ad Sedem Apostolicam deferretur, vbi ad Sacrorum Canonum normam ritè discussa, procul partium studio, et absque iniustitiæ periculo decideretur.

Episcopus id sibi metuens, adscitis fauoribus, aliorumque duorum Antistitum, et regij Senatus primicerij, (qui defuncto sub id tempus Prorege, pro suo munere congressibus assistebat,) rem suam, quam ratione non poterat, vi agere cepit. Alio namquè die dùm Archiepiscopus conuentui nondum adesset, vrgebat Episcopus, nè causa sua Romam remitteretur, rogauitque partiarios, vt acta denuò inspicerent. In quem finem à Bartholomæo Menacho, qui Concilio a secretiserat, pepijt scripturas; quas cùm ille, vt fidelis minister, inconsulto Archiepiscopo, Concilij totius, & congregationum præside, se reddere non posse responderet, illi cancellorum clauēs violenter extorquere tentauerunt. Eo agendi modo, quamuis offensum Deum, & se ipsum, iustè sentiret mansuetissimus Thuribius; non aliud tamèn offensi animi indicium de-

ædedit, quàm, vt scrinij clauēs sibi deinceps custodiendas retinuiſſet. Sed nondum ceſſauit aduerſantium auſus: adeò in tranſuerſum rapit homines tumor diuitiarum. Nam ille Politici ſtatus Senatorum Primicerius, accuſati Epifcopi amiciffimus, eandem vim, quam ſacro miniſtro priùs, iterùm ipſi Sancto Archiepiſcopo inferre parauit, vt extortas ſcripturas omnes igni traderet. Quod vt ſecuriùs facere poſſet, familiares ſuos, & amicos armatos adefſe voluit. At Beatus Thuribius, qui non ſperauit in pecunia, & Theſauris, inſidiarum inſcius, cauſam Deo commendabat, & pro Iuſtitia, & veritate conſtanter agere ſtatuìt; Nec diuini auxilij ſpes ipſum ſefellit.

Erat tùm Limæ Prætor Vrbanus Franciſcus Quiñionus, Archiepiſcopi Sororis Coniux, aliundè conſanguineus, & Archiepiſcopalis Aulæ ſupremus Præfectus, cuius ſæpius meminimus; nec deſuit, qui neſciente Thuribio, ipſum Beati Præſulis periculi clam admonuiſſet, totiuſque meliminis, certum feciſſet. Tùm Franciſcus, tanquàm aliud agens, & ipſe ſtrenuos viros præparauit, vt quantum opus foret, Archiepiſcopum periculo liberaret: quo factò iniquiſſimum ſectus, & inexcufabile ſcandalum, prudenter, & abſque ſtrepitu præpediuit. Nàm intentati facinoris molitores, cùm ſe detectos cognouiſſent, à præmeditato auſu deſtiterunt. Veruntamèn quod rapere vi non poterant, aſtu ſurripuerunt. Erat quippe in ſcripturis alia quæ-

quædam quærela, quam, vt vnus ex illis prioris Episcopi patronis, cui id in congressu commissum fuit; inspesta causa in couentu referret, acta illi concedita fuerunt; Sed is cum domum rediret, artocreatiam tabernam transiens, & furnum accensum videns, ingressus, chartas omnes in flammam coniecit, dicens, querelas aduersus Episcopos datas, sic examinari debere.

At vero Dominus exercituum nulla humana vi vincitur; nec infinita eius sapientia deluditur arte, sed finis acta probat. Post paucos quippè dies, quàm liberum se iam omni periculo, securumque putabat Episcopus ille. cuius auaritia totam tragediam exorsa est, finem eius in se ipso luctuosum sensit: & qui Vicarij Christi iudicio se sistere noluit, celeri morbo Lime correptus, ad ipsius Christi maximè tremendum tribunal euocatus est; quanquam nos piè credere debeamus, catholicum virum, & Episcopum, non absque pænitentia decessisse. Illi verò duo, qui ipsius partes agebant, (nam de Senatore nihil scio) vt studij sui honestatem Regi Senatuque Madritensi magis credibilem facerent, cùm de Sancto Archiepiscopo, post alterius mortem, non sanctè scriberent, ex proprijs litteris iudicati, & acriter obiurgati sunt.

Atque hæc equidem, & alia, quæ cap. 28. huius historiæ, de Sacerdotum quorundam excessibus clementissimè correctis narrauimus, sufficienter explicant, quantas molestias a clero suo, quan-

ta virtute, quantis apud Deum meritis, & inter homines quanto honore pertulerit, & patientia sua superauerit Mogroueji. Quas verò seculi homines, sub falsa larua regia iura tuendi, intentauerint; dùm proprio compendio & immoderatis animi affectibus inseruirent, ex ijs quæ proxime præcedenti capite exposuimus satis innotescit. Nihil tamen ipsius virtutem, & præclaram sacerdotalis animi constantiam, illustrauit magis, quàm quæ ab vno solo, sed potenti aduersario, pro Dei, & Ecclesiæ suæ causa fortiter prudenterquè sustinuit: Quamdiù ille, pro sacerdotij sui munere, Peruuianam Ecclesiam, per annos viginti quinque, summa sui laude, & Ecclesiæ, Regnique bono gubernasset, quinque successiue summi Vicarij pro Catholico Rege Prouinciam administrarunt: cum quorum primo eodem mense Maij anno 1581. Limam nouus Archiepiscopus, cum nouo Prorege ingressus est. Vltimus tribus, & quadraginta tantum diebus Thuribij ad cœlos transitum, laudata sua morte præuenit, anno 1606. die decimo Februarij, cùm Archiepiscopus obiisset 23. Martij.

Cùm his omnibus Pacem, & amicitiam colere studuit Beatus Antistes Thuribius, & illi, dempto vno, vicissim cùm ipso: quam haudquaquam violauit, sed conualidauit potius breuis, & iucunda velitatio, quæ illi cum ipsorum altero fuit. Nec nobis omittenda est; quoniam & suauissimum Archiepiscopi in sustinenda sua dignitate zelum, & Chris-

Christianam Proregis pietatem in eadem veneranda pariter commendat. Hic erat Gaspar de Zuniga, & Azevedo Montis regij Comes, cui, cum prima vice Cathedralē Ecclesiā solemniter ingredienti, Thuribius ornatu Pontificio decorus ad Templi Portam occurrēns, pedem ultra limen non extulit, sed lustralem aquam, ea gravitate porrexit, eaque verborum humanitate Proregem excepit; ut hic in optima opinione, quam de Archiepiscopo attulisset, summopere confirmatus fuerit. Tūc ad aram maximam procedendum fuit, præcedentibus ministris, quorum alter Archiepiscopi crucem, in hasta pro more elatam: alter verò Regiæ Potestatis insigne præferebat. Inter hos disceptatum est, utri amborum dextrę deberentur. Proregis minister, ut quid agendum disceret, ad Dominum se vertit, & hic se ad Archiepiscopum. Tūc in hunc sensum Thuribius: Domine, crux Christi est, per quam Reges regnant, per quam Principes imperant, & Potentes decernunt iustitiam. Illa in Regum coronis supremum locum obtinet, ea præcedente Magnus Constantinus de Romani Imperij hostibus, & Alphonfus Bonus de ingente Maurorum exercitu in Hispania triumphavit, & Primus Christianorum qui Peruvia terram calcauit, Petrus Candiensis, leonum, tigridum, & Barbarorum hominum ferociam in agnorum mansuetudinem, claro miraculo, per crucis insigne mutavit; & terræ dotes, ac diuitias securē nostris

detexit. Ecclesiæ Ritus nos eam præcedere iubent non abijciendam, sed demissis vultibus adorandam. Quo pio, suauis, & robusto Sancti Pontificis oraculo persuasus pius Princeps ministro suo dixit: pergat Sancta Crux, *Vaya la Santa Cruz*. Et illic cessauit contentio Ministrorum.

Duriora fuerunt, per quæ alius Prorex, ab inchoata animi alienatione, ad extremum sexennalis gubernij diem, perpetuas vexationes Sancto Antistiti faciesciuit. Minutiora missa facio, quæ alij fusiùs explicant, & in publicis tabulis passim reperiuntur. Ego necessarijs ad explicandam, Thuribij virtutem contentus ero. Cæpit ergo Proregis animus ab Archiepiscopo auerti, ex eo quod Proregis præcessores aliqui, vnius suburbij ciuitatis Limensis populum ad alterius incolas accedere fecissent, cuius animarum curatores ab Archiepiscopi iurisdictione exempti censebantur; cum alterius Rectorem Archiepiscopus ipse præficere consueuisset. Prorex, de quo loquimur, voluit, vt aduenæ Populi curam simul agerent illi, qui indigenæ prius præfecti erant. Thuribius considerans; Diocesim suam, & Ecclesiasticam Iurisdictionem per laicam Potentiam, hac ratione detruncari, volebat, vt cum plebe Plebanus, & vterque sui, & successorum Iuris in quocumque Diocesis loco semper esset, et haberetur vt prius, nec desiderio Proregis vllatenus assentiri voluit. Atque hoc Proregis in Præfulem inuidiæ & indignationis seminarium.

rium fuit: eoque factum, vt Prorex deinceps nondum in omni scirpo quæreret, quo Sanctum Antistitem infestaret. Sed in omnibus contra stimulum calcitrabat, tùm causerum aduersa iustitia, tùm Thuribij longanimi lenitate, tùm Regij Senatus consultis, & rescriptis Regiæ Maiestatis, Consilij Tridentini, & Prouincialium sanctionibus consentaneis, Archiepiscopi innocentiam, & iustam resistendi causam perpetuò declarantibus. Quamquàm idem Prorex, in reliquo suo regimine rectus, & integer haberetur: sed per longum iter, quis aliquandò non cespitet, vel in aliquem lapidem non impingat?

Nec defuit è cœlo subsidium. Nàm cùm flamma hæc excresceret, contendente Archiepiscopo, tùm translati Populi eiusque proprii Sacerdotis ius, tùm veteris visitandi saltem, ad se pertinere, & altera Parte contrarium enitente, miraculosus ille sudor Imaginis Copacauanæ Beatissimæ Virginis Mariæ, perpetuæ Thuribij Patronæ, incendium totum extinxit. Illius enim occasione, alterum suburbium tandem; Thuribio in Cœlo tunc iuuantem, post ipsius beatam mortem Archiepiscopi Limensis potestati postliminio restitutum fuit, & ab eo præpositus Præbiter, qui nomine Vicarij Metropolitanæ Parochi, perpetui cultus Miraculosæ Imaginis ibidem in sacra æde collocatæ, ipsiusque Ecclesiæ, & animarum Populi curam ageret. Quemadmodum eius Imaginis, & Thuribiani

facelli historam superiùs referentes clariùs exposuimus .

Interea verò , dùm contentio durasset , *Prorex* nouis follibus flammam sufflabat : volebat enim ampliori pompa , & alijs honoribus in Ecclesia Metropolitana suscipi , quàm *Limani* canones , & Ecclesiæ Catholicæ Ritus admitterent , sed nec *Thuribij* Vultus Venerandù candorem immutare , nec animi tranquillitatem turbare , vel moderatissimam bilem accendere potuit ; qui id solum , quod officij erat , modestissimè iussit ; obseruari , scilicet , secundi *Loaysani* Concilij *Limenis* decreta , quæ in primo *Thuribiano* , per Sedem Apostolicam approbato , & per totam Prouinciã publicari iussu , maturà discussa , & communi Patrum voluntate acceptata , & approbata fuerunt . *Prorex* id suæ dignitati derogare putans , ampliùs accensus est , & multos dies quibus interesse , pro more cæterorum , deberet , sacris solemnibus se subduxit . *Thuribius* interim Iure , non iniurijs agendum censens , non malum pro malo , nec maledictum pro maledicto reddebat ; honorabat pro dignitate , & cæteroqui bonitate , *Proregem* , nec sustinere poterat vllum verbum , quod aduersus eum , in sua præsentia proferretur , nec ipse vel verbo , vel nutu vllam indignationis significationem præ se ferebat . Sed gratias Deo iugiter agere , qui dignum eum fecerat , vt pro Ecclesiæ suæ iure tuendo , persecutionem pateretur , & pro suis persecutoribus feruenter ora-

re. Et ex tribulatione, honoris, & virtutis augmenta, meritorumque solatia, velut è spinis rosas colligens: & cum Regio Propheta. exultans Deo: Domine bonum mihi quia humiliasti me, vt discam iustificationes. tuas. Etenim diligentibus Deum omnia cooperantur in bonum.

Psal. 118.

Rom. 8.

Nec solus ipse Prorex molestus fuit Thuribio, verum. ipsius. etiam domestici Ministri Sanctum Archiepiscopum contemptui, & ludibrio habere tentarunt. Sed Thuribij prudentia, ac suæ dignitatis tuendæ constantia. victi sunt. Nec enim columbina simplicitas tantum; sed, vbi oportebat, etiam serpentis prudentia in eo emicuit. Voluit aliquando de rebus curæ suæ pastoralis cum eodem Prorege colloqui, sed Prorex cum intra cubicula expectauit. Archiepiscopus despectum dissimulans perrexit, Caudatario, quem vocant, fimbriam vestimenti ipsius, pro more, post tergum sustentante. Tum domesticus Proregis famulus iussit caudatario, vt vestem dimittat, affirmans eum honorem in Proregis aula nulli conuenire: an Domini nutu, an propria adulatione nescio. Cui tunc Thuribius: Noli, fili, illi molestus esse, famulus meus est, & vt mihi inserviat stipendium illi do. Ingressus autem inuenit sedem sibi extra stratum politam fuisse: sed eam proprijs manibus accipiens, viciniùs Proregi in strato tapete collocauit, dicens: Domine, ambo Regij Consiliarij sumus, & locus hic.

hic utrique simul capiendo sufficit ; sedensque propositum negotium tractauit .

Prorex ergo cum nullam rimam, vel iustæ offensionis causam in viri Sancti verbis, vel actionibus arripere potuerit, per quæ se iusto colore vindicare posset, tùm demùm, ira alta mente reposita, in grauissimam sancti Præfulis iniuriam, Sacrorum Canonum neglectum, & non exiguum Cleri Populique scandalum erupit : quando sumpto prætextu Regij Patronatus tuendi, contra ipsa Regia diplomata, integrum ius, & Dominium Archiepiscopalis Seminarij inuolauit, & ex improviso, nulla præmissa monitione ; prætorianæ suæ Cohortis Ducem, seu Vigiliarum Præfectum, cum militum manipulo, & cementarijs vastatoribus misit, qui applicatis pontibus, Antilitis insignia Archiepiscopali galero ornata ; quæ supra Collegij portam lapidi insculpta fuere, ferreis machinis deturparunt, ac deposuerunt, regijs eorum loco collocatis. Collegio œconomum imposuit, collegas nominandi ius, ac totius gubernij dispositionem Regio nomine vsurpauit ; Archiepiscopum ab omni eius parte prorsus excludendo. Quod qui factum fuerit, & alias eius circumstantias, non aliunde certiùs discere possumus, quam ex ipsius Regis rescripto, in quo sincera, & simplex facti narratio, & humilis petitio remedij per seruum Dei proposita recitantur, non absque offensoris per Regem addita admonitione : sic enim loquitur.

Rex

Rex

N.N. Cognate, Prorex noster, Gubernator, & Capitaneus Generalis in Prouincijs peruuiæ. Archiepiscopus Ciuitatis Regum ad me scripsit, quod ipse cupiendo fundare Collegium Seminarium, rem à Sacro Consilio Tridentino Ecclesiarum Præsulibus tantoperè commendatam, ex proprijs prouentibus sibi ipsi emerit Domum, interim dùm ædes alię, Seminarij sumptibus iungerentur: atque in illa Domo Viginti nouem adolescentes collocauerit, cum vno Sacerdote Rectore, qui ipsorum curam ageret, & inuigilaret, vt studia sua prosequerentur. Et cùm res ita constituta fuerit, & Seminarium ad eum statum perductum, vt tota terra sibi gratularetur; vos misistis, qui meo, & mei Patronatus titulo, eius possessionem iniret, & Præfectum in eo constituistis, quem statim, atque dictus Archiepiscopus rem nouit, ex eadem Domo eijsi fecit, dictæque possessioni contradixit, petendo ab illo meo Regio Senatu, vt eiusmodi possessionem nullam declararet. Et postquam in Senatu ea res tractata fuisset, nullum decretum vel prouisio prodierit. Et quod cùm ipse, quandò eam Domum emit, insignia sua cum Archiepiscopali galero in ea trexerit. Vos Postea vigiliarum vestrarum Præfectum, aliosque multos misistis, vt illa deponerent, vt in effectu fecerunt, & posuerunt mea. Et quod, quantumuis per censuras, &

Z z

Ec-

Ecclesiasticum interdictum processerit, vos nihilo-
minus desistere noluitis, non obstante quod dic-
tus Senatus decreuerit, vt superfederetis, vsque dum
diffiniretur, quod causæ conueniret: in quo iniu-
riam passus est. Quamuis illa Domus non esset
ipsius, & proprijs ipsius pecunijs comparata, vt per
emptionis instrumentum in Senatu productum
constitit: sed solum empta fuisset sumptibus ipsi-
us Collegij Seminarij, eius Gubernium ad ipsum
pertinebat; cum Sacrum Consilium Tridentinum,
id Ecclesiarum Præsulibus iniungat: Inde mihi
supplicando petijt, vt vobis iuberem, vt illarum
partium Prælati iurisdictionem suam exercere per-
mittatis, & specialiter in eis, quæ ad collegia Se-
minaria spectant: non interponendo vos, illis sub
titulo dicti Patronatus, nec in demoliendo Insignia
Præfulum, qui ea erigere voluerint. Et, quæ ad
hanc rem pertinent, in Regio nostro Senatu India-
rum visis: Quoniam, vt scis, in nostris, trigesimo
die Octobris, superioris anni nonagesimi primi ad-
ticipsi quid in hac re fieri voluerim. Vobis, vt
dicti Collegij Seminarij gubernium, & adminis-
trationem, eiusdem Archiepiscopi dispositioni re-
linquat, vt etiam nominare collegas, iuxta dispo-
sitionem dicti Sacri Concilij Tridentini: & vt pari-
ter, si voluerit, Insignia sua in ijs ædibus affigat
ita, vt mea etiam eminentiori loco ponantur, ad
significandum vniuersalem Patronatum, qui iu-
re,

re, & Apostolica authoritate, ad me pertinet, & quem habeo in toto statu Indiarum. data in S. Laurentij: vigesimo Maij 1592.

Ego Rex

Mandato Regis D.N.

Ioannes Vasquez.

Atque hæc sincera facti series, & Proregi aduersa Regis voluntas fuit, quæ vt nobis omittere non licuit; sic, vel extollere, vel deprimere non conuenit. Quanta verò Sancti Archiepiscopi in tota re virtus, & sanctimonia fuerit, eadem ratione malui, grauium virorum testimonijs, qui cum ipso familiariter versabantur, & in ius vocati iureque iurando ad veritatem adstricti fuerunt, quàm meis verbis explicare: qui cum plurimi fuerint, paucorum tamèn depositiones rem satis demonstrabunt: Nam in ore duorum vel trium testium stat omne Verbum: Præsens erat Antonius Rodriguez Ordinis Prædicatorum & ipse (vt loquuntur) Prædicator Generalis: Cum quispiam inquit, in ea rerum tumultuatione aliquid acerbius in Proregem coràm Thuribio protulisset, Præsulis animum in inordinatam acceptæ iniuriæ vindicationem accendere conatus, cui statim Thuribius: Non hoc, inquit, non hoc: dùm iustitiam, & veritatem defendimus, Deum offendere per proximî vituperationem non debemus; nec perdere animas nostras. Hæc non est ordinata Charitas. Quod hic me dolet non est, quòd illi me vituperent, vel-

iniurijs afficiant : sed , quòd sub pallio boni commu-
nis offendatur Deus , pro cuius honore tuendo vi-
tam profundere paratus sum . Didacus Morales ,
qui Thuribio à secretis fuit , sic loquitur : Nunquam
illum alteratum , vel iratum viderant , nec verbum
incompositum ex eius ore audierunt ; sed hilarem
& lætum , quòd pateretur iniurias , atque ex peri-
culis tranquillissimus euadebat , gratias Deo , sine
vlla animi turbatione , cum incredibili patientia ,
& rerum sufferentia , recreando se , & lætando ;
quòd magis , magisque pateretur .

Bartholomæus Menachus , qui toti tragediæ in-
tererat : Quòd dictus Archiepiscopus erat exem-
plar , & norma sustinentiæ , & patientiæ : ita vt in
tam molestis , & grauibus occasionibus , quas in
hac ciuitate habuit , nulla actio visa , vel verbum ex
ipso auditum est , in quo eos læderet , qui ipsum
vexare tentauerunt . Et relatis occasionibus supra
expositis : Res , inquit , quæ totam ciuitatem ad-
miratione commouit , nec vlli bene facta videba-
tur . Et tamèn hæc videns Archiepiscopus , & sci-
ens modum , quo ipsius persona tractabatur , nun-
quam auditus est , incompositum verbum , vel vi-
sus , irati , aut Vindicatiui animi indicium edidisse ;
sed tantum per scripta prouidere , quæ ad remedia
conuenire censebat , suas causas Domino commen-
dando , orandoque , vt illorum oculos aperiret , quos
ad contemplandam virtutem clausos videbat ; in
quo monstrabat animi sui sincerum candorem , &

morum Sanctimoniam, quibus anima ipsius adorata fuit.

Vidit hæc suis oculis, auribus excepit, & manibus palpauit Menachus, qui, vt vir grauis, & doctus, totos dies, & magnam partem noctium cum Archiepiscopo Versabatur, in quibus de solius illius tribulationis remedijs actum est. Non videbat autem, etsi consueta, occulta Thuribij exercitia, pernoctes vigilias, caumenia, & sanguinarias flagellationes, quibus hic seruus Dei iratum suis persecutoribus numen placabat, vt prolixis precibus orare, inde a pueritia consuevit, pro Persequentibus & calumniantibus se, & omnes animi sui perturbationes rationis imperio suppresserat, & omnes simul mentis & corporis hostes vincebat, atque eadẽ cæterorum Testium sententia, in publicis actis deposita est. Vnde manifestum euadit, perfectum hunc virum, apostolicæ vitæ normam; non tam malignantis vindictæ, vel superbæ victoriæ studio, quàm patientissima malorum tolerantia, summa erga molestantes charitate, & suis ipsius in omnibus demissione, cum iustissimæ causæ constantia, de omni aduersitate triumphasse. Nam nec post prolatam à Rege Sacrorum Canonum sententiam, insignia sua collegio vnquàm restituere Thuribius voluit, nec aliam illatæ tam grauis iniuriæ satisfactionem prætendit.

CAPVT XLII.

*Beati Thuribij, celestis grátie Spiritus
Sancti Charismata.*

IAm exhibuimu Apostolicum hunc virum multiplici virtutum ornamento decoratum; natu nobilem, cuiusmodi proles, magistra Dei gratia præuentæ, & adiutæ, ad omnem virtutem & heroicas actiones, generosa natura, & paterna educatione comparatæ, vt plurimum, esse censentur. At Deus est qui format ingenia, & alij quidem quinque talenta, alij duo, alij verò vnum, pro sua prouidentia largitur. In Thuribio Mogrovejo mixtum, atque ad mensuram, pondusque contemplatum fuit vtile dulci: Animam bonam sortitus est, in præclara quæque procliuem, & ab omni turpitudine suoptè ingenio alienam: quem fidei diuinæ dogmata prudentem, & iustum: spei firmitas fortem: ardor charitatis optimum: religio pium temperantemque: prudentia prouidum, & circumspectum: iustitia omnibus æquum: fortitudo strenuum, & in iusto honestoque sedulum, & constantem, & cum animi docilitate pro ratione flexibilem: bonitas, in cunctos beneficium: pietas Deo, sanctis, & sacris rebus adiectissimum, Maiorum obseruantem, minoribus, & miseris benignissimum:

num: in seipso modestum; modestia cæteris gratum & venerabilem effecerunt.

Vidimus in puero pululantia virtutum viua semina: in adolescente herbam virentem: in Iuvene pulcherrimum florem: in viro copiosos maturosque fructus: in venerabili sene Theaurum meritorum. Nouimus sacris litteris, excultissimum, sed vitæ Sanctimonia præcellentem: dignitate, & fama præfulgidum: Romanorum Pontificum, Catholicorumque, Regum fauoribus, & populorum plausu, & amore abundantem: magnorumque facinorum prosperitate felicem. Sed quantum ad Dei cultum, & gloriam, propriamque, ea proximorum salutem, Ecclesiæ exaltationem, Principis, & commissæ sibi plebis vtilitatem, & conducere non viderentur, profunda, qua valuit, humilitate, & prudenti rerum æstimatione, cuncta contemnentem; præter peculiarium virtutum insignia, quibus ornatissimus fuit. Quæ, vt iam satis explicata sunt, hic denuò fusiùs expendere, vt actum agere non iuuat: candidissimum castitatis lilium, venerandæ modestiæ prætiosa monilia, eloquij suauitatem, lacte & melle manantem, multiloquij fugam, in quo non deerit peccatum, singularis innocentiae niuem byssum, seueræ poenitentiae spendidam purpuram, perpetuæ orationis ardens incensum, appetitus omnes, & passionēs moderandi nyrrham, cibi & somni non vulgarem parcimoniam; innocentissimi, debilis, fessique

cor-

corporis acrem castigationem, & calidas lachrymas, pro aliorum sæpius, quàm proprijs, quibus carebat, piaculis fufas; quanquàm Thuribij humilitas aliena peccata, sua credere confueuiffet.

Ad altiora vocatus, veteres mores contra honorum ingenium, ita retinuit, vt nouos dignitatibus consentaneos eximiè complexus fuerit: prudentem, & piam suæ domus curam agere: Ecclesiæ Dei diligentiam habere: eamque herculeis laboribus, per summa vitæ pericula colere: eius libertatem strenuè & patienter tueri: dignitatemque generosè sustinere: opulento prouentu sic vt, vt Euangelicus pauper sibi viueret, cum omnium rerum suarum in alios inopes, aliàs inaudita profusione. Fidei catholicæ inter neophytos, & christianæ perfectioni inter prouectiores propagandæ studere, reformare mores: veterem christianorum disciplinam, in clero, populoque restaurare: Sacramentorum fræquentiam, cæteraque pietatis officia inducere: extirpare superstitiones, & vitia: veri Dei cultum debitum, & condignas virtutes hominibus inserere: omnia legibus stabilire, et exemplis operum, signorumque prodigijs confirmare: pro ouibus suis, pro sacrorum canonum obseruantia, pro Dei honore, pro iustitia et veritate, pro animarum salute, pro Ecclesiastico iure animam suam tradere semper paratum fuisse: Deo Deuotum gratumque, Regi fidelem et reuerendum, populis omni genere beneuolentiæ et beneficentiæ proficuum,

cum, & acceptissimum: communi cunctorum opinione, fama, & veneratione virum Sanctum, & magnum Secerdotem; qui præclaros hos fontes in aliorum animos, & mores summo studio fructuque deriuare nunquam destitit.

Sed bonus Deus noster, de cuius munere venit, vt ipsi à fidelibus suis dignè & laudabiliter seruiantur, illustres huiusmodi viros, quos, tanquam Ecclesiæ suæ lucernas super candelabrum ponit, varijs porro dotibus, & singularibus Spiritus Sancti gratiæ charismatis amplius ditare solet: quo, ab ipsorum virtutibus amplior in Ecclesiam emanet vtilitas, personarumque sanctitas magis elucescat, atque ipsius largitoris nomen benedicatur in sanctis, & infinita eius bonitas & potentia in eorum operibus glorificetur. Has dotes in Christo stabiles fore, Isaïas propheta vaticinatus est. Requiescet super eum Spiritus Domini, Spiritus sapientiæ, & intellectus, Spiritus consilij & fortitudinis, Spiritus scientiæ & pietatis, & replebit eum Spiritus timoris Domini. Erit fides cingulum lumborum eius, & iustitia cinctorium renum eius.

Isaïa 11.

Et Paulus Apostolus in Christi membra, & Ecclesiæ columnas, pro eiusdem Ecclesiæ vtilitate, dispersita recensit: Alij quidem per Spiritum datur sermo sapientiæ: alij autem sermo scientiæ secundum eundem Spiritum: alteri fides in eodem Spiritu: alij gratia sanitarum in vno spiritu: alij operatio virtutum: alij prophetia: alij discretio Spi-

1. Cor. 12.

tuum: alij genera linguarum: Alij interpretatio sermonum. Hæc autem omnia operatur vnus, atque idem Spiritus, diuidens singulis prout vult. Modo hæc omnia in singulos diuisim collata dona, si in vno B. Thuribio Mogrouejo simul collecta reperiuntur; cum sanè per Spiritum Domini, prærogatiua, quadam, integrè ditatum, possessumque oportet agnoscamus.

Ea verò dona fusiùs explicare, inter se, vel à virtutibus discernere, aut proprijs terminis definire, ego Sanctorum Patrum simili sapientiæ, sacræ scripturæ interpretum labori, & scholasticorum Doctorum seueræ subtilitati relinquo, qui omnes in ea re solerter desudarunt. At historię, quam hic profiteor, filo insilens, ea omnia in sancto nostro præfule Thuribio eminenti gradu consedisse, monstrare conabor: vel eos huiusmodi charissimum fructus, quos in eius actionibus ante exposui, breuiter perstringendo; vel quos huc reseruauim, amplius enarrando.

Itaque donum sapientiæ in Thuribio fuit, iugis illa, & alta diuinarum, æternarumque rerum contemplatio; ad eò attenta, & affectuosa, vt eam neque grauium negotiorum pondus deprimere, nec Ecclesiarum sollicitudo distrahere, nec itinerum perpetuæ molestiæ interrompere, nec ingentes labores fatigare, nec præsentia vitæ pericula perturbare, nec rerum difficultas detertere, nec aduersitas vlla deiicere, nec prosperitas extollere, nec Dæmonum

tentamenta deludere, nec astuta hominum consilia decipere unquam potuerunt: quin, quod altera sapientiæ pars est, omnem affectum, actionemque suam, & agendarum rerum dispositionem, ad diuinarum perfectionum amussim dirigeret, secundum supernam sapientiam de rebus omnibus iudicando.

Donum intellectus in Thuribio prodidit, quod abstrusos scripturarum sensus facile penetraret, eosque pro re nata tam appositè & clarè produceret, ut arcana mysteria, diuinæque voluntatis decreta, ex illis non declararet solum, sed persuaderet: quo factum, ut præter emendatos christianorum mores, tot Ethnicorum fœrociumque hominum millia, auitis & innatis quodammodò erroribus exutos, altissima diuinitatis, & obscura fidei nostræ mysteria, non modo percipere, sed lubenti etiam animo complecti fecisset.

Donum scientiæ demonstrabat Theologicarum rationum, & exemplorum copia, quæ, etsi academicarum disputationum usu nunquam didicisset, sacris canonibus plerumque assuetus; in schola tamèn orationis diuinitus eruditus, de rebus cœlestibus sensus mirificos proferebat; ut, quod priùs diximus, viri in scholis doctissimi, ad earum rerum consultationes à Thuribio vocati, postmodum inter se faterentur, non tam necessarium Archiepiscopo fore, ut ab ipsis doceretur;

quàm ipsis proficuum, vt ab eo discerent, quæ priùs non penetrabant.

Donum pietatis non prosequor, quæ, cùm ad omnia utilis sit, ita in omni actione Mogroveji, adeò resplenduit, vt nihil eo manifestius sit, seu diuinum cultum, seu hominum propter Deum charitatem, respiciamus.

Donum consilij, & fortitudinis in eo fuisse docet, quòd nihil vnquàm temerè suscepisse reperitur; absque, vel hominum meliora suadentium deliberatione, vel impellente Spiritus Sancti gratia: & quæcunque facere semel decreuisset, absque metu, & mora fortitè, constantèrque aggrediretur, & præstituto semper optimo fine, vel decoris, vel conscientia, vel religionis, aptissima media seligere, & applicare sciret: quæ tantam exitus prosperitatem ipsius propositis pepererunt.

Timor Domini totum Thuribium ita possidebat, vt à puero cùm ipso adolesceret, & semper cresceret cura conscientia; Cui perpetuum constansque propositum fuit, Martyrio vitam finire malle, quàm vno veniali peccato diuinam Maiestatem offendere, seu propriæ honestatis, diuini honoris, aut alienæ iustitiæ, vel charitatis terminos transilire; atque hæc ita obseruasse, vt nullum mortalis culpæ indicium edidisse perhibeatur.

Genera linguarum Thuribio per Spiritum Sanctum donata fuisse, alibi satis ostendimus.

Interpretatio sermonum ad intellectum, & doctrinam refertur, in quibus B. Thuribium excelluisse paulò antè docuimus...

Discretio Spirituum, alienorum cordium arcana, & conscientiarum recessus detegit, donum animarum Rectoribus necessarium; quod quantum in Beato hoc Archiepiscopo enituerit, non obscure monstrat, quòd cuiusdam impij hominis. hæreticum Spiritum detexisset, & grauiorem lapsum, suppliciumque prædixisset: alterius, quod antè narrauimus, fictam contemptæ excommunicationis penitentiam discreuisse. Indos iam dudùm baptizatos, vel confirmatos, cùm iterùm Sacramentis initiandi offerrentur; quasi characterem animabus in hærentem intueretur, iam initiatos fuisse, pronuntiaffet: alios baptizatos non fuisse diuinitus cognouisset: in Ecclesiarum, suæque Domus, aut curiæ Ministris eligendis, bonos à malis facile secreuisset; & alia his similia quæ in eius actis passim referuntur, et nos infra fusiùs exponemus.

His addere mihi liceat alia Thuribij, peculiaria dona, quæ, etsi nec Propheta, nec Apostolus locis supra notatis exprimant, inhabitantis tamèn Spiritus Sancti dona fuisse, nemo prudenter negabit: qualia fuerunt stella lucida in Thuribij prædicantis, sacrificantis, orantis, et pauperum pedes lauantis fronte, sæpiùs in diuersis locis conspecta, et flamma diuini amoris, quæ cor eius accendens, et mortalium oculis visibilis, non semel, in tunc iuuenilem.

Act. 5.

lem plusquam sexagenarij hominis vultum, igneo, & sintillante, sed suauissimo splendore emicans deriuata fuit. Tùm illa perpetua pax cordis, & in summis, præsentissimisque periculis, animi tam securo tranquillitas, vt nunquàm aliàs iucundior, lætiorque videretur, ac si præsentem Christum dextras, vt Petro inter undas, procellasque, sibi porrigentem conspiceret; quod in omni aduerso ipsius casu, perpetui eius comites obseruarunt; tanquàm eo maximè lætaretur, quòd similia pro Dei obsequio, & Ecclesiæ sibi commissæ bono pati dignus haberetur; vt ibant Apostoli gaudentes a conspectu consilij, quoniam digni habiti sunt, pro nomine Iesu contumeliàm pati. Familiare commercium cùm angelis, qui ipsum in humana specie à periculis liberabant, & officium diuinum alternatim cùm ipso recitare auditi sunt: eiusque aduentum barbaris annuncibant, vel inuisibili ministerio tuebantur. Frequentes ecstases, in quibus nonnunquàm, pluribus cubitis è terra in aërem suspensus visus est. Cùm alia huiusmodi plura præmitto, quæ passim in historia Beati Thuribij notari possunt. Ad ea nunc venio, quæ huc vsque non tetigimus; & ampliorem narrationem requirunt.

CAPVT XLIII.

Beati Thuribij Donum Prophetia .

Spiritum Prophetiæ hic intelligo , per quem , & præsentia , sed occulta ; Et præterita , sed alioquin incognita ; & futura , sed soli Deo nota , per Spiritus Sancti speciale lumen manifestantur . Quod donum B. Thuribio collatum fuisse , quæ sequuntur exempla docent . Quorum aliqua , cum paulò priùs cursim perstrinxissem , inter alia clariùs hic explicanda sunt ..

Archiepiscopum aliquando Liinæ conuenit homo alioquin ignotus , aliorum mores , & aliquos Ecclesiæ ritus , libero sermone petulanter incusans , Vidit Thuribius discretione spirituum , quantam trabem in proprio oculo gereret , qui aliorum festucas tam cryticè magnificabat : & Spiritu prophetiæ prædixit , quid non recipiscenti futurum erat . Monuit , vt seipsum potiùs emendaret , alioquin factum iri , vt grauiorem Sacræ Inquisitionis censuram subiret ; non multò post detectus , captusque , & hæresis , Iudaicæque prauitatis condemnatus , publica pyra combustus fuit .

Dùm Thuribius aliquando confirmationis sacramentum in templo conferret , inter alios erat paruulus , qui continuo ploratu inquietum ipsum reddebat . Tùm absoluto officio , videte , inquit ,
in-

infantem idèd nobis molestum fuisse, quòd nondum baptizatus sit; idque, inspectis baptizatorum libris, ita fuisse repertum est, ac eum baptizari iussit; & paruulus baptizatus quieuit.

Alio tempore B. Antistes idipsum sacri chrismatis Sacramentum administrabat in Parochiali Chaucana, curæ Patrum Ordinis Prædicatorum, in Prouincia Gralarum: ubi alius puer discurrebat per templum, ploratu, strepituque omnia perturbans; qui à B. Viro auditus, ab Ecclesia eijci iussus est; Ipse verò Thuribius, post actionem è templo egressus, vocauit pueri, tùm septennis, Parentes, interrogauit, cur eùm tempestiuè baptizari non fecissent, qui cùm facti essent, se à curia profugos, adeòque ab infantis baptismo curando impeditos eam rem nemini pandere ausos fuisse. Hac eorum confessione non contentus Thuribius, Ecclesiæ libros inspicere fecit, cùmque nullum baptismatis pueri indicium inueniretur, eùm illicò baptizari fecit. Eodemque loco id ipsum in quatuor, vel quinque annorum puella contigit, quam proinde B. ipse Antistes tunc baptizauit imposito nomine Maria, quo ante baptismum à Parentibus vocari consuevit.

In alia maiori, quàm ducentorum, & quinquaginta, confirmandorum multitudine, oblata testanda, quæ ex aspectu censebatur habere quadraginta quinque circiter annos ætatis; hanc cùm B. Præsul aspiceret; tu, inquit, iam alias confirmata fuisti:

fuiſti : & negantibus femina , & qui illam comitabantur , aſſeuerauit Archiepiſcopus , ſe illam in alia plebe ante annos duodecim confirmaffe , iuſſitq; inquiri libros , & ſub id tempus rectè inuenta ſunt mulieris & parentum , & patrinorum nomina , in eorum notis , qui tunc confirmati fuerunt . Atque peculiari hoc dono Deus B. Antiſtitem illuſtrabat , nè neceſſarium baptiſmi ſacramentum cuiquàm deeſſet , vel non iteranda ſalutaria Sacramenta , per ipſum pluries eidem conferrentur .

Sic etiam abſentium animarum præſentia ſalutis pericula ſæpè ipſi reuelata fuerunt , nè illæ perirent . Cùm in curſu viſitationis veniſſet , ad locum , qui portus piſci vocatur , ex domo Parochi vidit iugum montis , tribus , vel quatuor leucis diſſitum , in quo dicebant Indos eſſe , qui ab Hiſpanis illuc aufugerunt . Iuſſit loci vicarius , Licentiatus Martinus Roſſillo , vt ſuorum aliquis illuc pergeret , viſum , an adhuc ibi morarentur : ſed reſponſum fuit , clium ob altitudinem & aſperitatem adeò inuium & inaceſſabilem eſſe , vt nemo illuc pergere auſit . Tum Thuribius diuino Spiritu , animarum neceſſitatem cognoscens : Meum , inquit , paſtoris eſt , oues pereuntes quærere , ibo , & inueniam . Quo dicto Mulum conſcendit , & montem , eo labore & moleſtijs , quas meditari magis , quàm explicare faciliùs , accedens , inuenit vetulam non baptizatam , cum morte luſtante , quam à ſe catechizatam ſacris vndis intinxit , illaque ſtatim

expirauit. Aliam insuper in partu laborantem inuenit, ex qua tunc natus infans, & à S. Præsule baptizatus, vetulam illicò in. coelû secutus est, quæ dux animæ insuperabili zelo. Thuribij, & animo ipsius per Spiritus. Sancti dona. huiusmodi. periculorum præfago, æternam mortem euaserunt: cuius. rei plura exempla hîc non refero, quæ priùs copiosè protuli, cùm S. Archiepiscopi pastoralis. officij labores. exponerem.

In deserto Salinarum, omnes octo. mulæ serui Dei, quæ equitatu, & vecturæ seruiebant, per quindecim dies deperditæ, nulla diligentia reperiri poterant: Interèa Ioannes Franciscus Trebexo. suam quoque perdidit, & ad Thuribium accedens, ipsius apud Deum. intercessionem. rogauit. Tum. Thuribius diuino Spiritu illustratus, litteras suo nomine scribi, & ad Bernardinum Ramirez, in oppidum Guachæ ferri iussit, affimans mulas ibi inueniendas esse: tulit litteras Ioannes de Arebalo, & Bernardinum quidem Guachæ reperit, de mulis. nondum comparentibus sollicitum, & desperabundum: at sequenti. manè comparuit Indus, quispian, qui mulas omnes adduxit, & cùm. eis etiam illam. Francisci Trebexi. Quam rem. cuncti, serui Dei Sanctitatis. merito, & prophetico Spiritui, proeuidenti miraculo, attribuerunt.

Iam verò! futurorum. propheticas. prædictiones. testantur ista; Cùm. in. plebe Pallasca, visitationis. munus. sub vesperum. absoluisset, ad alia loca. pergere.

gere propterauit; quanquam copiosa tunc pluvia malam noctem, & periculis infelix iter minaretur. Sed Thuribius, etsi rogantibus famulis, & Ioanne de Clanos Sacerdote hospite, nè euidenti vitæ discrimini se objiceret: abire tamen voluit, affirmans, cessaturam tempestatem, noctemque serenam, & bonum iter fore, nec se vel socios à pluvia tangendos: & ita factum est. Nam non citius iter arripuit, quam illicò, cessantibus aquis, cœlum serenum apparuit, & ipse cum toto comitatu satis cominoda via peruenit, quo ire voluit.

Sacrum alibi celebraturo defuit hostia consecranda. Visitator, Archiepiscopi comes, hora septima matutina misit puerum, vt hostias ex alio loco, quatuor amplius leucis diiſito adferret. Res reliquis desperata visa fuit: sed Thuribius, non dubitate, inquit, hostias satis tempestiuè accipiemus, nec falsus fuit; puer enim cum hostijs redijt hora nona & media: longas octo moleſti itineris leucas, sesquiertia hora, suis pedibus cundo redeundoque dimensus. In quo facto omnes accelerati cursus miraculum, & propheticum Archiepiscopi Spiritum collaudarunt.

Marcus Garcias, zequetepequæ, in Truxillano districtu natus, in hac sua patria adhuc puer, interpretis officium Archiepiscopo præstabat, & Archiepiscopus ipsi prædixit, cum aliquando illius plebis Curionem fore. Puer id tunc parum curauit; vt potè militari sago magis, quam sacerdotali toge

additus : quapropter ad insulas philippinas postea nauigans , per annos viginti militiam ibi professus est ; sed in patriam demum reuersus , Ordinis S. Augustini habitum suscepit : & sacerdotio initiatus , per suos superiores , Zequetepequanæ plebis parochus factus est . Actunc primum , tum ipse Marcus , tum qui Archiepiscopum loquentem audierunt ; ipsius propheticæ prædictionis recordati sunt .

Alibi narrauimus , Beatum Thuribium conuersionem Motillonum Indorum Ethnicorum , gentis ferocissimæ , & ob loci qualitatem inaccessibilis , propè desperatam , per se perfeciendam , ac postea peractam , claris verbis multo antè prænucciasse . Et postea dicturi sumus , mortem suam , certasque eius circumstantias , annis mensibus , septimanis , & horis priùs præuidisse , & prædixisse .

C A P V T XLIV.

Fides. Gratia. Sanitatum.

GRatiam Sanitatum , aliaque Sanctorum miracula præcedit fides ; non theologia virtus illa sola , qua Christiani omnes donati sunt in baptismo , & quam deinceps , nisi hærtieca prauitate corrupti , semper retinent ad assentiendum omnibus quæ Sancta mater Ecclesia , tanquàm à Deo reuelata , nobis credenda proponit : sed peculiare donum ,

num quod est firma fiducia, per quam serui Dei sibi certò persuadent, Deum infallibiliter facturum, quæ ipsi in certis occasionibus ad fidei confirmationem, Dei gloriam, & hominum vtilitatem, supra naturæ vires, fieri cupiunt; quam postea, iuxta Christi promissum, sequuntur ipsa miracula: Amen dico vobis, si habueritis, fidem sicut granum sinapis, dicetis monti huic; transi hinc illuc, & transibit, & nihil impossibile erit vobis. Quam fidem, quæ ab aliquibus non ineptè mater miraculorum dicitur, in Beato Thuribio fuisse, duæ eius filiæ gratia sanitarum, & operatio virtutum demonstrant: qua vtraque claruit, quando imprimis, & se ipsum, & alios multis grauibus morbis miraculosè liberavit.

Matth. 17.

Seipsum quidem omnium primum ab enormi tubere manus, quod ante plenè narraui: deinde à febre; nā ea aliquando ardens, ardentiori, quo semper flagrabat, zelo, animas instruendi impulsus, & fidenter sibi persuasus febrem pastoralis officij impedimento non fore; Eadem afflictus populo prædicare voluit: Dùm inter concionem ferueret; febris ipsum reliquit: nec amplius ad extremos vsque vitæ dies reuersa est.

Licentiatu Ioannes Robles, cum renum dolore, sanguinis fluxum, per sexdecim annos passus est. Sic cum iacentem Truxilli inuenit B. Thuribius, & compassus ipsius calamitati, & magnis expensis, quas in Hispania & Indijs in Medicos & medicinas fru-

frustrà insumebat, cumque bono animo esse iussit, seque sacrificium pro ipsius valetudine obtulisse, nec eum eo morbo moriturum, sed citò sanandum: atque deinceps melius habere cœpit, & paulò pòst, absque vllò alio remedio, vel cura, integrè conualuit, nec eo morbo tota deinceps vita molestatus est.

Mulier Inda filium suum ardenti febre vexatum ad Sanctum Archiepiscopum attulit, persuasa sibi, puerum solo eius aspectu sanandum. Thuribius manum suam pueri capiti imposuit, eique benedixit, & illicò sanus factus est, quod omnes miraculo factum censuerunt.

Archiepiscopus, Limæ, pro more suo, Indis prædicaturus interrogauit an quisquam ex illis abesset, doctusque vnum domi iacere, ex nimio fluxu sanguinis, quem è naribus emittebat, nec posse absque periculo se loco mouere; finito sermone Thuribius ad infirmum accessit, cumque manu pressum in hortulum eduxit, iussitque, vt herbam quandam (quam constabat nullam talem à natura virtutem accepisse) fronti affricaret. Fecit infirmus, & repentè conualuit. Notarunt omnes miraculum, & artem, qua Thuribius seruus Dei id occultare voluit. Frondem deinde S. Archiepiscopi herbam vocant, eamque cum Beati viri inuocatione piè sibi applicantes varijs morbis liberantur.

Postquàm Beatus Thuribius Missæ Sacrificium ob-

obtulisset, oblatus est illi. homo, varijs doloribus cruciatus, & ita contractus, vt se vix mouere posset. Iussit, vir Dei, vt homo infirmus surgeret sanus, & ita repentè factum est, omni dolore discusso, & viribus integrè restitutis.

In pago Caruumayo S. Iacobi, præfecturæ Chinchachocæ, cùm Thuribius sacrum chrisma collaturus, in domus parochialis porticu, dùm populus conueniret, frigido cælo ad solem oraret, vidit pertransuersum forum venientem hominem, viginti circiter ætatis annorum; qui vt populus dicebat, ab umbilico deorsum à natiuitate contractus, alligato ad poplites tergore bouino, & duas tabellas, quibus sustentabatur, manibus tenens, instar quadrupedis incedebat; nec nisi ab alio Indo adiutus, templi gradus ascendere potuit, vel se, vt fecit, extra Templi fores collocare, vt Eleemosinam ab intrantibus peteret. Tùm B. Antistes, ouis suæ calamitatì compassus, domus porticum exiuit, & stans ex aduerso infirmi, oculis & manibus in cælum elatis orauit, sacraque manu signum crucis formauit in aëre versus contractum, coque facto statim intra porticum redijt. Vidit ipsum infirmus, & concepta spe recuperandæ sanitatis, femora, genua, pedes, proprijs manibus contrectare, tùm se mouere, gressum tentare, passum aliquem pergere, tùm Templi portam apprehendere, iterùm ire: Denique post quadrantem circiter horæ huiusmodi collustationis, per gradus Templi, quos antè

nun-

arunquàm scandere potuit , proprijs pedibus descendere , transuersum forum constanti gressu ad Archiepiscopum accedens , se ipsius pedibus reuenter prosternere , & gratias pro beneficio reddere : sed humilis antistes , Deus , inquit , te sanauit , redi in Templum , & gratias illi redde . Redijt rectus , egit gratias , & manuum poplitumque fulcra , quibus utebatur infirmus , restitutæ valetudinis anathema sanus ad aram appendit .

In parochia Chachopeni , Truxillani districtus , alius ita attractus , vt se regere non posset , ad Archiepiscopum ductus est , ab eoque iussu , vt in Ecclesiam portaretur ; quo etiam appulsus ipse beatus Antistes infirmæ manus , & pedes attrahens , & suam illi benedictionem impertiens repente sanum reddidit ; & æger relictis ibi fulcris prius inualidi corporis , integer & exiliens abiuit .

In pago S. Hyeronimi , agri Yaulensis grassabatur pessimus morbus , quem accolæ *Barrugas* vocant , & qui totum corpus intensissimo cruciatu affligit , & cum acuta febri neruos omnes occupat , & non raro contractos relinquit ; nec hominibus proprius ; sed cum bestiis etiam communis est : *Thuribius* ibi absoluta visitatione , alio pergere volens , inuenit totam familiam , & comitatum eo mordo grauissimè vexatos , lectis alligatos esse . Accessit singulos , & capitibus manu sua leuiter tactis , paululum recessit . Mox inclamauit , vt surgant omnes , abeundi enim tempus esse ; & surrexerunt , omnes

Sanissimi, omnemque statim itineris apparatus pristina valetudine, & viribus restitutis expedierunt, & profecti sunt,

Didacus de Azeuedo, Dux cohortis, sermonem cum Archiepiscopo longiusculum habuit, in parochia S. Mariæ de Guadalupe: quod videns alius quispiam, suspicatus est, omnia contra se dicta fuisse, quapropter recedentem ab Antistite Didacum inopinatum furibundus inuasit, ac totum ipsius corpus acuto telo punctim sic transverberauit, vt ferrum etiam aduersum murum penetrauerit, in quo teli vestigium adhuc durat, in tanti sceleris detestationem relictum. Thuribius audito strepitu, vulneratum accessit, & consolatus est, affirmans nihil inde mali futurum. Tum vulneris vtramque partem sua manu contrectauit, & infirmus momento sanus fuit, absque vlllo vulneris vestigio, vel dolore.

Alfonsus Garcias Mantuecos vulnus in pectore habuit, ex quo per os magnam sanguinis copiam expucebat: Chirurgorum arte, manibusque frustra fatigatis, ad B. Thuribium se contulit, cuius sacra manu vulnus supra vestem attactum, secedente Thuribio, illico solidatum fuit, & Alfonsus perfecte sanus remansit.

In pago, Minachaca, prouinciæ Chincachocæ, B. Thuribius, post habitam concionem ad populum, è templo exiens, & audiens tumultum, & voces lamentationum & fletus, intrauit domum in

qua hæc fiebant : inuenit mulierem , transuersa prole , cum partus doloribus , & morte , toto tri-
duo luçantem . Accessit , manum suam moribun-
dæ , vt credebatur , fæminæ capiti imposuit , bene-
dictionem impertijt , & illa statim enixa est . Tum
paruulum peritorum iudicio nimis debilem , nec
propinquæ mortis periculo liberum , S. Antistes
ipse statim baptizauit imposito ei nomine Thuri-
bio , qui per multos inde annos superuixit .

Alium Puerum , clausis oculis , illicò , vt appa-
rebat , moriturum a filiis parentes ad Ecclesiam ca-
thedralem Limensem portantes , constituerunt
ante oculos . S. Præfulis ; qui , vt eum vidit , pa-
rentes consolatus est , nè timerent , promittens
puerum eo morbo non moriturum , & puer Thu-
ribij manu tactus , confestim oculos aperuit , & suis
viribus erectus , & sanus coram omnibus sedit .
Eodem modo filium Capitanei Suiffini grauiter in-
firmum , iamque declamatum , sola sua benedictio-
ne repente sanum reddidit .

In oppido seu pago Pallasca , multos indos con-
firmabat Archiepiscopus , inter quos vnus mutus fuit
it , qui à B. Antistite , vt vocetur , interrogatus , clarè
& distinctè nomen suum protulit , cæterùm , vt
priùs , deinceps , obmutit . Idemque alibi in fæmi-
na muta contigit , quæ an confirmata fuerit , vel
quo nomine vocaretur , nemo fuit qui sciret ; qua-
propter à S. Pastore repetitis vicibus feruenter in-
terrogata , tandem respondit , & nomen in baptis-
mo .

mo sibi impositum clarè prodidit, reliquum elinguis, statimque confirmata fuit.

Laurentius Indus, aduersis casibus, & graui seneſtæ cæcus, Thuribij opem implorabat, eumque interpellando per tres itineris leucas constanter secutus est: compassus ei B. Præsul, post celebratum sacrum, manipulum sacerdotale, & manum suam capiti eius imponens, sic visum restituit: vt omnia oculis obiecta distincte videret ac discerneret.

Inda quædam oculorum nubeculis, & callis adeò affecta, vt nihil omninò videre posset, Archiepiscopus Thuribij sanctitatis, & miraculorum fama concitata, ipsius opem instanter orabat. Ille, vt celaret miraculum, herbam aliquam proximè obuiam illi porrexit, quam dum oculis apponeret, impertita benedictione, visum integrè restituit, maculis repentinè dissipatis.

Lima in templo monasterij SS. Incarnationis, Thuribius, Archiepiscopus loci, consecrabat Archiepiscopum Mexicanum, Alfonsum Fernandez de Bonilla, tanta populi pressura, vt vna Puella suffocata, conculcata, & extincta demùm fuerit. Mortuam extraxit mater, & ad summum altare, vbi Thuribius erat, elatum corpusculum ante pedes eius, pro materno affectu plorans, & B. Præsulis opem implorans, constituit. Ille pietate sua, genua flexit, oculos ad aram eleuauit, manum defunctæ capiti imposuit, & illa statim in se rediens reuixit. At toto populo euidenti, vt censebant,

miraculo acclamante, cœnobij Moniales in choro hymnum, Te Deum Laudamus, in gratiarum actionem solemniter decantarunt.

Thuribio Prouinciam lustranti, in Regione Gauras, & loco dicto, Tombo de marcara; obuiam venit mulier Inda, mortuum filium vlnis gestans, & flexis genibus constanter orans: vt eum sibi desolatæ viuum restituere velit. Tùm B. Antistes, qua charitate solebat omnium calamitatibus compati, paruulo benedixit, & animam diuina virtute extincto corpori restituit; & puer quasi gratias agere vellet, balbutire cœpit, & matris mammillas sugere: tanta præsentium admiratione, vt B. Viri vestimenti fimbriam retrò clàm absceiderint, & tanquàm sacram reliquiam, domum secum abstulerint, restituti filij tropheum. Tantam fidem Barbarorum cordibus indebat pietas, & sollicita doctrina Mogroueji, Domino cooperante & sermonem, seruique sui sanctitatem confirmante: sequentibus signis.

Aliosque multos B. Thuribij benedictione, a morbis, & mortis periculis liberatos vulgata fama refert, quamuis per longi temporis interuallum, cùm actorum ipsius processus instruerentur, nō sint reperti, qui peculiares omnium circumstantias testari, vel exactè narrare possent.

CAPVT XLV.

Operatio Virtutum.

HAs virtutes docti interpretantur, cætera miracula, quæ ad morborum curam, vel corporum sanitatem non pertinent. Cuiusmodi tùm in alijs, tùm in se ipso B. Thuribius frequenter operatus est.

Sacerdos quidam B. Archiepiscopum, inuisere cupiens, iter Limam aggressus est: cùmque quatuor leucis ab vrbe distans, fere iam occidente luna, per arenaria incederet, viam perdidit: præsens periculum aduertens, flexis genibus Deum, interpositis Archiepiscopi meritis, orauit, vt viam, & lumen illi concederet, quibus ad eum tutò peruenire posset: nec id citiùs, quàm semitam in inuio detexit, per quam præter intentum incedens, luna naturalem cursum tardante, tuta via, & pleno lumine, ciuitatem breui tempore ingressus est.

Ciuitas Mayobamba, cœli intemperie, & montium vicinio, quotidianis ferè tempestatibus fulgetris, tonitruis, & fulminibus, obnoxia fuit, quæ & homines & iumenta frequenter occidebant. Thuribius inter visitandam Prouinciã illæ transiens, populi lamentis, & calamitati compassus, remedium adhibere volens, duas campanas Ecclesiastico ritu consecrauit, & Episcopalem benedictionem

nam illis impertiuit, easque solemniter pulsari iussit, quoties tempestas ingrueret: quas incolæ propterea S. Archiepiscopi campanas vocant: ipsius iussa seruant: & contestantur, se sic faciendo nullum deinceps damnum ex eiusmodi tempestate tulisse. Augēt admirationem, quod cū tempestas ipsis maximè minatur, eam ad illarum campanarum sonitum, diuina quadam vi, ab ipsis illæsis, aliò montium patenter transferri, ad loca Ethnicis Indis infesta. Sed & quo, lato terræ tractu, earundem campanarum sonitus auditur, muscæ illæ molestissimæ, de quibus alibi diximus, neminem mordere perhibentur, quamuis magna multitudine grassari ibidem soleant.

Simile se, pari campanarum benedictione à B. Thuribio data, etiamnum hodieque, infallibili, perpetuoque miraculo experiri testantur populi S. Marci Truxillanæ diocesis, S. Martini de Chagas Prouinciæ Gauranæ; Itemque Sanctissimæ Trinitatis Caxamarchæ, Cusinianæ, Contumazæ, Gufmangi; Biscombambæ Prouinciæ Conchucorum; suasque campanas vt Archiepiscopi reliquias venerantur: nam quoties trahuntur, confestim dissipatur tempestas: nec fulmina ex eo tempore cadunt, quibus prius, tam segetes quàm homines, & bruta plurimum lædebantur.

Eiusmodi, hominibus, bestiisque perniciosas tempestates exhalabat etiam lacus montanus Aquæ nigræ, quadranti circiter leuæ supra parochiam

etiam coxabambæ, Prouinciæ Guamacucanæ, & plebem illam sæpè, & vehementer affligebant; rogarunt incolæ, tam Hispani, quàm Indi, vt Archiepiscopus benediceret aquis: fecit ille pro sua charitate, nec fulmina deinceps, quemquam hominum tetigerunt: aut bestijs nocere cognita sunt: cum utrosque priùs frequenter, ad mortem ferirent.

Cum Prouinciã pro suo munere lustraret. Mogroucujus, transeundum erat desertum amplitudinis septem leucarum, dictum Condepucora, versus Zamoram, per quod lacus in medio positus tam frigidam auram emittebat, vt viatores congelatos necare soleret: nec aliud fræquentius occurrebat spectaculum, quàm defunctorum ossa nuda, vel congelata cadauera. Eius rei monitus Archiepiscopus, vbi primùm in conspectum venit, lacui, totique deserto benedixit, quo factò desijt auræ rigor; nec vllus ibi deinceps hucusque perijisse nescitur.

In Parochia Sanctissimæ Trinitatis, Truxillani districtus, intrà terminos cænobij Religiosorum, rupes erat altitudinis septem vel octo cubitorum, & circiter æquæ latitudinis; adeò pestifera, vt eius tactu, vel solo vicino transitu, inscij vel incauti homines fæda lepra replerentur, eoque morbo mori solerent. S. Archiepiscopus populi rogatu saxum sacra benedictione lustrauit, & hac sua benedictione ita innocuum reddidit, vt homines semper deinceps,

ceps, non solum absque ullo detrimento, vel periculi suspitione, aut metu solito, fidenter proximè transeant, sed etiam tangant, & in eo securè tutò-que sedcant.

Beatus Thuribius, feria quinta cænæ Domini, Chrisma & alca in oppido Cañete, extra Limam consecraturus; iussu etiam, ut cathedralis Ecclesiæ Limensis præbendarij illuc ad sacram actionem conuenirent, transuadendus erat rapidissimus, ac tum tumidus fluuius Cañetensis, cumque ad ripam ventum esset, in montibus horrendum pluebat, & fluuius magis magisque intumescibat, ut omnium supra quinquaginta personarum, quæ aderant, iudicio, transitus impossibilis videretur absque manifesto vitæ periculo. Pons talis, qualis, sex inde leucis distabat, nec ut Limam irent, suppetebat tempus. In his angustijs suspensus Archiepiscopus: ait, O quantum indignatur hic nequam fluuius: transitum tamen dabit, & eleuata manu, quasi vadum ostensurus, benedixit aquis. Tum equum conscendit, cum suscepto post tergum agazone; cumque tentaret aquam, fluuius retrogrado cursu celeriter fursùm rediuit, vallum se contra currentem erigens, & tantum aquæ in vado relinquens, quantum equi poplites attingendo sufficiebat: transijt ipse, & post eum securus totus comitatus cumque in altera ripa iam salui, tutique essent; Archiepiscopus ad fluuium respiciens interrogauit, num transierint omnes? & iterùm, an quis-

quisquam reliquus esset? & responso, quòd omnes transierint, & nemo supersset, iterum flumini benedixit dicens, vadat & cursum sequatur: quibus dictis fluius iterum repentè, quasi remoram indignatus, naturalem cursum repetens, tanta copia ferebatur, vt extra sinum exundans vtramque ripam illucrit, ac tam vehementi impetu, vt arbores eradicauerit, & cùm possessionũ sepibus abriperit.

Mayobamba ad Chillaos, æstiuo tempore, & ardentissimo sole transiens Archiepiscopus per viam montis Carrasinal, quæ ctsi hyeme cænosa sit, in æstate tamèn tam arida, vt nullum in ea humoris vestigium appareat. In ascensu montis anhelè vehementer æstuabant, & siti pæne peribant: nec aquæ spes vllafuit, quæ tali tempore anni, & tanto solis ardore nunquàm ibi visa est. Tùm hìc vir Beatus considerans tunc suum, & suorum præsens periculum, rem Deo commendauit, & circumspiciens, ad pedem viuæ Rupis vidit glebæ particulam. ipsius, vt piè creditur, meritis parumper vdam: iussit ibi fodi, & inueniendam aquam. Ita factum & ad paucos ictus repentè scaturiuit copiosus, & limpidißimus fons aquæ viuæ, qua tunc Deus prouidit ipsius & sequatium extremæ necessitati: nec vllò deinceps anni tempore, vel æstatis calore exaruit: sed vsque in hodiernum diem perenniter, clarissimè, & abundanter effluit, sub nomine fontis S. Archiepiscopi, & aquæ Sanctæ: cùm magna cruce lignea ibidein in rei memoriam

erecta, ad summam viatorum consolationem; Et
 ut fertur, etiam varijs morbis curandis salubris:
 quod accolæ magna fide ac deuotione, Beati Thu-
 ribij meritis acceptum ferunt.

Est in Prouincia Guaylarum locus dictus Ma-
 cate, Parochiæ Sancti Ludouici, quam in spiritua-
 libus regunt Religiosi Ordinis Prædicatorum. Ibi
 olim ex alto monte, quadranti vnus leucæ, supra
 oppidum, scaturiebat fons aquæ viuæ, quæ inco-
 larum domesticis vsibus, & agris irrigandis vtrum-
 que sufficiebat: sed siccata vena, sic defuit aqua, vt
 ne sustentandæ vitæ suppeteret. Populus penuriâ
 languebat, & terra non dabat fructum suum, vt
 Primores locum iam deferere cogitarent, & mi-
 grare ad alium insalubris auræ locum S. Blasij vna
 leuca circiter inde distantem. Thuribius pro visi-
 tationis munere superuenit. Parochius, & populus
 necessitatem suam, & migrandi consilium expo-
 suerunt. Ille dissuasit abitum, iussitque aram ad
 aridi fontis locum erigi, vbi ipse sacrificium offerret,
 sperareque se, Deum necessitati prouisurum.
 Cunctis paratis, iuit cum populo, & proprijs co-
 mitibus, Missam ibi celebravit: cumque populum,
 & fontem in fine benediceret, magno fragore eru-
 pit subito tanta copia salubris, & limpidissimæ
 aquæ, vt semper deinceps, vsque in hodiernū diem,
 non solum domibus, agrisque abundanter suppe-
 tat; sed etiam argentarias, frumentariasq; machi-
 nas, ob aquæ copiam ibi postea excitatas agat: & op-

pidum inundare timeretur, si populus industria & labore effossa terra superfluum aliò non diuertisset. Populus miraculum agnouit, & acclamauit latus; & exultans, in terra prostratus gratias Thuribio benefactori reddens; quas ipse Deo auctori reddendas suadebat: illique in miraculi memoriam, crucem adhuc extantem ad fontem crexerunt. Addunt se experiri, aquam illam morbis pellendis salubrem esse, quod prior non præstabat: & posterioris Limanis Presulibus consuetam esse, illuc, deuotionis causa, peregrinari, & miraculifamam perpetua traditione conseruare. In priori fonte, ob B. Viri merita, gratia præuenit naturam nondùm tunc satis dispositam; ex hoc posteriori ablatam priùs humoris animam, emortuo siccatoque caderueri restituit.

In oppido Tauca, ferocissimi tauri, in aliqua solemnitate, ad certamen ducebantur, & vnus; solutis vinculis elapsus, impetum parabat in Ioannem Gutierrez à Villa Padierna, Thuribij famulum tùm domo egressum: B. Antistes ad populi clamores aliquid simile suspicatus, ad fenestram accedens vidit periculum; famulogque benedixit dicens: Deus te seruet, & statim reclusit fenestram: nec mora, taurus priùs furibundus, repente mansuetus, ad gregem suum redijt, & Ioannes ad B. Viri votum illæsus euasit, quod omnes miraculo tribuerunt.

CAPVT XLVL.

*Virtutes, quas Deus in ipsius Beati Thurbij;
persona operatus est.*

Ista sunt miracula, quibus Deus B. Thurbij personam à presentibus, & euidentibus vitæ periculis, in Dei opere aditis, vel occulta diuina manu sua, vel partim patente, partim latente Angelorum ministerio frequenter liberauit. Quæ, quia nos sparsim antea perstrinximus, hic explicaciùs, & simul repetenda censuimus.

Inter ea magnum, & mirandum fuit, quod perpetui ipsius, & intimi familiares perpetuo miraculo tribuere solebant: potuisse dominem tam modico, & vili corporis alimento, tam parco somno; cum tam varijs, & asperis afflictionibus carnis, per sexaginta octo annos vitæ, semper sanum & validum in graui senectute vegetum, integræ ætatis tantis laboribus parem; absque lassitudine & languore: sed animo et corpore liberum, semperque lætum viuere. Quod supra naturæ vires, et non sine peculiari prouidentia Dei miraculo, contigisse, sibi persuadebant: et non parùm comprobat status mortui corporis ipsius: quòd cum ad id condiendum aperuissent Chirurghi, testati sunt, ipsius lactes, minora intestina, tam tenuia, inania, et omni ciborum; excrementorumque vestigio vacua, et mun-

munda reperisse, vt nunquàm comedisse videretur: ipsumque inedia magis, quàm alio merbo extintum fuisse iudicauerint. Ita vt, quod S. Bernardus de S. Malachia Hiberniæ Primæ pronuntiauit, nos hic vsurpare possimus; B. Thuribij Mogroueji, Peruiæ Primatis miraculorum maximum Thurbium ipsum fuisse: nec in eo solum quod diximus, sed in omni opere et cursu totius vitæ ipsius, cuius omnis octio stupenda, et hæroica, propemodum singularis fuit: Nunc ad Reliqua.

Atque imprimis, breui recurdatione prætereo, quæ copiosius antè narraui periculum fluminis chagrii, in quo a crocodilis vorandus erat, si Deus eum per miraculum non eripuisset, bestiarum impetum conuertendo in repentinum stuporem: & Lima pecuniam in cistula, ex trigesimo vel vigesimo, ad charitatis opus, in tercentesimum diuinitus multiplicatam. Alia miracula quæ Mogrouejius in vita sua, ad fidei & doctrinæ comprobationem, vel ad proximorum vtilitatem perpetrabat, eiusdem doctrinæ veritatem, Dei in ceteros clementiam, & serui sui efficacem intercessionem demonstrabant. Ea verò quæ in eius persona à periculis conseruanda Deus operatus est, nos clarè doceant, quàm grati suæ diuinæ Maiestati essent labores & itinera, in quibus eiusmodi pericula incurrebat, tanquàm qui in Dei opere præ pluribus utilis, & singulariter necessarius fuerit, pro summo zelo, præstantissima virtute, & ardenti charitate, qui-

quibus Deus eum ad ministerium suum implendum, præ cæteris, quos Lima vidit, Præsulibus adornavit.

Non procul ab oppido Guauca postquam Thuribius familiam cum suppellectili præmisisset ad locum dictum Cape, ipse in machina Sacchararia (Hispanis ingenio) in stora cannacea reclinatus, occasum solis expectans requieuit: tùm ex familiaribus ingressus Bernardus de Alcozer, interrogat Antistitem an tempus esset abeundi, & illo respondente, tempus esse, sed vespertas priùs recitare oportere, famulus breuiarium & Mulæ phaleras accepit, Thuribius libellum officij diurni, & vterque egressus est, ac tùm statim domus, quæ nullum ruinæ signum priùs dederat: tota simul repente corruit, nemine læso, vt omnes admirati, Thuribium Dei munere seruatum sibi persuaderent. Sed euidentiora sunt quæ sequuntur.

Cùm Regionem Moyobambanam lustraret, solus præcessit comitatum, quo quietiùs orationi vacaret. Sic solum mulo insidentem insecuti sunt duo ferocissimi tauri; & ille periculum aduertens, è iumento descendens, conscendit rupem, parùm à Bestiarum furore tutam; ac diuinæ protectioni se commendantem illicò mansuescentes tauri, & ipsum, & mulum innocui proximè transierunt. Miraculum confirmauit furculus ex rupe tunc primum egressus anno 1595 qui in magnam arbo-rem deinde succressens, adhuc frondosus viret, & à
via-

viatoribus, & accolis S. Archiepiscopi arbor vocatur; qui eius aspectu & mentione miraculum perpetua traditione celebrant, ac Thuribij sanctitatem venerantur.

Alia vice appulsus ad locum nomine Totopon, in campo genuflexus arbat; cum ecce furibundus taurus accurrit, & propè positus insultum parans. terram vnguibus excuabat, tanquam sepulchrum praeae aperiens, dum vir sanctus periculum absq; miraculo euadi non posse perspiciens, eleuatis in coelum oculis, diuinum auxilium implorauit. Accedens famulus, obuium lapidem, aliquantum aberrans, in taurum retorquet: sed Deus eum in bestiae frontem ita direxit, ut eo ictus illico mortuus concidisset, ac Thuribio victori campum liberum, securumque reliquit. Persequebatur B. Archiepiscopus taurorum insana certamina, ut in quibus frequentia homicidia succedunt: Et Sathan humani sanguinis auidus, B. Thuribium per tauros infestabat: sed ope diuina semper succubuit.

Per altum asperumque montem scandens, ubi ad alterum latus horrendum praecipitium fuit in subiectam vallem vergens. In voraginis crepidine constitutum Antistitem decussit bestia, tanquam eum saluum volens, cum se ipsam saluare non poterat, ipsa enim deorsum volutata, in partes disiecta fuit, nec vnquam amplius visa, & feruus Dei in margine iacens, saluus, & sanus, Deo conseruante, remansit.

In:

In alia simili crepidine, cui in profundo subiectus erat fluuius, cecidit mula, sed hæsit in stipite adeò tenui, vt eius pondus naturaliter sustinere non posse videretur: presso subtùs Archiepiscopi crure; vt crederetur, casurum iumentum eum post se trahere debere. Non poterat aliter prouideri periculo, quàm Præfulis pedem extrahendo, quod cum famuli fecissent, stipites, quem ad serui sui salutem Deus supra naturæ vim eatenùs fortificauit, illico fractus est, & mula in fluuium vsque contorta fuit, nec amplius visa: ita vt ramusculus, qui & hominem & bestiam simul sustinebat, saluato homine bestiam solam sustinere non valeret, natura, per se debilis nè solam quidem bestiam saluare potuit, sed Dei sola potentissima virtus saluauit Thuribium.

In Vallè Chicama transeunda fuit fossa profunda, ponte ex transuersis lubricisque sustibus strata, iuxta pagum Choecopè. Mula pedes anteriores inter duos sustes fixit, cecidit in aquam Archiepiscopus, pendens è pedibus, tenui palo detentis, mula supra ipsum, certo ipsius interitu casura fuit, si Dei vel Angeli inuisibili manu pondus citius sustentatum non fuisset, dùm vir Dei comitum studio è fossa extractus fuit, eorumque lacertis mula ipsa demùm erecta est.

Guancabambam Prouinciã peragrans Archiepiscopus, in mula illa saltatoria, cuius alibi meminimus, quæque cum alium neminem sustineret,
sub

sub illo tamèn mansuetissima semper fuit, titubante per offendiculum bestia, decedit ipse sub pedibus eius, & illa alioquin ressaltoria, & ferox, quieta firmaque stetit, donè famulorum auxilio extractus vir Dei, iterùm absque vllò mulæ motu conscendit securus.

Dùm Xauxanam Prouinciã visitaret, accedens ad pagum Chacagaram, intellexit duos vel tres Indos in Paccarbamba, septem indè leucis, abditos latere: & quanquàm rei nunciij se illos adducturos obtulissent, ille tamèn ipse pro solito charitatis ardore accedere voluit: cecidit præceps mula, & per rupes raptata, discerptaque periit: At Sanctus Pastor hæsit in spina, dùm accedens famulus extraxit illum incolumem, & lætū, ac si nihil mali vel periculi passus fuisset.

In Chachapayarum Parochia Lamebamba, & machina sacchararia Michaelis de Gueuara, autistes conscensa mula solus precessit comites, orationi vacaturus; ac dùm precibus magis, quàm dirigendo iumento intentus esset, mula viam perdens, in altissimum præcipitium venit, & anteriores pedes, præceps iam ruitura, in aëre suspendit, nec præ angustia loci se vertere potuit. Sensit Thuribius Indum virum post se valido clamore monentem vt caueat, ibi non esse viam; nec citiùs dixit, quàm ipse strinxit frenum, & mulam vertit. Tùm vir sanctus periculum aduertit, hominemque rogauit, vt in viam eum reducere vellet, ibi accepturus bene-

ficij mercedem. Fecit ille, & ubi Antistitem in publica via constituit, illicò disparuit, neque, quanquàm à famulis, qui tunc ibi aderant, solertèr quæsitus, amplius inueniri potuit: vt omnes iudicauerint, Angelum Dei fuisse, in Indi hominis forma destinatum, vt Dei seruum à præcipiti morte liberaret.

Simile huic erat, quando ex Pago Pallasca, repugnante familia, nigra nocte, cum vno solo seruo, vt morientem in spelunca Indum iuaret, per pessimam viam in mula sedens profectus, est, & in quodam cliuo, iam ferè præceps, ab ignoto Indo liberatus, est, & opus Dei feliciter perfecit. At Indus ille sequenti mane diligentissimè perquisitus, nulli ex indicijs notus, nulli inuentus fuit; quem proinde Angelum Dei fuisse nemo dubitauit.

In cliuo Corongano iam re ipsa ruit, sed in præcipitio detentus, solis, arbusculorum radicibus, vt absque miraculo liberari posse non crederetur: ex crepidine demissus, est Indus, fune ligatus, qui alium tulit, quo Archiepiscopum in arbusto pendentem pariter ligauit; & sic vterque sursum retractus est: ac *Thuribius* quidem tam hilaris, & animo quietus, ac si è suauissimo somno suscitatus fuisset:

Flumen rapidissimum transuadare volenti, vnus comitum optimum suum equum obtulit, quo securius perueniret ad alteram ripam: at alius confuluit, vt potiùs mula sua, vt meliùs cognita vteretur.

retur. Ille equum suum & beneuolentiam contempta indignatus, rem periculo probare volens, iussit euidam Indo, vt equum conscendens trajiceret. At cum tentaret, torrens corripuit vtrumque. Indus equo decidens, ad vnā fluminis ripam natatu vix euasit, & equus ad alteram iam semisuffocatus. Tū omnes laudabant Deum, quod peculiari sua protectione Thuribium ab eo periculo præsauerat: Ipse verò conscensa sua mula, benedixit fluuiō, & cum reliquo toto comitatu ad eū securē, & indemnis transijt, ac si vnicius aquæ palmus fluuij lectum occupasset. Hī in curribus, & hī in equis; Thuribius autem in nomine Domini Dei sui incedebat, & exaudiebat eum Dominus in die tribulationionis, & omne consilium eius confirmabat.

Alia huiusmodi plura in Prouincia lustranda passus est magnus hic Antistes, & sincerus seruus Dei, tanquā Iob Sathanæ tentationibus traditus, verū tamen vt seruaretur anima eius, & victorijs illustrior appareret; vel certē Deum eius labores, & egregiam in lucrandis commissi sibi Gregis animabus operam tanti fecisse, quantum Diabolus illis inuidebat, vt tot prælia pro ipsius vita ab eius infidijs præseruanda iniret: quemadmodum Michael Archangelus cum Diabolo altercatus est de corpore Moyli: Thuribius autem in omnibus istis non peccauit labijs suis, nec quidquam contra Deum thultē loquutus est, quin potius, vt sugeret mel

de petra, oleumque de saxo durissimo: seu vt de sancta Clara cantat Ecclesia: de petra fugens oleum, de spina legens florem, vt animi admiranda tranquillitate inter tentationum spinas, & præsentium vitæ periculorum scopulos semper sibi præfens; per heroicis gratitudinis, fidei, spei, charitatis, patientiæ, Zeli sancti, aliarumque virtutum actus, confertissimum meritorum cumulum, & floridam gloriæ coronam sibi ex omnibus contexcret, vt diligentibus Deum omnia cooperantur in bonum.

CAPUT XLVII

*Beati Thuribij pretiosa mors per ipsum præuisa,
& prophetice prænuntiata.*

Hebræor. 9.

Apoc. 14.

TAntis Virtutibus clarus, tot pro Deo & Ecclesia perfunctus laboribus, donis cælestibus diues, dierum & meritorum plenus, mortali tandem vita defunctus est Thuribius Alfonsus Mogrouejus Archiepiscopus Limanus, quia statutum est hominibus semel mori: sicut & christus semel oblatuſ est, ad multorum exhaurienda peccata. Hanc etenim legem ipse Dei filius homo Christus Iesus per se ipsum, & immaculatam suam Matrem, quamuis peccato generis immunes obseruari voluit, vt exemplum patientiæ cæteris exhiberet: nec malam mortem putandam esse crederent, quam bona vita præcessit. Beati enim mortui qui
in

in domino moriuntur : & pretiosa in conspectu
Domini mors Sanctorum eius : Pf 21. 9.

Talem autem fuisse mortem Thuribij, præter
vitam virtutibus & signis probatissimam, ipsiusq;
mortis modum, dominus mortis & vitæ, præuijs
prædictionibus, comitantibus prodigijs, & secutis
miraculis manifestum voluit; vt quem in coelis ipse
glorificauit, eum in terris quoque gloriosum effi-
ceret; & posteris desiderio æternitatis ardentibus,
ardux virtutum & laborum viæ tolerandæ, tædium
tolleret. Regnum enim cœlorum vim patitur, &
violenti rapiunt illud. Nec mortalium quisquam, Matth. 13.
nisi mortali corpore exutus illud ingreditur, vt cor- 1. Cor. 15.
ruptibile nostrum induat incorruptionem, & mor-
tale induat immortalitatem.

Anno Christi millesimo sexcentesimo quarto,
trigesimo primo die mensis Iulij, synodum diœce-
sanam in Cathedrali Ecclesia Limensi absoluit,
quam nos in Lima limata extantium synodorum
eius decimam numerauimus: tametsi, adiunctis
deperditis, tertiam vel quartam supra decimam ef-
se censeremus. Mense forsitan septembris, vt
quo tempus in Peruuia vernare incipit, tertiam ge-
neralem totius diœcesis visitationem, in qua
obiijt, inchoaturus, è ciuitate Regum egressus est:
ac tunc abiens, Grimanesæ Mrogroucæ sorori
suæ, vt Paulus Apostolus Milentensibus valedi-
dens, dixit, Deus tecum sit, chara soror, quia fa-
ciem meam amplius visura non es; quibus verbis
mor-

mortem suam, quam decimo octavo inde mense obiit, prophetasse intellectus est. Vnde audientium lachrimis, luctuque obortis, ille teneritudinem animi sui, & prophetiæ æstimationem silentio premens, mulam conscendit & abiit.

Addunt, ex vrbe egressum, eo loco ex quo eam ultimò prospicere posset, faciem suam versùs eam conuertisse, & multis impensis benedictionibus, (vt S. Franciscus Assisio abiens fecit,) hæc verba protulisse: Ibi te, o Lima, relinquo: ibi remane Francisce Quinioni: ibi te quoque Grimanesa: quasi charissimis pignoribus sponse ciuitati, cognato, & sorori nunquàm postea videndis ultimam benedictionem impertiret, vt viæ comites intelligebant, & monstrauit euentus.

In hac ultima sua visitatione, cunctos quantumlibet ætate paruulos, confirmationis sacramento, præter suum morem expectandi septennium ætatis, donabat; & mouente quoquam, eos sacro chrismati maturos non esse, respondit, se illos videri, quòd sciret se illuc postea venturum non esse, quòdque fortassis illæ Regionēs Episcopum longo post tempore non viderent: Quibus verbis mortem suam, quarto post mense secutam, & populorum futuram necessitatem prædixit: quos nullus Antistes ex tunc vsque modo visitauit, vt examinati Testes affirmarunt.

Archiepiscopus Thuribius post actam visitationem, & consecratum Chrismā in oppido Guauras,
alio

aliò progressurus. Licentiato Alfonso Guerræ, Curioni S. Iacobi Guaimanensis dixit : quòd ipsum deinceps non videret, nec illiusmodi consecrationem amodò facturus esset : sed quòd anno sequenti sacra olea pro ipso consecraret Ludouicus Lopez de Solis, Episcopus Quitensis. Quo & mortem suam annno sequenti futuram, & locum designabat ; nempe propè Diœcesim Quitensem, & consecrationis olei functionem non de fore prædixit ; vt factum infra narraturi monstrabimus.

Mense Martio, nono vel octauo circiter supra decimum, postquam Lima discessit, peruenit ad celebre Sanctuarium Beatissimæ Virginis à Guadalupe Cœnobij Ordinis S. Augustini, locum valles. Pacasmaj, ad oram maris pacifici. vulgò *del zur*, centum leucis, seu quingentis. plus minus milliaribus Italicis, in septentione, Lima distantem, & à ciuitate Truxillo, in cuius Diœcesi nunc situs est, leucis viginti, seu miliaribus eiusdem mensuræ centum ; vbi mortem suam tempore, & loco propinquam, clariùs, quàm antè prænunciauit. Postquam enim totum terræ tractum Lima illuc porrectum, tot mensibus, non recto itinere emensus, sed vago circuitu, & suo modo oppida, Pagos, & antra deserti solerter inuestigans, in visitationis, & sacramentorum laboribus. peragrando. lustrauit.

Postquam toto tempore vitæ suæ nullo morbo decubuit, cui sanguinis emissionem extra votiuas fla-

flagellationes, vel cilicij puncturas; aut aliud corporis medicamentum, præter solitos labores, & ciborum, somnique sobrietatem adhibuisset, ad illam sacram ædem interdiu ex itinere diuertens, in quadam cella cœnobij parumper quieuit, ardentissimi solis declinationem ad progrediendum expectans. Tùm, temporis abeundi per famulum monitus vir Sanctus, adhuc etiam tunc sanus, & vegetus, exiuit in claustrum cœnobij, & coràm multis Religiosis ibi eum expectantibus dixit: Eia Patres abeundi iam nobis tempus est: & respondentibus ita esse; solem enim in occasum vergere; non hoc, inquit, dico, sed ad alteram vitam transfundendum: iam enim illuc migrandi tempus est.

Idem retulit, in conuentu Toletano eiusdem ordinis, virum fuisse consummatæ ætatis, & virtutis; qui diem & horam suæ mortis diuinitus edoctus iussit socio, vt eum ad lectum duceret, & corpus ad moriendum componeret. Quo facto accensum cereum manu tenens adiunxit, Beatissimam Virginem se monere, ambulandi tempus esse, istque dictis expirasse. Quibus intulit Archiepiscopus: & vos Patres manete cum Domino; nobis enim ambulandi tempus est. Haud dubiè significans, sibi quoque in illo Deiparæ Sacrario, mortem suam reuelatam fuisse: nam postero die, in itinere, febris correptus, decimo septimo post in cælum abiit.

Guadalupe iter direxit ad oppidum S. Iacobi de
Mira-

Miraflores , quod vulgò Saña , seu Zaña vocant ; quò , tanquàm ad locum longè priùs , & sæpiùs morti suæ destinatum ; quasi instantis tùm septimanae sanctæ solitis exercitijs illic perfuncturus . Dissuadebant propositum comites itineris , quòd nondum cessallent vehementes æstiu calores , qui in Peruua mensè Aprili primùm declinare , & in oppido Saña multis fatales esse solent . Instabant , eo loci sacerdotum numerum ad olei consecrationem idoneum haberi non posse : Truxillum potius ciuitatem functionibus aptiorem iret : At ille futurorum præscius , non vt Ionas Niniuem refugiens , sed vt Paulus , Hebræorum persecutionem præuidens , diuinam vocationem sui , toties iam cælitùs intimatam sequutus est , affirmans , Vicarium S. Iacobi per litteras docere , sufficientes sacerdotes fore , cum paucis , quos ipse Archiepiscopus Guadalapecum conduceret . Ire igitur constanter voluit ; etsi cùm comitum tanto timore valetudinis ; vt facellanorum quispiam eo percussus , obtenta sancti viri venia Limam rediisset . At Thuribius cum cæteris , vt diximus , febris laborans iter suū Sañam profectus est , & in obuijs paræcijs , Cherrappe , & Reque , actu visitationis ea celeritate functus est , ad quam infirmitas indiès inualescens cogebat .

Plures dies cùm febre , & itineris , visitandique labore ieiunus luctabatur : sed ægritudine apud Requianos ingranescens , iussit Medicus , vt carni-um vsum admitteret , vt vel iusculo adiutus , vires

conseruaret: At ille illubens & inuitus ieiunij leges, quas tota prius vita rigidè, etiam in votiuus, obseruauit, non antè soluere voluit, quàm persuasus, obedientiam victima potiore esse, loci quoque Parochi Francisci Guisadi licentiam obtinisset: quam B. Archiepiscopi humilitatem, & boni exempli curam antè ponderauimus. Oportuit autem tertiam feriam hebdomadæ sanctæ fuisse, cuius omnes dies Thuribus pane tantum, & aqua vesci solebat; cùm Testes, exanimati conueniant, per multos prius dies laboribus, & febre fatiscentem, carniuum tamen usum, non nisi tertio die ante mortem admisisset, quam quinta feria obiuit.

Requæ iacentem Franciscus Pachon, alterius loci Parochus inuisit, & morbi grauitatem aduertens, monuit, nè inde discederet, ne quid in via deterius, contingeret: at ille se posse ire respondit, quòd eodie moriturus non esset: sed alio quem designauit: atq; id ipsum dicebat pluribus, qui ipsius, pulsus, tangentes vicinam mortem præfagiebant. Eodè ergo ipso die, vel sequenti. Sanam oppidum ferè moribundus intrauit, & in Ioannis Herreræ Sarmientis, Curionis domo hospitatus, iterùm carnes gustare non voluit, absque eiusdem noui Parochi noua dispensatione ieiunij, eaque in scriptis obtenta. Pluris enim fecit, in oppido, quàm in pago dispensationem solemniùs innotescere; vbi plures Hispani Indique, Ecclesiasticæ, & Parochialis iurisdictionis obseruantie exemplo ædificandi erant: & vt quorum-

rundam nimia licentia , in leuibus etiam caſis , & quandoque tantummodò prætenſis, aut imaginatis, comprimeretur .

Qui tùm aſſiſtebant, moribundum eum exiſtantes, interrogarunt , an ſymbolum fidei ſibi cantari vellet , & reſpondit, eo die opus non eſſe : cùm foret autem, tunc ſe moniturum, quod exactè fecit, & non multo poſt expirauit , & poſtea videbimus : ex quibus certum ſuæ mortis diem præſciuiſſe conſtat , imo & locum prædixit : nam cùm Requæ decumberet, Lupercio de Villar ciui Sañenſi, qui cùm medico eum viſum curatunꝑue venerat, clariſ verbis dixit : Luperci, Sañæ mihi moriendum eſt ; vt moriamur, Sañam eamus .

Sañam ergo Hiſpanorum appulſus oppidum , alijs nonaginta , alijs centum ac decem leucis Lima diſtans, illicò in cænobia , Xenodochia , aliasque Eccleſias , & loci pauperes , largas eleemotynas erogari fecit : non quo per iucolarum ſuffragia diutiùs viueret, ſed quo melius in Domino mori poſſet, quod iſſdem inter alia medijs , quamdiu vixit, ab ineunte ætate ſibi comparare ſtudit . Inter familiares aliquando narrabat Archiepiſcopus, virum quendam nobilem, & virtute præſtantem dicere conſueuiſſe, ſe boni nuncijs ſtrena donaturum eum, qui inſtantis mortis ſuæ primus nuncius foret : Nunc verò ipſius Thuribij deſperatam iam vitam, inter domeſticos Medici pronunciarunt . Quod vt ſuauiùs Archiepiſcopo inſinuaret Ioannes Roblez,

eidem à sacello familiaris, cum priùs reuerenter fscitatus est: an illius narratiunculæ suæ meminisset, illoque affirmante, subintulit, id genus præmij se nunc ab ipso poscere, vt qui ex Medicorum sententia cum præsentī morbo moriturum primus annuntiabat.

Mirum quàm grato animo, quàm læto vultu vir Sanctus Roblesij sui, tanquàm euangelizantis Angeli verba excepiisset, strenam boni nuncij certò promisit, & lugentem reluctantemque accipere coëgit, eleuatis in cœlum oculis manibusque cantans: Lætatus sum in his quæ dicta sunt mihi, in Domum Domini ibimus. Quo Psalmo S. Thomas à Villinoua similem nuncium excepiisse, & S. Petrus de Alcantara, eodem integrè decantato, genibus insistens, Spiritum Deo tradidisse scribuntur. Quippe viri Sancti, Dei bonitati confisi, per æternorum recordationem, caducorum obliuisci solent, & Regni cœlestis, propinquæ possessionis lætitia, terrenum omne, & mortalem ipsam vitam contemnere.

Thuribius res terrenas ita tunc disposuit, vt nummorum inops, omnem suam ambulatoriam suppellectilem in itineris familiares distribui, & quidquid, vel in chartis obligatorijs, vel in cistulis, Archiepiscopalis prouentus apud Custodes, & æconomos depositum reperiretur; cum tota sua Limana suppellectili domestica, Pontificijque apparatus, & priuati facelli ornatu, & utensilibus
in

in Christi Pauperes erogari iussisset, creditores suos illos appellans, quibus proinde, quod ipsorum proprium erat, tanquam proprietarijs dominis restitui debere dixit. Hinc, ut corpus defuncti Sanctorum Dominici, Francisci, & Augustini regulis vestimentis indutum, ad urbem Limensem efferretur, in Ecclesia sua Metropolitana sepeliendum. Et quoniam, ut id commodius fieret, ipsum exinterandum scirèt, statuit denique, ut extractum cor suum in Limensi Monasterio S. Claræ conderetur, ut perenne monumentum opinionis apud ipsum conceptæ de incolarum Christi sponсарum religione, pietate, & morum sanctimonia; ipsarumque inter posteras inuitationis incitamentum, quas ipse hac sua vltima voluntate dignas esse testabatur.

Sanam eum secuti sunt multi sacrorum ordinum candidati, credentes se illic subbatho sancto per Archiepiscopum initiandos esse. Sed quoniam eum tam grauius ægrotantem inuenerunt, per eius licentiam ad Ludouicum Lopezium, Episcopum Quitensem, qui in oppido Xayanca, duorum triumue dierum itinere dissitus tunc erat: ab eo ordinandi, se contulerunt. Prius autem ad eundem Episcopum misit Thuribius cum vasis, Christomarijs, vnum è suis visitatoribus, ut sacra olea pro Limensi diocesi, & impedito Archiepiscopo consecraret: quo completa est prophetia, quam anno superiori de hac consecratione eum edidisse diximus.

Per

Per hunc modum sancta illa anima terrenarum rerum pondere exonerata, & aliena procurandi sollicitudine expedita, expansis alis, tota in cœlum libera ferebatur, diuinæ contemplationi toto nisu intenta, cum elucuit iam felix illa dies, qua euolandum erat, & feria quinta maioris hebdomadæ, qua Christus Iesus supremam mortalis vitæ canam cum suis Apostolis celebrauit. Thuribius ergo, vt pro ultimo suæ vitæ transitu, cum eo dignè communicaret, summo manè canonicum Officij diuini pensum, & votiuas totius diei preces, etsi semimortuus, cū sacellano persoluit; hoc solatio, Dei munere donatus, vt quas nullo vnquā die, à quo recitare cœperat, intermisit, extremo quoque compleuisse gauderet.

Indignum autem se reputans, ad quem creaturam creator, ad seruum Dominus, ad hominem peccatorem, Deus solus Sanctus inuisendum adduceretur, seipsum ad templum in humili grabato deportari fecit, & in domus Dei angulo collocari; vbi pro tremendo vitæ transitu, Corporis Christi viaticum è sacerdotis manu susceperet, affirmans, peregrinos viatico extra domum suam vti debere. Toto temporis interuallo, quo id expectabat flammis precum iaculis, diuinæ dignationis, & proprię indignitatis contemplationi indulgebat: accedentem autem in manibus Sacerdotis Deum, copiosis lachrimis, & gemitibus excepit, quibus assistentes omnes ad similia religionis officia commouit. Post susceptum autem Sacramentum, eo-

dem

dem loco aliquantum tempus lætis gratiarum actionibus impendit .

Hinc domum reuectus extremæ vnctionis Sacramentum petijt , in quo fufcipiendo innumeros ardentiffimæ contritionis actus elicit : & vt ritè ministraretur , iuffit Sacerdotibus , vt , in fpecto rituali libro , cuncta pernotarent . Ijs verò in libro voluendo titubantibus , cum ſibi porrigi fecit , & agenda pronuntiandaque indigitauit . Suſcepto hoc Sacramento , publicam catholicæ fidei profeſſionem tertia vice repetijt , & inter alia precum iacula , quibus cœli portam pulſabat , cum Chriſto ſuo loquens , Apoſtoli verba frequenter uſurpauit ; cupio diſſolui & eſſe tecum : quæ tanto affectu & intimi amoris feruore pronunciabat , vt aſſiſtentes etiam in lachrymas diſſolueret . Lugentes autem , & flentes domeſticos ſuos , tam bono ſe domino , tam vigilantī Paſtore , amantiſſimo Patre , & potenti Proteſtore deſtitui ; quoniam uſque in finem dilexit eos , tàm etiam dulciter ſolabatur , iubebat bono animo eſſe ; nec timerent , quin , ipſo ſublato , bonus Deus ipſorum diligentiam habiturus ſit , modò ipſi viciffim ipſius Diuinitati fideliter pièque ſeruirent , cumque ex animo diligerent , & cum proximis iuſtitiam , charitatem & pacem ſeruarent , bonique exempli curam vbique haberent , quæ etiam dùm uiueret , frequenter ipſis inculcabat .

Sol iam ad meridiem peruenit , & S. Præſul omnes ad corpora reſcicienda abcedere iuffit , nec dubita-

bitarent , satis temporis fore , vt ipsi abeunti adesse possent . Sed quorum viscera amarus dolor impleuerat , & pane lachrimarum saturata fuerunt , de cibo minimè solliciti , ad proximam aulam egressi sunt ; vbi cùm aliquandiu stitissent ; sed attenti quid intus fieret , audierunt Thuribium dicentem : iam tibi dixi , te nimis importunum esse : an non vides , nihil hic tibi sperandum restare ? Restitit Diabolo , & fugit ab ipso , quod rati etiam famuli cubiculum iterum ingressi sunt ; & Thuribius ad ipsos : iam amplius , inquit , non me delectatis , hora enim propè est , vt a vobis transcam .

Præter domesticos facellanos , assistebant ei Pasqualis Paroques , tum illi à munere visitationis , & sacra confessione Minister , & aliqui viri Religiosi , inter quos erat Frater Hieronymus Ramirez , Ordinis S. Augustini , in musicis instrumentis peritus : quena proinde rogauit vir Sanctus , vt , accepta Cythara , Psalmum , Credidi , propter quod locutus sum , illi concineret . Quod dùm ille faceret , Thuribius affectuosa meditatione sensuum psalmi , oculis in Crucifixi Iesu effigiem , ac subinde in sanctorum Petri , & Pauli Apostolorum Imagines defixis , attente auscultabat : Finito psalmo , fidei professionem iam quartùm protulit , & eiusdem fidei symbolum ab assistentibus recitari sibi fecit ; eoque absoluto , iussit , vt Frater Hieronymus psalmum , *Inte Domine Sperauit* , cum Cythara caneret , cùmque ad versum : *In manus tuas Domine commendo*

do Spiritum meum , ventum esset , tùm seruus Dei re ipsa spiritum placidissimè tradidit Creatori , cùm eousque integris sensibus , & sermone valeret ; ex qua rerum omnium voluntaria ipsius dispositione , & verbis , non horam tantum , sed momentum quoque suæ mortis præuidisse , & præsignasse visus est .

CAPVT XLVIII.

Portenta , & miracula in B. Thuribij morte visa .

TAm sancto fine mortalis vitæ suæ , & anno ætatis sexagesimo septimo , mense quarto , die nono : ab inita possessione Pontificatus Limani , anno vigesimo quarto , mense decimo , die decimo octauo : Christi verò anno millesimo sexcentesimo sexto , die vigesimo tertio Martij , feria quinta Cææ Domini , hora fermè quarta pomeridiana , quæ Italis eo tempore anni , est circiter vigesima secunda dici naturalis . In oppido Saña tunc Limensis , nunc Truxillanæ diœcesis , in Peruuia , leucis ab vrbe Metropolitana Limensi nonaginta , seu , quorundam calculo , centum & decem , & à Truxillo viginti , in Arcto ; B. Archiepiscopus , & magnus Christi Sacerdos Thuribius Alfonsus Mogrouejus , nomen pijs auribus dulce , non tam obiit , quam abiit ab hac valle miseriæ , & laboribus , periculisque terrenæ visitationis , vt eam in

cœlis absolueret, & cum tot millibus animarum suæ curæ Pastoralis, quas illuc præmiserat, æterna requie, & secunda felicitate frueretur.

Eius tùm acquisitæ, non leuia nobis in terris argumenta reliquit, præter cœlestia prodigia, & alia miracula, vultum mortui, quàm viui corporis similiorem, pulchrioremque, ac totius corporis fragrantem odorem suauissimum, quæ concurrentium populorum sensus mirificè recreabant, communemque opinionem, & exultantem applausum ipsius probatæ sanctitatis. Ad primum enim sonitum funebri æris Campani, non ex oppido tantum, sed ex vniuersa Regione accurrebant omnes. Lugebant boni, ereptum sibi ductorem viæ vitæ: Pauperes inopiæ remedium: Indi affectuosissimum Patrem: Viduæ, suæ desolationis solatium: Virgines orbitatis sustentaculum: Populi Pastorem optimum: omnis hominum status, omnis virtutis exemplum: Ecclesiæ sui capitis coronam, & splendidum decus.

Solabantur se signis sanctitatis eius, & æstimatum in cœlo potentis patrocínio, cui tunc in terra prostrati se commendabant, non sine secutis miraculis, quæ postea referemus. Venerabantur corpus, animæ beatitatis particeps: rosarijs & pannulis contingebant: mirabantur autem incogniti odoris fragrantiam, & conclamabant omnes Sanctum Archiepiscopum: & felicem se reputabat, qui vultum videre, qui manibus, vel pedibus oscu-

osculum infigere poterat .

Hanc omnium æstimationem de Thuribij in cœlis gloria non defuit Deus prodigijs è cœlo datis comprobando . Multis enim diebus ante mortem eius , in ciuitate Regum Lima , apparebat Cometa , Ciuibus passim visus . Et quoniam aspicientibus videbatur Ecclesiæ Cathedrali , & Archiepiscopali Palatio , eidem Ecclesiæ contiguo , supereminere , indicabant prudentes Archiepiscopi tunc procul absentis mortem portendere ; quod & ipsius viri Dei Vrbe abscedentis prophetica prædictio , quàm antè narrauimus , & euentus ipse postmodum notus , confirmarunt . Nam cùm per viginti circiter dies ante mortem eius semper appareret , eadem ipsa nocte , in cuius Vespero viuere desiit , Cometes quoque disparuit , nec ampliùs visus fuit .

Eadem autem ipsa nocte , non Sañæ tantùm , sed in tota Regione , & remotioribus Peruuix locis Luna tota defectum passa est , durauitque quatuor amplius horis : & nonnullis visa est , quasi nigras lachrymas funderet : quam Eclypsin non ordinariam , vel naturalem , sed cœleste prodigium ; & Vulgus , & Viri graues crediderunt , quo Deus monstrare voluit , meridionalis Indiæ felicem planetam , in serui Dei morte obscuratum fuisse : eò maxime , quòd ipforum aliqui Eclypsis plenissima magnitudine , & specie territi , planetarum Ephemerides curiosè inspexerint , nec vllam eius-

modi deliquij lunæ ijs horis apparituri mentionem reperire potuerint: quòd eadem nocte Doctor Gaspar de Herrera Escouedo, Tucumensis populi Curio, leucis tredecim Saña distant sibi contigisse, in actis iuratus testatur. Quapropter, quòd Archiepiscopi sanctitatem cognouisset, eius mortem, eo portento signari, sibi persuasit: sed sequenti die magis, cùm eiusdem mortis certus nuncius Tucumam aduenerat, quo suam sententiam firmiùs retinuit Herrera, & cum ipso alij in multis alijs locis idipsum iudicium de eadem Eclypsi tunc apud se visa, Deo inspirante, ceperunt.

Miraculum clariùs confirmauit tertium singulare prodigium, globus igneus supra Lunam apparens, qui in Crucem rubri coloris efformatus, etiam occidente Luna, & lucente diè adhuc omnibus clarè visibilis in aëre remansit, & contra vsum naturæ in diuersis horizontibus, Sañæ in Septentrione, & bis centum ac viginti, vel quadraginta indè leucis, Arequipæ in meridie, ac Limæ, alijsque intermedijs locis simul visa fuit: at illustis, & splendida disparuit; atque ab aspicientibus Thuribij mortis, & gloriæ portentum intellecta; in ijs præsertim locis, in quibus præcesserant prophetiæ mortis, vel rumor infirmitatis ipsius: quasi Crux tribulationum, quas Thuribius sustinebat, in gloriæ retributionem conuersa fuisset, vt aliqui interpretabantur; vel, vt ego priùs tetigi, charus Deo labor

labor Visitationum Archiepiscopi præeunte lignea Cruce, in Cœlum præmiandus, siderea præcedente efferretur. Beatus peregrinus, qui per terrena itinera in Cœlestem patriam pertingit.

Tolerato aliquandiū deuoto illo impetu concurrentis populi, de corpore ad publicum funus componendo actum est, & exclusa turba, Chirurgi officio suo functi sunt, & iliorum eius inanimitatem, & munditiam, à nobis ante relata, attentè obseruauerunt, vehementerque admirati sunt. Tum exinteratum corpus, triplici illa, quàm diximus, regularium ordinum veste, iuxta piam religiosissimi Præfulis voluntatem, indutum fuit, & Pontificio apparatu desuper ornatum: atque sic in Sacerdotis domo, publico accurrentium aspectui, & magnæ omnium venerationi expositum fuit; sed vigili, & valente Custodia, nè turbæ compressione violaretur, aut vestes, vel membra in particularis discinderentur, cupiente multitudine aliquas ipsius reliquias habere.

Indicarum rerum Scriptores tradunt, ob calidam, humidamque peruiani cœli constitutionem, in planitie præsertim, defunctorum corpora intra paucas à morte horas corruptionis inditia præferre, & macelli carnes in integrum diem seruari non posse, quin vermibus scateant. At S. Archiepiscopi corpus tot indumentis onustum, in summo Religiosis caumate, intrà priuatos angustosque parietes, turbarum compressæ multitudinis halitui, &

cir-

circumardentium tædarum calori expositum, per quinquaginta circiter horas; flexilibus membris, naturalem vultus colorem, & iucundissimum aspectum, cum cælestis illius odoris fragrantia, quæ totam domum repleuerat, & accedentium sensus, animosque recreabat, perpetuò retinuit, absque vllò signo corruptionis.

Sabbatho Sancto in quo Festum Annunciationis Deiparæ Virginis; cum læto sacri Paschatis Alleluia concurrebat, ea pompa, quam totius Regionis Clerus populusque componebat, ad Ecclesiam Oppidi matricem occidente iam Sole elatum, & in humili loculo reuerenter depositum fuit: Cuncti eius animi in aduersis patientiam, inuictam, in persecutione constantiam, pœnitentiæ austeritatem, indefessos labores, pastoralis curæ vigilantiam, sollicitudinem salutis animarum, Pauperum paternam diligentiam, charitatem in proximos omnes ardentissimam, orationis assiduitatem, & Religionem erga Deum, cæterasque eius virtutes, dotes, & eatenus cognita miracula, certatim commemorantibus, eiusque apud Deum patrocinium inuocantibus.

Nunc verò si quisquam omnes hæroicas actiones, gratias sanitatum, & operationes virtutum, aliorumpue Spiritus Sancti Charismatum effectus, quæ omnipotentia diuina per Thuribium Mogrouejum dùm viueret; & clara miracula per ipsius inuocationem ad manifestandam serui sui sanctitatem,

tem, & cœlestem gloriam, in morte ipsius, & post mortem perpetravit, integrè se collegisse diceret, is profectò longè deceptus meritò dici posset. Si etenim aliquot Synodorum Dicecesanarum acta, quæ publico congressu Sacerdotum, & Canonicis solemnitatibus celebrata fuerunt, etiam cum obligatione in eisdem decreta, vt per omnes Ecclesias Prouinciæ, tanquàm viuendi regulæ perpetuò seruarentur, & in publicis Cleri populique conuentibus sæpè legerentur; perierunt tamèn: si solemnina instrumenta per Archiepiscopum, & aliqua de ipso edita; si mutux inter ipsum, & Romanos Pontifices, sacrasque Urbis Congregationes, Regem item Catholicum, & Regios Senatus litteræ, quæ studiosè seruari consueuerunt; vel iniuria temporis, vel terræ marisque casibus abrepta, non omnia reperiantur, quantò minùs virtutum actiones, & miracula, quæ S. Præsul pro insigni sua humilitate, comprimere, & occultare studebat, in lucem omnia venire possunt, post mortem tot millium personarum, quæ oculati alioquin Testes, & experti, ea, si interrogarentur proferre possent, cum legitimum eorum examen ad certam notitiam comparandam institui cœpit.

Ego, quæ in legitimis tabulis, et bonis libris reperi, in hoc breuiarium contrahere nifus sum, & studio, quo teneor, historicæ veritatis, & intimæ deuotionis affectu, quo magni huius Sacerdotis Christi eximix sanctitatis æstimatione me traxit: præ-

ter

ter acta vitæ, mortis etiam casus, & prodigia, in ea visa retuli; Nunc alia miracula, quæ mortem subsequuta sunt, & posthumam S. Viri famam, delatumque per Apostolicam Sedem publicum beatificationis honorem, & cultum prosequemur. Etenim à morte B. Thuribij, ante & post humatum eius Venerabile corpus in Ecclesia Parochiali Sañensi, multi varijs doloribus, morbisque grauati, vel corpus insepultum piè venerati, vel sepulchrum ipsum postea visitantes, qui se ipsius intercessioni commendabant, repenti sanabantur, quamuis in eo tumultu singulares eorum circumstantiæ obseruari non poterant, sed speciatim notata sunt ista.

Mulier, quæ diuturno sanguinis fluxu debilitata, cum humana remedia succurrere non poterant, concepta fide sanctitatis Serui Dei, instantè petijt aliquam eius reliquiam sibi exhiberi, & acceptum ceruical, in quo ille inclinatus obiit, certa fiducia recuperandæ sanitatis, capiti suo supposuit, orans Deum, vt S. Archiepiscopi meritis eam liberare vellet; & exaudita est, atque statim sana surrexit.

Indus quidam manibus, pedibusque ita contractus, vt nec per se incedere, nec cibum ori porrigere posset, ad sacri cadaueris pedes inter turbam aduectus, illicò liber, & sanus euasit, & gratijs Deo, & Thuribio liberatoribus actis, suis pedibus domum suam firmo gressu reuersus est.

Sacri corporis Limam transferendi auctores Saniam appulsi, cum ad eius identitatem, statumque cognoscenda loculum aperuissent, inuenerunt integrum, ac tot miraculis illustre. quot erant corporis ipsius & vestimentorum partes, & quot in mortuo erant signa vitæ. Cadaver, quindecim tunc mensibus in terra supputum, suauissimū illū exhalans odorem, cuius speciem nemo discernere poterat; sed omnes eo summopere delectari; vultum recentem, & nitidum, frontem serenam, labra purpurea, comptum capitis capilamentum, barbam in sepulchro factam promissiore, quam cum conderetur; carnem recentem, mobilem, & mollem, iuncturas omnes flexibiles; ut vel recentissimè mortuus, vel dormire potiùs, quam vita decessisse iudicari posset: vestes omnes, etiam calceos, & corrigiam S. Augustini, & chordam Sancti Francisci, quæ in sepulchro facile corrumpuntur, tam integra & munda, ut omnia apparerent tum statim imposita, & nouæ laneas vestes, integras, siccas, & mundas, omnia denique absque ullo vel minimo signo corruptionis. Sola exterior vestis Pontificalis, leui situ viridi à loci humiditate inspersa fuit, sed quo per solam excussione, decusso, vestis ipsa tam sana, fortis, integra, & pulchra remansit, ac situm ex intitoris taberna producta fuisset.

Et nè ordo actionis nos iterum hæc repetere cogat, corpus ita, ut erat, absque vlla mutatione, vel noua cura cistæ inpositum, & Limam aspor-

tatum, nec mutatio aëris, nec motus prolixi itineris in vlllo mutauit, quin eodem statu, forma, colore, & odore Lime persisteret; non tantum vsquè ad secundam ipsam depositionem, in Ecclesia Cathedrali Limensi, sed vsquè ad tertiam per secundam translationem, in nouo sepulchro eiusdem sub ara maxima; quò post multos annos translatum fuit; vbi adhuc remanet, vt Viri graues, qui oculis viderunt, manibus contrectarunt, & adhibito studio experti sunt, Religiosi, Ecclesiastici, & Sæculares; certò & securè, iure iurando contestantur.

CAPVT XLIX.

Corporis translatio, & miracula in ea facta.

INterea dùm Ciuitas Lima ex relatis indicijis, visisque portentis, non tam timida sollicitudine, quam firma opinione sibi persuaderet, se Patre orbam, & Pastore viduatam esse, post plures dies, funestus nuncius infaustam S. Præfulis, sed certam mortis notitiam attulit. Tùm præsonantibus Cathedralis Ecclesiæ campanis, per cœteras totius vrbs concrepitum est, & ingenti Ciuium luctu, & lamentatione per nouem continuos dies parentatum est, ea pompa fœnebri, quæ & tanti Viri personam, & vrbs Regum splendorem decebat,

cuius pompæ, actionum, id solum didicimus, funebrem orationem ad populum habuisse. F. Ioannem Perezium à Spinosa exOrdine S. Francisci, Chilensem Episcopum; in qua Thuribium sæpè Sancti Archiepiscopi titulo compellauit, sumpto Themate: Hic est Sacerdos magnus, quem constituit Dominus super familiam suam. Talemque cum fuisse, in orationis decursu demonstrauit.

Transacto hinc anno, capitulum Ecclesiæ Metropolitanæ Limensis decreuit, venerabile corpus, iuxtà extremam S. Viri voluntatem ad se Limam transferre, eiusque rei executorem constituerunt Doctorem Matthæum Gonzales de paz, eiusdem Ecclesiæ Canonicum Magistralem, assignatis ei duodecim Sacerdotibus, qui ipsum comitarentur, eique in toto negotio assisterent, & alijs personis officio conuenientibus. Sañam appulsi, & corpore ex iuris ordine recognito, cæterisque ritè peractis, sacrum pignus integrum, & adhuc tunc incorruptum, in prætiosi ligui noua sandapila concluserunt, & in lectica ad id præparata, inter duos mulos vectorios, cum debita venerotione, & quo decuit honore, & cura collocarunt, eoque modo hinc atque inde equitantibus duodecim illis Sacerdotibus, multisque alijs hominibus, qui, vel missi fuerunt, vel vltronea deuotione se illis associarunt, iter Limam direxerunt.

Vbi ad secundam ab Vrbe Lima leucam peruenissent, ibi Ciues, ac semper deinceps magis, ma-

gisque confluentes obuios habuerunt, qui cum tædis, & cereis, sacrum corpus veneratum, deuotoque honore susceptum exhibant; ita vt urbem vacuum se reperturos putarent: sed ingressi, omnes fenestras, solaria, & plateas plena reperiunt, vt vix liber transitus ipsis relinqueretur. Ingens erat concursus, sed maior omnium lamentatio desolationis suæ; & quo se solabantur, clamor laudum, & applausus sanctitatis Archiepiscopi, quem absq; Sancti epitheto nemo nominabat. Miserandus erat eiulatus Indorum, qui omne bonum suum in Thuribij morte perditum, querulo clamore desebant. Inter hæc tandem appulsi portitores ad templum S. Dominici, vbi in Sacello aræ maximæ elatum pegma, præparatum fuit, sandapilam cum sacro corpore in eo collocarunt: nam si ad manus populo fuisset, & vestes, & membra in frustra discerperentur.

Tanta erat omnium pia cupiditas, aliquam ipsius reliquiam prius quam sepeliretur abripiendi, Et, ne sic fieret, fida, validaque custodia adhibita fuit. Postquàm sacrum pignus ibi per duos dies populi concurrentis pietati expositum fuisset, conuocatis clero vniuerso, & religiosarum ædium conuentibus, Regio Senatu, qui deinortuo Pro-Rege, Comite Montis Regij, Prouinciam administrabat, cæterorumque Tribunalium ministris, & accurrente infinita multitudine populi, illis per ordinem congrua pompa, procedentibus, venerabile

bile corpus, ad Ecclesiam Metropolitanam elatum est, vbi celebratis tanquàm præsente corpore, diuinis mysterijs, & oratione, per Doctorem Petrum Muñiz, eiusdem Ecclesiæ Decanum, de Thuribij laudibus ad multitudinem habita, in peculiari Sacello depositum fuit, dum absolutum foret sepulchrum commune Præsulum, & capitularium, quod ex ipsius Mogroueji instituto, sed successoris cura tunc sub ara maiori construebatur: atque hæc prima corporis B. Thuribij, & sollemnis translatio fuit.

Absoluta verò post multos annos ea crypta, illuc iterùm integrum, & primam semper cælestem illum odorem spirans translatum est, præsente Illustrissimo Viro Bartholomæo Lobo Guerrero, eiusdem Sedis Archiepiscopo, & immediato Successore Thuribij (qui obiit anno 1622. die 12. Ianuarij) & multis alijs, qui ad functionis rumorem conuenerant. Nunc vrna, & arca, quæ ditem thesaurum corporis B. Viri continet (ait Didacus à Cordaua, anno 1651. scribens) in Sacello sepulchrali Venerabilis capituli, in vno sinu sub ara maxima seruantur: cor autem, vt antè scripsimus, in Diuæ Claræ Templo, pro ipsius vltima voluntate, reuerenter asseruatur.

Elatum Sakhæ sacrum funus, plurima per viam patrauit miracula. Nam ad transcuntis famam commoti Populi, ex Oppidis, & Pagis confluentes, infirmos suos vndequàque afferbant, quorum

rum nemo vel feretrum tetigit , vel interpositus B. Archiepiscopi suffragijs, Deo commendatus est. qui, quamuis moribundus, non illicò, restituta sanitate, integer, & latus Dòmum redierit. Et quamuis magna eorum pars cum defunctis postea testibus conscripta, nos lateat; tot attamen, ac tanta supersunt, ut magna defuncti Thuribij apud Deum potentia, ex eis satis innotescat. In actis autem aliqua, designatis locis, alia tacitis, referuntur, & nos priora primùm, posteriora postea narrabimus. In totius autem locorum itineris ordine. ac distantia Ioannem Laëtum sequemur, scriptorem in hoc genere accuratum.

Itaque ut itineraria hæc defuncti Archiepiscopi miracula, quæ post illa, quæ Saxe contigerunt, incipiamus à ciuitate Truxillo, viginti leucis à Sa a in austrum dissita: ad hanc nunc ciuitatem, tunc oppidum appropinquantì corpori obuiam iuerunt ambo coniuges Indi, puellulum filium molestissimis febribus æstuantem in brachijs suis afferentes; quem cum B. Archiepiscopi misericordiam deuotè implorantes, ad arcam applicuissent, in qua sacrum corpus claudebatur, acutùm cum incolumem, & morbo liberum domum retulerunt.

Venerabili corpore in ciuitatem inuecto, allata est pauper fœmina, membrorum impos, & manca, quæ multa beneficia, & eleemosynas ab Archiepiscopo, dum in mundo viueret, accepta comemo-

memorans, importunè rogabat, vt ipsum videre permetteretur, corporis sanitatem procùl dubio ab ipso nunc in coelis regnante obtenturam, quàm tot in terra beneficijs impertiuit. Miseræ compas-
sus Matthæus Gonzalez arcam aperiri iussit, sa-
cras exuias videri, & linteum quo inuolutæ fue-
runt, per ipsam tangi permisit; quo factò, illa sta-
tìm viribus, & naturali membrorum vsui, supra
naturæ virtutem restituta fuit, integraque & inco-
lumis dimissa est.

Non rectè reperio ex qua parte Truxilli sit lo-
cus Guaco, vel Guaio; quò transeunte funere,
iussum est: ædituo templi, vt simplici tactu, lento-
que, & luctifono ductu pulsaret campanas; quòd
cùm ille faceret, sonus diuina virtute multiplica-
tus, lætus, ac festiuus ad omnium aures ferebatur,
reprehensus ædituus respondit, se quidem simplici
ductu cordas trahere, nescire verò cur aliter audi-
retur, ac tertio quartòque monitus, ne latum, sed
lugubrem sonum ederet, quo sæpiùs, & studiosius
parere nitebatur, idò lætior, sollemniorque sonus
euadebat, quod omnes admirati, miraculo factum
intelligebant: atque Deum hoc factò innuere. Thu-
ribij funus non lugubre, sed latum festiuumque
mortalibus futurum esse.

Non procùl Truxillo abitum est, cum occurris-
set mulier vlceribus toto corpore plena, inclamans,
vt sacræ Sarcinæ vultum aspicere possit, indè sibi
certò promittens integram sospitatem, Id concess-
sum

sum, & sublatum desiderato vultui velum tangendum illi porrectum fuit; quod cum venerabundè, & cum certa spe recuperandæ per B. Viri merita pristinæ valetudinis, ori suo amonisset, repenti fanata est, & exclamavit nullum vlcus in toto corpore sibi reliquum fuisse.

Hinc in campo Chao, australis agri eiusdem ciuitatis pernoctandum fuit, vbi, in eiusdem nominis prædio suo Chao, tunc erant Ioannes de Alpharo, & Anna de Andrada, Hispani coniuges, cum filio paterni nominis, ætatis mensium circiter octodecim, aut vltra; qui totis octo hæctica febre, ita consumebatur, vt ossiculis vix cutis hæreret, et cohærentibus palpebris, per octo prius dies, nullum indicium vitæ; præter exiguam respirationem edidisset. Feretrum cum B. Thuribij corpore per noctem deposuerunt, in illius Prædij sacello, cum Ioannes, parvuli pater, cognitam olim sibi Thuribij sanctimoniam, et miracula iam patrata recollens, summas gratias Deo ageret, qui se tanti hospitii receptione dignatus fuerit: mox conclamatum puerum, in momenta moriturum, indubitata valetudinis, et euolantis vitæ restituendæ spe, sequenti mane suis vlnis in sacellum portans, super Præfulis loculum constituit, ipseque cum vxore et familia stexis genibus B. Viri auxilium prolixis precibus implorabant: Missam insuper pro pueri salute, Thuribij meritis obtinenda celebrari fecit; & exauditus est: Puer enim post duas circiter horas à

tactu

tactu sacri pignoris exultans , & ridens , seipſe erexit , ſupra ciſtam ſedit , & cibum petijt , tam ſanus & ſoſpes , acſi nunquàm ægrotaiſſet . Et quod continuato miraculo tributum eſt , nullam deinceps vel minimam valetudinis indiſpoſitionem ſenſit , uſque ad annum ætatis vigefimum quintum , quocum alijs ipſe , tunc etiam ſoſpes & validus , legitimum teſtimonium ex frequenti parentum relatione , & multorum publica voce , & fama huic miraculo in actis depoſuit : qui omnes totum interceſſioni B. Thuriſij , & loculi corporis eius tactui attribuebant .

In oppido Parilla , aliàs Santa , à vallis nomine nuncupata , & viginti leucis Truxillo in meridie diſſito ; cum corpus B. Thuriſij illuc allatum fuiſſet : triennium iam priùs in lecto iacuit puella duodenis dicta Petronilla , filia Ludouici de vargas carrior , & Ioannæ Arzæ ciuium Santanenſium , graui infirmitate vexata , & poſt adhibita multa remedia , omni valetudinis recuperandæ ſpe deſtituta : ſed Anna Vaſquezia auia illam attulit ad locum , in quo B. Antiſtitis corpus depoſitum fuit , ac ſuis aliorumque oblatis precibus , & votis , ſuper loculum collocauit , eodemque tempore ſanam & ſaluam domum reduxit .

Ab hoc Municipio Santa non procul diſtat eiufdem nominis fluuius , cæterorum omnium planæ Peruuix maximus , quem Ioannes Laëtus pernitem , & ſatis latum affirmat , & qui , cùm pluſculum

in montanis pluit, plurimum inflatur, & cum discrimine, atque non raro cum exitio tentatur. Immo cum intumescit, ut ex legitimis actis Beatificationis, & Canonizationis *Thuribij* constat; nec per homines, nec per Iumenta vado trajici villo modo potest; & vix adhibitis ratibus, quas ex magnis rotondisque trabibus arte iunctis conficiunt, & rebus hominibusque desuper impositis, octo vel decem robustissimi Barbari in ea arte exercitati, natando, ac trabibus alijs ad pectora suppositis, sustentati, partim trahunt, partim trudunt, Iumentis circumfluitantibus, quæ etiam natatu suo non parum promouere impulsus necesse est. At nihilominus tantus est furor currentis, ut omnia, per quartam saltem partem leuæ deorsum trahat, priusquam ad alteram ripam perueniatur; immo sæpè ad mare prorsus abripiat, vel suis voraginibus absorbeat: ita ut viatorum turmas, cognito periculo territas, in vtraque ripa per integros amplius menses sistere cogat, aquarum detumescentiam expectantes; vel *Truxillum* aliòue redire, non ausos se etiam ratibus committere.

Quando B. *Thuribij* corpus pluuiò Cælo adhuc fluuium perlatus fuisset, tantus erat aquarum inundatio, & impetus adeò vehemens, ut viatores multi hinc atque inde, per plures dies, aquarum decrementum præstolarentur: & *Matthæi Gonzalij* comites, qui sacri corporis curæ præerat, & *Santa-*
 ni ciues fluuij conditionem ex usu experti, ac præ
 reli-

reliquis Antonius à Leone loci Dominus , qui ipse
ratium procurationi , & traieciui pro munere suo
plerumque instabat , & postea cum alijs huius mi-
raculi iuratus testis fuit ; seriò suadebant , & horta-
bantur , vt & se ipsos omnes , & sacrum pignus eu-
denti periculo exponere non velit . At inspirante
Deo , Thuribij corpus verè pignus Matthæo vi-
sum est , non periculi , sed securitatis : & , vt qui
plura B. Præfulis miracula suis oculis vidit , sancti-
tatis eius meritis , & patrocinio fesus , lecticam ad
ripam trahi iussit ; quandò mula vix primum vn-
guem aquis intinxit , cùm , acsi vel virgæ Moijsis ,
vel pallij Eliæ virtutem à sancto pondere accepisset,
aquæ diuisæ sunt , & aliquibus retrocedere visæ ,
vadum aperuerunt , quo non soli comites Gonza-
lij , sed etiam viatores reliqui omnes , post venera-
bile , & prodigiosum corpus , ea securitate , & faci-
litate transierunt , qua solent , cùm fluuius tumore
deposito , naturali suo cursu demississimus est .
Cunctis autem in tuto positis , totus fluuij sinus ,
ita repentè denuò repletus est , vt ne ratibus quidem
ipsis quisquam trajcere ausus esset ; Quod omnes
in euidentis miraculi æstimatione confirmauit .

Traiecto flumine sancta , per sex inde leucas sa-
crum fanus ad vallem Guambacho ductum est . vbi
parochia S. Francisco sacra , cuius populo tùm do-
minabatur Didacus de Aziuedo , militiæ Dux ,
cum Vxore Anna Barreria , ex qua genuit filium
nomine Ioannem Hyacinthum , qui tunc puer ,

sed per triennij tempus ex hetica febre tam æger, vt medicis, absque vlla spe vitæ frustra fatigatis, moribundus omnino visus esset. Tum pueri parentes Thuribij patrocínio confisi, & præsentem occasionem arripientes, ægrum filium, animam fermè agentem, in feretrum eius immissum, & supra cistam, in qua sacrum corpus clausum erat, collocatum, B. Præsulis inuocata ope, repentè sanum, & sospitem receperunt, in genti solatio suæ alioquin futuræ orbitatis; pro quo beneficio omnipotenti Deo ac Thuribio intercessori, gratias quas poterant maximas agebant.

Dùm idem funus sesquidiei itinere duceretur per vallem Guarmeij, Guambocho proximam, quædam Domina principalis nomine Maria, audito transitu sacri corporis, in occursum descendit, ex bonis, quæ possidebat in Prouincia Guailas, & venerato corpore B. Thuribij, Matthæum Gonzalium Præfectum summissa rogauit, vt indusium, aut linteum aliquod sibi concederet, quod B. Archiepiscopi corpus attigisset, vt filiam paraliticam, manibus pedibusque per biennium attractis, absque humano remedio domi relictam eo inuoluere posset, certa spe valetudinis eidem per B. Viri merita restituendæ. Accepta parte sindonis, domum læta rediuit, & inuocato B. Antistitis patrocínio infirmam sacris exuijs per noctem induit: ac summo manè omni malo liberam, & incolumem, manus integras agilesque ostendantem, & pedibus suis ince-

incedentem vidit, & gauisa est, Deum in serui sui sanctitate laudando.

Petrus de Azania belli Dux tunc Linæ seruum nigram habuit, nomine Martinam, per plures annos hecica febre exhaustam, ac desperata salute à medicis derelictam. Hæc audiens S. Archiepiscopi corpus, patris per viam tot miraculis famosum, eodem die vrbi Linæ inferendum esse, erecta per fiduciam participij gratiarum ipsius, orauit herus, vt ipsius venia sibi liceret, sacro funeri obuiam exire; qua accepta licentia abiit vt poterat, & sacro corpori procul ab vrbe occurrit, ad pontem sublicium, quem proinde de palo vulgò vocant, loculum attigit, & illicò melius habens, sacram pompam ad Ecclesiam S. Dominici intra urbem profecuta est: ac deinceps renatis vnguibus, & cute, vi morbi deciduis, integram sanitatem absque alia curatione consecuta est. Fertur eodem tempore Aethyopem virum eiusdem Azanæ mancipium diuturnis hecicis febribus desperata sanitate laborantem, ad lecticam accessisse, & sacri corporis contactu statim conualuisse: sed ego hoc miraculum à priore diuersum esse affirmare non ausus, suspicor in sexu erratum fuisse: verum vt Deus masculinum & feminam creauit eos; ita Thuribius vtrumque per Deum æquè sanare potuit.

Certissimum autem & celebre est, quod ijsdem diebus intra urbem accidit, dum corpus in templo S. Dominici expositum fuit: aliqui enim Religiosi
iu-

iuuenes eiusdē Cœnobij, corporis custodiæ per no-
adhibiti, ipsum videre, & venerari capientes con-
scenderunt pegma, super quod corpus in aperto co-
phino iacebat; & admoto lumine curiosius inspi-
cientes, ea quæ prius audiuerant, odorem, colo-
rem, carnis molliem, membrorum flexibilitatem,
totiusque corporis, & vestium integritatem, cæte-
rumque statum, quem ante descripsimus, proprijs
sensibus experti, omnes Sanctum acclamarunt, &
manibus pedibusque eius, iterata oscula infigentes
venerati sunt; et aliquas vestium particulas pro re-
liquijs acceperunt. Inter eos autem erat Religiosus
laicus conuersus, è sacrarij Ministris, dictus Frater
Ioannes Michaël, qui pro feruore deuotionis non
contentus pannis, simplici quidem, sed ardenti
pietate, carnē et ossa possidere voluit, et opportuni-
tate vsus, quasi manum osculaturus, arreptum S.
Præsulis digitum dentibus demordere tentauit.
Quod cum non successisset, cultrum et malleum
adhibuit, sed neque culter marmoreum; nec mal-
leus adamantinum Thuribij digitum, seruante
Deo, diuellere, vel mininum scissuræ, aut læsio-
nis vestigium ei inñgere potuerunt: ac tùm Ioan-
nes miraculum agnoscens, ab imprudenti incæpto
desistit, cæterique obtuscescentes laudauerunt
Deum in Sanctis suis, de quibus scriptum est: cus-
todit Dominus omnia ossa eorum, et vnum ex eis
non conteretur: et miraculum sequenti die per to-
tam vrbem diuulgatum fuit.

Nunc

Nunc ea miracula summarie recensuimus , quæ non expressis locorum nominibus per viam patrata referuntur . Transeunte funere , per prædium quoddam , mulier diuturno morbo detenta , et grauissimo capitis dolore afflicta accessit , et calamitatem suam Thuribij meritis commendans , caput in feretrum extendit , et repente sanata fuit . Ad huius autem miraculi famam , multi varijs doloribus ægri idipsum fecerunt , et omnes pariter conualuerunt .

Alia femina paralitica , pedibus cruribusque attractis , grabato semper hærens , ad lecticam portata fuit , seque B. Thuribij meritis Deo commendans statim conualuit , et restitutis viribus , et vsu membrorum , suis pedibus Domum sana rediuit . Mariana quædam acerrima febre vexata , ad pedes sacri cadaueris prostrata , incolumis inde surrexit . Alia minus accuratè narrata ad clariorem notitiam differo .

C A P V T I .

Miracula post translationem imprimis

Lime patrata .

Post translationem ac depositionem corporis B. Thuribij in Ecclesia Metropolitana Limentis , crescebat in dies fama sanctitatis et miraculorum ipsius , et Reliquiæ eius ab omnibus experitæ ,
à mul-

à multis passim cum priuata veneratione seruabantur, multaque miracula in varijs occasionibus & locis, per ea fiebant; & vsque in hodiernum diem percrebescunt: quamuis per tam inimensa terrarum, & oceani spacia, quæ recentiora sunt, post processus Apostolica autoritate in Peruuia compactos, ad nos non dum peruenerunt. Quæ verò in illis, vel alijs autoritate ordinarij consecutis reperiuntur, nunc prosequor, ac primùm quæ Limæ contigisse constat.

Anna Maria Perezia mulier grauida, conspecto Limæ cadauere Claræ Papillæ defunctæ, & sibi cùm viueret amicissimæ, vel terrore, vel dolore concussa, sensit fœtum in vtero transuersum saltasse; ipsaque tantum deliquium passa est, vt planè mortua videretur: atque ab obstetricibus nullum remedium inuenientibus derelicta, & conclamata fuit; neque ad quantumuis validas acutasque mulierum vociferationes in aures ipsius inimissas, vllum motum, aut sensus significationem edidit, vsque ad tertium diem: quo illi assistens pia fœmina Catherina à S. Didaco, & videns malum omni humano remedio immedicabile, ad cœlestia confugiens, extraxit particulam crepidæ purpureæ, ferici rasi, qua Thuribius in sacris utebatur, & quam ipsa pro sacra eius reliquia reuerenter seruabat: tum iussit alijs, quæ assistebant mulieribus, vt viuam in Deum fide, Archiepiscopi opem implorarent; quod cùm ipsa quoquè faceret, reliquiam super
peri-

periclitantis Annæ Mariæ ventrem posuit. Nec longa mora, hæc eo spatio temporis, quo symbolum Apostolorum bis recitari posset, notata mole marcidum, & nigrescentem, cute lacera, foetidoque odore, foetum peperit; &, vt iudicabant, iam triduo perimptum. In quo euentu duo miracula obseruata sunt: alterum, quo mater ipsa Perezia in tali casu à morte liberata fuit: alterum quo mortuus foetus in vtero transuersus, quod natura præstare non potuit, diuina virtute directus exiuit: Deinde mater, eiectis etiam secundinis pariter corruptis, conualuit, atque quindecim annis post, legitime examinata, cum alijs fœminis, quæ miraculo præsentibus fuerunt, mente & corpore sana testimonium illi perhibuit.

D. Anna Isafaga, Vxor Petri de Castro, Equitis S. Iacobi, per tres aut quatuor menses à malo partu, perpetuo profluuiò sanguinis, cum malignæ febris accessu, &, vt medici iudicabant, etiam cancro intus nato, exhausta; & post trium præstantissimorum vrbs medicorum industriam, ab eisdem, desperato profectu, & fluxu semper crescente, derelicta, & ipsorum opinione, eo morbo certò motitura, ad B. Thuribij præsidium confugit, crucem pectoralem ipsius à Petro villagemazio Archiepiscopo obtentam, & calceum Pontificalem; à Mariana Quisõnia, Beati nepte missam, plena recuperandæ sanitatis fiducia, suo ventri applicuit; tumque per quindecim circiter dies conualescere

K K K

visa

vifa est: quibus transactis, malum iterum instantaneo impetu adeò vehemens redijt, vt Anna suis pedibus consistere non potuerit, & sanguine, multò quàm antè copiosius, effluente, ad lectum deducta, credidisset eum diem vitæ suæ supremum fore.

Eodem autem ipso die, remissoriales, quas vocant, litteræ, totius ciuitatis exultatione, promulgandæ fuerunt; quibus authoritas Apostolica concessa est, vt venerabilis serui Dei Thuribij vitæ, virtutum & prodigiorum acta, ad normam iuris examinata, ad Sedem Apostolicam, pro serui Dei apotheosis vsu, iudicanda remitterentur. Vtque res pro dignitate fieret, & initium ab auxilio diuino sumeret, instituta est publica supplicantium processio, quæ cùm ante portam domus Ifasagæ sic iacentis transfret, ipsa subita lætitia exultans, cruce, & calceamento ventri applicatis, summa fiducia, totoque cordis affectu, & qua voce poterat in hæc verba prorupit: sanctissime serue Dei, me tibi obnixè commendo, vt præsentī malō me liberare velis, quod si feceris, pro me apud Deum intercedendo; ego Deo ac tibi promitto me nouenam ad sepulchrum tūm celebraturam, candelas & missas curaturam. Vix votum emisit, cum cessante sanguine, & viribus repentē restitutis, integrè conualuit, sanaque & sospes deinceps permanfit, absque vllō alio remedio, vel medicamento.

Antonia Gregoria de la Cueva, Limæ in culinā
do-

domus suæ faccharum in ahenò coquebat, rosas infusura : cùmque liquidum faccharum supposito igne feruenter ebulliret, Mariana Quiñõnia ipsius filia, & B. Thuribij proneptis, anno ætatis circiter secundo, tota facie in cacabum cecidit, atque inde citò abstracta, faccharo toti vultui adhærente, instar mortuæ, sine sensu immobilis iacuit, omnibus quæ aderant existimantibus, vel mortuam, vel moribundam fuisse, vel certè cocta facie, tota vita deformem scdamque fore. Antonix matris, famularumque lamentis commota Mariana Quiñõnia senior, B. Antilitis ex Grimanesa sorore neptis, & Amita puellæ, è cubiculo accurrit, inueniensque famulas, infantis faciem abluentes, abreptam ad se, Amita genibus flexis, enixisque precibus S. Archiepiscopi præsidio commendabat, ipsius corporis reliquiam puellæ vultui apposuit, & longa vitta obligauit, sicque sine sensu, vel motu in puluino collocata paruula, Amita interim precibus insistente, post horam circiter plangere cæpit, quasi de ligato vultu conquesta, ac tùm statim detractò velamine, sana & integra reperta est, absque vlla macula, cicatrice, vel aduersionis vestigio, & Amita illam ad matrem portans, en soror, inquit, filia tua tibi sana & salua, B. Archiepiscopi reliquiarum virtute restituta. Quo stupefactæ omnes miraculum extulerunt.

Mariana Alvarez per octo dies intensum capitis dolorem patiebatur, & quanquam interea tribus

vicibus secūta vena, sanguinem emisserit, nihil profuit: aduenit Hieronymus Ordoñez calculator, qui libellum habuit B. Thuribij propriæ manus chirographo subscriptum; quod quamprimum patientis capiti apposuisset, abscedente dolore statim, multis præsentibus, infirma repente liberata est.

Dominus Ludouicus de Cerdoua, Figueroa, & vxor eius Francisca de Biucro anno 1629. quadragesimali tempore simul inciderunt in febrem continuam, quàm per multos dies passi sunt: sed Francisca longè grauius; febris enim caput ipsius ita accendit, vt eam rationis vsu priuauerit, vt nequẽ quemquam cognosceret, & cùm Crucifixum osculandum præberent, illa caput aliò verteret, & à medicis vt moribunda relicta, nec Sacramenta quidem suscipere poterat. Dùm in hoc statu esset, & viri Religiosi officia moribundæ circa ipsam exercerent, & habitum S. Francisci in quo sepeliretur, supra ipsam pro more sternerent: Licentiatus Franciscus de Palma Faxardo, Sacerdos Limanus infirmos coniuges visitatum venit, deditque, & reliquit Ludouico reliquiam, quam dixit fuisse ex offe B. Thuribij, exhortans, vt se & vxorem ipsius intercessionem commendaret: Id fecit Ludouicus & valde afflictus, quod vxor absque Sacramentis moreretur, voto se obstrinxit Deo, & seruo eius Thuribio, si per ipsius merita vterque conualesceret; nouenam ad ipsius sepulchrum celebraturos. Itaque ea nocte Ludouicus ipse commodius quieuit,

& ante mediam noctem, quæ fuit cænæ Domini, clausis portis, & Religiosis, alijsque circa Franciscam vigilantibus, quæ quatuor tunc diebus rationis usu destituta, in horas moritura credebatur, ad ostium exterius fortiter pulsatum est, & interrogatus quis esset? responsum fuit, Sacerdotem esse, qui Sanctissimi Sacramenti viaticum ad infirmam ferret. Replicantem famulum errorem esse, alioque eundem, cum illuc vocatus non fuerit, interrogavit Sacerdos nùm aliqua mulier ibi infirma esset, & responso, quòd esset, illuc se directum dixit, & introductus est. In domestico altari, quòd tunc festinanter, cum luminibus paratum fuit, Sacramentum deposuit, & ad infirmam accedens petijt, an confiteri vellet: cum illa, statim in se reuerfa, respondit velle, & quàm christianè fecit: Sacramentum solita pietate sumpsit, atque exinde melius habere cœpit, & post paucos dies simul cum marito integrè conualuit: Nec vnquàm sciri poterat, quamquàm summo studio perquisitum, quis Sacerdotem illuc vel vocasset, vel misisset; ac proinde consideratis omnibus circumstantijs, res Thuribij reliquiarum, & inuocationis miraculo tributa fuit, & vt tale in actis deposita.

Andræas Graue Dux, argento ex Prouincia Porthesiana Limam transferendo præfectus, cum anno 1662. mense Iunio in eo munere cum magno thesauro Limam appulisset, post duos vel tres dies, ob
aëris.

aëris mutationem , eius generis pestilenti febre percussus est , quam Hispani tauardillo , Itali petecchie vocant , tanto discrimine vitæ , vt per alios tres dies Medici fassi , se non inuenire in arte remedium quo curari posset , monuerint , vt animæ potiùs saluandæ curam ageret . Id pro sua pietate fecit bonus Grauius , & octauo morbi die delirio aggrauatus est , durauitque per nonam , quo die morituum eum pronunciarunt Medici .

Assistebat vir amicissimus , vincentius de la Roccha , qui charissimi amici mortem humanis remedijs destituti grauiter ferens , diuina tentanda iudicauit , procurauitque illam crucem pectoralem B. Thuribij , quam ante memorauimus , & patienti imposuit , exhortans eum , vt omnem spem recuperandæ valetudinis in B. Archiepiscopi meritis summa fide collocaret , ipsius auxilium deuotè implorando , & hoc etiam fecit infirmus ; & quam cæteroquin in extrema vi morbi , sui impos , crucem tamen sollicitè aspiciebat , tangebatur , osculabatur , & cordi apponebat : atque hæc agens eodem nono die , quo in horas moriturus credebatur , in se redijt , alios cognoscere cœpit , & perfectè tandem conualuit , absque omni alia cura vel corporis medicina ; quod & ipse , & qui aderant , ac tùm , ac semper deinceps B. Thuribij reliquæ , & inuocatæ intercessionis virtuti acceptum vnicè referebant :

Dominicus de Aroche sacræ Limanæ inquisitionis

tionis tribunali a secretis , & regij ærarij præcipuus calculator , annò Christi 1661. die 24. Decembris ex laterum dolore , & maligna febre ad vitæ naturalis extrema deductus est , post septimam venæ sectionem aliaquè remedia , à Medicis conclamatus iacebat lethargus , clausis oculis , turgido pectore , pulsu intermittente , stupidis cruribus , sensibus destitutus , ac fœtidum turpissimumque liquorem per os egèrens , quam cocti lateris liquido pulueri assimilabant , Sacramentis , etiam extremæ vnctionis procuratus . Cùm de supremis honoribus , & sepulchro disponendis ageretur , Baccalaureus Christophorus de Hispania Presbiter , & Germanus frater Florentiæ Machæ de Hispania , vxoris infirmi , memor miraculorum , quæ per prodigiosam illam crucem pectoralem B. Thuribij facta iam passim ferebantur , illam ab Archiepiscopo Villago-meziò obtinuit , & infirmi collo appendit , cum alijs qui aderant recitando ter Salve Regina, vt Beatissima Virgo , per serui sui Thuribij merita , salutem infirmo à filio suo dulci Iesu obtineret . Eo facto , symbolum Apostolorum vix iterùm recitari posset , cùm Dominicus tam citò , absque alia diligentia in se reuersus cibum sumpsit , & redeunte pulsu copiosè sudauit , ac sequenti manè melius habens , post paucos dies sanus & sospes è lecto surrexit ; per quos tamen crucem dimittere noluit , affirmans salutem ex ea sibi restitutam esse , quod B. Archiepiscopus Mogrouejus illa quondam vte-

retur :

retur: Atque ipsi Medici qui ipsum alias mortem euadere non potuisse censuerunt miraculum asse- rebant.

Generalis variolarum contagio in vrbe Lima multam iuuentutem extinxit, cum Iosephus Ant- onius de Castro, octodecim annorum, vnica Pro- les Petri de Castro equitis S. Iacobi, & Annæ Isa- sagæ, quorum antè meminimus, eo morbo toto corpore plenus, & ardenti febre, continuoque vo- mitu vexatus, totus enormiter intumuit, nec dor- mire poterat: quæ res Medicos frustra laborantes in vitæ ipsius dubium iuduxit, vt parentes eius cui- dentis periculi monuerint. In eo statu constitutus Iosephus, & recolens inter alia, miraculum, quod per Beati Thuribij crucem in matre eius patratum diximus, eandem enixè rogauit, vt crucem adferri curaret, sperans inde sanitatem sibi restitutam iri, obtentam ab Archiepiscopo, cum vna scheda, Thuribij Chirographo subscripta, mater vtramque ad filij collum appendit, inuocato per domesti- cos omnes auxilio Thuribij, tunc statim vomitus, febrisque cessarunt, & paulatim detumescere cor- pus, & pustulæ siccari, ac infirmus post paucos dies sanus & incolumis surrexit, ac B. Thuribio post Deum conseruatori, vitam suam seruatam referebat.

CAPVT LI.

Alia miracula Limæ patrata.

Dionysia de Valasco puella Limensis, dùm apud Amitam Annam Tassam in Cœnobio Limano sanctissimæ Incarnationis educaretur; vbi & acu pingere, et hispanicè, latinèque legere, et scribere didicit, in grauem febrem incidit, et ex consilio Medici ad maternam domum extracta, à febre quidem conualuit: sed post duos inde menses, ex oculorum inflammatione callum contraxit, quod pupillis oculorum obductum visiuam virtutem sic impediēbat, vt per multos annos, vix molium vmbras videre, nec formas vllo modo discernere, vel capitales etiam librorum litteras legere posset: quamuis initio morbi varijs, multisque remedijs in vanum applicatis, et apertis in vtroque brachio cauterijs: atque sic cæca sine vltiori cura relicta fuit.

Mater autem, Maria de Ortega, crescente fama miraculorum B. Thuribij, librum grandiusculis characteribus impressum, qui B. Viri vitam et miracula continebat, viuâ fide et firma spe opis ipsius puellæ sic orbæ legendum obtulit, et neganti se legere posse obtrusit. Aperto libro, Dionysia se lineas tanquam nigros radios videre falsa est: sed nulum apicem in eis distinguere: tunc Mater ipsa pri-

ma libri folia vertit , in quibus occurrit impressa Imago B. Thuribij , eamque filix porrigens iussit , vt se huic B. Archiepiscopo ex animo , tota deuotione commendet , vt visum illi restituat . Fecit illa , & Imaginem , vt sacrum collyrium , seu cæcitatis amuletum orbatis visu oculis reuerenter admouit , intentius aspicere cœpit , & in hunc modum orauit & exaudita est : Thuribij serue Dei , qui multorum calamitati succurris , restitue mihi lumen oculorum , vt hanc vitam , & miracula tua , aliosque bonos libros ad virtutem capefcendam legere , & afflictam Matrem operibus manuum mearum iuuare possim , etiamsi debeam ocularium vsu laborare ; nec citius dixit , quàm Imaginis lineamenta discernere potuit , & , vt dixit , clare videre , defuncti Archiepiscopi Mogroueji veram effigiem esse . Hinc litteras distinguere , & syllabatim coniungere . Demùm à prandio eodem die librum cursum & expeditè legebat , ac si nunquam impedita fuisset , mox etiam scribere , filum acui inferere , lacinias tenere , acu pingere , & frigium opus prosequi , omnia denique , & minuta obiecta discernere , summo solatio alioquin egenæ matris , nec minori gloria Thuribij , cuius in cœlis potentiam & Mater & filia lætitiæ lachrimis prosequiebantur , & alij in hoc miraculo prædicabant .

Catherina de Valcazar ; vidua Stephani Flores , malignis febribus eo deducta fuit , vt ex Medicorum , de vita eius desperantium consilio , extrema
omnia

omnia Sacramenta suscepit, & arteriæ motu deficiente, frigido sudore conspersa, & retortis oculis, velut in mortis agone constituta, sine voce, sine sensu, cereum accensum manu tenebat, & Religiosi S. Francisci strato super lectum habitu funerali, symbolum fidei, tanquam supremum eius actum, pro more cantabant: cum allata illa thau-maturga crux B. Thuribij infirmæ collo suspensa fuit; & monita inclamationibus Catherina, quibus poterat signis intimæ pietatis & fiduciæ, se Beati patrocini commendabat, iunctis votis aliorum qui aderant.

Inter hæc illa statim somno correpta est, ex quo post quatur horas euigilans, clara voce dixit: gratias ago Deo, quia bene dormiui, & melius me habere sentio, restitutoque pulsu in se redijt, oculos aperuit, & vt à mortuis reuocata, restitutis viribus, in lecto sedit, & quem tot antè diebus nec liquidum sumere poterat, cibum petijt, acceptum sumpsit, omnique mortis periculo libera, integræ tandem sanitati restituta est, magna sua aliorumque admiratione, qui Lazari resurrectionem, per inuocata Thuribij merita, & sacram reliquiam in Catherina Valcazaria, se vidisse dicebant, laudabantque Deum in euidenti miraculo B. Archiepiscopi. Erant autem plures viri graues, & docti vtriusque Cleri, Catherinæ consanguinei, qui tunc mortem eius per momenta expectantes assistebant, & viso

cuentu ; Thologorum doctrinam pro euidencia miraculi inter se allegabant .

Ioannes de Godoy Limensis à domo sua subortum aurore in mula ad forum equitabat , cum à quodam maleuolo & oculo infidiatore , subtili sica in sinistro latere ventriculi punctus , & ab alijs in proximam domum illatus , vocato Chirurgo , & vulnere per specillum explorato , morti proximus inuentus est , & incurabilis declaratus ob sectam arteriam quæ melancholicum sanguinem ex hepate in splenem deferret : cuius desperati status ipsius euidentiora signa fuerunt vomitus atrii sanguinis , quem per os globatim egerens , quinque vel sex grandiores argenteos catillos impleuerat , febris lipyrria , & sudor diaphoreticus , cum pulsu intermittente , ac tanta debilitate , vt testamentum dictare non potuerit ; sed Claræ de Ribas vxori tunc præfenti dictandum commiserit , nec monente Medico , sine præfenti periculo inter manus portantium per viam moriendi , ex loco moueri , vel in domum suam transferri posset . Quæ cum aduertisset Petrus de Vtrilla doctus , peritus & amicus chirurgus Ioannem breui moriturum edixit , iussitque vt animæ curam ageret ; & quoniam sacram Eucharistiam ob vomitum sumere non potuit , pœnitentiæ saltem & extremæ vñctionis Sacramenta sumere non differret .

Id fecit Ioannes ; at chirurgus , quamuis nullam spem

spem vitæ Ioannis ex arte relictam haberet ; ne tamen officio suo deesse videretur , inflammatum vulnus , et nihil sanguinis reddens terebynthino succo linitum fascia ligauit , & Godoyum moribundum , in suppeditea tabula extensum relinquens abiit . Inter alios tunc aderat Christophorus de Hispania presbiter , qui nulla humana remedia Ioannem à morte liberare posse intelligens , et recordatus recentis miraculi , quod pater B. Thuribij crucem in Catherina Valcazaria patratum diximus , ad Villagomezium Archiepiscopum properauit , crucem obtinuit , Ioannis pectori imposuit , ipsumque et reliquos sacerdotes , ac vtriusque sexus seculares tunc præsentés hortatus , vt B. Archiepiscopi opein feruenter et fidenter implorarent ; quod cum , per horæ quadrantem facerent , sudor , vomitus , febrisque Ioannem repentè reliquerunt cessante etiã externi vulneris inflammatione , et omni vicio pulsus .

Sola virium debilitate , et vulneris externa , et exigua plaga remanentibus , redijt à prandio chirurgus , et quem vita defunctum inuenire credebat , sanum videns , ac Thuribij crucem adesse doctus : bene est inquit , Medicum è cœlo accersistis , et sanè potentissimum : mihi nihil quod hic agam nunc superest ; et inter B. Archiepiscopi cætera miracula , quæ in alijs etiam expertus sum , hoc numerandum ænseo . Tum cutis plagam leuissimis vnctionibus intra quatuor dies consolidauit , et Ioannes è lecto sanus surrexit ; sed propter corporis debilitatem ex-

san-

sanguinis profluuium relictam , per paucos alios dies se domi continuit , et integrè conualuit ; vt nec minimum capitis dolorem deinceps senserit , vsque ad duodeuiginti menses , quo termino temporis , Testes miraculo præsentis id in legitima canonizationis B. Thuribij acta iurati deposuerunt , et inter cæteros ipse Ioannes , tunc robustus , et pingui succoque corpore sanus , et incolumis .

Ioannes Sanchez à Matrice , presbiter testatus est , ante quadraginta quinque annos sibi in domo sua Limæ , à quadam obstetrice ipsi nota , sed cuius nominis , post tantum tempus non meminerat , relatum fuisse ; quod quædam principalis fæmina , virgo passim reputata , venerat ad domum eiusdem obstetricis , ibi clanculùm paritura : sed cùm tanta esset puerperij difficultas , vt obstetrix perciperet , se non posse suis viribus parturientem à periculo liberare , inter infamiæ ipsius & mortis discrimina , tanquam inter scillam & carybdim constituta reconditum apud se biretum , quod olim erat B. Thuribij , parturientis capiti imposuit , inuocato in perplexissimo casu ipsius auxilio , illa statim facillè , feliciterque peperit , quod vtrique B. Archiepiscopi patrociniò , & reliquiæ ipsius virtuti , vnicè attribuit , & miraculum reputauit . Tantum quippe erat periculum , quod in primo præsertim partu esse solet , vt ordinario vnus obstetricis inopinato , furtiuoque auxilio , naturaliter euitari non potuisset , crederent .

Mag-

Magdalena de Miranda mortali dysenteria, & hepatis corruptione, vt partis principalis, & Limæ præsertim, docente experientia, difficilis & raræ curationis, & maligna febre eo deducta fuit, vt sudore diaphoretico, alijsque vicinæ mortis indicijs se manifestantibus, Medicus eam in sequentem diem victuram non esse pronuntiauerit, & omnibus moribundæ sacramentis procurata, in horas moritura crederetur. Medicus crastino per eam viam transiens; vt alium patientem inuiseret, (Magdalenam enim iam obiisse supposebat), cum eam adhuc viuere audisset, admiratus domum ingressus est, eamque sine dysenteria, sine febre, sine omni morbido accidente vel affectu reperiens, & sciscitatus vnde tam subita, & inexpectata sanitas? intellexit ex B. Thuribij pontificali calceo, à Mariana Quinõnia ad infirmam misso prouenisse, absque alio vlllo remedio, præter solam B. Thuribij inuocationem, & sacræ eius reliquiæ contactum, quod et Medicus ipse totius Regni physicus, et Limanæ academix primariæ cathedræ illius facultatis professor Petrus de Requena; & cæteri omnes, vel oculati, vel auriti rei testes, euident miraculum iudicarunt.

Eiusdem Magdalenæ neptis Ioanna de Ribera, vxor Didaci Muñozij vexiliferi Limensis, graui fluxu ventris eo vitæ periculo deuenit, vt Medici monitu sacrum viaticum, & extremam vnctionem susceperit; eoque morbi statu fuit, vt
idem

idem Medicus, & peritus chirurgus iudicauerint, si cursus ventris bis vltra rediret, eam illicò morturam: cùmque sic iaceret offuscatis oculis, ac vultu instar mortui cadaueris deformato, cessante pulsu arteriæ, repetitis animi deliquijs, cum frigido sudore, quo iam iam animam actura videbatur, Munozius coniux exclamauit; serue Dei Thuribij Mogroueje, redde salutem vxori meæ: ac tunc opportunè superuenerat serua AEthyops cùm sæpè memorato calceamento B. Archiepiscopi, quod à Domina sua Mariana Quinõnia missum dicebat, vt infermæ sanitatem restitueret.

Accepit moribunda Ioanna reliquiam, et proprijs manibus, infixis prius oculis, eam super stomachum ponens, et affectuosè stringens dixit: ò B. Archiepiscopè, vt omnium opinione Sanctus es, ac Dei facie, et amicitia frueris, impetra mihi à diuina Maiestate salutem, vt proles meas ad ipsius obsequium educare possim, quo dicto confestim soporata est: cùmque assistentes feminæ per horam nihil ex ea sensissent, exploraturæ an fortè iam expirauerit, inuenerunt quietè respirantem, et mox viuida voce increpantem, quod eam quiescere non sinerent, cum fuerit, quod per triginta ferè dies antè nihil dormiisset. Nec oblatum ab eis medicamentum sumere vllatenus voluit, ac statim iterum sopita, per sex horas à decima noctis ad quartam matutinam placidissimè dormiuit. Tùm autem cuigilans potum petijt, atque cum assæ galinæ solida

solida parte mandendo, glutiendoque, cum gustu sumpsit; quum ne liquidum quidem prius deglutire posset: & cessante ex tunc ventris cursu integrè conualuit, & intra tres dies sana & salua surrexit, salutem suam B. Thuribij miraculo acceptam referens.

Ludouicus de Cordoua Figuerôa, quem antè diximus magna Thuribij apud Deum potestate, in proprij corporis periclitante valetudine, & yxoris desperata vita restitutus expertum fuisse, posteriori tempore testatus est, in quodam suo prædio agri Limensis, domesticam feruam AEthiopem fuisse, nomine Ludouicam, graui & periculosa febre correptam: quæ cum non sine graui incommodo, vel maiori vitæ discrimine, vt à Medicis curaretur, in urbem aduehi poterat; Ludouicus ipse dominus prioris miraculi memor, Thuribij præsidio eam deuotè commendauit: & hac sola serui Dei inuocatione, in instanti, pulsa febre, sana & sospes facta est, absque vlla alia cura vel medicamento; quod propterè miraculum fuisse censuit, & iuratus in actis testatus est.

CAPVT. LII.

Alia ibidem plura.

IN Monasterio Limano Sanctissimæ Trinitatis
Monialium virginum regulæ S. Bernardi, Ma-
M m m ria

ria de Olea, Monialis professa, in ipso Monasterio nutrebat neptulam, nomine Annam, ætatis octo decim circiter mensium, & recens ab vberibus auulsam; quæ febri, & variolis, tunc Limæ grassantibus, affecta, Medicorum iudicio proximam mortem euadere non potuit. Pustulis enim ad interiora redeuntibus, & conuulsis oculis, per sex aut septem dies nihil vel solidi, vel liquidi cibi potu suæ admisit; terrenæ massæ similis, pustulata cute ossibus adhærente. Id audiens Antonia Quiñonia proneptis B. Thuribij, & tunc in eodem cenobio Religiosa Nouitia, exemplum articulorum, seu Interrogatorij actorum serui Dei, quod apud se habebat, ad Mariam Oleanam misit; vt inuocato patrocinio B. Archiepiscopi, id infanti moribundæ apponeret, viua spe sanitatis illi restituendæ, quod cum Maria flexis genibus, suis precibus, & facto grati animi voto, exequeretur, paruula statim sopita, per aliquot horas dormiuit, & inde euigilans, allatum cibum sine difficultate comedit, & conualuit, quæ per tot dies antè ne quidem lac degustare potuerit, cibum illi aliàs ætati naturalem, & gratum.

In eodem Monasterio Eluira de Aguilar etiam professa Monialis, & supra memoratæ Mariæ de Olea seu Anita, seu Matertera, cui pectus carcinomate, seu cancro valde tumebat, cum rubra macula, & liuidis lineis, doloribusque tam diris, vt ob eorum vchementiam, illa vice præter solitum, lecti

lecti culcitra morderet; ac discisso pectore se citò morituram crederet, vt multi solent eo morbo suffocari. Nullum aliud remedium sibi prodesse cernens, Oleanam suam neptem instantè obsecrauit, vt antedictum exemplar actorum B. Thuribij afferret, quo iam sciebat paruulam proneptem à morte liberatam fuisse. Acceptum libellum multa nocte, magno animi feruore pectori suo in affecta parte applicuit, & indubia fide, & spe recuperandæ sanitatis orauit B. Thuribium, vt eam ipsi impetrare vellet; quod & Maria etiam, pronis ante lectum genibus, neptulæ præcedens miraculum commemorans, recitatis quinquies in Thuribij honorem oratione Dominica, & Angelica salutatione, ac ter Salue Regina, magna animi contentione flagitabat: cum Eluira statim sensit diminui dolores, & pectus detumescere, atque mox indormiscens, reliqua nocte satis commodè quieuit, prodigiosis Thuribij chartis pectori semper appositis; & manè, absque alia cura, sine dolore, sine tumore, sine maculis, sanum & candidum pectus surrexit; nec eo morbo amplius tacta fuit: cum antè sapius, etsi nunquam tuam vehemens rediret.

Antonia Quisniones eadem eiusdem Cænobij Nouitia, quæ illum Actorum B. Thuribij librum alijs ad salutem concedebat, non minorem eius in se virtutem experta est. Vehementi cerebri, & capitis cruciatu, per multos dies afflicta; vt neque caput, nec oculos, immo nec manus mouere pos-

set, aut se in alterum latus vertere, aut sputum
 eijcere, multo minus elicere, sine summo dolore
 posset: sed nihil proficiente bina phlebotomia, cę-
 teroque Medicorum studio, ad medicinę genus re-
 currit per quam ipsa alios curabat, librum illum
 Actorum B. *Thuribij*. Atque imprimis per Ma-
 riam Oleanam ea sibi legi rogauit, & attentę aus-
 cultans miracula in alios patrata, quod æqua voce
 non poterat, corde & animo dicebat, o Beate Hie-
 rarcha, qui tanta miracula in alios operatus es, ne
 me afflictam deseras, sanguine & spiritu tibi con-
 iunctam; sed propter gloriam qua frueris, & ob
 ardentem deuotionem, qua Beatissimam Dei Ma-
 trem semper profecutus es, impetra mihi pristinam
 sanitatem. Tum libro capiti ipsius imposito, sta-
 tim se commodę mouebat, excreabatque, & se-
 cunda die plenę conualuit: quod, & ipsa Antonia,
 & Maria de Olea, quę assistebat, & alię Religiosę,
 quę illam infirmam, ac tam citę sanatam viderant,
 in *Thuribij* miracula retulerunt.

Idque secundum, ac tertium quę sequuntur,
 non solum augent numero, sed etiam ipso effectu
 probant. Antonia enim à Catherina de Arrona,
 eandem religionem professa, charitatiuę præmoni-
 ta fuit, venturum ad Cœnobium Archiepiscopum
 Villagomezium, cum alijs Iudicibus Apostolicis
 causę canonizationis serui Dei *Thuribij*, quibus
 illa debebat miraculi in se facti iuratam testificati-
 onem exhibere: Antonia verò religiosę virginitatis
 tyro-

tyrocinium auspicata ; seu puellari verecundia , seu concepto naturali terrore coram Iudicibus dicendi , id se facturam negavit : immo negaturam dixit , si quid interrogata foret : Sed huic proposito æquo pertinaciùs adhærens , iterum vindici miraculo ; (qualia in sanctorum actis fræquentia leguntur , magnalium detractores , & in sacrorum dierum aut locorum violatores patrata ,) grauiori capitis , stomachi , aliorumque membrorum dolore percussa est : donèc à prudentioribus , & pijs sororibus obiurgata , diuinæque vindictæ duritiei mentis commota , & pænitens , Deo & seruo eius Thuribio promissit , omnia pro veritate in iudicio manifestare ; ac pristino Actorum exemplari stomacho suppliciter animato , tertio miraculo integra sanitas repente ipsi restituta est .

Capitaneus , vt vocant , Basilius de vargas , homo grandæuus , ac propè nonagenarius , pertinaci febre tertiana duplici , ac morbo ictericio , per amplius triginta dies vehementer laborans , Medicorum iudicio moribundus , eorundemque monitu , desperata vita , sacramentis omnibus procuratus , cæterisque ad moriendum dispositis iacebat , tanquam cum *Parcis* colluctans , offuscatis oculis , atque adeò debilis , vt verba difficulter audita vix efferre posset , quod mento & maxillis ad pectus pendulis , os eius enormitè pateret , cum consuetis inditijs proximæ mortis , & ferè perdito etiam auditu ,

ditu, mortualem candelam manu teneret, spiritum in mōmenta redditurus.

Cū superueniens Petrus de prado Presbiter, allatum illum libellum Actorum B. Thuribij infirmo obtulit, affirmans, se illum attulisse, vt Basilius promitteret, se omnia contenta quæ sciret, in iudicio depositurum, si per B. Archiepiscopi merita Deus illi redderet sanitatem, interim verò viua fide & firma fiducia, illam à B. Præsule postularet, nec dubitaret restituendam. Basilius qua poterat animi intentione id fecit, & libello super caput eius posito, statim copiosè sudare dormireque cœpit, cū toto prius morbi tempore nihil omnino sudauerit, nec pluribus ante diebus quidquam dormierit, vel alimentum susceperit: dormiuit autem tunc, et perpetuò sudauit ab hora circiter nona pomeridiana vsque ad sequens matutinum tempus, quo euigilans melius habuit, suis viribus in lecto sedit, cibum petijt et sumpsit, vix relicta leui febris reliquia, quam post triduum excussit, et integrè conualuit.

Idem Basilius de Vargas, restituta hoc modo valetudine, ad iudicium vocatus, quæcumque nouerat actionum, vel miraculorum Thuribij, interrogatus, fideliter ac deuotè pro veritate protulit. Sed ab eo munere domum reuersus, cū sub solis occasum ad superiora domus per scalas ascenderet, ea graui senectæ, & enormi hernia depressus, subitaneaue capitis vertigine captus, per septem scala-

rum

rum gradus deorsum ad solum retro volutatus, est, & capite, lateribus, dextraque coxendice læsus, & quod senibus exitiale, luxatis ossibus, ac per se immobilis, in terra iacuit; dùm ad strepitum acurrentes domestici, suis lacetis ipsum ad lectum deportarunt. Vbi petito toties memorato libello, & partibus dolentibus admoto, absque alia cura cùm omnium stupore sic repentinè restitutus est, vt exploratis partibus, nec vulnus, nec tumor, aut liuor appareret, ac si nihil passus fuisset, & sequenti die, more solito sanus, & incolumis surrexit, & huic etiam miraculo inter alios testes, iuratum testimonium perhibuit.

Mulier AEthyops Iuliana Angela Castaña, serua Calculatoris Alfonso del Pulgar, & Isabellæ Bonæ coniugis, vehementi febre, & sæuo stomachi, laterumque dolore, susceptis Sacramentis, & amissa loquelâ, ad mortis agonem deducta fuit, sonante campana Ecclesiæ S. Bartholomei pro felici transitu moribundæ: pio quidem, & laudabili more in plerisque Prouincijs vltromontanis, & Indicis, atque etiam, vt audio, in Lombardia, et alijs fortè quibusdam Italiæ Regionibus v'sitato; vt nimirum christianus populus eiusmodi sonum audiens, totus simul oret, vt Deus, vel corporis sanitatem, si ita expediret, vel extremi agonis à demonibus victoriam infirmo largiri velit. Durante verò lucta pulsantur campanæ simplici ictu, et expirata anima, tractu duplici, seu plurium campanarum

rum concrepatione , vt id etiam intelligens populus , pro animæ requie precetur : Iuliana in hoc statu constituta , accedente terribili , et mortali paroxylmo , in quo aurium etiam et oculorum vsum perdidit , quasi animam illico eflatura , Isabella hera recordata miraculorum , quæ B. Thuribij actorum libellus in Basilio vargario operatus est , eundem libellum , quo ille liberatus fuit , Iulianæ capiti , stomacho , & lateribus applicuit , Thuribij opem cum multis qui aderant inuocando ; & eodem instanti temporis , infirmæ dolores febrisque cessarunt , ac post paucos dies restitutis viribus , sana & salua surrexit . Quod Medicus , & cæteri vnico B. Archiepiscopi inuocato præsidio , & libelli eius virtuti tribuerunt .

C A P V T LIII.

Alia miracula post translationem extra Limam patrata .

IN valle Guacara Prouinciæ Guaybanæ , non procul ab oppido Charas , Magdalena Chymba , mulier Indæ , vxor Gonsalui Cuyas , seu Cullas pariter Indi , ex eodem oppido Charas , per octo dies post partum tam copioso sanguinis fluxu laborabat , vt ob nimiam debilitatem nihil alimenti sumere potuerit , nihilque præualentibus humanis remedijs , intra breue tempus certò moritura cense-

feretur . Erat tunc in eodem loco Hieronymus ordoñes de Piñeda , calculator , seu , vt vocant , computista , qui summa , qua in B. Thuribium veneratione ferebatur , scriptum eius chirographum pro sacra reliquia , in bursula circumferebat . Is periclitanti Magdalenæ compassus , iussit feminis assistentibus , vt schedam infirmæ ventri ammouerent , & viua fide B. Archiepiscopi opem implorarent , singulique præsentem orationem Dominicam , & salutationem Angelicam ad idipsum vnà secū recitarent . Hæc facientibus illis tertia circiter hora ante mediam noctem , Magdalena dormire cœpit , & alij suauiter sopitam reliquerunt , relicta ei reliquia B. Thuribij : sequenti verò manè tantum absuit , vt , quod metuebant , mortuam inuenirent : quā potius non solum omni morbo liberam & sanam , sed & , viribus integris tam citò restitutis , extra lectum vestitam , vegetam , hūc illūc cursitantem , & officia domestica pro pristino more suis manibus exercentem , magna admiratione sua , ac Thuribij laude repererunt ; cunctis id ipsius reliquiarum virtuti , inuocatoque nomini acceptum referentibus . Eodemque chirographo Limæ liberata est Mariana Alvarez , à diuturno molestissimoque dolore capitis ; quem cum alijs remedijs , trina venæ sectio prius expellere non valuit .

In eadem Prouincia Guaylarum , in Doctrina seu Parochia S. Annæ . Fr. Alfonsus de Castro Ordinis Prædicatorum , eiusdem loci Pastor ani-

marum, habebat seruum Indum Christianum sacrae ædis ministerijs. Præfectum, qui mortifera febre oppressus, post multa remedia in cassum probata, ad portas mortis deductus est. Interea temporis idem Parochus ab Archiepiscopo Limano Villagomezio, mandatum accepit inquirendi, an ibi essent aliqui, qui B. Præfulis Thuribij virtutibus, aut miraculis testimonium præbere possent, postea per ipsum Archiepiscopum, & alios Iudices Apostolicos examinandi: qua occasione motus Alfonso concepit spem, per serui Dei merita, serui sui sanitatem impetrandi, alioquin humanitatis desperatam.

Accessit infirmum, eumque hortatus est, ut summa fiducia recuperandæ valetudinis, B. Thuribij opem feruenter imploraret; quod & ipse fecit, & B. Archiepiscopi nomen in scheda scriptum illi apposuit. Circa mediam deinde noctem, de frangi gratique famuli vita sollicitus, è somno euigilans, inclamauit alteri Indo tunc pariter dormienti, qui assistebat ægro, an ædituus adhuc obierit? sed ipse qui mortuus credebatur, viua voce respondit, se mortuum non esse, sed melius valere, & ecenam appetere, allatam auidè sumpsit, & sequenti die surgens, sine febre per domum ambulabat; Dum confirmatis viribus, paucis post diebus integrè conualuit, gratias Deo, cum publica professione miraculi, & Aduocato suo Thuribio ex animo reddens.

In oppido Santa-hodie Truxillanæ diœcesis, quidam Melchior de Mato per quatuor annos laborabat perpetuo fluxu ventris : Cùmque multas pecunias in Medicos & medicinas insumpsisset , ipse magis in dies adeò consumebatur ; vt Medici nullum remedium amplius ei profuturum inuenirent ; atque adeò suaserunt , vt dimmissis pharmacis , solius animæ curam ageret , præsertim Ioannes de Angulo , qui ipsum eo morbo moriturum pronunciauit , & inspectis ipsius excrementis dixit : iste homo loquendo morietur. Audiuit Anguli verba tunc præsens Franciscus Gaynus mercator Sanensis , & Melchiori persuasit, vt cùm nulla spes in humanis remedijs illi superesset, totam suam fiduciam in Deum , ac serui eius Thuribij Mogroueji viri Sancti , & miraculorum gloria celebris auxilium conijceret , recoleretque miraculum , per solos eius nominis characteres in Indo seuo Alfonsi à Castro Curionis S. Annæ nuper patratum eumque imitaretur ; ergo B. Antistitis Thuribij nomen in medio folio albæ papiri scripserunt , quod accipiens Melchior suo stomacho applicuit , promittens Deo & B. Thuribio perpetuum obsequium , quotidianum pensum orationum , & iuratam miraculi attestationem , si sanitatem ipsi impetraret. Eo facto absque vlla alia diligentia , post triduum sanus & incolumis , restauratis viribus , auasit ; ac mirantibus oppidanis tam repentinam , & integram desperatæ vitæ restitutionem , respondebat palam, quod

erat : se in solo scripto & inuocato B. Archiepiscopi Mogroueji nomine , sanatum fuisse , votum soluit , & pro tribunali interrogatus cum alijs contestibus publicam clari prodigij testificationem deposuit.

Anna Maria Ramirez de Mantha , in Parochia S. Lazari ultra pontem Limanum , extra urbem , alioquin subinde pectoris angustiae subiecta , cum anno 1659. die 23. Iunij , cæteroqui tunc sana inter duas portas domus suæ aliquid familiaris operis ageret , aëris acrimonia percussa sensit sibi pectus inde constringi , ut satis difficulter respirare posset . In tertium diem ita crescebat asthma , ut , nec cibum sumere , nec dormire , nec se quodammodo mouere sineret : & quanquam Ferdinandus Lopez eius maritus , medicinæ Doctor varia suæ facultatis remedia ipsi interim applicuisset , & inter alia venam aperiri curasset ; nec sanguis , in corpore congelatus exiuit , nec alia quidquam profuerunt . Tertia tandem nocte eo deducta est , ut circa horam decimam , etiam ab amantissimo marito Medico moribunda iudicata sit , inuersis nimirum oculis , absque vitali motu , tam exigua & laboriosa respiratione congelata , sine pulsu , facieque , ut periti vocant , hyperatica , & cum alijs vicinæ mortis indicijs , vix non mortua videretur .

In eo statu constitutam cum ad bene moriendum iuuarent , ipsa qua poterat voce , in hæc verba prorupit : Sancte Archiepiscope Thuribi Mogroueje , si

Sanc.

Sanctus es, vt ego credo, ac Dei facie fruaris, ab illo mihi impetra, vt restituta sanitate, ipsi seruire possim; atque hæc dicens versus quosdam latinos in Thuribij laudem compositos, pectori suo apposuit. Nec citius fecit quam asthma resolutum, dilatata pectoris angustia, & libera respiratione restituta, in se repente reuersa est, cibum petijt & sumpsit, ac post mediam horam suis viribus & pedibus in alium lectum transiuit; in quo à media nocte insequentem diem suauiter dormiuit, sanaque & incolumis mane surrexit, ac si nihil passa fuisset: cum per tres antè dies, cum ægritudine & morte colluctando, nihil prorsus, vel comederit, vel dormierit.

Hieronimus Ordoñez de Piñeda, B Thuribio addictissimus, quem antè dixi proprium eius Chirographum, vt sacram reliquiam circumferre solitum, iter agebat ad Prouinciam Chilaoam per montem Charasmal, vbi in quodam cliuo saxa sic per naturam composita sunt, vt scalarum formam, etsi rudem referant. Cliuum hunc mula vectus scandebat Ordoñez; cum in angusta crepidine, reperit, per transuersam viam in terra prostratam vnam ex onerarijs mulis, quas præmiserat, vt nullam transeundi semitam illi reliquisset: nec suam, vel in assensus impetu sistere, vel ad alterutrum latius vertere, multò minus retrogrado passu dirigere, absque euidenti præcipitij discrimine potuerit.

Nullum ergo consilij locum in subitaneo casu

videns ; valida voce clamavit : Sancte Thuribi ! quibus auditis altera mula quæ iacebat , tanquam rationis compos , vel inuisibili manu Dei mota , ingenua se erigens alterum saxum sui parte conscendens , aliquantam viam posticæ reliquit , qua cum sua mula Ordoñez illæsus transiit . Eum à longè sequebatur Ioannes Delgadus à Victoria , qui Ordoñez casum prospiciens , & eius periculo cautus de sua mula descendit , eamque post se repentem traxit , donec mulionis industria prostrata mula erecta fuit . Sed ambo exrrâ periculum positi saluum Ordoñez transitum cum casus discrimine , & singularibus circumstantijs conferentes , euident miraculum iudicarunt , & gratias egerunt B. Thuribio , qui hominem sibi deuotum , ad solam nominis inuocationem sic liberare voluit .

Id ipsum iter prosecuti sub noctem venerunt ad locum desertum in Prouincia Chilaoa , ante ascensum cliuorum , quos , vt vulgo costas , sic tres sorores vocant , vbi nulla domus , nullum umbraculum , vel refugium tempestatis , quæ ibi vehemens esse consuevit , depositis tamèn sarcinis pernoctandum fuit : quùm hora septima pomeridiana , seu prima circiter noctis , densatæ nubes magnam emontibus pluuiam portendebant . Tùm Hieronymus consueta fiducia : Ergone , inquit , Sancte Thuribi , nos hic , & corporum & sarcinarum damno madere patieris ? Delgadus verò deciduiam pluuiam humescens , socium irridendo , intulit :

vt

utcumque tu Ordoñi sanctum inuocas ; at ego rem irremediabilem sentio : at Hieronymus in sua fide persistens : sed ego , inquit , serui Deimiracula sæpius expertus , pluuiam hanc , eius meritis nobis minimè nocituram non dubito .

Vix dixit , cùm pluuià statim cessaret , ac dissipatis illicò nubibus , serenissimam noctem , clara luna , sat commodè pro loci conditione transegerunt . Quod & ipse irrisor Delgadus , miraculum falsus est , ac tanti æstimarunt omnes , vt Barbarus è comitatu Indus inuocati serui Dei nomen discere studuerit ; id in omni sua necessitate deinceps inuocaturus , & impositurus fætui ex vxore tùm grauida nascituro : Quod & Hieronymus etiam se facturum promisit , qui vxorem suam tunc domi grauidam reliquit , si solito B. Thuribij patrocinio , Limam incolumis rediret , & fecit .

Guarochirianos in Diœcesi Limana regebat Alfonsus Pita , Tribunus militum , vbi vxorem habuit Gertrudem Claueram à Castilla , propè partum grauidam : sed quoniam aura loci nimis frigida , & partui importuna videbatur , eam parturam duxit ad portum Limanum Chalao , vbi domicilium , & Parentes habuit . Inter eundem , Garziæ Nuñezij Velæ iuxtà æquitantis mulus Gertrudem ictu capitis in ventre percussit , quo illa se læsam sensit ; & Chaloam appulsa , in matris suæ , & Patruì Doctoris Nicolai Martinez Claueri , loci Curionis , & Episcopalis vicarij domo , crescente dolo-

dolore decubuit; Dùm tertia die parturiens, sed foetum emittere non valens, cum mortalibus delirijs, in præfenti mortis periculo, sine spe vitæ constituta fuit.

In eadem domo, vt Parochi habitatione, tunc hospes fuit, D. Petrus à villa Gomezia Archiepiscopus Limensis, qui fœminæ periculum inaudiens, misit ei crucem pectoralem B. Thuribij, qua parturientis ventri applicata, cum inuocatione eiusdem B. Antistitis illicò parere cœpit; sed tam anxie, vt viso extra ventrem vno pede paruuli, Archiepiscopus eum statim in ea parte, sub conditione baptizari fecit: quo factò, integrum infantem, sed mortuum, & ictu muli in facie signatum, cum horrendo fœtore corruptum, nigrescentem, & putridum, cum secundinis æque male affectis enixa est; & ipsa in se statim reuerfa conualuit.

Duos illos fontes alterum cliui Charafmalensis, & alterum oppidi Macatensis S. Ludouici, quos per B. Thuribium miraculosè eductos diximus, multorum varijs morbis, ab ipsius benedictione, bibendo, lauandoque diuinitus medicinales esse, communis Hispanorum Indorumque Peruuie æstimatio, publicata vox, & fama est, iurata multorum testificatione in tabulis comprobata. Quapropter ab omnibus vulgò, fontes S. Archiepiscopi, & aqua sancta vocantur.

In specie verò Hieronymus Ordoñez de Piñeda, computista, vt vocant, seu calculator, quem sæpe
no-

nominauimus , aliquando febris , catarrho , & frequenti vomitu vexatus , vt nihil omnino cibi vel potus in stomacho retinere posset ; cum Limam curandus proficisceretur , & fontem Charasmalensem præteriret , ea fide sanctitatis Thuribij , quam constante pectore conseruabat , è mula descendens , flexis ad fontem genibus , firma spe recuperandæ sanitatis , Thuribij opem implorando , hausit aquam , & statim cessante vomitu , omni morbo , & indispositione , repente liberatus est , & gratias suo post Deum Seruatori coram omnibus egit , qui toties ipsum , & alios morbis , & periculis abripere consueuerit . Idipsum euenit Primario Indo seu Caciquio , dicto Didaco à cruce , qui frigida calidaque febris afflictus , per eandem viam transiens , & concepta spe valetudinis per Beati Thuribij merita sibi restituendæ , ex fontis aqua bibit ; & vultum , caput , & manus lauit : ac statim absque alio remedio integrè conualuit : nec multo post tempore ullam corporis indispositionem passus est .

Alfonsus de Castro , Ordinis Prædicatorum ; Parochus S. Annæ Prouinciæ Guaylanæ , cuius seruum Indum per B. Thuribij nomen aliena manu in charta scriptum , in eodem loco sanatum diximus ; vehementi laterum dolore , seu punctura pressus , nec medicis remedijs , quanquam varijs adhibitis , quidquam adiutus , frigido sudore madens , moribundus credebatur ; quando prioris miraculi B. Thuribij recordatus , eandem chartam

eius nomine inscriptam à seruo repetens, in affecta parte, inuocato serui Dei patrocínio, sibi applicuit; ac statim, non integro spacio recitandi symbolum Apostolorum, cessante dolore, postea per noctem quietè dormiens, sanus & sospes manè surrexit.

CAPVT LIV.

*Viuentis, & mortui B. Thuribij publica
Sanctitatis fama.*

HVnc locum non tracto, quasi Beati Præfulis vitæ sanctimoniam, vel etiam defuncti in Cælis miraculorum operatricem potentiam, ex multitudinis opinione, & publica voce comprobare volens. Ista etiam certò cognita supponit solemnis ipsius apotheosis, & suprema in terris sententia, quæ è iuris districtione, pro eius heroicis virtutibus, stupendis miraculis, & cælesti beatitudine iam lata est, & solemni Ecclesiæ catholicæ ritu promulgata, indicto ipsius canonico cultu, & publica inuocatione patrociniij. Sed quemadmodum in historiæ limine, Sancti huius Archiepiscopi virtutes ad exemplum imitationis alijs exponere professus sum, ita nunc celeberrimam eius apud homines famam, & magnam in cælis gloriam, ad eiusdem imitationis incitamentum sequentibus explicare conabor; vt illi non detrectent labores & pericula ab ipso sanctè,
for-

fortitèrque tolerata, quos delectat adepta fama,
gloriæque corona.

Tanta enim est bonæ famæ dignitas, ut eam nemo non appetat, etiam eorum qui vanè appetendam dissuadent; atque ipsa Gentilitas solo rationis lumine docta, præclare cum ijs actum censuit, quorum virtus, nec obliuione eorum qui sunt, nec reticentia posterorum sepulta esse poterit. Et sacra doctrina, diuinæ veritati innixa, omnique ratiocinatione certior, boni nominis curam sollicitè inculcat, ipsumque argento & auro, diuitijs multis, vnguentis pretiosis; ut quod impinguat ossa, anteposit: quod ista temporaria & euanida, illud verò permanens, æternumque sit: quo etiam post mortem gloriosius viuatur. Multum enim interest, uiuentem in terris benè audire, vbi honoris aut lucrispes, & adulatio locum habere possunt; & è viuis abeuntem, per omnium bonorum ora cum laude versari, quando sola defuncti virtus laudem prouocat, quæ vera solidaque laus est, & veræ virtutis indiuidua comes.

Quis ergo Deo teste certus: quia in memoria æterna erit iustus, ab auditione mala non timebit, non segetur iustitiam? quis æquè sibi persuasus: quia non coronabitur nisi qui legitimè certauerit, ardua quæque non adoriatur, & subeat? ut in cælo sempiternæ gloriæ coronam consequatur. Cum Iudamachabæo mori in virtute, ne inferat crimen gloriæ suæ, eaq; morte, quam S. Ambrosius gloriosorem

Cic. phil. 14.

Psal. 111.

2. Tim. 2.

Mac. 9.

Lib. 1. Offic.
cap. 14.

triumphis vocat : si enim vita ipsa ad virtutem , & gloriam hominibus data est , verè ipsa rectè contemnitur , vbi ista periclitantur . Id solum cauendum est , vt dùm gloriam inter homines appetas , iustitiam , charitatemque nè lædas , per quæ seruata , gloria Dei æterna comparatur , per quæ præuaticata deperditur .

Huius verò rei norma , cùm in omnium Sanctorum Præfulum vitis , plus minusuè reperiatur : sed in B. Thuribij Alfonsi Mogroueji Archiepiscopi Limensis totius vitæ decursu , & post mortem , vtriusque , tam virtutis , quam famæ exemplum præcellens fuit : Ab infantia enim exorsus , inter patriæ pueros egregiarum virtutum princeps erat , & à Ciuibus passim habebatur . In Academia Valisoletana adolescens , eam virtutis , & honestatis opinionem adeptus est , vt sodalium nemo turpe quidquam vel indecens , quod Deum vel hominem offendat , coràm ipso loqui , vel agere præsumeret ; vt fulgore virtutis , & nominis Mogroueji , iam palàm noti serui Dei , principis tenebrarum opera , sola ipsius venerabili præsentia dissipari cæpissent , eosque morum illaudabilium pudere ad honestatem frugemque reduci , qui priùs illis imbuti erant . In Salmanticensi Castellæ , & Conymbriensi Lusitanæ vniuersitatibus , non sibi soli virtutis laudem , sed patruo quoque Ioanni Mogrouejo , publico legum Professore , & vniuersæ Mogroue-jorum familiæ æstimationis accrementum obtinuit .

In

In Collegio Ouetano S. Saluatoris eiusdem Sal-
manticensis Academix , vbi nobiles viri , doctrina
& moribus maturi societatem habent , quanto sui
nominis splendore : quanto ampliùs in officio In-
quisitoris Granatæ , per omnem Hispaniam emi-
cuerit : quam communis & constans virtutis eius ,
& sanctimonix fama in omnium animis hæserit ;
quæ quoniã priùs copiosius explicuimus, hìc raptim
reminisci satis erit : vt quam magna fuerit ipsius
æstimatio apud Rom. Pontifices , & purpuratos
Ecclesiæ Patres: apud Philippum secundum Catho-
licum Regem , ipsiusque varios concessus magna-
tum , præsertim supremum S. Inquisitionis Hispa-
niarum , & rerum Indicarum Senatus, honores
à nobis antè explicati, quibus eum fugientem , &
reluctantem exornarunt, satis manifestant . Factus
autem Archiepiscopus Limanus , non potuit Ciui-
tas abscondi supra montem posita . Neque noui
mundi lux in candelabro collocata, quantumuis
magna infernalium spirituum inuidia , obtenebra-
ri valuit . quin imprimis Thuribij Mogroueij, fæ-
ma , quæ Hispaniam repleuerat , in Indias ante
ipsum præuolaret .

Inde tam vehemens orbis Peruuiani desiderium
videndi faciem Pastoris , quem à nominis celebri-
tate optimum sibi datum nouerunt ; tanta cum
fuscipientium lætitia , tantum gaudium possiden-
tium , quantum opera experti , frequenti fermoci-
natione, publicaue voce & fama demonstrarunt ,

& in

& in hodiernum diem profiteri non cessant. In actis Canonizationis Beati huius Antistitis, præterquam, quod centum quadraginta sex Testes processus, authoritate Apostolica examinati, & iurati, omnes passim affirmant, ea quæ ipsi testantur, notoria, & publicæ voci, ac famæ consentanea esse: peculiaris etiam inquisitio de fama ipsa instituta fuit. At cum singulorum encomia sigillatim describere, nostri instituti non sit, iisdem fermè verborum terminis, quibus vtuntur, ea hac ratione contraximus.

Testantur itaque, Thuribium Alfonsum Mogrouejum Archiepiscopum Limensem, ab omni vniuersim genere personarum habitum fuisse, & haberi in vita, in morte, & post mortem; Virum Apostolicum, & in omni genere virtutum illustrem: Prælatum immaculatæ vitæ integritate insignem, & perfectæ prælaturæ speculum, sanctum, & amicum Dei, & communi omnium opinione cum illo in Cœlis Beatum; non solum in Regnis Peruiæ, sed etiam nouæ veterisque Hispaniæ, & Romæ. Nèc tantum vulgi voce, sed magnorum quoque Principum, atque adeò Romanorum Pontificum, Catholicorumque Regum, S. R. E. Cardinalium, & Hispaniæ aulæ Magnatum opinione, & præconio: Quæ opinio & fama magnū incrementum, & firmitatem accepit ex visitatione tribunalis Granatensis, & controuersijs per nos antè relatis, quæ Thuribium inter, & quosdam Antistites, Pe-

ruuixque Proregem intercesserant : in quibus purus eius zelus pro Dei causa, absque omni suspitione mali magnoperè manifestatus est.

Propter hæc & reliquam eius vitæ sanctimoniam, & Ecclesiastici regiminis Apostolicam normam, ab omnibus communiter veneratum, vt sanctum, dignumque reputatum esse, qui Sanctis Præsulibus Ecclesiæ primitiæ æquiparandus, eorum numero adscriberetur. Tantumque apud Barbaros, & infideles Indos, ipsius charitatis, & sanctimonix fama præualuit, vt cum ipforum regiones non aliàs penetratas intraret, ipsi turmatim obuij, cum humaniter, & benignè suscipere consueuerint, ipsiusque salutarem doctrinam, & monita cum attentione, & affectu audire, & amplecti.

Atque hæc equidem deponunt testes de Thuribij fama iurati, affirmata communi opinione virorum, feminarumque cuiusvis status, gradus, conditionis, & ordinis, nobilium, plebeiorum, secularium, & Religiosorum; Qui omnes ipsum, antonomasticè, Sanctum Archiepiscopum vocant; & eo nomine absolute prolato, non alium animo concipiunt, quàm Thuribium Mogrouejum. Nec esse, qui mentionem ipsius faciat, vel audiat, qui eum vt sanctum virum non extollat, absque vlla contradictione vel dubio.

Illam verò famam ipsius ad Barbaros Infideles, non Hispani tantum, vel Indi Christiani detulerunt,

runt, cum quibus rarò, & plerùmque hostiliter conuersabantur, sed subinde etiam Angeli Dei, quod antè notauimus: vt quod in alijs hieroglyphicum, id in Thuribio veritas nuda sit; vt eius fama volantis, ac tubam instantis Angeli forma representetur. In morte verò, præter antè narrata prodigia, per quæ cælum ipsum nominis ipsius celebritatem propagauit, communis populorum, tam è sæculo, quàm utroque Clero hominum planctus, quod amantissimum Patrem, vigilantissimum Pastorem, & omnium amplissimum benefactorem amiserint, quanta ipsius estimatio fuerit manifestè declarauit; vt & illa firma spes ipsius in cœlis patrocinijs, qua eius opem in omni sua calamitate inuocant, et reliquias certatim habere student; et per patentia miracula referunt quæcumque cupiunt, vel per ipsius merita a Deo petunt.

Tanta verò fama et celebritas nominis B. Thuribij, non viua tantummodo voce, et perpetua, frequentissimaque sermocinatione sparsa, absque intermissione, vel contradictione continuata, et constanti traditione conseruata fuit; sed grauium etiam Authorum in America, et Europa, litteris, et libris arte typographica, cum doctorum hominum, et superiorum approbatione et consensu diuulgatis, in quibus ipsius totius vitæ sanctimoniæ, virtutum, et miraculorum illustria testimonia reperiuntur: sed ne Authorum nomina et qualitates minutim exprimendo longum faciam, quod id alijs

alijs propositum studiumque esse intelligam: id solum obseruo, multarum Europæ & Americæ Nationum, diuersorumque tam laici, quàm Ecclesiastici, Clericalis, regularisque status, & ordinum, qualitatuniquè esse, eminentibus titulis ac dignitatibus claros. Nec singulorum verba describere, apud plures frequenter eadem; sed eorum sensum, sine verborum repetitione, collectim exhibere constitui. Qui omnes plerique passim, non data opera, vt qui integram vitam, & acta scripserunt, sed aliud agentes, exigentibus eximij viri meritis communique æstimatione, & oblatis oçcasionibus honorificam eius mentionem fecere.

CAPVT LV.

*B. Thuribij fama doctorem virorum
calamo celebris.*

Qui ipsum absolutè Sanctum, vel cum additamento, Sanctum Archiepiscopum, & Præfulem omnibus numeris absolutum, perfectumque, sanctæ & gloriøsæ memoriæ nuncupant. Qui purissimum Virginem: qui æmulandæ sanctitatis Antistitem: qui insignem illum, & non minùs, ob vitæ sanctimoniam, quam ob dignitatem reuerendissimum: qui æque magna sanctitatis opinione defunctum, quàm qua vixerit, largum Elec-

mosynarium, ouiumque suarum, præsertim Indorum spiritualis boni Zelantissimum; quibus per singulos Dominicos dies, vernacula ipsorum lingua prædicabat: exemplarem, & magnum sanctumque Prælatum, omnibus notum, sanctæque vitæ; quam si quis conscribere vellet, amplissimum haberet exercendi calami campum, propter copiam eorum, quæ de excellentissimis eius virtutibus dicenda extant; maximè verò de ardenti zelo, & charitate, quibus prouidendo spiritualibus, ac temporalibus suarum Ouium necessitatibus incumbabat. Qui virum sanctum, & Ecclesiæ primitiua Præfulibus parem; cuius sanctitatem, & Apostolicam vitam laudabit Peruuia, ipsius memoriam deplorando, & decantando virtutes; in quo vt in proprio centro requieuerunt gratiarum dona, & partes, quas Paulus Apostolus in Episcopis, Ecclesiæque Principibus requisit.

Alij tractando de confirmandis Chrismate, in ætate minori infantibus, aiunt: sic exercebat Illustris. D. *Thuribius Aalfonsus Moguejus* b. mem. qui, vt sanctus Prælatus, sui que ministerij tantoperè zelosus, securiorem executionem, diuini obsequij splendorem sectabatur: in quo hodiernum defectum, vt tunc aduerteat, prophetasse visus est in parochiæ suæ partibus maximè remotis, Iaën, & Moyabamba; siquidem post ultimam ipsius visitationem, & erectionem Episcopatus Truxilli, per tot annos, nullus Episcopus ad
hoc

hoc sacramentum administrandum eas Regiones penetrauit. Alij de Episcoporum muneribus scribentes: In quo (predicandi munere) sancto zelo exactus fuit D. Thuribius, qui, vt sciebat officium predicationis ad Episcopos precipue pertinere, ipsum non solum visitando inter miserabiles Indos; sed etiam in vrbe Metropolitana residendo, singulis Dominicis diebus, aliisque multis exercebat. Alij alterum Eleazarem, sacerdotem magnum, in demetiendo vniuersam terram Peruuie, sicut prior dimensus est terram promissionis. Alij alterum Paulum, in predicando Euangelium illius Imperij cunctis gentibus; appellabant: erga Pauperes pium, erga diuites pacificum, erga potentes fortem, in templo deuotissimum, in morum reformatione vigilantem, in Ecclesiastica disciplina constantem, in reliquos omnes suauissimum, in seipsum maxime seuerum.

Alij, diuini obsequij, salutis animarum, & propter hec proprię mortis & martyrij sitientissimū; cor candidum, animum prudenter simplicem, idolatrię fulmen, Christiano nomine letum, summorum Pontificem, Catholicorumque Regnum delictum; cuius sanctitatis opinionem placuit Deo, multis miraculis comprobare. Alij eius vitam, & miracula, tam celebrem cum mundo fecisse scribunt, vt si maior à Peruuianis adhibita cura fuisset, ipse iam dudum coelitem catalogum, inscripto suo nomine, auxisset. Alij nouum Chrysostomum, &

Hispaniarum Ambrosium ; Quo , concedente Apostolica sede , non minùs aliquando gloriabitur , Lima , quam Eugenio , & Ildefonso Toletum , Isidoro & Leandro Hispalis , Cæsaraugusta Brailio , Mediolanum Ambrosio , & Borromeo : Valentia Villanouano ; Constantinopolis Chrisostomo . Alij nouum Moysen , qui vt amicus ad amicum cum Deo loquebatur , & cuius vultus resplendebat à consortio sermonis Domini , cùm ab oratione rediret ; cuius gloriam celebrabit Ecclesia Limentis , cū eius ossa collocabit non in obeliscis , & mausoleis , sed in tabernaculis & aris . Qui tam largus Eleemosynarum erogator fuit , vt nemo magis , etiamsi Borromæos , Villanouanos , aut Ioannes Eleemosynarios producas , & quotquot in Sacris Annalibus celebrantur . Alij Ecclesiastici status immortalè decus , virum vitæ Sanctimonia insignem : indequē apud Sedem Apostolicam iustè , sollicitè , & piè peragi , vt sanctorum fastis ad scribatur .

Alij , veteris Ecclesiæ Patrum Ectypon , acerrimum fidei defensorem , præconemque Sancti Euangelij , qui plus exemplo , quam verbo prædicabat , mansuetus , humilis , castus , affabilis ; pius poenitens , Pater Pauperum , cuius virtutes innumeris miraculis in vita , & à morte patratiss , Deus illustrare voluit : quem omnes auidè expectant , vt sanctorum numero in terris ad scribatur . Alij iustitiæ formam , sanctitatis speculum , pietatis exemplum , veritatis assertorem , fidei defensorem , Cle-

ri coordinatorem, insipientium magistrum, oppressorum refugium, Pauperum Patrem, miserorum spem, Pupillorum tutorem, viduarum aduocatum cæcorum oculum, mutorum linguam, senum baculum, scelerum ultorem, malorum inctum bonorum gloriam, terræ & orbis lumen deprædicant; Alibi laudatissimum Antistitem, hominemque Angelicarum virtutum æmulum, & Apostolicorum Charismatum copiosum hæredem; qui creditam sibi Ecclesiam, omni cum Pontificiæ virtutis laude administravit, & in Episcopali solio manifestæ, æternæque inculpatæ vitæ, & exploratæ sanctitatis, velligia impressa reliquit. Sanctus ille Archiepiscopus, vir totus ex pietate & charitate factus, signis, & virtutibus admirandus, qui à diuina providentia hoc nostro sæculo datus videtur, ut antiquorum Præfulum, quorum memoria est omni laude maior, Imaginem moribus, & vitæ ratione delinearet.

Alij, maximum virum, maximèque venerabilem Prælatum, quem viderant vel nouerant Indipost prædicatum in immensis noui orbis prouincijs Sacrum Euangelium. Alij, humilitatem Christi, deuotionem Petri, charitatem Ioannis, obedientiam Abrahæ, patientiam Isaaci, tolerantiam Iobi, castimoniam Iosephi, virtutes heroë dignas altissimo gradu in Mogrouejo emicuisse: in quem virum, inquit, elogia diuini spiritus, diuo Simeoni attributa deflectas: Sacerdos magnus, qui in vita sua
suf-

refulfit domum , & in diebus suis corroborauit templum ; qui curauit gentem suam ; & liberauit eam à perditione ; quasi stella matutina in medio nebulae , & quasi luna perfecta in diebus suis lucet , & quasi sol refulget , sic ille refulsit in templo Dei . Alij Virum præclarissimum , & singularem ; Præfulemque maximè venerandum , & Apostolicum ; cuius opera egregia , non minimum lucis , atque exempli Ecclesiæ Dei possunt afferre . Cuius in animarum curanda salute studium admirabile fuit , & alacritas in ijsdem prosequendis , quærendis , ac Deo lucrandis egregia : vitæ & morum candor incredibilis , magnanimitas ac tolerantia in aduersis , & infectationibus perrara . Tenor constantis virtutis atque exempli , ab ingressu ad exitum vsque vitæ semper sui similis .

Alij , magnum Ecclesiæ Principem , & singularem Heroem , cuius infantiam totam viriles curæ occupatam semper habuerunt . Qui in studijs Tyro successum veteranorum obseruauit , qui adhuc contubernalis , moderatoris prudentiam prætulit , moderator religiosi viri attentionem . Cum verò in Ecclesiæ hierarchicum ordinem allectus est , fuit in omnium oculis flos sacerdotum , gemma Pontificum . Alij Prælatum maximè insignem , quem nostra tempora cognouerunt ; qui & substantiam totam , & animam suam pro suis ouibus detrimentum faciebat . Alij Pastoralis officij regulam , sanctum antonomastice nominatum , qui sanctorum
Eccle-

Ecclesię Patrum virtutes heroico zelo imitatus est; cum in illa Indię Gentilitate fidem tam robustis radicibus plantauit, vt non noua, sed multorum seculorum vetus Ecclesia esse videatur.

Alij Sanctissimum Limensium Archipresulem, famigeratissimum seruum Dei, Virum incomparabilem, admirandę sanctitatis, & Pastoralis zeli, quem vnctio de omnibus docere videbatur, sic in S. Rosę Limensis nomine errare non potuit, vt relicta Elisabetha baptismali appellatione, in conferendo Sacro Chrismate Rosam appellare maluerit, purę animę fragrantiam tunc sentiens in spiritu, quo plenus erat: seu vt alius loquitur: non opera humana, sed speciali impulsu diuino Rosam vocauit. Quod & Clemens IX. S. M. Pontifex in Rosę canonizationis diplomate, cum Thuribij laude repetijt his verbis: sed etiam à Thuribio Archiepiscopo Limę dignissimo, non absque cęlesti, vt creditur, asilatu in sacri Chrsinatis vnctione Rosę nomen commutatum. Id quod in Thuribio alij ad spiritum prophetię presagientem Rosę futuram sanctitatem; alij ad discretionem spirituum cognoscentis, tunc presentem animę ipsius puritatem referunt: sed vtrumque fuisse nihil obstat: nam vtroque spiritu plenum fuisse Thuribium, iam antè ostendimus.

Alij venerabilem eximiumque Presulem, à quo late leges, decreta, ceremonię, Regulę, zelum ipsius planè Apostolicum. Et authorem omni

ten-

tempore omnibus omnia factum palam plenèque indicant. Alij in eis omnibus & singulis eundem eius zelum cum eximia sapientia, & prudentia, charitateque erga Deum, & proximum, atque iustitia, coniunctum eminere, & in omnibus eodem spiritu, zelo, & rectitudine actum fuisse. Alij, omnia in eis contenta videri iustè, piè, sanctissimèque constituta, & valdè idonea ad fidem catholicam conservandam, & propagandam, nec non ad mores laudabiliter informandos, iuxta normam sanctæ matris Ecclesiæ; atque inter alia optimè inibi provideri, cum sancto zelo, immunitati Ecclesiasticæ. Alij denique ipsum servum Dei, christiani Pontificis Ideam, mirandæ virtutis virum, cui paucos pares sua, & nostra tulit ætas, tum doctrina, tum sanctimonia vitæ. Atque hæc quidem illi & plura alij.

Nunc verò si omnes Maximorum Pontificum, Gregorij XIII. Sixti V. Gregorij XIV. Innocentij IX. & Clementis VIII. Si Montalti, Matthæi, & fortassis etiam aliorum Cardinalium, & illius purpurati Præfulis, quem Breuiarium, & Rosarium illi dono misisse diximus, ad Thuribium scriptæ literæ nobis suppeterent; non exiguas ipsius laudes suppeditarent. Nam cum omnes illi multis fauoribus, & gratijs eum impertijissent, id sine meritorum expressione non fecisse, ratio, & consuetudo suadent. Nihilominus tamen quanta eximij viri adhuc viventis æstimatio, & amor apud ipsos Pontifi-

tifices, & curiam Romanam fuerit, ex paucis, quæ supersunt, tanquàm ex vngue Leo facile iudicari poterit. Sed quoniam hæc ipsa integro capite satis exposuimus, vt & quanti ipsum Catholicus Rex Philippus II. Hispaniaque tota fecisset, eadem hic repetenda non sensui.

Id verò minimè ommittendum existimo, vt qui non sibi tantum, sed propinquis etiam benè velint, boni ipsi esse studeant, aduertentes, hanc Thuribij virtutem, & famam non ipsi soli, sed propinquis etiam profuisse: Nam vt non resumam, quæ priùs narraui, fauores, & indulta priuilegia, ipsius ad Indos nauigaturi familiaribus, & asseclis, solo Archiepiscopi intuitu concessa; & vel mancipijs ad gratiam satis fuisse, quòd Sancto Archiepiscopo Mógrouejo aliquandiù seruijsent: præterea ipsius sororis coniux Franciscus Quisñionius, per se alioquin dignissimus, Thuribij affinis contemplatione, Limanæ vrbs Prætor, ac deinde Chilenfis Regni Gubernator, & supremus militiæ Dux, creatus est. Ipsius quoque filius doctòr Ludouicus Quisñiones Lima Madritum appulsus, Thuribij Nepotis præcipuo nomine, nobilis equestris Ordinis Calatrauæ insigne, & Quitensis Præfecturæ Auditoris Regij honorificum, & vtile munus, à Philippo III. Rege lubente, & aduentui eius aggratulante, accepit. Atque in primo eius in Regiam ingressu, cum Duci Lermenfi se sisteret, per cuius manus omnes Regij fauores tunc dispensabantur:

ac Dux intellexisset eum Thuribij sororis filium fuisse, sic eum affatus est; si personæ tuæ & optimorum Parentum merita defuissent, solo Auunculi nomine mihi gratissimus es, cuius Sanctimonix famam satis perspectam habeo; adeoque certò tibi persuadeas velim, nihil in me esse, quod eo nomine tibi præstò futurum non sit, accepitque Ludouicus quod voluit.

Grimanefa quoque B. Archiepiscopi sorore, et Ludouici matre anno 1635. defuncta, in solemnibus eius exequijs, in Ecclesia Metropolitana Limensi, funebrem sermonem habuit Bartholomæus de Benauides, eiusdem Ecclesiæ Archidiaconus, Episcopus Guaxacanus; in quo non parvam partem laudum matronæ cæteroqui laudatissimæ, à Thuribij fratris contubernio, et fidei domus administratione, ac tot tantorumque ipsius operum cooperatione defumpfit, vbi inter cætera: Quòd si quisquam me reprehendat, quòd in Sancti Archiepiscopi laudes me diffundam: certè non dixerit materiam à proposito alienam esse: quoniam quantumlibet de Apostolico hoc viro dicam, totum in germanæ sororis eius gloriam redundat, cuius nunc funus prosequimur: Et eam vocat nouam Mariam sororem illius diuini Moyfis Thuribij Mogroueji, à Deo & hominibus dilecti: ipsiusque sanctam cum Thuribio Fratre de Eleemosynis concertationem, cum simili S. Hieronymi & Paulæ Romanæ, comparat; & subinfert: quàm sanc-

tam

tam Dominam oportuit esse illam sororem, quæ talem Fratrem admonebat? quàm talem Fratrem, qui sororis monita humiliter, & reuerenter audiebat. Tùm vnum aliquem Thuribij pronepotem alloquens, qui tunc Limæ præfens, & postea ibidem Archiepiscopus fuit, (forte Villagomesium): sufficiebat te nepotem esse illius Sancti Præfulis nostri, vt te talem exciperemus. Perge igitur Illustrissime D. & ingredi in selecta illa sepulchra Præfulum, & Præbendariorum huius Sanctæ Ecclesiæ, atque in eis colloca mortales exuias sanctæ Materteræ tuæ, vt simul cum reliquijs sancti fratris sui, tuique magni Auunculi gloriose reuiuifcant.

In his verò Thuribij virtutem extollit, quod in tabulis Romæ impressis, & autoritate sacræ Congregationis Rituum Ecclesiasticorum diuulgatis reperio. Vbi multi iurati testes in eundem sensum loquuntur; sed vnus tantum propria verba huc transferre sufficiat, sunt autem ista: Quod sciat ex eo quod viderit, & generaliter dici audierit, dictum seruum Dei amasse maximoperè paupertatem euangelicam, contemnendo omnes res temporales: quapropter nec suis, neque propinquorum commodis diuitias vel honores vnquàm applicuit: immo nunquàm voluit, quamuis meritorum titulo posset, officia vel prouentus pro ipsis petere: Et quòd ipsius propinqui hoc eius propositum, determinatamque voluntatem scientes,

Num. 68.

nunquam illi de rebus eiusmodi loqui ausi sunt: ut iam clarius constet honores, & emolumenta quæ adepti sunt, non ipsius interposito studio, vel rogatu: sed sola virtutum, & sanctitatis eius æstimatione, & fama concessa ipsis fuisse. Beatus Vir, beatior vita, beatissima virtus, quæ tantam etiam ab hominibus in terris æstimationem, benedictionem, & gloriam commeruerunt: sed nunc ad ipsius in Cœlis Angelorum consortium, & æternæ felicitatis gloriam explicandam transceamus.

C A P U T LVI.

Circa Thuribij apotheosin, quid Lima, quid Romæ actum usque ab orientis Apostolicas remissorias.

ARchiepiscopi Mogroueji vita immaculata, multiplex, & heroica virtus, Apostolici labores, ac viuentis mortuique continuata miracula, aliaque ipsius beneficia omnibus æquè proficua, & manifesta, non poterant non ciere cunctorum animos; quo vehementer cuperent, ut, quem sanctis veteris Ecclesiæ Præsulibus parem ipsi piè credebant, is per sedis Apostolicæ solemnem sententiam in eorundem consortium ad Cœlos assumptus pronunciaretur: ut quem priuata pietate tanquam amicum Dei, æterna felicitate donatum venera-

nerabantur, & cuius palmaris patrociniij influxum sentiebant: id publico cultu ex Ecclesiæ ritibus testari possent: & acceptę beneficentię vices ita rependere, vt speratam deinceps fidentius implorarent. Ad gloriam omnipotentis Dei, qui tales seruos in singula secula sibi referuat, & oportunę producit. Ad Catholicę fidei propagationem, quę tales habere solet Doctores & professores. Ad exaltationem Sanctę Matris Ecclesię, cui nunquã defunt tam sancti filij, & fideles ministri. Ad solatium Regnorum Hispanię, quę tales gignit, & nutrit foetus; & Peruię quibus in fine seculorum contingit felicitas tanti pastoris.

Ad honorem trium religiosorum Ordinum, quorum vnusquisque Thuribium fratrem suum nuncupare potest: In vita enim Dominicanus fuit verbi Dei perpetuo predicandi studio: Franciscanus arctissimo rerum inter opes vsu; pœnitentis vitę rigore; vt aliquando sanctę gloriaretur, se Franciscanę professioni idoneum fore; vt qui pecubias nunquã gestaret, nẽ quidem ex imagine vel notis dignosceret. Augustinianus demũ, quantum status dignitasque permittebant, eremitico recessu, & perpetuo exercitio contemplationis; tanto in omnes tres affectu, et pietate, vt qui ipsius itineribus glaciem frigerunt, ipsius laboribus materiam disposuerunt, ipsiusque triumphis trophęa præparauerant; sic eorum opera, dũ vixit frequenter vsus est, et moriens tandem per testamenti tabulas

con-

constituit ; vt corpus suum omnium trium simul
religiosis vestibus indutum , (vt factum est) sepul-
turę traderetur . Ad exemplum Ecclesiasticorum
Presulum , qui cunctas perfecti Antistitis virtutes
in Beato Thuribio , tanquã in speculo contem-
plari possunt . Ac demũ ad Christiani populi to-
tius edificationem ; qui in eius vita , et actis clarę
conspicit , Iugum Christi suauę esse , nec vllam
Christianę perfectionis exercitationem in vllõ sta-
tu vel etate volenti , et conanti , cum Dei gratia dif-
ficilem fore .

Itaq. tam sancti et salubris negotij pondus , amo-
re sponsali , filiali reuerentia , grato affectu , et sacri
pignoris possessorio iure , in se vnam suscepit Ec-
clesia Metropolitana Limensis : Atque crescente
indies fama virtutum , et sanctitatis , atque crebre-
scentibus miraculis dilectissimi sponsi , amantissi-
mi Patris , et largissimi sui benefactoris Thuribij ,
nẽ ipsius magnalium notitia diuturnitate temporis ,
per hominum orationem euanesceret , et morientibus
illis , qui proprijs oculis res viderant , et manibus
contractarant , non extaret eorum authenticum ,
certumque documentum . Anno Christi 1631. et
à Beati viri morte 25. die 15. Maij. Decanus et
Capitulares Ecclesię eiusdem , libellum supplicem
obtulerunt Illusterrimo D. Ferdinando Arias de
vguarte , tunc Archiepiscopo Limano , porrectis
etiam nouem articulis interrogatorijs postulantes ,
vt idem Archiepiscopus testibus , qui produceren-
tur

tur, secundum articulos legitimè interrogatis & auditis, eorum testimonia, seruatis quę iura præscribunt, ordinaria autoritate sua in publicas tabulas redigeret, quę ad prosequendam in Curia Romana causam Beatificationis, & Canonizationis scrui Dei Thuribij Apostolicę Sedi, & Sacrę Congregationi Ecclesiasticorum Rituum præsentari possent.

Ferdinandus Archiepiscopus, tunc accinctus itineri diœcesanę visitationis, rem agendam Iudici à se delegato, cum facultate alios subdelegandi, commisit Doctori Ioanni de Cabrera, Ecclesię Metropolitanę Limensis Thesaurario. Cabrera igitur, designato ad eam causam Notario Licentiatto Didaco de Morales, & citato Ecclesiastici Archiepiscopalis fori fisci Præfecto, Ioanne Ximendio Dominguez Presbitero, & expeditis extra Limam commissionibus ad subdelegatos Iudices in Oppidis Saña, Lambayeque, Truxillo, Santa, Sechim, Merauia, Arnedo, alijsque locis Prouinciarum Guaylę, Conchuchi, Caxatambi, cæterisque pro Iuris dispositione seruatis, ipse in vrbe Lima examinauit Testes septuaginta tres. Alij verò Iudices Commissarij extra urbem viginti septem, omnes centum; quos Antonius de Leone Pinellus expressis nominibus, & cuiusque qualitatibus in Thuribij vita ex ipsis actis recenset.

Ex ijs autem omnibus confectus Limę integer processus Romam missus est, cum postulatorijs literis,

teris , quas instantias vocant, à Capitulo , Clero , & populo Limano ad rem necessarijs , quibus Philippus IV. Catholicus Rex suas etiam adiunxit , in supremo Madritensi Indiarum Senatu datas die 7. Octobris anno 1633. alijs tunc ab eodem Rege scriptis ad Cardinalem Borgiam , vt Regiæ Maiestatis nomine rei perficiendæ assisteret , instaretque , vt , quod in litteris petebatur, Vrb. VIII. Pontifex , visis, & ritè discussis tabulis illis Ordinarij Limensis autoritate confectis , velit expedire litteras remissoriales , & compulsoriales , quarum Apostolica autoritate , per Iudices à sua sanctitate designandos , testes tùm illi qui in priori instrumento auditi fuerunt , tùm alij , qui producerentur , denuò examinari possent , & exhiberentur scripturæ omnes , & impressa scriptorum testimonia , ad integram causæ cognitionem conducentia ;

Per hanc diligentiam, præmissis actis necessarijs , causa quidem in sacram Rituum Congregationem intruducta fuit, nominato Relatore (quem Ponentem vocant) Cardinale Sabellio , qui de Ordinarij processus validitate in Congregatione referret , & quid inde ad remissorias ab Apostolica Sede ad partes obtinendas resultaret. Tùm etiàm Alexander Massonius Urbani Pontificis Cruciger , & in Sacra Congregatione Aduocatus , acta Limana in formam informationis summarie congestit , & in typographia R. C. Apostolicæ latinè excudi pro more curauit : in qua inter alia affirmat : Ex magno

numero iuratorum testium in actis Ordinarij Limensis autoritate compilatis, plenissimè constare, non solum in genere, sed etiam in specie, quòd Archiepiscopus Thuribius Alfonso Mogroucejus erat in gradu heroico plenus omnibus virtutibus, quæ sunt necessariae ad constituendum hominem sanctum: deindè peculiare eius virtutes, caelestia dona à Spiritu Sancto illi collata, & miracula ijs testibus probata profecquitur.

Nihilominùs tamen remissorialium litterarum expeditio in longum dilata fuit, obstabant enim Sacrae Inquisitionis Romanæ decreta de Sanctorum Canonizatione anno 1625. edita, & alia per Breue Apostolicum Urbani Pontificis euulgata anno 1634. & Limæ forsitan cum acta ibidem conficerentur, incognita. In eis enim inter cætera sancitum fuit, nè ullius personæ cum sanctitatis fama defunctæ Apotheosis causa in Sacram Congregationem introduceretur, vel iam introducta continuaretur, quin processus ab ordinarijs propria ipsorum auctoritate confecti, clausi, & sigillati, ad eandem Congregationem venirent, & nisi per peculiarem processum constaret, nullum publicum cultum illi personæ exhiberi, absque licentia Sedis Apostolicæ. Quæ duo cum defuissent in primis illis tabulis Ordinarij Limensis, primum decretum Sacrae Congregationis in Thuribij causa fuit die 9, Decembris anno 1634 vt seruarentur decreta super Canonizationibus edita.

Necessarium ergo fuit vt processus iterum Limæ compilarentur, adiuncto illo de non cultu, & mitterentur in forma probante. Quod dùm fieret, multis propositis dubijs, multa alia Sacræ Congregationis interlocutoria decreta expedita fuerunt, & renouatæ ad Vrbanum Regis instantiæ secundis litteris 22. Decembris anno 1636. datis; & anno 1645. die 2. Martij, in Consistorio Pontificio, in quo Innocentius X. qui anno superiori successit Urbano, Cardinalitium galereum concessit Eminentissimis DD. Cardinalibus Cæcchino, Ludouisio, Cencio, Iustiniano, Cibo, & Odescchalco, nunc Innocentio XI. Pontifici; Iosephus Hortensius de Rubeis, Aduocatus consistorialis, latinam orationem habuit, in qua expositis Thuribij Sanctitatis argumentis, nomine Philippi IV. Catholici Regis, & Cleri populique Limensis institit, vt in causa venerab. serui Dei Thuribij Alfonsi Mogroueji Archiepiscopi Ciuitatis Regum in India, sua Santitas vltius procedi iubere dignaretur.

Sed cùm per varias dilationes nihil obtinuisset, Rex Philippus tertius suas litteras anno 1648. die 1. Februarij dedit ad Innocentium, & alias ad Comitum Oñatensem, tunc suum in vrbe Oratorem. A quo fortassis de negotij statu doctus, alias eodem anno 25. Iulij dedit ad Archiepiscopum Limanum, tunc Petrum Villagomezium, in quibus relato quid eousque Romæ in causa Thuribij actum esset, monuit etiam opus fore, vt Procurator aliquis, seu

Postu-

Postulator Beatificationis serui Dei constituatur in Curia Romana, qui causæ expeditionem sedulò præsens vrgeat.

Itaque tabulis Ordinarij Limensis, in authenticam formam denuò redactis, seruatis omnibus, quæ, iuxta Urbani VIII. decreta Sacra Congregatio seruari iussit, Ecclesiæ Metropolitanae Limensis Capitulares designarunt virum, quem tanto negotio Romæ promouendo idoneum censuerunt Ioannem Franciscum de Valladolid, ciuem Limanum, & eiusdem tunc Ecclesiæ Metropolitanae præbendarium. Eique nouos illos processus tradiderunt, cum facultate sufficienti & opportuna causam totam in Regia Madritensi, & Romana Curia prosequendi; & cum postulatorijs litteris Archiepiscopi, Capituli, & Cleri, omniumque Præfulum, Religionum, Accademiæ & Collegiorum Regni, & Ciuitatis Regum, alijsque Proregis, & secularis Magistratus.

Ioan: Franciscus cum hoc apparatu per longum integri anni, & mari terraque periculosum iter, Madritum tandem incolumis appulit die 18. Mensis Augusti anno 1652, atque imprimis B. Thurbij vitam per Antonium à Leone Pinellum, supremi Senatus Indiarum, & Regiæ Cameræ Relatorem Hispanè conscribi fecit, ac typis edi curauit: Quam deindè eiusdem Ioan: Francisci impulsu auxit, & Italico stylo Romæ edidit Michael Angelus Lapius, subpromotor fidei, & in SS. Rituum Con-

gregatione Aduocatus. Madriti verò mox idem Ioan. Franciscus postulatoriarum litterarum ingentem copiam ex Castellæ Legionis, alijsque Hispaniarum Regnis ad Innocentium X. Pontificem corrogauit: Imprimis Philippi IV. Regis, seruorum Dei deuoti in terris patroni, duas 21. Ianuarij, & duodeuigesimo Augusti datas, anno 1653. Cardinalis item Sandoualij, multorumque Archiepiscoporum, Episcoporum, Cathedralium, Capitulorum, Magistratuum, Ciuitatumque Cleri & Populi, Religiosorum Ordinum, Academiarum, peculiarium Cænobiorum, & Collegiorum. Quas aliquas Lapius in Italica Thuribij vita integras descripsit: alias autem per Authorum, annorum, ac dierum anacephaleosim recenset; Quæ sanè vel solæ ad cognoscendum Thuribij meritum & sanctitatis famam sufficerent, si iura magis legale probatorem non exegissent. Id etiam Ioanni Francisco Madriti faustum fuit, quòd cum Illustrissimo D. Iulio Rospiglioso, tunc Sedis Apostolicæ Nuntio, consuetudinem contraxerit: qui post duodecim circiter annos Pontificæ in ea Curia laudatæ legationis in urbem vocatus, ac deinde, ab Alexandro VII. Innocentij X. in Petri Cathedra proximo successore, in negotijs statuum à secretis assumptus & Cardinalis creatus, atque inter purpuratos sacrorum Rituum Iudices conscriptus, eundem Alexandrum Pontificem de Thuribij meritis, & ipsius Ioannis Francisci bonis dotibus instruxit: ac ipse post-

postmodum Alexandro in Pontificatu succedens, Thuribij causæ semper deinceps fuit.

Romam appulit Ioan. Franciscus de Valladolid 18. die Mensis Nouembris anno 1653. & legatione sua Innocentio Pontifici præsentata, ab eo imprimis obtinuit, vt Causa Thuribij in Sacra Congregatione resumeretur: à qua eodem anno, die verò sexta Decembris assequutus est, vt defuncto Cardinali Polo, ultimo tunc causæ ad Congregationem Relatore, substitutus fuerit Cardinalis Costagutus. Anno verò sequenti, die 10. Ianuarij, vt seruatis seruandis iuxta formam decretorum Urbani VIII. aperiretur processus peculiaris super cultu Thuribio non exhibito. Die quoque 28. Martij, vt aperirentur processus duo, autoritate Ordinarij Limensis de Thuribij sanctitate, virtutibus, & miraculis compilati, & Sacræ Congregationi clausi, & sigillati exhibiti fuerunt. Mox die 18. Iulij discussio processu peculiari non exhibiti cultus, & pronunciatis decretis Urbanianis, Sacra Congregatio censuit his sufficienter satisfactum fuisse; adeoque posse ad vteriora procedi; omnia proponente Cardinale Costaguto, & Pontifice singulis annuente.

Defuncto inter hæc Innocentio X. Pontifici successor in vaticanis comitijs datus est Fabius Cardinalis Chisius, dictus Alexander VII. anno 1655. die 7. id Aprilis, qui accedentis pro Thuribij re promouenda ad prima pedum oscula Io. Francisci religionem seria festiuitate laudasse per plurimum oraf-

fertur; promisso illi in id negotij omni suo iusto fauore. Sed cum tabulæ Ordinarij Limensis, quas Postulator Hispanica lingua confectas attulerat, in aliam intereā verterentur, vt ab omnibus, quorum intererat, melius intelligi possent: Franciscus Romæ oportunè repertis viris Peruanianis, quibus tum instabat in Patriam reditus; occasionem perfronem arripuit, obtinuitque Alexandri Pont. peculiari fauore, vt illorum hominum testificationes in genere, vt vocant, super fama sanctitatis serui Dei Thuribij Mogroueji, coram Eminentiss. Card. Ponente, ritè exceptæ in publicas tabulas referrentur. Quod factum causæ celerius promouendæ non parum conduxit: cum enim die 7. Septembris referente Card. Sacchetto S. Congregationis Præfecto eam gratiam concessisset Pontifex, mox die 2. Octobris S. Congregatio firmato, quod in ea causa sufficienter paritum fuisset Urbani decretis de non cultu, ideoque ad vltiora procedi posset: decreuit vt priusquam deueniatur ad inquisitionem specificam, constare debeat de fama sanctitatis, virtutum, & miraculorum in genere. Quapropter Cardinalis Costagutus Relator, in concessu proximè celebrato coram sanctissimo petijt requisitorias in genere, & Pontifex de Fratrum consilio annuit. Ac deindè die 9. eiusdem mensis depuratus est Cardinalis Genettus, Pontificius in Vrbe Vicarius, ad sumendas probationes famæ, sanctitatis, virtutum & miraculorum in genere.

Anno

Anno itaque 1656. 29. Ianuarij processus ille nuper in Curia de sanctitatis, virtutum, & miraculorum Thuribij fama compilatus, citato fidei Promotore, vt eum aperiat, commissus est, & Alexander Pontifex in congressu habito die 28. Martij de Fratrum consilio declarauit constare de eius validitate, & concludenter probari famam sanctitatis virtutum, & miraculorum Thuribij in genere: ob idque petitas remissoriales ad sumendas probationes in specie concedi mandauit. Eas vero die 8. Aprilis eiusdem anni Sacra Congregatio censuit, quoad ciuitatem, vniuersamque Prouinciam Limanam dirigendas esse Archiepiscopo Ordinario, Decano, Archidiacono, Cantori, Magistro scholæ, Thesaurario, & quatuor Canonicis senioribus eiusdem Ecclesiæ Metropolitanæ; ita videlicet, vt dictus Archiepiscopus cum duobus ad minus ex dignitarijs vel canonicis prædictis coniunctim procedat; exceptis casibus mortis, infirmitatis, vel malæ valetudinis eiusdem Archiepiscopi, quibus casibus tres ad minus ex prædictis coniunctim procedant; idque intra terminum quinquennij implcant: quo elapso, iurisdictione, & facultate huiusmodi penitus careant.

Verum cum Apostolicarum remissorialium per tot annorum laborem obtentarum executio Lentius procederet; anno tandem 1660. die 28. Februarij instante Francisco Postulatore, & proponente Relatore Costaguto, terminus temporis in
 supe-

superiori decreto restrictus, ad alterum quinquennium prorogatus est, & eodem anno die declaratum fuit remissorias in superiori decreto concessas, non ad personas particulares: sed ad illorum munia pro tempore gerentes quoscumque directas fuisse, ita vt non tantum Archiepiscopo, dignitarijs, vel Canonicijs, tùm viuentibus, sed eorum etiam in eisdem muneribus intra præscriptum, & prorogatum, vt supra, temporis terminum successoribus suffragarentur. Anno sequenti defuncto nuper Cardinali Costaguto, huius causæ Relatori substitutus est Eminentiss. Cardinalis Flavius Chisius Alexandri VII. Pont. ex Fratre Nepos, die 15. Ianuarij, qui Tharibij Apotheosim adhuc sedulo promouet, quamquam a die 8. Aprilis anni 1656 quo expedite sunt litteræ remissoriæ, vsque ad decimum Aprilis 1666 per totum decennium, nihil aliud per Sacram Congregationem decerni potuit; dum processus Limani, per eandem remissorialium Apostolicarum auctoritatem compilandi, ad Curiam mitterentur.

CAPVT LVII.

*Post obtentas remissorias, quid utrobique actum
vsque ad solemnitatem Beatificationis?*

MOdò, quid intercà Limæ actum sit, ex relatione summaria Archiepiscopi Villagomezij

zj lingua hispanica Limæ typis edita breuissimè
referte ad historiæ nostræ integritatem facit. Itaq;
remissorias illas, quas anno 1656. Romæ datas
diximus, Limam allatas, Procuratores Decani &
Capituli Metropolitani, die 3. mensis Nouembris
anno 1658. clausas & sigillatas Archiepiscopo
præsentarunt, per alium libellum postulantes; vt
conuocatis ijs, quorum intererat ad executionem
procederetur: ijsque per Archiepiscopum exteriùs
cognitis, per eius mandatum, seruatis ijs, quæ iu-
ra requirunt; certo die & loco conuenerant cum
ipso Archiepiscopo Dignitarij omnes, & Canonici
in litterarum inscriptionibus, vt supra, nominati,
& confidentes in certo loco Palatij Metropolitani,
vbi Archiepiscopus tribunal constituit, priores lit-
teræ remissoriæ ad Archiepiscopum, dignitarios,
& Canonicos directæ, seruatis seruandis apertæ
fuerunt. Per varias deinde sessiones, electi fuerunt
omnes tribunalis officiales, & Ministri, proposito
singulis iuramento fidelis exercitij sui cuiusq; mune-
ris; citatisque Fiscale Ecclesiastico Archiepiscopi,
& Subpromotore fidei, à Iudicibus iuxta remissio-
rialium tenorem nominato, aliæ litteræ ad hos seor-
sim directæ, inscriptione & sigillo prius ritè reco-
gnitis, ipsis apertæ fuerunt, ceteraque ad stabilien-
dum legitimum tribunal, & causam prosequen-
dam disposita.

Hinc die primo Februarij 1659. Procurator Ca-
pituli præsentauit libellum, in eoque productos

reſtes quosdam, citatis Fiſcali, & Subpromotore
fidei, ad propoſitum effectum ritè examinandos,
quo accepto, diſtaque die, in qua res inchoanda
foret, iam per ora paſſim volabat, Apoſtolicas lit-
teras tam diu deſideratiſſimas apparuiſſe (quas ipſi
rotulum vocant,) & paulò minori omnium lætitiæ,
& exultatione exceptæ fuerunt, quàm ſi Beatifica-
tionis ipſum diploma recepiſſent. Illuxit tandèm
dies, qua ignis priuatæ Peruvianorum erga Thuri-
bium religionis, eo uſque in ipſorum pectoribus,
tanquàm cinere ſotus, & per Apoſtolicæ ſedis ſan-
cita cohibitus, per eiufdem ſanctæ Sedis authorita-
tem in legitimæ teſtificationis flammæ erumpere
poſſet, & inchoarentur iuriſdicæ probationes purita-
tis vitæ, heroicarum virtutum, & inſignium mira-
culorum ipſius: ex quo prouenturum non dubita-
bant, vt cum quantociùs, ipſorum communis æſti-
matione, promerito ſanctitatis honore, & publico
cultu proſequi, per eiufdem Sedis Apoſtolicæ ſen-
tentiam, ipſiusque patrociniū palàm inuocare
poſſent.

Cordium iubilum in vultibus videre fuit, & cur-
rebant paſſim ex oculis teneræ pietatis lachrymæ,
ac ſerui Dei, & Sancti Archiepiſcopi Magnalium
commemorationes tota Ciuitas, Regnumque Pe-
ruuiæ perſonabant; nec frequentior vox audiebatur,
quàm encomiaſtica ſanctitatis, virtutum, & mi-
raculorum ipſius: quæ multo ampliora hac occa-
ſione in Villagomezij Archiepiſcopi edita relatione
de-

describuntur , quàm nos in morte *Thuribij* , vel corporis eius translatione notatam narrauimus . Nec defuit in eodem actu Cœlorum consonantia , per noua miracula iam à nobis ante relata , quę veterum famam vbique renouabant . Festi ignes , & luminaria per vicos & plateas omnes accensa , vt nox in diem versa videretur .

Archiepiscopus Dei negotium à diuinis in cho-
andum censens , obtulit ipse sequenti mane solem-
ne sacrificium , & grates publicæ Deo actæ fuerunt ,
ob tantum Apostolicæ benignitatis fauorem , tan-
ta populi frequentia , vt Metropolitanum templum
alioquin spatium amplum , tunc pro interuenientium
pressura nimis angustum censeretur : Multus &
grauis erat concursus , *Prorex Peruuie* cum suo
Comitatu , *Regius* , *Ciuicusque senatus* , *Ecclesię*
Metropolitanę Capitulum , *Senatus Academicus*
cum Collegijs , & Seminarijs studiorum , magna
nobilium virorum caterua , reliquique populi omnis
conditionis plurima turba ; Tum institutus solem-
nis equitatus , in quo Pontificiæ litterę deuoto
splendore per forum maximum , cui templum im-
minet , elatæ fuerunt , ac sic omnibus promul-
gatæ .

Ad Tribunal tandem , loco , & hora præsigna-
tis ventum est , in quo , vt semel dicam , is erat
perpetuus procedendi stylus vt sedentibus pro tri-
bunali Iudicibus Apostolicis , *Procurator Capituli*
Metropolitani poduceret in albo Testium exami-

nandorum nomina, adnotatis cuiusque qualitatibus & conditionibus in eisdem lege requisitis: quibus perspectis per Iudices acceptabantur, nè in actu examinis, vel deinceps exceptio aliqua causæ progressum inturbare posset. Postea citabantur Fiscalis, & Subpromotor fidei, ut si quid aduersum haberent, exponerent; ijsque nihil se opponendum habere respondentibus, testis adesse iuebatur: Mox aperiiebantur interrogatoria Subpromotoris fidei, & aliæ sacrę Rituum Congregationis, quæ ad testium examen pertinebant: quæ postquam coram teste declarata fuissent, iterum in aliam occasionem clauderantur. Iuramentum autem sic testibus præstandum dabatur, ut idem quisque testis tum initio integri examinis, tum quoties interpolatum fuisset, in eius prosecutione denuò jurare deberent. Atque hæc forma in toto cursu causæ, cum Limæ, tum foris obseruata fuit, seruatis reliquis iudicij solemnitatibus, quas leges, & Sacra Congregatio Romana seruandas præscribunt.

Hac ergo ratione, & perpetuo procedendi modo, & virtute remissorialium Apostolicarum, ac secutę prorogationis alterius quinquennij, examinati sunt Limæ, & in tota Prouincia testes numero plurimi, 281. circiter, & pro maxima parte, dignitatibus Ecclesiasticis, doctrina, & pietate rerumque experientia conspicui, & graues, eorumque multi per intimam, diuturnamque consuetudinem ipsi seruo Dei quondam familiares. Ex omnium de-

depositionibus nouem volumina chartę hispanicę in folio compacta sunt, & charta Pergamena connecta. Deinde cum debitis solemnitatibus, & requisitis actis clausa, & Iudicum sigillis munita ad Curiam Romanam missa sunt. In ijs verò continebantur integri processus vitę sanctitatis, virtutum & miraculorum Thuribij in specie, ad causam Beatificationis, & Canonizationis ipsius in Sacra Congregatione prosequendam necessarij, & opportuni.

Acceptę Romę hęc tabulę Limeses, autoritate Apostolica compilatę, anno 1666. eiusdem anni die decima Aprilis clausę, & sigillatę, vt erant, in Sac. Rituum Congregatione per eiusdem tabellionem exhibitę fuerunt, & in eodem confessu coram Eminentissimis Prępositis, assistentibus D. Ghinio Prothonotario Apostolico, & D. de Rubeis fidei Promotore, facta prius recognitione ad extra, ab eodem Tabellione apertę sunt, eidemque restitutę ad effectum procedendi ad vltiora in causa, ad formam decretorum S. M. Urbani VIII. Tũ cęteris prius ritę peractis die 26. Iunij Sacra Congregatio censuit committi posse Eminentiss. Chisio Relatori, vt videat nonnulla opera dicti serui Dei Thuribij, & in Congregatione referat, vt cognoscatur, an secundum decreta Urbani possit vltcrius in causa procedi; Et auditis Consultoribus, quorum censuras in limine Lime limatę integras dedimus, eodem anno, die 18. Septemb. Eminentiss. Cardinalis de Ilcio, loco tunc impediti Cardinalis Chi-

Chisij retulit, & S. Congregatio conformiter censuit, deducta ex scriptis à dicto seruo Dei in nouissimo processu remissoriali, & compulsoriali Limamano nihil contineri quod valeat impedire processum ad vltiora in eius causa.

Quia tamèn, vt loco iam indicato præmonui, non omnia Beati Viri scripta opera in eis processibus integre conscripta fuerant, id quoque in eodem confesso cautum est; vt reliqua, si quæ superessent, ante causæ expeditionem integra deferantur, vt omnes Synodi Limanæ, & alia Concilia Prouincialia post primum anni 1583. iam delatum, à Thuribio celebrata per Sacram Congregationem reuideantur. Quapropter die 27. Nouembris S. Congregatio censuit, per litteras missiuas ipsius Congregationis committi posse Archiepiscopo Limano; Et, ipso impedito seu absente, alteri ex antiquioribus Dignitarijs, in actu præsentationis litterarum eiusmodi in humanis existentibus, vt Archiepiscopus seu Dignitarius, vt supra, transmittat ad urbem Synodos, & Concilia, si quæ reperiuntur ad effectum illa reuidendi iuxta resolutionem S. Congregationis sub die 18. Septembris, & Sanctissimi 21. Octob. proximè præteritorum. Quatenus verò nihil inueniatur, rescribat Sacræ Congregationi, dictæque Epistolæ fides omnimoda adibeatur. Itaque Sanctiss. Domino huic resolutioni annuente. Cardinalis Ginettus, S. Congregationis Præfectus eas litteras expediuit: in quibus
re-

relato decreto diei 18. Septemb. eiusdem S. Congregationis ordinaria autoritate, annuente etiam Sanctiss. committitur Archiepiscopo, ut omnes & singulas Synodos, & Concilia prædicta clausa, & ipsius assistentiumque Iudicium sigillis munita ad ipsam Congregationem transmitti curet.

Interim verò Alexander Pontifex, quo affectu in Thuribij causæ progressum ferebatur, die prima Decembris ad relationem D. Casalij, Secretarij S. Congregationis, & enixis precibus Francisci de Valladolid Sacerdotis Limani Procuratoris specialiter constituti dicti V. S. Dei benigne inclinatus annuit, & concessit, ut pro citiori causæ diù agitatæ expeditione, in Congregationibus ordinarijs per S. Rituum Præpositos habendis, cum interuentu etiam Consultorum proponi, & disenti possint merita dictæ causæ, & contentorum in processu ultimo loco fabricato in specie, super puritate vitæ, virtutibus, & miraculis dicti serui Dei, & à moderno Archiepiscopo, alijsque Iudicibus deputatis transmissio, & in S. Congregat. exhibitio, ac seruatis seruandis aperto: utque etiam in generalibus coràm Sanctitate sua habendis ea causa præferatur omnibus vsque ad totalem illius expeditionem; derogando ad effectus prædictos, quatenus opus sit. Decretis S. M. Urbani VIII. in contrarium forsitan disponentibus. Postea virtute huius concessionis, & speciali Indulto Alexandri Pontificis, die 18. eiusdem mensis, Proponente Cardinale Azolino,
loco

loco Eminentiss, Chisij Relatoris, tunc impediti, in Congregatione extraordinaria, Eminentissimi Prappositi, auditis etiam Consultoribus, responderunt constare de validitate nouissimi processus Limani remissorialis, & compulsorialis, in nouem partes diuisi, testesque in eo ritè & rectè exanimatos, & iura in eo producta, ritè compulsata fuisse.

Inter ista anno 1667. die 22. mensis Maij diuturno morbo consumptus obiit Alexander VII. & in solitudine omnium Ecclesiarum, successit ipsi Iulius Cardinalis Rospigliosus, in Pontificatu dictus Clemens IX. Qui per diuturnam in minoribus constituti Hispanicam Apostolicæ Sedis legationem, & ea quæ deinceps factus Cardinalis in Curia Romana, & in ipsa S. Rituum Congregatione didicit, de Thuribij meritis abunde instructus, eius Apotheosi addictus fuit, binum suum peculiarem fauorem eidem accelerandæ contribuit. Alterum cum die 16. Iulij, sui Pontificatus anno primo ad relationem dicti D. Secretarij S. Congregationis, & preces Io. Francisci Valladolidij causæ Procuratoris, sæpius nominati, benignè confirmauit decretum, & gratiam in eadem causa factam, sub die prima Decemb. proximè præteriti, per S. M. Alexandrum VII. præcessorem. Et ulterius concessit, vt in Congregatione ordinaria proponantur simul & semel, ac discutiantur virtutes tam theologicæ, quam Cardinales dicti Ven. S. Dei cum interuentu
con-

consultorum: decretis S. M. Vrb. VIII. alijsque constitutionibus Apostolicis, & stylo S. Congregationis, & quibuscumque in contrarium non obstantibus.

Altera Clementis IX. specialis gratia fuit, cum anno sequenti 1668. die vero 25. Maij, pro parte Io: Francisci Postulatoris ipsi expositum fuit, aliàs peractos fuisse nonnullos processus informatorios autoritate Ordinarij Limensis, tam super asserta sanctitate viræ, & virtutum, quàm super miraculis; tum in vita, tum post obitum, intercessione prædicti serui Dei patratis: & quæ postmodum in nouissimo processu Limano constructo super inquisitione speciali, depositionibus plurium testium in eodem examinatum de auditu, & publica voce & fama adminiculatà dicuntur. Ideoque supplicauerit vt in discussione releuantie tum virtutum, tum etiam miraculorum, prædicti processus autoritate ordinarij, vt supra, confecti haberentur, ac si Apostolica autoritate peracti fuissent: cui petitioni idem Sanctissimus benignè annuit, ac ita observari mandauit, non obstantibus Vrb. VIII. cæterisque quibuscumque in contrarium facientibus. Nec aliud sub Clementis IX. Pontificatu in ea causa factum reperio. Obijt enim singularis innocentie, & Charitatis erga Pauperes nota clarus anno 1669. die 8. Decembris.

Anno vero sequenti 1670. die 29. Aprilis, Pontifex electus est Emilius Bonauentura Cardinalis

Alterius, dictus Clemens X. qui non minus quam alij Thuriij causam fovere visus est . Nam cum processus nouus, compulsorialis virtute litterarum S. Congregationis, quas anno 1666. die 27. Nouemb. decretas, ac per Cardinalem Ginettum annuente Pontifice datas diximus, Limæ confectus, sub finem anni 1670. in urbem allatus esset; Clemens X. Pontifex die 7. Ianuarij anni sequentis 1671. eum per S. Congregationis Prothonotarium absque alia recognitione sigillorum, vel alia solemnitate aperiri iussit . Dein insuper mandauit, vt Notarius ipsius Congregationis eum immediate in proprio originali, & proprio eodem idiomate, quo conscriptus reperiabatur, consignaret Promotori fidei, vt videat, & examinet, an in scripturis in eodem processu compulsatis, sit aliquid contra bonos mores, ad effectum postea de illis habendi approbationem à S. Congregatione . Tum etiam Theologi Consultores, iussu Cardinalis Chisij Relatoris, cui examen earundem scripturarum specialiter demandatum fuit, censuras suas, à nobis alibi editas addiderunt . Quæ postquam facta fuissent, Sacra Congregatio die 13. proximè sequentis Iunij, ad eiusdem Cardinalis Chisij relationem censuit ad vltiora in causa posse procedi . Et Clemens Pontifex die 20. eiusdem mensis referente Secretario S. Congregationis annuit .

Cum hæc acta fuissent, & restaret proximum dubium, an constet de virtutibus Theologicis, &

cardinalibus Thuribij, ad effectum de quo tunc agebatur? Io: Franciscus causa Procurator informationem in forma iuris, ac totius processus breuiarium, quo ad vitam, & virtutes attinebat per Claudium Bouilaud cause tunc patronum conscribi, & cum oppositionibus R. D. Rubei Promotoris fidei, & responsionibus eiusdem Bouillaudi patroni, ac D. Bottinij Aduocati consistorialis, R. C. A. typis excudi pro more curauit.

Quæ omnia cum in Congregatione generali Sacrorum Rituum coram Sanctissimo D. die 8. Martij anno 1672. proponente Cardinale Ghisio, rite discussa fuissent, Sacra Congregatio vnanimi voto declarauit constare de virtutibus Theologalibus fidei, spei, & charitatis, & Cardinalibus prudentiæ, iustitiæ, fortitudinis, ac temperantiæ serui Dei Thuribij in gradu heroico.

Re hucusque deducta, ad obtinendum vltimum decretum Beatificationis Thuribij, restabat, vt eius miracula discuterentur, & ab eadem S. Congregatione, annuente Summo Pontifice approbata forent; Quamobrem Valladolidius causa postulator, & procurator de eius terminatione sollicitus, curam commisit Frigidiano Castagnorio causa patrono, vt quemadmodum alter de virtutibus, sic iste de miraculis, ex integris processibus conficeret facti iurisque informationem super dubio, an de illis constet? Castagnorius autem ex pluribus, quæ per testium examen in tabulis deducuntur,

elegit numerum, tum Thuribij sanctitatis opinio-
 ni comprobandæ, tum Beificationi promouendæ
 sufficientem, in vita eius, & post obitum, patrato-
 rum: quorum singulis historicè primùm narratis
 subiungit iura, ac dein integras attestantium depo-
 sitiones; alijs centum ac decem miraculis per ana-
 cephaleosim in fine memoratis, & adiectis testium
 nominibus, & qualitatibus. Quæ Io. Franciscus
 typis cameralibus imprimi fecit, adiunctis; vt asse-
 let, animaduersionibus D. Bottinij Promotoris
 fidei in singula illa à Castagnorio ponderata, cum
 responsionibus Iuris, imprimis ipsius Castagnorij
 patroni, ac deinde Federici Caccie S. Consistorij
 Aduocati, & Petri Gaddi Aduocati, atque alia
 Medicophysica Pauli Manfredi Medici Collegiati
 & publ. in Rom. Sapiencia Professoris. *on in m.*
 Dum ista in Eminentiſſimorum Præpositorum,
 & Consultorum S. Congregationis manibus ver-
 ſarentur, & eorum, vt vocant, releuantia, seu vis
 in ipsa Congregatione discenteretur, Clementis X.
 Pontificis corporis infirmitas, ac deinde secuta
 mors, decreti expeditionem in longum protraxit,
 dum Congregatio generalis coram Sanctissimo
 Domino habenda interim expectaretur. Mox anno
 1676. die 21. Septemb. nouus Pontifex magno,
 vt speratur Ecclesie Dei bono electus est Benedic-
 tus Cardinalis Odescalculus, qui assumpto nomine
 Innocentio Papa XI. pro ardenti suo zelo, in hoc
 Pontificatus initio, maximarum rerum totius
 Chris-

Christianitatis curis detentus, rei nostræ tam citò
attendere non potens, in commodius tempus eam
distulit; At anno tandem 1678. Congregationem
in diem 20. mensis Decembris vocavit, in qua
eorum sanctitate sua discussis Thuribij meritis con-
cordi S. C. consulto id decretum fuit, quod Pontifex
die 18. sequentis Junij anno 1679. suo diplomate
expressit cuius pars quæ ad historiam nostræ com-
plementum pertinet hæc est.

Cum itaque confectis dudum ex huius sanctæ
Sedis Apostolicæ licentia processibus de vitæ sancti-
tate, hæroicisque virtutibus, quibus idem ferrius
Dei Thuribius multipliciter falsisse, pijsque studiis
quibus Catholicam fidem, Ecclesiasticamque disci-
plinam per sanctæ Synodi Tridentinæ decreta san-
ctam in noua illa christianitate stabilivisse, ac mi-
raculis, quæ ad manifestandam hominibus eius
sanctitatem à Deo patrata fuisse asserbantur. Con-
gregatio Venerabilium fratrum nostrorum S. R. E.
Cardinalium sacris ritibus præpositorum, post ma-
turam, diligentemque illorum discussionem co-
ram nobis constituta, auditis etiam Consultorum
suffragiis, vno spiritu, vnaque voce censuerit, pos-
se, quandocumque nobis placeret, ad solemnem
ipsius ferui Dei Thuribij canonizationem, iuxta
eiusdem S. R. E. ritum tutò deueniri, ac interim
indulgeri, vt nuncupetur Beatus, & de eo tanquam
Confessore Pontifice officium recitetur, & sacro-
sanctum missæ sacrificium celebretur. Hinc est,
quod

quod nos pijs, enixisque precibus Charissimi in Christo filij nostri Caroli Hispaniarum Regis Catholici, & charissimæ in Christo filia nostræ Mariannæ Regina viduæ, eius genitricis, ac venerabilium fratrum Archiepiscoporum, & Episcoporum, Cleri, vniuersitatum, Collegiorum, & populorum tam Hispaniarum, quàm Regni Peruanii nobis super hoc humiliter porrectis, paterna benignitate annuentes, de memoratorum Cardinalium vnanimi consilio pariter, & assensu, auctoritate Apostolica, tenore præsentium indulgemus, vt idem seruus Dei Thuribius olim Archiepiscopus Limanus, in posterum Beati nomine nuncupetur, eiusque corpus, & reliquæ venerationi fidelium (non tamen in processionibus circumferenda) exponantur, imagines quoque radijs seu splendoribus exornentur, atque de eo sub ritu semiduplici in omnibus Ecclesijs tam sæcularium, quam regularium vtriusque sexus recitetur officium, & Missa celebretur de Confessore Pontifice singulis annis iuxta rubricas Breuiarij, & Missalis Romani die 27. Aprilis, qua ipsius seruus Dei corpus translaturum, & in Metropolitana Ecclesia Limana repositum fuit, cum spiritum Creatori reddiderit die 23. Martij, quæ ferijs Quagragesimæ, vel festis Paschalibus impedita esse solet. Hæc autem videlicet recitationem officij & Missæ celebrationem fieri concedimus, in locis dumtaxat infra scriptis, nempe in Ciuitate, & Dioecesi Limana, vbi obiit, in Ciuitate Maioricæ,

te, in qua natus est, & in Collegio Ouetensi nuncupato, vniuersitatis studij generalis Salamanticens. in quo humanis, diuinisque litteris imbutus fuit, & quantum ad Missas attinet, etiam à Sacerdotibus confluentibus. Præterea primo dumtaxat anno à datis hisce litteris, & quoad Indias, à die quo eadem litteræ illuc peruenerint, inchoando, in Ecclesijs Ciuitatum, & Diocesis, ac Collegij præfactorum respectiue solemnitàs Beatificationis eiusdem serui Dei cum officio, & Missa sub ritu dublici maiori die ab ordinarijs locorum respectiue constituta, & intra sex menses promulganda, postquam tamèn eadem solemnitàs in Basilica Principis Apostolorum de urbe celebrata fuerint, pariter celebrandi facimus potestatem. Non obstantibus &c.

CAP. V. T. LVIII.

Thuribij Alfonsi Alogruenji Beatificatio
solemnitas

VT Apostolicum Diploma superius descriptum solemnem promulgationem, & publicam executionem consequeretur, Innocentius Pontifex commisit ipsis Eminentissimis Iudicibus & ministris Congregationis Sacrorum Rituum, indicto rei peragenda die secundo mensis Iulij, qui cæteroqui sollemnis est Deiparæ Virgini Mariæ properanti in montana, ad visitandum Elizabeth.

Cu-

Cuius mysterij exemplum in perpetuis suis, laboriosissimis, ac discriminosis montanorum Indorum visitationibus Thuribius sibi proponere consuevit, qui dies hoc anno incidit in Dominicam sextam post Pentecosten.

Itaque vt tanta festiuitas condigno splendore, & apparatus magnificentia, pro sacrorum rituum Ecclesiæ Romanæ graui consuetudine coheretur, Franciscus Valedolidius Limanus, Ecclesiæ Metropolitanæ Limensis, Canonicus, Ecclesiastica dignitate Scholaris, ac totius causæ Apotheosis Archiepiscopi, pro eadem Ecclesia in Romana Curia sollicitus, solers, & indefessus Procurator, de Pontificis voluntate, ac DD. Cardinalium promptitudine monitus, ita lætus, & alacer pro concessi temporis breuitate cuncta disposuit, vt, seu ad admirationem magnificentiæ, siue ad pietatem commouendis affectibus opportunum nihil ultra desiderari posset.

Locus actioni destinatus erat immanis illa domus domini, templum Sancti Petri in Vaticano, quam, vt mole pariter, & opere, famigerato Salomonis templo æquiparare docti non dubitant; ita id superat sanctitate, quantum plena exhibitio mysterij, obscuris eius lineamentis præstat. Eius amplitudo per omnem dimensionem tanta est, vt intuentium oculis illudere videatur, dum singularum partium vastitatem ita extenuat, vt immanes Colossi, in ea collocati, vel desuper impositi, non
nisi

nisi iustam ferè hominis magnitudinem ita oculis reddat, vt vlli non experto persuaderi non possit.

Populum Romanum omnis ordinis, ætatis, & sexus, variarumque terrarum orbis nationum infinitam frequentiam per diuersas vias, qua peditem, qua curribus concurrentem colligebat primum area amplissima, seu atrium subdiale templi oualis formæ peristilio ab utroque latere septum, quod quatuor ingentium columnarum ordines tribus fornicibus concamerati sustentant, plurimis Sanctorum statuis per gyrum superius coronatum: interius autem in tres parallelarum viarum cursus distinctum, per quas pedester præsertim populus, absque solis, aut pluuiæ molestijs, ad interiora Basilicæ peruenire potest: sed media excipendis etiam curribus apta est. In medio atrij conspicitur vetus Aegypti spoliū, celebris ille obeliscus à Sixto V. Pontifice erectus, qui etiam crucem, humane redemptionis aram, in summo pyramidis positam piè venerantibus indulgentiam in secula permanentem concessit. Ad Obelisei latera cernuntur duo magnæ molis marmorei fontes, qui copiosissimam aquam placido murmure niuearum flammularum specie in aëra proijciunt, quæ in subiacentibus amplissimis conchis excepta vsui communi prostat.

At populus in templum ad sacram actionem per hanc aream properans, priusquàm interius Basilicæ vestibulum ingrederetur, in principe eius porta exteriori intuebatur appensam B.

Præfulis *Thuribij* efficiem; caput solaribus rabijs, adeptæ cœlestis gloriæ indicibus redimitum, in ovali tabula metallicis coloribus depictam, quam Sanctissimi *P. Innocentij XI. Pont. & Catholici Regis* insignia varijs coloribus depicta paulò inferiùs hinc atque inde stipabant: omnes tres tabulæ sericis fascibus ad symetriad pendentibus festiujs ornatae. In lateralium autem portarum, dextra, *Limenfis Metropolitanæ Ecclesiæ Capituli*; in sinistra, eiusdem *Ciuitatis Senatus* insignia pendebant ad portarum proportionem paulò minora, simili ornatu ingredientium aspectui in alto exposita. Hinc per interius vestibulum in templum ingressi cernebant altissimos mediæ naui *Basilicæ* parietes à sublimi fornice vsque ad pavementum holosericis auleis rubri coloris, (quæ vulgus *Damasceni cremisini* vocat) ad maiestatem ornatos; quibus addebant splendorem largi textilis auri fulgentes limbi, qui iustis interuallis à summo ad inuam porrecti purpureum bombycinæ telæ colorem, ad intuentium admirationem, & hilaritatem interstinguiebant. Laterales transversasque templi naues quamplures aræ, & sacella pro templi proportionē, grandi marmorum, nobiliorumque lapidum structura, in qua materiam superabat opus, & pictarum tabularum, cæteroque apparatu splendide collustrarunt; in quorum singuli præter pendentium lampadum frequentiam, sex magni ponderis crassi, longique, & candidi, cerei proceris auri-

auricalchi candelabris impositi, toto solemnitatis tempore ardentes, toties multiplicati videbantur, quoties ipsi politi lapides, tanquam tot specula refractas luminum species circumspicientium oculis obijciebant.

At verò per mediam Basilicam accedentium oculos præ cæteris in se rapiebant immanes duæ novæ machinæ quæ augustam veteris Romæ maiestatem, si in tanto opere non superant, sed profecto adæquant; eo admirabilius, quo religiosius, & sanctius. Altera est altare confessionis, seu recentioris sepulchri Principis Apostolorum Petri, & Pauli Doctoris gentium, sub summi tholi apice in medio constitutum. Quod cum Paulus V. Pont. varij coloris nobilissimis lapidibus a fundamentis exornasset, Urbanus VIII. miri opificij magnificentissimo tabernaculo in altum extulit, erectis ad aræ angulos quatuor ingentibus columnis soliditer cochleari circuito fasis, in quo ab imo ad summum serpentium oliæ ramorum, variarumque figurarum grauis æthereus color cum auri læto fulgore ad pulchritudinem, & maiestatem concertat. Imposuit præterea ex eodem metallo stupendè facilius, quàm percipiendè molis, artis, & altitudinis coronatum conopeum, quod quatuor illæ columnæ per quatuor angulos supportant.

Altera machina in abside maxima seu interiore fronte Basilicæ, priori è regione, recta linea longitudinis opposita, est altare Cathedræ S. Petri, Ale-

xandri VII. pietatis, & magnificentiæ monimen-
tum; in quo nunquam satis admirando opere; ara
ipsa e' vario politoque marmore magnæ molis &
fundamentis erecta est, ac desuper in alto colloca-
ta Cathedra Principis Apostolorum, quam duo lati-
ni, duoque Græci Ecclesiæ Doctores, totidem ita-
tuis immensæ magnitudinis representati, extensis
palmis sustentant: supra Cathedram aperta est orbic-
ulata fenestra, in cuius crystallo spiritus S. Symbo-
lum columba depicta est, passialis superuolans, è
cuius circulari superficie prædeant ardentes radij so-
lares per operis reliqui interstitia longè latèque pro-
iecti, omnia ex ære fusa, & obscuro auro dense oblinita

Ad hanc igitur aram sacra illa actione hodiernæ
solemnitatis iuxta ratione perfungendum fuit; vt,
scilicet, inuocato Spiritus Sancti presidio, æternæ
Thuribij gloriæ decretum, Summi Pontificis aucto-
ritate, Christi fidelibus innotesceret.

Hac autoritate, hac intentione, & ad splendoris
ac pietatis additamentum in superiori fronte altaris
sub Cathedra Principis Apostolorum collocata fuit
amplissima tabula, quæ B. Antistitis Thuribij Peru-
iæ Barbaros docentis, & baptizantis effigiem, &
aliquot eius miracula pictis coloribus representa-
bat, caput, vt antè dicebam, radijs redimitum;
sed pretioso velo oblecta, vsque ad tempus per sa-
crorum rituum præscripta definitum, quo adoran-
da fidelibus degeretur. In arcu plano circa ma-
gnam crucem solidi auri disposita erant eiusdem

nobilissimi metalli magni ponderis, & artificij candelabra sex, totidem crassis, altisque cereis illustriora, quibus in altero altari sub tholo idem candelarum numerus in argenteis candelabris correspondebat, & in medio aëre inter Cantorum choros & summo fornice pendebat lychnium pluribus eiusdem materij prætijsque candelis onustum, quæ mox accensæ tot candicantium stellarum globum procul aspicientibus præferebant.

In vaste absidis pavimento ante aram, trilineari figura constructa sedilia & subsellia, quorum quæ dexteris occuparunt, aliqua pro purpuratis Patribus elatiora, sumptuosius tapetibus Artalici operis instornebantur, alia humiliora pro Prælatis, & Consultoribus S. Congregationis. In sinistra parte pariter ornata sedes, & scamna iuxta ordinum gradus excipiebant Cardinalem Sacre Basilicæ Archiepresbiterum, Canonicos, reliquumque eiusdem Basilicæ Clerum. Hoc theatrum sedilium exterius cincebant Helveti satellites, aulæ Pontificiæ prætoriani, discolor quisque, sed omnes consimili veste conspicui, gladiati illi, promissis barbis, & militari capillorum neglectu, peregrina voce, & aspectu, erectisque bipennibus formidabiles; ut non alios intra circulum, quàm destinatos sessorēs, aut sacre rei actores admitterent, aduenientesque à turbæ pressura liberarent. Paulo inferius extra theatrum Musicorum choris erecta fuerunt quatuor tabulata adstantium capitibus eminentia, inauratis

cancellis, altè circumscripta, pendentibus undeque eius telæ, coloris, & ornamenti auleis, quibus templi parietes ornatos fuisse diximus.

Hora iam erat destinata: diei manè, qua sacra solemnitas inchoanda fuit, cùm in loco actionis confiderent Eminentissimi Cardinales, violaceo colore trabeati, & post ipsos reliqui S. C. assessores, quando interius templum organicis tubis, & cœlum exterius ære campano festiuè personarent, dum prælato salutiferæ crucis insigni, & elatis luminibus è summo Basilicæ sacrario venerabili pompa binis, binisque præcedentibus Ecclesiæ copioso Clero, & Canonicis, ritu supplici sequebatur Illustrissimus Dominus Franciscus Maria Phæbeus Archiepiscopus Tarsensis, celeberrimi Xenodochij Romani Sancti Spiritus in Saxia Commendatarius, & S. C. R. à Consultis à Vaticani Capituli Patribus ad Missæ sacrificium cæteramque cæremoniam eo die, & loco summi Pontificis autoritate celebrandum inuitatus. Procebat ipse alba sacerdotali, stola violacea, & pluuiiali Syrmate, auro graui, & Pontificali Infula paratus inter duos Canonicos Diaconali, & Subdiaconali eiusdem coloris, & pretij paramentis indutos, reliquæ Sacræ pompæ haudquaquam imparibus. A Sacrario primùm ad Sacellum Sanctissimi Sacramenti ductus est, vbi adorato Deo corporaliter præsentè, ad aram Apostolorum itum est, ibique pro loci sanctorum oratum. Hinc demùm theatrum illud Cathedræ

S. Pe-

S. Petri ingressus illam profunda inclinatione veneratus, salutatis Cardinalibus, locum suum in baldistorio antè sinistram altaris conscendit, ceterorum suum quisque occupavit in eadem sinistra parte theatri.

Confidentibus ergo cunctis, & vulgi stante non iam rara corona, sed infinita multitudine, quæ, etsi templum totum repleuerat, sed circa theatrum facto agmine, se mutuo arcu premebat, contendente quolibet proximum locum, vnde sacram actionem intueri; & verba ipsa percipere posset: videre tùm erat non tam humanum concessum, quam coelestis throni Dei gloriam, quantum ea terrenis sensibus exhiberi possit: Si enim, qui in inferiori parte templi stabant, totam superiorem tanquam coelum apertum à longè prospiciebant, cum in medio eius aureus fulgor Alexandrinæ molis multitudine luminum, cœu candicantium stellarum argento vermiculatus, per Urbani columnarum intervalla, etsi longe dissita, tanquam vna eademque machina oculos perstringebat. Nec minus arrectas occupabat aures, cordaque sursum eleuabat suauissima Musicorum harmonia, cum coelestium spiritum, laudantium Dominum in sanctis eius; seraphicis affectibus, tùm viua voce, tùm canoris fidibus concertans. Illi verò, qui inter utramque aram theatro viciniùs assistebant, tametsi grauissimi illius concessus velut viginti quatuor seniorum Apocalypsis, qui circumamicti vestimentis albis, fede-

sedebant super thronos vigintiquatuor, aspectu summopere recreati : ardebant attamen vehementi desiderio videndi reuelatum vultum B. Præsulis Thuribij, cœlestis gloriæ signis radiantem .

Rebus ita constitutis, factoque silentio, Bernardinus Casalius, qui quanquam Vaticanæ Basilicę Canonicus, quia tamèn S. R. C. à secretis, inter eiusdē Congregationis Consultores peculiari Pontificis facultate sedebat, e medio surgens, præcedente vno ex Magistis cæremoniarum venerabilis Capituli S. Petri, coràm Eminentissimo S. C. in hac actione Præfecto se reuerenter stitit, dùm ex altera parte, & loco, quo iuxta Canonicos sedebat Ioannes Franciscus de Valedolid Thuribij Beatificationis, & Canonizationis Procurator, ab altero cæremoniarum Magistro ad eundem Eminentissimum Præfectum perductus, Apostolicum Beatificationis Thuribij diploma eidem Præfecto porrexit, pro more, & iustitia instantissimè postulans, vt eius oracula, è Christi in terris Vicarij pectore deprompta, executioni mandari iuberet. Tunc Præfectus postulatis benignè annuens, Diploma Casalio tradidit, Eminentissimo Cardinali Francisco Barberino deferendum (qui pro Cardinale Carolo Barberino Nepote suo, & Basilicę Vaticanę Archipresbitero, in legatione Pontificia apud Vrbinates absente, sacrę huic solemnitati assisitebat) vt id præconis organo promulgari curaret. Barberinus ergo rem sibi commissam lubens suscepit, ac diplo-

diploma Pontificis tradidit substituto Cartophylacis S. Basilicę, qui mōx vnā cū Tabellario Sacre Congregationis ymbonem ad id preparatum conscendit, eodemque Tabellario assistente diploma ipsum alta, & intelligili voce perlegit, ac rei solemniter peractę testimonium cum eodem Tabellario per publicas tabulas statim exhibuit.

Hoc ritu lecto diplomate Phębeius Archiepiscopus dempta mitra sese in pedes erexit, & aram prius reueritus, diuinę laudis hymnum. *Te Deum Laudamus*, leni cantu Musicis intonuit, quem dum illi suauissimo concentu prosequerentur, extraque B. Thuri bij Imago amotis velis pulicę fidelis populi venerationi exposita fuit. Nec cessarunt quatuor illi chori, tanquam quatuor animalia celestia in circuitu sedis, & requiem non habebant, dicentes, Sanctus, Sanctus, Sanctus Dominus Deus omnipotens, qui erat, & qui est, & venturus est. Cū interea vt seniores illi, quos in circuitu throni vidit S. Ioannes, procidentes ante sedentem in throno, & adorantes viuentem in secula seculorum, & mittentes coronas suas ante thronum; sic Eminentissimi illi Ecclesię Patres cęterusque Clerus, & populus flexis ad terram poplitibus, ac depositis capitum ornamentis, in seruo suo Thuri bij deuotę simul adorabant Deum, qui tantam illi in terris virtutem, & in cęlis gloriam tantam conferre dignatus est. Huic internę solemnitati etiam extra templum adiuncta sunt festiuus cam-

panarum strepitus, tubarum clangor, tympanorum
sonitus, & igniuorantium machinarum letissimas
bombas, reboantibus aëre, flauio, & urbis, agri-
que montibus, non sine magna Christianorum
cordium pia commotione, & spiritali letitia, ut
cum S. Ioanne diceret, procedere de medio throni
fulgura, voces, & tonitrua.

Absoluto sacro hymno, & pronunciato illo in-
uocationis versu: *Ora pro nobis Beate Thuribij*. Ve-
digne efficiamur promissionibus Christi. Archiepis-
copus celebrans medius inter humilissimos stans ceci-
nit propriam inuocationis B. Thuribij Episcopi, &
Confessoris orationem, & incenso candentibus
carbonibus imposito, se medio altari cum iisdem
ministris stitens, sacram Imaginem incensauit:
cuius odoramenti fumigantes virgule, per aëra
sursum delata, precum nostrarum feruidos affec-
tus in Deum, per sanctorum merita volantes re-
presentare docuit Regius Palmista, cum diceret:
Dirigatur Domine oratio mea sicut incensum in
conspectu tuo. Tunc celebrans Archiepiscopus ad
sedem suam reuersos, Pontificalibus indumentis
ornatus est, & ad aram accedens Missa officium in-
cepit, & incruentum sacrificium offerens vsque ad
finem pro solemnī Ecclesiae ritu profecutus est, choris
interea per interualla sua, tum viua voce, tum varijs
instrumentis, dulcissima modulatione accinentibus.
Inter ista Valedoluidius, de amplificando B.
Thuribij cultu sollicitus, delectis ministris, distri-

buit

buit primum Eminentissimis Cardinalibus multa exemplaria. Pontificij Diplomatis, cameralibus typis excusa, totidemque Beati Thuribij effigies, rasi serici velis, ex inciso xre expressas, & aureis fibrijs ditissime ornatas: alias vero minoris ornamentij Prælati, alijsque Consultoribus S. C. & Basilicæ Vaticanæ Canonici; alias etiam, sed pro graduum distantia inferioris materiæ, & ornatus reliquo Clero: præter multa millia Iconum eiusdem B. Præsulis magnarum, paruarum, mediarum eisdem æneis laminis albæ chartæ, diuersis formis impressarum, quæ eo toto die in promiscuum populum perpetuo confluentem dispensata fuerunt; & subsequenter diebus vel ad amicorum domos missæ, vel obuijs quibusque honestis viris, vel petentibus datæ sunt, non maiori contentione petitæ, quam spiritali voluptate, & animi deuotione acceptæ, qua infixis osculis venerationis, qua effusis lachrymis pietatis, qua elatis laudum clamoribus.

Quicquid B. viri sanctitatis insignia priuatis oratorijs inferebant, qui domorum parietibus foribusque ad præsidium, & cultum affigebant. Alij, ut nullius nationis homines in hac vrbe non essent, sic ne quæ usquam gens ignoraret, quod Roma didicisset, eorum quisque, seu aduena, seu indigena, patriam suam, & absentes amicos his sacris muneribus per veredarios missis, nouæ Beatificationis lætitia afficere, ac Thuribij Sanctimonie

exemplis edificare studebat. Ut verum semper perduret quod S. Leo quondam pro concione pronuntiavit. Omnium Sanctorum solemnitarum totus mundus est participes, & vnus fidei pietas exigit, vt quidquid pro salute vniuersorum gestum recolitur, communibus vbique gaudijs celebretur. Audire tum vndequaque fuit vniuersalem omnium applausum, & acclamationem: qui Sacrae Basilicae apparatus maiestatem, & Ecclesiasticorum rituum splendorem verbis extollebant: qui sacris operantium grauem dexteritatem: qui canentium voces, & modulaminum flexus: qui tibiarum contentus, & suauissimos fidium sonos callaudabant. Sed sublimioribus rebus magis intenti B. Thurbij virtutes & miracula praedicabant, terque quaterque Beatum acclamantes; vt qui perpetua iuuentis innocentia per omnem aetatem; fortunamque intacta, terrenarum rerum contemptu, coelestium contemplatione, omniumque virtutum studio tantum in terris honorem, & in coelis gloriam promeruit: qui pastoralibus curis, & ingenti labore non iam Ecclesiae remotissimae gentis Peruaniae tanta solertia, & felicitate fouit, & auxit: qui Indorum animas doctrinae sanctitate, & sapientia Sacrorumque Canonum obseruantia verbo pariter & opere erudiuit. Neque corpora minus perpetuis amplissimisque largitionibus paup, multisque miraculis in fide Christi, & Christianis moribus viuens promouit, & mortuus corroborauit. Alij ipsam

ipsam Indorum Nationem faustam, fortunatamque dicebant, tales Patres talesque filios adeptam, quorum plures nunc Coelis insertos Ecclesia Catholica censura decreuit, plurimumque sanctimoniam rite discutit, plurimorumque successiue discutiendam, decernendamque expectat. Alij Hispanicae gentis felicitatem, fidemque depradicabant, cui Deo disponente, contigit, vt innumeros populos orbi nostro prius incognitos, idololatiae tenebris, & umbra mortis inuolutos detegere primum, & in certissime fidei lumen, ac coelestis Regni hereditatem in fine seculorum conducere datum est. Quo facto non magis Europam gemmis, & auro, quam Empireum Coelum noui, veterisque orbis, Sanctorum sideribus omnipotens continenter ditat. Dimisso sub meridiem sacro confessu, venit ad templum cum illustri comitatu, virili sapientia, & pietate femina, Christina Regina Sueriae; ac post cultum Christo imprimis, ac Sanctis eius Apostolis debitum, B. Thuribium Catholico ritu, animoque deprecata est. Illam successiuis horis secuti sunt primum Gaspar de Haro, & Gufman Marchio Helicensis, multisque alijs titulis illustris, Catholicae Maiestatis apud Summum Pontificem Orator, pluribus Regis magnificentiae seculibus thedis vectus & comitatus, in quibus multi Praelati, aliique viri nobiles oneri, & honori fuerunt: Et aliquot post ipsam horis Franciscus Arimal Destreus Dux & Par Franciae, Christianissimi Regis in Vrbe par-

ter

ter Orator, non impari apparatu, comitatuque spectabilis: Atque interea Romani Principes, & Proceres multi: Nec fluxus, refluxusque multitudinis, nisi occiduo sole cohiberi potuit.

At Innocentij XI. Pontificis pietas illustrem comitum huic festo imposuit; ut cui non satis visum est, spiritualium gratiarum thesaurum pro multorum salute, ad inuitandos omnes aperuisse, promulgato lucro indulgentiæ plenariæ, omnibus Christi fidelibus acquirendo, qui ritè dispositi, vel Sacræ ceremoniæ Beatificationis interessent, vel templum Vaticanum quacumque reliqua illius diei hora inuiserent, ac Deum, & Beatum seruum eius Thuribium pro exaltatione S. M. Ecclesiæ, pro extirpatione, hæresum, ac pro Christianorum Principum pace, Regnorumque tranquillitate, feruenter inuocarent: nisi etiam cunctos propriæ pietatis exemplo fortius concitando, ipse idem faceret. Descendit ergo vespertinum solito comitatu è Palatio Vaticano ad Basilicam S. Petri: Intra cuius interiorum portam à Capituli Patribus reuerenter exceptus, Sanctissimum Sacramentum in eius Sacello adorauit. Hinc Sacra Apostolorum Petri, & Pauli limina deuotè veneratus, ad Cathedræ Petri aram progressus, eandem ipsam, ac B. Thuribij imaginem in ara erectam, flexis ybique genibus, reueritus est, & Apostolorum Principem, Apostolicumque Præsulem Thuribium suis precibus, pro proprijs, communibusque Ecclesiæ necessitatibus inuo-

inuocauit, Et sicut accedens, ac per templum incedens, sic ad Palatium rediens, obuium vbique populum suo exhilarauit aspectu, & multis benedictionibus impertiuit.

Nec multò post, eandem solemnitatem nouo fauore persecutus est; Cùm ad Caroli II. Catholici Regis, & Marianne, eius genetricis, Sacrorumque Hispaniæ, & Indiarum Antistitum preces, similia Thuribij Beatificationis solemnia multò pluribus, quàm prius, Ecclesijs, sub ritu duplici maiori, cum Indulgentiæ plenariæ lucro, celebrandi facultatem concessit. Apostolicis litteris eodem anno 1679. die 27. Septembris datis, quæ incipiunt: Cum nos per nostras die 28. Iunij.

F I N I S.



...the ... of ...

1. The first part of the book is a historical survey of the development of the theory of the firm. It starts with the classical economists, who saw the firm as a profit-maximizing entity, and moves on to the neoclassical economists, who introduced the concept of the firm as a production function. The book then discusses the modern theory of the firm, which is based on the idea of the firm as a collection of individuals with different interests and goals.

2-7-341



2

2-2-341

2.7.341

005647710

27-347

